

Naqqiut

Siunnersuut 21. februar 2024-meersoq taarserpaa

(Inatsisilioriaatsini naqqiinerit, kiisalu siunnersuummi § 9-mi takornariat aatsitassanut tunngasunik ingerlataqartarnerat pillugu aalajangersakkat aamma siunnersuummi § 11-mi ilitsersuisoqarluni angalaarnermut atatillugu ingerlatassat pillugit aalajangersakkat, ilanngunneqarput)

Siunnersummut nassuiaatit

Nassuiaatit nalinginnaasut

1. Aallaqqasiut

Siunnersuut aatsitassanut suliassaqarfip nutarterneqarneranik ineriartortinnejarnanillu, Naalakkersuisut 2023-mi Inatsisartut upernaakkut ataatsimiinnerisa nalaanni aallartitaannik, ingerlatitseqqiineruvoq.

Aatsitassanut tunngasunik suliaqarneq pillugu Inatsisartut inatsisaat (UKA2023/49) aammalu aatsitassat pillugit ingerlatallu tamatumunnga pingaarutillit pillugit Inatsisartut inatsisaanni (aatsitassanut ikummatisanullu inatsit) sunniuteqartitsilluni allanngortitsineq (UKA2023/50) 2023-mi Inatsisartut upernaakkut ataatsimiinneranni saqqummiunneqarput. Siunnersuutit malitsigisaannik aatsitassanut tunngasunik suliaqarnermut nalinginnaasumut (annertuunut) suliassaqarfik aatsitassanut ikummatisanullu inatsimmiit nammineq inatsimmut immikkoortinnejarpooq.

Siunnersummi aatsitassanut ikummatisanullu inatsimmit ingerlatassat allat makku taakkununnga inatsimmut immikkoortumut avissaartinnejarpoo:

1. Inuit ataasiakkaat akuersissummik peqaratik aatsitassanik katersisarnerat piiaasarnerallu.
2. Annikitsumik aatsitassarsiornermut suliassaqarfik.
3. Kalaallit Nunaanni illuliortiternermut suliassami imaluunniit sanaartornermi suliassami illuliornermut atortussatut imaluunniit sanaartornermut atortussatut atugassanik ujaraaqwanik, ujaqqanik assigisaannilluunniit aatsitassanik piiaaneq.

Siunnersuutip ingiaqatigisaanik aatsitassanut ikummatisanullu inatsisip sunniuteqartitsilluni allanngortinnejarnissaanut siunnersuut saqqummiunneqarpoq.

Namminersorlutik Oqartussat aatsitassanut suliassaqarfik tigusinnaagaat, taamaalillutillu Namminersorlutik Oqartussat aatsitassanut suliassaqarfip iluani inatsisiliortunngorsinnaasut ingerlatsisunngorsinnaasullu, Kalaallit Nunaanni Namminersorneq pillugu inatsimmi aalajangersarneqarpoq. Aatsitassanut suliassaqarfik Kalaallit Nunaanni Namminersorneq pillugu inatsimmut ilanngussami allattuiffik II-imi allassimavoq. Kalaallit Nunaanni Namminersorneq pillugu inatsimmi § 3, imm. 2-mi aalajangersagaq malillugu suliassaqarfitt

ilanngussami allattuiffik II-imi allassimasut, naalagaaffimmi oqartussanut isumaqatiginninniareernermeri, piffissani Namminersorlutik Oqartussanit aalajangersarneqartuni Namminersorlutik Oqartussanut tunniunneqartussaapput.

Namminersorlutik Oqartussat aatsitassanut suliassaqarfik ulloq 1. januar 2010 akisussaaffigilerlugu tiguaat. Aatsitassanut suliassaqarfiup ulloq 1. januar 2010 Namminersorlutik Oqartussanit akisussaaffigilerlugu tiguneqarneranut peqatigitillugu aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-imeersoq (aatsitassanut ikummatissanullu inatsit) atuutilerpoq. Kalaallit Nunaanni aatsitassanik naapertuuttumik piiaanissap aammalu nunap iluaneersunik aammalu ingerlatanik tamatumunnga attuumassuteqartunik atuinissap qulakkeernissaa siunertaralugu, aatsitassanut ikummatissanullu inatsit akuerineqarpoq. Aatsitassanut ikummatissanullu inatsisip 2010-imi atuutilernera kingorna, aatsitassanut suliassaqarfiup, aatsitassarsiornermi suliffissuaqarnerup aammalu inuiaqatigiit kalaallit ineriartornerat ilutigalugu inatsit nutaterniarlugu naleqqussarniarlugulu, arlaleriarluni allangortinneqartarpoq.

Aatsitassarsiornermut suliassaqarfik, aatsitassanut suliassaqarfimmut ilaasoq, Kalaallit Nunaannut inuiaqatigiinnullu kalaallinut annertuumik pingaaruteqarpoq. Naalakkersuisut aatsitassanut suliassaqarfiup, ilanngullugu aatsitassarsiornermut suliassaqarfik, ineriartortinneqarnerata ingerlaannarnissaa kissaatigaat, taamaalilluni suliassaqarfik Kalaallit Nunaanni suli annertunerusumik annertuumik ingerlataqarfiulissalluni aammalu annertuumik suliffissuaqarfiulissalluni. Aatsitassarsiornermut suliassaqarfiup ineriartortinneqarnerata ingerlaannarnera, aatsitassarsiornermut suliassaqarfiup iluani suliffissanik aammalu suliffeqarfiit suliassaannik annertunerusunik pilersitsinissamut iluaqutaassaaq, aamma aatsitassarsiornermut suliassaqarfik nunap karsianut annertunerusumik isertitaqartitsissalluni aammalu inuiaqatigiinnut kalaallinut iluaqutaasumik aningaasaqarnikkut ineriartornermut iluaqutaassalluni.

2. Siunnersummi immikkoortut pingaarcerit

2.1. Siunertaq

Siunnersuut maannamut suliassaqarfiup "annikitsumik aatsitassarsiornermik" taaneqartartup, siunissami najukkami inisisimalluni aatsitassarsiornermi suliffissuaqarnerertut ineriartorsinnaanissaa neriuutigalugu, attatiinnarnissaanut ineriartorteqqinnissaanullu Naalakkersuisut periusissiaanni ilaavoq. Tamatuma saniatigut suliassaqarfiup innuttaasut piviusumik isertitaqarnissamut periarfissaanissaata qulakkeernissaa pillugu Naalakkersuisut periusissiaanni ilaavoq. Naalakkersuisut naliliipput, aatsitassanut suliassaqarfiup ineriartorteqqissinnaanissaanut atugassarititaasunut killissaliussat pitsasuunissaat ersarissuunissaallu pingaaruteqartoq.

Innuttaasut ileqquusumik aatsitassanik piiaanermut aammalu tuniniarneqartussanik piiaanermut tunngatillugu, nammineq pinngortitami pisuussutiminnik piiaanissamut pisinnaatitaaffeqarnissaat aamma siunnersummi qulakkeerneqassaaq. Aamma suliassanik

annikinnerusumik angissusilinnik aatsitassarsiorfissanngorlugit ineriartortitsinissamut najukkani periarfissat siunnersummi pisariinnerulersinneqarput.

Tamatuma saniatigut siunnersummut siunertaavoq, ilaatigut nutartikkamik paasiuminarnerusumillu, ersarissumik, naapertuuttumik atoruminartumillu maleruagassiinissaq. Nutarterineq ilaatigut aatsitassanut ikummatisanullu inatsisip ulloq 1. januar 2010 atuutilerneraniilli suleriaatsit misilitakkallu aammalu annikitsumik aatsitassarsiornermut suliassaqarfimmi aammalu aatsitassarsiornermi suliffissuaqarnermi ineriartorneq tunngavigalugit pissaaq.

Siunnersummi siunertaavoq annikinnerusumik annertussusilimmik naapertuuttumik sunniuteqarluartumillu aatsitassarsiorluni misissuinissamut aatsitassanillu piaanissamut aamma Kalaallit Nunaanni illuliornermut suliassami imaluunniit attaveqaasersuutinut suliassami illuliornermut atortussatut imaluunniit sanaartornermut atortussatut atugassaniik aatsitassanik piaanermut tapersiinissaq. Tassunga ilangngutissaq aatsitassat pillugit ujarassiorluni takornariartitsinernik ingerlataqarnernik suliaqarnermut aamma tamatumunnga akuersissummit peqarani aatsitassanik katersinermut piaanermullu tapersiinissaq.

Siunnersuut sinaakkutissatut inatsisaassaaq, suliassaqarfip aqunneqarneranut tunngaviusunik pingarnerpaanik aalajangersaaviusoq. Sinaakkutissap taassuma iluani Naalakkersuisut aalajangersakkanik atugassarititaasunillu erseqinnerusunik aalajangersaanissamut piginnaatinneqarput. Naalakkersuisut ilaatigut nalunaarutini, akuersissutinut ilusiliiani piginnaatitsisummit pigisaqartunut imaluunniit akuersissuteqarnerni piginnaatitaasumut nalunaarutigineqartuni aalajangersakkanik aalajangersaasinnaapput. Aatsitassanut ikummatisanullu inatsit aatsitassanut suliassaqarfimmi maleruagassiinermut taamaaqataanik sinaakkutissatut inatsisitut atorneqarpoq.

Ingerlatassat pineqartunut ilaatinneqartut isumannaallisaanermut, peqqissutsimut, avatangiisinut isumalluutinillu atuinermut aamma inuiaqtigiinni piujuannartitsisumik sunniuteqartitsinissamut tunngatillugu isumannaatsumik aammalu naapertuuttumik aamma pissutsini taamaaqataanni nunani tamalaani suleriaatsinut pitsaasunut akuerisaasunut naapertuuttumik suliarineqartarnissaat siunnersummi qulakkeerneqassaaq.

Isumannaatsumik isumalluutinik atuineq ilaatigut paasineqassaaq tassaasoq, ingerlatassat pisariaqanngitsumik isumalluutinik maangaannartitsinani aammalu qanittumi ungasinnerusumilu inuiaqtigiit soqutigisaat eqqarsaatigalugit pissasoq. Tassani ilaatigut ilaatinneqarput aatsitassanik ilaalu ilanngullugit annikitsumik aatsitassarsiorluni piaanerup ingerlanneqarnerani inuiaqtigiit soqutigisaat, ingerlatassanik pilersitsisarneq aammalu aalajangersimasumik najugaqartut allallu suleqatigisat ingerlatassanik siunnersummi pineqartunut ilaasunik suliaqartut misilittagaqalernissaat piginnaasaqalernissaallu.

Inuaqatigiinni piujuannartitsisumik sunniuteqartitsinissaq pillugu piumasaqaatip atuunnerani, akuersissummik imaluunniit atortussanut akuersissuteqarnermik tunniussisoqarsinnaanersoq tunniussisoqartariaqarnersorlu aalajangiisoqartussangornerani, ilaatigut ingerlatassat atituumik isigalugu inuaqatigiinni piujuannartitsisumik sunniuteqartinneqarnissaat eqqarsaatigineqartassaaq. Assersuutigalugu suliffissaqartitsinikkut, inooqatigiinnikkut aaqqissugaanikkullu sunniutaasussat, ingerlatassat inuaqatigiinnut aammalu inuaqatigiinnut aningaasaqarnermullu tunngasunut sunniutigisinnaasai, aammalu iliuusissat pissutsillu pitsaasumik sunniuteqartitsinissamut aammalu annertuunik sunniinerlunnissat pakkersimaarnissaannut ingerlanneqarsinnaasussat ingerlanneqartariaqartullu, nalilersorneqartariaqarput.

Ingerlatassat siunnersummi pineqartunut ilaasut pilersaarusrusiorneqarneranni aqunneqarnerannilu, ingerlatassat nunamut namminermi najukkanilu inuaqatigiinnut sunniutigisinnaasaannik nalilersuinerit aamma aallaavagineqarnissaasa qulakkeernissaanut, siunnersummi inuaqatigiinni piujuannartitsisumik sunniuteqartitsisarneq pillugu maleruagassat qulakkeerinneqataassapput.

2.2. Inatsisit nalinginnaasut

Matuma kinguliani siunnersummi qulequttanut pingaarnernut pingasunut inatsisitigut inissisimaneq naatsunngorlugu issuarneqarpoq:

1. Inuit ataasiakkaat akuersissummik peqaratik aatsitassanik katersisarnerat piaasarnerallu.
2. Annikitsumik aatsitassarsiornermut suliassaqarfik.
3. Kalaallit Nunaanni illuliortiternermut suliassami imaluunniit sanaartornermi suliassami illuliornermut atortussatut imaluunniit sanaartornermut atortussatut atugassanik ujaraaqqanik, ujaqqanik assigisaannilluunniit aatsitassanik piaaneq.

Inuit ataasiakkaat akuersissummik peqaratik aatsitassanik katersisarnerat piaasarnerallu pillugu

Inuit aalajangersimasumik najugaqartut aamma aalajangersimasumik najugaqartuunngitsut, taakkualu sioqqutsumik akuersissummik peqaqqaratik aatsitassanik katersisinnaanerat piaasinnaanerallu, aatsitassanut ikummatissanullu inatsimmi immikkoortinneqarput.

Aatsitassanut ikummatissanullu inatsisip atuunnerani inuit aalajangersimasumik najugaqartuunngitsut nammineerlutik aatsitassanik katersinissaat inerteqquqtigineqarpoq.

Kisianni aalajangersimasumik najugaqartut aalajangersimasumik annertussusilimmik aatsitassanik katersisinnaapput piaasinnaallutilu, taamaattoq sumiiffimmut katersiviusumut tunngatillugu aammalu katarsorneqartut nalinginut (100.000 koruunit killissaliussat) aalajangersimasunik killilersorneqarlutik, taamatullu aalajangersimasumik najugaqartut inuussutissarsiutigalugu aamma inuussutissarsiutiginagu ingerlatassanik taakkuninnga suliaqartarerat immikkoortinneqarpoq.

Innuttaasut aalajangersimasumik najugaqartut aatsitassanik katersinissamut piaanissamullu

periarfissaqarnerat kissaatigineqartuniit sukannernerulersimasoq pisariunerulersimasorlu, aatsitassanut ikummatissanullu inatsimmi misilitakkat takutippaat.

Annikitsumik aatsitassarsiornermut suliassaqarfik pillugu

Aatsitassanut ikummatissanullu inatsit malillugu annikitsumik aatsitassarsiornissamut akuersissut taamaallaat inunnut tunniunneqarsinnaavoq. Akuersissut taamaalilluni inummut pineqartumut tunngassuteqarpoq, aammalu ingerlatseqatigiiffimmi pigisatut ilaatinneqarsinnaananani. Misilitakkat takutippaat tamanna annikitsumik aatsitassarsiornermik suliaqartut aningaasaliisussarsiornissamut periarfissaannik aammalu ingerlatassanut aningaasalersuutissarsinissamut periarfissaannik ajornakusuulersitsisinnaasoq. Taamaalilluni annikitsumik aatsitassarsiornluni suliassat ineriertortinneqarnerat aammalu annikitsumik suliassap annertunerusumik annertussuseqalerluni inerikkiartorsinnaaneranut periarfissaqarneq ajornakusuulersinneqarput.

Aatsitassanut ikummatissanullu inatsimmi annikitsumik aatsitassarsiornermut suliassaqarfimmi akuersissutit suussusai marluk immikkoortinneqarput: Kisermaassisussaatitaalluni imaluunniit kisermaassisussaatitaanani akuersissut. Kisermaassisussaatitaalluni annikitsumik aatsitassarsiornissamut akuersissut sumiiffimmi 1 kvadratkilometerimut tunngassuteqarpoq, kisermaassisussaatitaanani annikitsumik aatsitassarsiornissamut akuersissummi kommunip sumiiffia tamakkerlugu ilaatinneqarluni. Akuersissutip suussusaa apeqqutaalluni pisinnaatitsisummiig pigisaqartoq atortorissaarutinik assigiinngitsunik (sakkut, maskiinat il.il.) atuisinnaavoq. Taamaattoq pisinnaatitsisummiig pigisaqartoq qinnuteqarnermini atortorissaarutinik allanik atuinissamut akuerineqarsinnaavoq. Maleruagassiinerup pisariinnerulersinnissa pisariaqartinneqartoq kiisalu aalajangersimasumik najugaqartut akuersissummiig peqaratik susinnaanersut aammalu aalajangersimasumik najugaqartut ingerlatanik sunik akuersissummiig taakkununngalu ataani akuersissuteqarnermik peqarlutik suliaqarsinnaanersut, killissaanut ersarinnerusumik malittarisassiornissamik qulakkeerinissaq pisariaqartinneqartoq, annikitsumik aatsitassarsiornermut suliassaqarfimmi misilitakkat takutippaat.

Kalaallit Nunaanni illuliortiternermut suliassami imaluunniit sanaartornermi suliassami illuliorternermut atortussatut imaluunniit sanaartornermut atortussatut atugassanik ujaraaqqanik, ujaqqanik assigisaannilluunniit aatsitassanik piiaaneq pillugu

Aatsitassanut ikummatissanullu inatsit malillugu sioqqanik, ujaraaqqanik il.il. nunarput tamakkerlugu suliassani illuliorternermut sanaartornermullu atortussatut atorneqartussanut piiaanissamut ingerlatassanut Naalakkersuisut oqartussaapput. Tassa imaappoq, aatsitassat akuersissuteqarneq taamaattoq malillugu piiarneqartut nunatsinniit avammut anninnejarsinnaanngitsut, kisianni taamaallaat Kalaallit Nunaanni atorneqarsinnaasut. Atortussanik taakkuninnga piiaanissamut akuersissuteqarneq, annertunerusumik annertussusilinnik piiaanissamut suliassanit allanit, sukanninnginnerusumik atugassaritaasunik tunngavilimmik tunniunneqartussaapput. Siunertaavoq nunarput tamakkerlugu illuliorternermut sanaartornermullu atortussanik, aningaasaqarnikkut

siuariartornerup ingerlaannarnissaa qulakkeerniarlugu aalajangiisuulluinnartumik ilaasutut nalilerneqartunik, ajornannginnerusumik pissarsisinnaanerup qulakkeernissaa.

2.3. Siunnersuutip imarisai

Siunnersuummi inuit ataasiakkaat aatsitassanik katersinissamut piaanissamullu periarfissaqarnerat ammanerulersinneqarpoq pisariinnerulersinneqarlunilu. Siunnersuummi aalajangersimasumik najugaqartut aamma aalajangersimasumik najugaqartuunngitsut akornanni aatsitassanut ikummatissanullu inatsimmi immikkoortitsisarneq ingerlatiinnarneqarpoq, aammalu aalajangersimasumik najugaqartut pisinnaatitaaffii annertuumik annertusitinneqarlutik.

Siunnersuummi "aalajangersimasumik najugaqartunut" nassuaassut ersarissarneqarpoq sukannerulerterinneqarlunilu. Siunnersuut malillugu "aalajangersimasumik najugaqartoq" nassuiarneqarpoq tassaasoq inuk Kalaallit Nunaanni ukiuni siuliini tallimani aalajangersimasumik najugaqarsimasoq tamakkiisumillu akileraartartuuusimasoq.

Siunnersuut malillugu aalajangersimasumik najugaqartut aatsitassanik katersinermanni piaanerminnilu siunissami atortorissaarutinik tigummiaannartakkanik motoorilinnik atuisinnaapput. Taamatuttaaq siunnersuut malillugu aalajangersimasumik najugaqartut taamatut suliaqarneq, sumiiffinni ingerlatseqatigiiffiup aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissummik tunineqarfigisaani, ingerlassinnaavaat. Taamaattoq sumiiffiit piaanissamut akuersissutinik tunniussiviusimasut, aalajangersimasumik najugaqartut katersinissaannut suli mattussiviupput. Tamatumunnga tunngavilersuutigineqarpoq, piaanissamut akuersissutit amerlanertigut suliassaasarmata annertoorujussuarmik ingerlalluarneqalereersimasut, aammalu annertunerusumik isumannaallisaaneq isumagineqartussaq mianerineqartussaasarluni.

Taamaattoq sumiiffiit akuersissummik aatsitassarsiorluni misissuinissamut akuersissummik, siunnersuutip atuutilinnginnerani tunniunneqartumi, pineqartunut ilaasut, aatsitassanut ikummatissanullu inatsimmi maleruagassani pineqartut suli ilaatinneqassapput. Siunnersuutip matuma peqatigisaanik aatsitassanut ikummatissanullu inatsisip allanngortinneqarnissaanut siunnersuut saqqummiunneqarpoq, taanna malillugu "aalajangersimasumik najugaqartut" siunnersuummi matumanisuut nassuiarneqarlutik, aammalu aalajangersimasut akuersissummik peqaratik katersinissaannut 100.00 koruuninik aningaasartaannut killiliineq atorunnaarsinneqarluni.

Sumiiffinnut aatsitassarsiorluni misissuinissamut akuersissutini, siunnersuutip atuutilereernerata kingorna tunniunneqartuni, pineqartunut ilaatinneqartunut tunngatillugu, aalajangersimasumik najugaqartut aatsitassanik akuersissummik pineqartunut ilaatinneqanngitsunik piaasinjaassapput. Aatsitassarsiorluni misissuinissamut akuersissutinut atugassarititaasut nalinginnaasut atuuttut malillugit akuersissummik aatsitassat tamarmik

pineqartunut ilaatinneqarput, ikummatissiassat aamma aatsitassat qinngorernik ulorianartunik akullit ilaatinneqaratik. Aatsitassarsiorluni misissuinissamut akuersissutini siunissami tunniunneqartartussani, aatsitassat najukkaneersut suliaqartartut immikkut soqtiginartitaat, aallaaviatigut pineqartunut ilaatinneqartassanngillat. Tamanna isumaqarpoq, ujaqqat pinnersaasiassat aammallu aatsitassat katersorneqartartut erseqqinnerusumik aalajangerneqartut ilai, aatsitassarsiorluni misissuinissamut akuersissutini, siunissami tunniunneqartartussani, aallaaviatigut ilaatinneqartassanngitsut, aatsitassat taakkua aalajangersimasumik najugaqartunut inniminnerneqartassallutik.

Siunnersut malillugu ujarassiortitsilluni takornariartitsinermik inuussutissarsiuteqarneq ammanerulersitsivigneqarpoq. Tassa imaappoq, nunatsinni nunap sannaata takusartinniarlugu ilitsersuisoqarluni angalaarnernik aaqqissuussinissaq akuersissuteqarnissamik aammalu immikkut akuersissuteqarfigineqarnissamik piumasaqaateqarfijunnaartoq. Taamaattoq suli inuit aalajangersimasumik najugaqartut kisimik ujarassiortitsilluni takornariartitsinermik aaqqissuussisinhaapput.

Aammattaaq aalajangersimasumik najugaqartut siunissami Kalaallit Nunaannit aatsitassanik killilersugaanngitsumik annissisinnaapput, annertussutsit apeqqutaanatik aammalu aatsitassat inuussutissarsiutiginissaat imaluunniit inuussutissarsiutiginnginnissaat siunertaralugu katersorneqarsimanersut piiarneqarsimanersulluunniit apeqqutaanani.

Siunnersut malillugu aalajangersimasumik najugaqartuunngitsut, qaamatini siuliini pingasuni nunatsinniissimasut, katersineq inuussutissarsiutiginagu pisimappat, killilimmik annertussusilinnik katersisinhaavoq. Aalajangersimasumik najugaqartuunngitsoq suli aatsitassanik piiaaqquaanngilaq. Tassa imaappoq, aalajangersimasumik najugaqartuunngitsoq katersinermini atortorissaarutinik sunilluunniit atueqqusaanngitsoq. Aatsitassanik maaniinnarmiittunik katersinissaq periarfissaasoq taamaallaat tassani pineqarpoq. Siunnersutigineqarpoq annertussutsinik killilersuisoqassasoq, taamaalilluni aalajangersimasumik najugaqartut aamma aalajangersimasumik najugaqartuunngitsut pisinnaatitaaffii erseqqissumik immikkoortinneqarlutik. Aalajangersimasumik najugaqartuunngitsoq aatsitassanik annertunerusumik annertussusilinnik nunatsinniit annissinissamik kissaateqarpat, aalajangersimasumik najugaqartuunngitsup annertuallaarutaasut aalajangersimasumik najugaqartumit pisiarineqarsimasut imaluunniit ilisimatussutsimik siunertaqarluni katersorneqarsimasut, upternarsarsinnaassavaa.

Inuit aalajangersimasumik najugaqartuunngitsut, qaamatinit 3-nit sivikinnerusumik nunatsinniissimasut, tamanna aalajangersimasumik najugaqartumit aaqqissuunneqartumik ilitsersuisoqarluni angalaarnermi peqataanerup nalaani pisimanngippat, suli aatsitassanik katerseqqusaanngillat imaluunniit piiaaqquaanngitsoq. Aamma aalajangersimasumik najugaqartuunngitsut avammut annissinissamut akuersisummik peqaratik imaluunniit aatsitassat aalajangersimasumik najugalimmit pisiarisimallugit upternarsarsateqaratik, suli aatsitassanik annisseqqusaanngillat.

Sumiiffiit akuersissummi aatsitassarsiorluni misissuinissamut akuersissummi, siunnersuutip atuutilinnginnerani tunniunneqartumi, pineqartunut ilaasut, aatsitassanut ikummatisanullu inatsimmi maleruagassani pineqartut suli ilaatinneqassapput. Tassa imaappoq, aalajangersimasumik najugaqartuunngitsut sumiiffinni taakkunani aatsitassanik suli katersisinnaanngitsut.

Aalajangersimasumik najugaqartut, qaammatini siuliini pingasuni nunatsinniissimasut, aatsitassanik piaasarnerattut, aalajangersimasumik najugaqartuunngitsut sumiiffinni aatsitassarsiorluni misissuinissamut akuersissutini pineqartunut ilaatinneqartuni, siunnersuut malillugu aatsitassanik akuersissummi pineqartunut ilaatinneqanngitsunik, katersisinnaassapput. Tassa imaappoq, aalajangersimasumik najugaqartuunngitsut aatsitassanik, siunnersuut malillugu aalajangersimasumik najugaqartut, piiarsinnaasaannik, katersisinnaapput.

Siunnersummi annikitsumik aatsitassarsiornermut najoqqutassaq, aatsitassanut ikummatisanullu inatsimmit ilisimasarput, atorunnaarsinneqarpoq. Siunissami suli annikinnerusumik annertussusilimmik aatsitassanut tunngasunik suliaqarnissamut akuersissummik qinnuteqartoqarsinnaassaaq, kisianni aaqqissuussineq annertuumik iluarsaassivigeqqinneqarpoq. Allannguutit annertuujunerat pissutigalugu aamma oqaatsip "annikitsumik aatsitassarsiorneq" atorunnaarsilluunnarneqarnissaa naapertuussorineqarpoq, taamaalilluni aaqqissuussinitoqaq aammalu aaqqissuussineq nutaat imminnut akuliutsinneqassanatik.

Siullertut akuersissut "kisermaassisussaatitaanani" atorunnaarsinneqarpoq. Tamanna aalajangersimasumik najugaqartut akuersissummik peqaratik aatsitassanik katersinissamut piaanissamullu pisinnaatitaaffeqarnerisa (takuuk matuma siulianiittooq) annertusitinneqarnerata sunniutigaa. Taamaalilluni akuersissut "kisermaassisussaatitaanani" annertunerpaaatigut pisariaarutsinneqarpoq. Aalajangersimasumik najugaqartup atortorissaarutiniit tigummiaannartakkanit allaanerusunik atuinissaq kissaatigippagu, inuk kisermaassisussaatitaalluni akuersissummik qinnuteqarnissamik innersunneqassaaq.

Aappaattut akuersissut "kisermaassisussaatitaalluni" ingerlateqquinneqarpoq ikittunik allannguuteqartinneqarluni. Piffissaq akuersissuteqarfiusoq ukiunut 5-inut sivitsorneqarpoq (aatsitassanut ikummatisanullu inatsit malillugu piffissaq akuersissuteqarfiusoq ukiunik 3-nik sivisussuseqarpoq), taamaalilluni piffissaq akuersissuteqarfiusoq aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissutitut nalinginnaasutut sivisussuseqalerluni. Siunissami kisermaassisussaatitaalluni akuersissummut pisinnaatitsissummik pigisaqartoq piaanissamut matusinissamullu pilersaarummik nassiussinissamik pisussaaffeqassaaq. Tamanna maannakkut aatsitassanut ikummatisanullu inatsisip ilanik ingerlatitseqqiineruvoq, tassani pisinnaatitsissummik pigisaqartoq piaaniaruni § 38 naapertorlugu akuersissuteqarnermik

taaneqartartumik pissarsinissamik pisussaaffeqarluni. Piaanissamut matusinissamullu pilersaarut sunik imaqassanersoq siunnersuummi erseqqissarneqarpoq, taamatullu matusinermi ingerlatassanut qularnaveeqqusiinissamik piumasaqarnissamut erseqqissumik inatsimmi tunngavissamik qulakkeerisoqarluni.

Nutaatut allap matusinermik suliaqarnera qanoq akeqassanersoq missingersuinerterik kisermaassisussaatitaalluni akuersisummut matusinissamut pilersaarut imaqartussaavoq. Missingersuineq taanna ingerlatassap pissusiviusuni annikinnerusumik annertussuseqartumik suliaqarnerusussaanersoq, imaluunniit tamatumunnga taarsiullugu aatsitassanut tunngasunik suliaqarneq pillugu Inatsisartut inatsisaannit maleruagassiivigineqartussaalluni ingerlatassaq annertussuseqarnersoq, naliliinissamut atorneqassaaq. Nutaaliorneq taanna maannakkut aatsitassanut ikummatissanullu inatsisip annikitsumik aatsitassarsiornerup aamma nalinginnaasumik annertussusilimmik aatsitassarsiornerup akornanni ersarissunik nassuaassuteqannginnerannut takussutissaavoq, tamatumami ilaatigut annikitsumik aatsitassarsiornermit nalinginnaasumik angissusilimmut ikaarsaarnissaq ajornakuusuulersimmagu.

Siunnersuummi inunnut 10-nut killiliussaq, maannakkut aatsitassanut ikummatissanullu inatsimmit ilisimaneqartoq, atorunnaarsinneqarpoq. Siunissami annikinnerusumik annertussusilimmik aatsitassarsiornissamut akuersisummut ilisarnaataasoq tassaassanngilaq sumiiffimmi akuersissuteqarfiusumi inuit sulisinneqartut amerlassusaat, kisianni tamatumunnga taarsiullugu matusinermut aningasartuutit annertussusaat ilisarnaataassalluni (takukkit matuma siulianiittut).

Siunnersuummi aammattaaq 100.000 koruuninut killiliussatut taagorneqartoq atorunnaarsinneqarpoq. Inatsisit atuuttut malillugit aalajangersimasumik najugaqartut akuersisummit peqaratik ukiumut 100.000 koruunit angullugit nalilinnik aatsitassanik katersisinnaapput piaasinnaallutillu. Maannakkut aatsitassanut ikummatissanullu inatsit atuuttoq malillugu 100.000 koruuninit annertunerusumik nalilinnik katersiniaruni piaaniarunilu, tamatumani annikitsumik aatsitassarsiornissamut akuersissuteqarnissaq piumasaqaataavoq. Siunissami aalajangersimasumik najugaqartoq akuersisummit peqassanersoq peqassannginnersorluunniit, aatsitassat nalingat aalajangiisuussanngilaq. Siunissami taamaallaat aalajangersimasumik najugaqartoq sumiiffimmut kisermaassisussaatitaanissamik kissaateqarpat, imaluunniit atortorissaarutinit tigummiaannartakkanit annertunerusunik atuinissamik kissaateqaannarluni, tamatumani akuersisummit peqarnissaq piumasaqaataavoq.

Siunnersuutip aamma atuunnerani pisinnaatitsisummit pigisaqartut annertusitinneqarput. Maannakkut aatsitassanut ikummatissanullu inatsimmi atuuttumi annikitsumik aatsitassarsiornissamut akuersissutaasartut taamaallaat inunnut tunniunneqartarlutik, pisinnaatitsisummit pigisaqartoq inuup ataatsip suliffeqarfigissagaa imaluunniit ApS-iussasoq imaluunniit A/S-iussasoq pillugu piumasaqaammik siunnersuut imaqarpoq.

Taamaattoq ingerlatseqatigiiffimmi aalajangiisuuusumik sunniuteqarneq inunnit Kalaallit Nunaannut atassuteqarnissaq pillugu taamaaqataanik piumasaqaammik naammassinnittunit nakkutigineqartussaavoq, soorlu maannakkut aatsitassanut ikummatisanullu inatsimmi atuuttumi tamanna piumasaqaatigineqartoq. Taamaalilluni aatsitassanut tunngasunik suliaqnerit ingerlatseqatigiiffittut ilusilimmi ingerlanneqarsinnaanerannut periarfissaq ammaanneqarpoq, taamaalillunilu aningaasalersuinissap il.il. qulakkeernissaanut periarfissarissaarnerulissalluni, peqatigisaanillu inuit Kalaallit Nunaannut atassuteqarnissaat pillugu piumasaqaat atuutsiinnarneqassalluni.

Tamatuma saniatigut siunnersuutip atuunnerani akuersissutip akuersissuteqarnerullu oqaasertaasa tamanut saqqummiunneqarsinnaanerat periarfissaqalerpoq. Aammattaaq akuersissummut imaluunniit akuersissuteqarnermut atatillugu Inatsisartut inatsisaat naapertorlugu aalajangiinerit aalajangersimasut tamanut saqqummiunneqarsinnaapput. Siunnersuummi suliassaqarfimmi ammanerunissaq paasiuminartitsinerunissarlu qulakkeerneqassaaq, ilanngullugu paatsoornernut tunngavissat iliuuseqarluni annikillisitseqataavigineqassallutik. Akuersissutinut akuersissuteqarnernullu allakkiat assigiissaartumik oqaasertaqaqtutut annertuumik nalilerneqarput (soorlu maannakkut aatsitassanut ikummatisanullu inatsimmi atuuttumi taamaattoq), akuersissut imaluunniit akuersissuteqarneq naapertorlugu aalajangiisoqassappat, taakkua aalajangersimasumut tunngasuunerussasut aammalu pisinnaatitsisummit pigisaqartoq imaluunniit allat pillugit paasissutissanik sukumiinerusunik imaqarsinnaassasut naatsorsuutigineqarluni. Taamaattumik aalajangiinerit Inatsisartut inatsisaata atorneqarnerata paasineqartarneranut pingaaruteqartutut imaluunniit allatigut tamanut soqutiginaateqartutut nalilerneqartut kisimik tamanut saqqummiunneqartartussaasut, oqaasertaliineq ilanngunneqarluni.

Aatsitassanut ikummatisanullu inatsisip paarlattuanik siunnersuut aatsitassanut ikummatisanullu aqutsisoqarfik pillugu aalajangersakkanik imaqanngilaq. Tamatuma kingunerisaanik Naalakkersuisut allaffissornikkut aqutsineranni ingerlatsiviup aaqqissuussaanikkut inissinneqarnissaa – suliassaqarfiit allat amerlanerpaat assigalugit – Naalakkersuisut Siulittaasuanit, taassuma suliassaqarfinnut akisussaaffeqarfinnik nalinginnaasumik agguanerani, aalajangiiffigineqassalluni. Aatsitassanut ikummatisanullu inatsimmi ataatsimoortumik akuutitsiviusumillu oqartussat suliarinnitarnerat pillugu tunngaviusoq kiisalu matu ataasiinnaassasoq tunngaviusoq siunnersuummi atuutiinnarneqarput. Tamatuma kingunerisaanik oqartussap imaluunniit oqartussat Naalakkersuisut Siulittaasuata suliassaqarfinnut akisussaaffeqarfinnik agguanera malillugu tassaasut oqartussat attuumassuteqartut, ataatsimoortumik akuutitsiviusumillu oqartussat suliarinninnissaat qulakkiissavaat, taamatullu pisinnaatitsisummit pigisaqartut allallu oqartussamik ataasiinnarmik attaveqaqateqartussaallutik suli naatsorsuutigisinnaallugu.

Siunnersuut aammattaaq Naalakkersuisut royaltymik aalajangersaasinnaanerannut inatsimmi tunngavissamik imaqarpoq.

3. Pisortanut aningaasaqarnikkut allaffissornikkullu sunniutaasussat

Aatsitassarsiornermut suliassaqarfik nunatsinni aningaasaqarnikkut inuussutissarsiornikkullu ingerlatanut siuariartitsinermullu tapertaasussatut siuariartitsiviussasoq pillugu Naalakkersuisut periusissiaannut naapertuuppoq. Ingerlatassat taakkua ilai aammalu siuariartitsineq taanna, aatsitassarsiornermut suliassaqarfiup iluani sulisartut amerlanerusut suliffissaqartinneqarnerisigut aammalu suliffeqarfinni ingerlatassanik annertunerusumik suliaqarnikkut, pisinnaassasoq naatsorsuutigineqarpoq. Tamanna ataatsimut isigalugu inuussutissarsiornermi ingerlataqarnerulerlernermut, inuussutissarsiortut isertitaqarnerulerannerannut, pisortat isertitaannut aammalu inuuniarnerup pitsaaneruleranneranut iluaqutaassaaq.

Taamaalluni pisortanut inuiaqatigiinnullu aningaasaqarnikkut allaffissornikkullu pitsaasumik sunniuteqartitsinerup tunngavissinneqarnissaa, siunnersuummi siunnerfigineqarpoq. Taamaattoq siunnersuut pisortat aningaasaqarnerannut qanoq sunniuteqassanersoq, aningaasartaasa missiliorniarsarinissaat annertuumik nalorninartortaqarpoq. Tamatumunnga ilaatigut pissutaavoq, aatsitassanut suliassaqarfiup nunarsuarmi akit nikerarnerannit annertuumik sunnerneqartarnera, ilanngullugit aatsitassanut niuerfimmi akigititat. Tamatuma saniatigut tamatumunnga pissutaavoq, pissutsit arlallit assigiinngitsorujussuillu aammalu nikerartut pitsaasumik pitsaanngitsumillu sunniutaasinnaasunut pingaaruteqartussaanerat.

Naatsorsuutigineqarpoq ataatsimut isigalugu sulisut aatsitassanut suliassaqarfimmi ingerlatsivimmi aqutsinermik suliaqartut suliassatigut piginnaanngorsarnissaannut amerlisinnissaannullu aningaasanik annertuumik amerlanerusunik immikkoortitsisoqassanngitsoq. Taamaakkaluartoq aningaasanik taamaattunik pisariaqartitsisoqalissappat, taakkua sapinngisamik pisinnaatitsissummik pigisaqartup oqartussat suliarinninneranni aningaasartuutinik utertitsilluni akiliineranit matussuserneqartassapput.

Aallartisarnermi paassisutissiisarnermut suliniuteqarnerulerlernermut aamma immersugassanik il.il. nutarterinermut aningaasartuutit saniatigut, siunnersuutip pisortanut annertunerusunik aningaasaqarnikkut allaffissornikkullu sunniuteqarnissaa naatsorsuutigineqanngilaq.

4. Inuussutissarsiortunut aningaasaqarnikkut allaffissornikkullu sunniutaasussat

Pitsaasumik sunniutaasinnaasunut ilaatigut siunnersuut malillugu akuersissutinik qanoq annertutigisumik tunniussisoqartarnissaa aammalu pisinnaatitsissummik pigisaqartut akuersissutit malillugit ingerlatassanik qanoq annertutigisunik suliaqarnissaat, tamatumunngalu atatillugu isertitaqartarnissaat, apeqquaasussaapput, ilanngullugu pisinnaatitsissummik pigisaqartut aatsitassanut tunngasunik suliaqarneq pillugu Inatsisartut inatsisaat malillugu piaanissamut akuersissutinik pissarsissanersut.

Siunnersuut nalinginnaasumik inuussutissarsiortunut aningaasaqarnikkut imaluunniit

allaffissornikkut nammagassaqarnerulerlernermik malitseqartussaanngilaq.

5. Avatangiisirut, pinngortitamut inuillu peqqissusaannut sunniutaasussat

Suliassaqarfimmi Inatsisartut inatsisaannik nutaamik akuersineq najukkani aatsitassanut tunngasunik suliaqarnermut soqutiginninnerulersitsissasoq, taamaalillunilu suliassaqarfimmi suliaqarnerulerlernermik malitseqassasoq, ilimagineqarpoq. Tamatuma pitsaanngitsup tungaanut avatangiisit pinngortitarlu sunnersinnaassavai.

Suliaqarnerulersinnaanerup annertussusaa sioqqutsisumik nalilerneqarsinnaanngilaq, kisianni siunnersummi annikinnerusunik annertussusilinnik suliaqarnerit maleruagassiivigineqarmata, aammalu siunnersummi avatangiisini sunniinissap killilersimaarnissaa ukkatarineqarluni, siunnersuut avatangiisirut pinngortitamullu killilinnik taamaallaat sunniuteqassasoq naatsorsuutigineqarpoq.

Siunnersuut inuit peqqissusaannut sunniinernik malitseqassasoq naatsorsuutigineqanngilaq.

Siunnersummi qulequttat matuma siuliani taaneqartut pillugit aalajangersakkat annertunerpaatigut aatsitassanut tunngasunik suliaqarneq pillugu Inatsisartut inatsisaanni qulequttat assingi pillugit aalajangersakkanut assingupput.

6. Innuttaasunut sunniutaasussat

Siunnersuutip atuunnerani nalinginnaasumik inunnut ataasiakkaanut aalajangersimasumik najugaqartunut ammanerulersisoqarpoq pisariillisaasoqarlunilu. Taamaattumik nunatsinni innuttaasut amerlanerusut aatsitassanut suliassaqarfiup iluani inuussutissarsiummik ingerlatsillutik aallartissinnaanerannut tunngavissaliisutut siunnersuut nalilerneqarpoq.

7. Sunniutaasussat annertuut allat

Siunnersuutip allanik annertuunik sunniuteqarnissaa naatsorsuutigineqanngilaq.

8. Oqartussanut kattuffinnulu ilaalu ilanngullugit tusarniaaneq

Siunnersuut piffissami 2023-mi ulloq 12. oktober aallarnerfigalugu ulloq 17. novembari tikillugu tusarniaanermut nittartakkami www.naalakkersuisut.gl-imi tamanut ammasumik saqqumitinneqarpoq.

Siunnersuut piffissami tassani oqartussani, kattuffinni ilaalu ilanngullugit makkunani tusarniaassutigineqarpoq:

Asiaq, Avannaata Kommunia, DCE, GEUS, Nunatta Eqqartuussivia, Sulisitsisut, Pinngortitaleriffik, Kalaallit Nunaanni Politiit, ICC, Kommune Kujalleq, Kommune Qeqortalik, Kommuneqarfik Sermersooq, Nunatta Nakorsaaneqarfia, Nunatta Katersugaasivia Allagaateqarfialu, Nuna Advokaatit, Nunagreen, NUSUKA, Qeqqata Kommunia, SIK, Tusass, Ilanngaaserisoqarfik, Transparency International Greenland, WWF, Urani naamik,

Mingutsitsinngitsumut Allanngoriartortitsinermut Siunnersuisooqatigiit, Ataavartumik Nukissiorneq, Nuup Kangerluata Ikinngutai, Visit Greenland, pisinnaatisissummik pigisaqartut aatsitassat ikummatissallu pillugit Inatsisartut inatsisaat malillugu piiaanissamut akuersissummik peqartut tamarmik aamma annikitsumik aatsitassarsiornissamut akuersissut malillugu pisinnaatisissummik pigisaqartut tamarmik.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissaanermullu Naalakkersuisoqarfiup oqartussanit, kattuffinnit ilaalu ilanggullugit, tusarniaanermut akissuteqaatit makkua tiguai:

Amaroq Minerals Ltd, Anglo American, BDO, Bluejay Mining Plc, Bo Eder-Jensen, Energy Transition Minerals Limited, Greenfields Exploration Limited, Greg Barnes, Sulisitsisut, Grønlandsbanken, Hudson Resources Inc., Kaali Fencker, Kommune Kujalleq, Kommunarfik Sermersooq, Lumina Sustainable Materials A/S, Dykkerfirmaet MASIK, Nalik Ventures, Nuna Advokaatit, Palle Møller, Qeqqata Kommunia, Resource 500, SIK aamma Transparency International Greenland.

Tusarniaanermut takussutissiaq oqaaseqaateqarfingineqartoq, ilanggussatut ilanggunneqartoq, innersuussutigineqarpoq.

Siunnersuummi aalajangersakkanut ataasiakkaanut nassuaatit

§ 1-imut

Aalajangersagaq siunertanut paragraffiuvor, taamaalillunilu atugassarititaasunik aalajangersaanissamut imaluunniit aalajangiinissamut kisimi inatsimmi tunngaviusinnaanani. Naalakkersuisut siunnersuut malillugu oqartussat suliarinninnermut atatillugu inatsisit malillugu mianerisassat suut eqqarsaatigisinjaanerat, aalajangersakkami taamaallaat allassimavoq.

Imm. 1-imut

Aalajangersakkami siunnersuummi siunertaq pingaardeq allassimavoq. Siunnersuummi § 1, imm. 1 malillugu ilaatigut Kalaallit Nunaanni aatsitassanut tunngasunik suliaqarnerit naapertuuttumik maleruagassiivigineqarnissaat qulakteerneqassaaq. Taamaalilluni siunertaavoq siunnersuut inatsisitut immersugassatut, aatsitassanut tunngasunik suliaqarnernik allanillu aatsitassanut tunngasunik suliaqarnernut atatillugu ingerlatassanut maleruagassiinermut aamma oqartussat suliarinninnerannut tunngaviusunik pingaardnerpaani aalajangersaaviussasoq, aammalu Naalakkersuisut killissaliussat taakkua iluanni aalajangiinissamut aamma aalajangersakkanik pisariaqartunik aalajangersaanissamut piginnaatinneqassasut.

Aalajangersakkani mianerisassat pissutsillu suut atugassarititaasuni nalinginnaasuni aammalu akuersissutinut ilusiliiani aatsitassanut suliassaqarfimmi suliarineqartussani, aammalu aalajanginerni aatsitassanut suliassaqarfimmi Naalakkersuisunit aalajangiunneqartussani ilanngunneqarnissaannut killissaliussat pingarnerit ilaatigut aalajangersarneqarput. Siunnersuummi ataatsimut isigalugu aatsitassanut suliassaqarfimmi ineriaortuurtumik nassuaasinjaanissaq qulakteerneqarpoq, taamaalilluni aatsitassanut suliassaqarfimmi ilisimasat nutaat aamma teknologii, inatsit allanngortinneqartariaqarani, ingerlaannaq atorneqarsinnaalertassallutik.

Naapertuuttumik aatsitassarsiorluni misissuineremi aammalu aatsitassanik piaanermi ataatsimut isigalugu ingerlatassat naapertuuttumik, ilanngullugu imm. 2-imi mianerisassanut naapertuuttumik, aaqqissuunneqarnissaat suliarineqarnissaallu tunngavissaatinneqarpoq. Naapertuuttumik aatsitassanik piaanissap ilaatigut kingunerisaanik, siunnersuut aatsitassanut tunngasunik suliaqarnerup ingerlanneqarnerani, ilanngullugu pingaartumik aatsitassanik piaanermi, aningaasaqarnikkut pissarsiassanit inuiaqatigiit naapertuuttumik pissarsitinnissaannut aammalu ingerlatassat taakkua inuiaqatigiit qanittumi ungasissumilu pisariaqartitaannut naapertuuttumik suliarineqarnissaannik, qulakteerinneqataassaaq.

Sunniuteqarluuartumik aatsitassarsiorluni misissuineremi aatsitassanillu piaanermi nalinginnaasumik tunngavissaatinneqarpoq, ingerlatassat sunniuteqarluuartumik suliarineqassasut, ilanngullugit mianerisassanut imm. 2-mi allassimasunut naapertuuttumik.

Tamatuma ilaatigut atuunnerani pisinnaatisissummit pigisaqartup tunniussereernerup kingorna piffissami ajornarunnaarnerani ingerlatassat akuersissummi imaluunniit akuersissuteqarnermi pineqartunut ilaasut suliarineqarnerannik aallartittarnissaanut aammalu pisinnaatisissummit pigisaqartup pisariaqanngitsumik imaluunniit sivisuumik unikkallarani imaluunniit kipititsinani akuersissuteqarnermut attuumassutilimmut naapertuuttumik piffissami akuersissuteqarfiusumi ingerlatassanik suliarinninnissaanik, siunnersuut qulakkeerinneqataassaaq. Tamanna ilaatigut sumiiffimmik tunngavissaqanngitsumik pisariaqanngitsumillu “nunaminertamik inniminniisarnerit” pinngitsoortinnissaannut iluaqutaassaaq.

Aatsitassarsiorluni misissuinermut aatsitassanillu piaanermut atatillugu ingerlatassanik suliaqarneq nalinginnaasumik paasineqassaaq tassaasoq, ingerlatassat allat tamarmik, ingerlatassanut pineqartumut attuumassuteqartut, ilanngullugit aatsitassarsiorluni misissuinermut aatsitassanillu piaaneq pillugit ingerlatassani saniatigut ingerlatassat imaluunniit ingiaqatigisaanik ingerlatassat. Ingerlatassanik allanik taamaattunik suliaqarneq pisut ilaanni immikkut akuersissuteqarfigineqarnissaat pisariaqartussaassaaq.

Imm. 2-mut

Aalajangersagaq malillugu, ingerlatassat isumannaallisaanermut, peqqinnissamut, isumalluutinik atorluaanissamut inuiaqatigiinnilu piujuartussamik sunniuteqartitsinissamut tunngatillugu innuttaasut peqqissusaannut ajoqsiinngitsumik aammalu naapertuuttumik isumannaatsumillu suliarineqartarnissaat, ilaatigut siunnersummi tunngavissaatinneqarpoq.

aalajangersakkami ilaatigut illunik, suliaqarfissanik, atortulersuutinik ikkussukkanik attaveqaqatigiinnernillu ilaalu ilanngullugit pilersitsinermi ingerlatsinermilu sumiiffiini isumannaallisaaneq pineqartunut ilaapput. Siunnersummi peqqissutsimut oqaaseq atorneqartoq atituumik nassuiarneqassaaq, aamma sulianut ataasiakkaanut atatillugu sullivinni avatangiisinut tunngatillugu peqqinnissamut, aamma nalinginnaasumik inuit peqqissusaannut tunngassuteqarluni.

Avatangiisini ilaatinneqarput avatangiisini mianerisassat nalinginnaasut, tamanna pillugu kapitalit immikkuullarissut naapertorlugit ingerlatassanik siunnersummi pineqartunut ilaasunik suliaqarnermi inunnut, uumasunut, naasunut pinngortitamullu pingaaruteqartut.

Isumalluutinik isumannaatsumik atuineq ilaatigut paasineqassaaq, pisariaqanngitsumik isumalluutinik maangaannartitsinani aammalu qanittumi ungasissumilu inuiaqatigiit soqutigisaat mianeralugit, aatsitassarsiorluni ingerlatassat ingerlanneqassasut. Taakkunani ilaatinneqarput ilaatigut aatsitassarsiorluni ingerlatassanik suliaqarnermi aatsitassanillu piaanermi, ingerlatassanik pilersitsinissamut, aammalu sulisussat aammalu nioqquqtiisanik kiffartuussinernillu pilersuisussat najukkameersut misilittagaqalernissaannut piginnaasaqalernissaannullu aammalu Namminersorlutik Oqartussat, sulisartut aamma nioqquqtiisanik kiffartuussinernillu pilersuisut najukkameersut isertitaqartilernissaannut

inuaqatigiit soqutigisaqarnerat.

Siunnersuummi inuaqatigiinni piujuartussamik sunniuteqartitsisarneq pillugu maleruagassat, ingerlatassanik siunnersuummi matumani pineqartunut ilaasunik pilersaarusrornerup aqtsinerullu aamma ingerlatassat nunami namminermi najukkamilu inuaqatigiinnut sunniutigisinnaasaannik nalilersuineq aallaavigalugu aamma pisarnissaanut qulakkeerinneqataassapput.

Aalajangersakkat atuunneranni taamaalilluni ingerlatassat siunnersuummi pineqartunut ilaatinneqartut tamarmik tamakkiisumik isiginnilluni pilersaarusrorneqarnissaat aqunneqarnissaallu piumasaqaataavoq.

Imm. 3-mut

Aalajangersakkami aalajangersarneqarpoq aatsitassanut suliassaqarfimmi oqartussat suliarinninnerat ataatsimoortumik akuutitsiviusumillu oqartussat suliarinninnerattut aaqqissuunneqassasoq. Oqartussat suliarinninneranni siunnersuut ingerlatassallu tassunga atasut pillugit pissutsit tamarmik pineqartunut ilaatinneqarput. Naalakkersuisut taamaalillutik nalinginnaasumik ingerlatassanut siunnersuummi pineqartunut ilaasunut oqartussaapput aqtsisussaasut.

Tamanna isumaqanngilaq allaffissornikkut aalajangiinerit tamarmik siunnersuut malillugu aalajangiiffigineqartut politikkikkut aalajangiinerussasut. Siunnersuummi aalajangersakkat allaffissornikkut aqunniassaannut aammalu siunnersuut malillugu aalajangiinissanut piginnaatitaaneq annertuumik Naalakkersuisumut aatsitassanut aamma/imaluunniit tamatumunnga atatillugu avatangiisirut tunngasunut, imaluunniit aqtsisoqarfinnut taakku ataaniittunut, suliassaqarfimmi akisussaasuusumut, suliakkiissutigineqarpoq.

Taamaattumik siunnersuut malillugu aalajangiinerit amerlanersai aammalu oqartussat suliarinninnerat tamarmi Naalakkersuisumit aammalu Naalakkersuisoqarfimmit imaluunniit taassuma ataani aqtsisoqarfinnit aatsitassanut akisussaasuusunit, isumagineqartussaapput.

Taamaattoq Naalakkersuisut sukkulluunniit suliakkiineq taanna allanngortissinnaavaat, ilanngullugu siunnersuut malillugu aalajangiinerit aalajangersimasut Naalakkersuisunit tamarmiusunit imaluunniit Naalakkersuisumit naalakkersuisoqarfinni suliassaqarfimmut allamut akisussaasuusumit aalajangiiffigineqartassasut, aalajangersinnaallugu.

Oqartussat suliarinninnerat ataatsimoortoq akuutitsiviusorlu ingerlatsivimmi aqtsinermi suliassaqarfimmi teknikkikkut ajornakusoortumi, aatsitassarsiorluni ingerlatassanut, ingerlatassanut ilaatinneqartunut, aatsitassarsiornissamut akuersissutinut, tamatumunnga atatillugu ujarassiornermut, teknikkimut aningaasaqarnermullu tunngasunut aammalu pissutsinut tamatumunnga atatillugu isumannaallisaanermut, peqqinnissamut, avatangiisirut, isumalluutinik atorluaanissamut aamma inuaqatigiinni piujuartitsisumik

sunniuteqartitsinissamut pingaaruteqarsinnaasunut ilisimasaqarnissamik pisariaqartitsiviusumi, tamakkiisumik isiginnilluni suliassanik suliariinnittarnerup ingerlaannarnissaanut iluaquitaassaaq.

Aammattaaq oqartussat ataatsimoortumik akuutitsiviusumillu suliariinninneranni suliassaqarfinni avatangiisink, suliassanik aatsitassanut suliassaqarfimmi ingerlatsivimmi aqutsinermi pisariaqartumik pitsaassusilimmik, aammalu nunami namminermi nunanilu tamalaani aatsitassarsiornermut suliffeqarfii naatsorsuutigisaannik, sukkulluunniit isumaginnissinnaasunik peqarnissaq qulakkeerneqassaaq nukittorsarneqassallunilu.

Aalajangersakkami aammattaaq aalajangersarneqarpoq, oqartussat attuumassuteqartut siunnersummik allaffissornikkut aqutsinermanni aamma tassaasut inatsisit maleruagassallu alat malillugit, tamanna ajornarsimangippat, oqartussaq aalajangiisinnaatitaasoq.

Imm. 4-mut

Aalajangersagaq manna malillugu aatsitassanut suliassaqarfimmi oqartussat suliariinninnerat attaveqaqatigiinnerlu matu ataasiinnarmut tunngaviusumik taagorneqartoq malillugu aaqqissuussaapput. Tamatuma atuunnerani pisinnaatitsisummiq pigisaqartut allallu siunnersummi pineqartunut ilaasut, nalinginnaasumik oqartussaq ataasiinnaq attaveqaqatigisassavaat.

§ 2-mut

Aalajangersakkami aalajangersarneqarpoq aatsitassanik Kalaallit Nunaanni nunap iluaniittunik atuinissamut piiyanissamullu Namminersorlutik Oqartussat piginnittussaatitaasut, taamaalillutillu aamma Kalaallit Nunaanni nunap iluaniittut aatsitassat pillugit akuersissutinik tunniussinissamut pisinnaatitaasut.

Tamatuma ilaatigut malitsigisaanik siunnersuut malillugu akuersissut malillugu misissugassat tiguneqartut, akuersissutip atorunnaarnerani, Namminersorlutik Oqartussanit pigineqarput. Tamanna misissugassanut akuersissutip atorunnaarnerani Kalaallit Nunaanniittunut aammalu misissugassanut nunani allaniittunut atuuppoq.

Aalajangersagaq namminersornermut inatsimmut naapertuuppoq. Namminersornermut inatsit malillugu Namminersorlutik Oqartussat aatsitassanut suliassaqarfik akisussaaffigilerlugu tiguppassuk, aatsitassat Kalaallit Nunaanni nunap iluaniittut pigilernissaannut atorluarnissaannullu Namminersorlutik Oqartussat piginnittussaatitaalertussaapput. Takuuk namminersornermut inatsimmut nassuaatini nalinginnaasuni immikkoortoq 6. Namminersorlutik Oqartussat ulloq 1. januar 2010 aatsitassanut suliassaqarfik akisussaaffigilerlugu tiguaat.

§ 3-mut

Imm. 1-imut

Siunnersuutip inuaat pisinnaatitaaffiinut naapertuuttumik nunap sumiiffiini atuuffiit aalajangersakkami aalajangersarneqarput, ilanggullugit Naalagaaffiit Peqatigiit (FN-ip) imaanut maleruagassiisarneq pillugu nunani tamalaani isumaqatigiissutaat 10. December 1982-imeersoq.

Kalaallit Nunaanni imartaq oqartussaaffigineqartoq killeqarfimmiit 3 somilinut (5.556 meter) isorartussuseqarpoq. Nunavittap sumiiffiani ilaatinneqarput immap naqqa sumiiffimmilu nunap oqartussaaffiup pissusissamisoortumik nanginnerani tamarmi imartap akisussaaffeqarfiusup killeqarfianit silarlermiit nunavittap sumiiffiata killinganut silarlermut isorartussuseqartumi immap naqqata ilua. Imaanut maleruagassiisarneq pillugu nunani tamalaani isumaqatigiissummi artikel 76 malillugu tamanna pisussaavoq..

Nunavittap sumiiffia tamatigut killeqarfimmiit 200 somilinik isorartussusilimmuit killeqartinneqarsinnaavoq, tassanngaaniit imartap akisussaaffeqarfiup silissusaa uuttorneqarsinnaalluni. Nunavittap sumiiffiata killinga silarleq killeqarfinnut taakkununnga qaninnerutilugu, aamma tamanna atuutissaaq. Naalagaaffiup sineriaqartup nunavittaata sumiiffia naalagaaffiit allat sumiiffianut killitsillugu, nunavittap sumiiffianut nunani tamalaani isumaqatigiissut malillugu killilersuineq naalagaaffiit sanileriit akornanni isumaqatigiissuteqarnikkut aalajangersarneqassaaq. Takuuk imaanut maleruagassiisarneq pillugu nunani tamalaani isumaqatigiissut artikel 76.

Kalaallit Nunaanni nunavittap sumiiffia naalagaaffinnut saniliusunut tamakkiisumik killissalersugaanngilaq. Naalagaaffiup sineriaqartup nunavittap sumiiffianut pisinnaatitaaffeqarneranut pisortatigoortumik tiguaasimanissaq imaluunniit nalunaarummik upernarsateqarnissaq piumasaqaataanngilaq. Imaanut maleruagassiisarneq pillugu nunani tamalaani isumaqatigiissummi artikel 77 a malillugu nunavittap sumiiffianut pisinnaatitaaffiit taamatut imminermini aammalu nunavittap sumiiffiata killissalersorneqarsimanera apeqqutaatinnagu atuupput.

Imm. 2-mut

Sanaartukkanut aaqqissuussinernullu ilaalu ilanggullugit nunami akisussaaffiusumiittunut, imartami akisussaaffeqarfiusumiittunut, nunavittap sumiiffiani sumiiffinniittunut imaluunniit Kalaallit Nunaata aningasarsiornikkut oqartussaaffigisaaniittunut, aammalu ingerlatassanut siunnersummi pineqartunut ilaasunut atatillugu atorneqartunut siunnersuut atuutissasoq, aalajangersakkami aalajangersarneqarpoq.

§ 4-mut

Imm. 1-imut

Aalajangersakkami siunnersuutigineqartumi allassimasutut, avatangiisink allanngutsaaliuineq

pillugu siunnersuummi maleruagassani aamma, kisianni taakkuinnaanngitsunut, silap pissusaanut tunngasut (silap pissusaanik allanngutsaaliuineq) aamma pinngortitamik allanngutsaaliuinissaq (pinngortitamik illersuineq) siunnerfigineqarput. Taamaattoq tamanna siunnersuummi taamaallaat aallaaviuvoq, tassami aalajangersakkami aalajangersarneqarpoq allatut aalajangersakkani ataasiakkaani allassimasoqarsinnaasoq.

Silap pissusaanut tunngassuteqartunut tunngatillugu oqaatigineqassaaq, oqaatsimi sumiiffimmiinnaq silap pissusaanut tunngassuteqartut annikitsuaqqat, ingerlatassap CO2-mut ilapittuinera kiisalu siunissami silap pissusaata allanngornerani sunniutaasussat, soorlu assersuutigalugu erngup portuneruleriartornera, pineqartunut ilaatinneqarmata.

Siunnersuummi kapitalini allani, aamma avatangiisinut tunngasunut siunnerfeqartuni qalleraattoqarsinnaavoq. Qalleraattoqarnerani imaluunniit assigitoqarnerani maleruagassaq qaffasinnerpaamik avatangiisinut malitassiinermik malitseqartoq, tamanna paasillugu avatangiisinik allanngutsaaliuinermut qaffasinnerpaamik annertussuseqartoq, salliuutinneqassaaq.

Siunnersuummi avatangiisinik allanngutsaaliuineq pillugu maleruagassat atorneqarneranni issittumi VVM-imut malittarisassat (Guidelines for Environmental Impact Assessment (EIA) in the Arctic) programmip Arctic Environmental Protection Strategy ataani Arctic Council-imut suliarineqartut, ingerlatassat annertussusaat il.il. malillugu naleqqussarlugit ilaatigut pingartinneqarsinnaapput.

Imm. 2-mut

Aalajangersagaq siunnersuutigineqartoq malillugu silap pissusaanik allanngutsaaliuineq aamma pinngortitamik illersuineq taamaaqataanik taarsiinissamut akisussaasuuneq, mingutsitsinermut allatut akisussaasuuneq, avatangiisinut allatut sunniineq (avatangiisinut akisussaasuuneq) aamma avatangiisini ajoqsiinernut taarsiisarneq pillugit siunnersuummi maleruagassani pineqartunut ilaatinneqarpoq.

§ 5-imut

Imm. 1-imut

Aalajangersakkami aatsitassanut tunngasunik suliaqarneq pillugu Inatsisartut inatsisaanni "aatsitassat" nassuaassutaat innersuussutigineqarpoq. Aatsitassanut suliassaqarfik akimorlugu "aatsitassat" assigiimmik nassuiarneqartarnissaat qulakkeerniarlugu, siunnersuummi aatsitassanut oqaatsimut immikkut nassuaassummik allataqarnissaq eqqumaffigalugu toqqarneqanngilaq.

Inatsisartut inatsisaata aappaani nassuaassut piffissap ingerlanerani naleqqussarneqassappat, nassuaassut aatsitassanut suliassaqarfik akimorlugu ingerlaannartumik atuuttussanngussaaq. Tamatumani nassuaassutip suleriaatsillu assigiissaarneqarnissaat qulakkeerneqassaaq,

peqatigisaanillu aatsitassanut inatsisini assigiinngitsuni oqaatsip taassuma assigiinngitsumik nassuaaserneqarsinnaanera pakkersimaarneqassalluni.

Imm. 2-mut

Aalajangersakkami oqaaseq ”najukkani aatsitassanut tunngasunik suliaqarneq” nassuaaserneqarpoq. Nassuaassut aatsitassanut suliassaqarfip iluani nutaaliorneruvoq. Aalajangersakkami aalajangersarneqarpoq oqaaseq aningaasartanut killissaliussatut nassuarneqassasoq, tassaalluni allap matusinissamut pilersaarummi suliaqarneranut aningaasartuutit missingorsorneqartut.

Oqaatigineqarpoq aningaasartaannut killiliussaq aalajangersakkami aalajangersarneqartoq, atortussanut akuersissuteqarneq pillugu siunnersummi kapitale 6-imi aalajangersakkanut sunniissangnitsoq. Maleruagassat assigiit atuupput aammalu atortussanut akuersissuteqarnerit assigiimmik suliarineqartussaallutik, ingerlatassat unitsinneqarnerannut atatillugu matusinermut aningaasartuutissat aalajangersakkami matumani aningaasartaannut killiliussanit annertunerunerat annikinnerunerallu apeqquutanani.

Imm. 3-mut

Aalajangersagaq malillugu aalajangersimasumik najugaqartoq nassuarneqarpoq tassaasooq inuk Kalaallit Nunaanni aalajangersimasumik najugaqartoq aammalu Kalaallit Nunaannut tamakkiisumik akileraartussaatitaasoq – aamma ukiuni siuliini tallimani taamatut inisisimasimasoq.

§ 6-imut

Imm. 1-imut

Ingerlatassani siunnersummi kapitali 2 malillugu akuersissummik peqarani suliarineqartuni, avatangiisink innarlitsaaliuinissaq pillugu Inatsisartut inatsisaanni § 6-imi avatangiisink innarlitsaaliuinermut maleruagassat atuuttut nalinginnaasut, malinneqartussaapput.

Aalajangersimasumik najugaqartut, imm. 1 malillugu ingerlatassanik suliaqartut, taamaalillutik avatangiisinut piumasaqaatit makkua malittussaavaat:

1. Aatsitassanik katersineq piiaanerlu, mingutsitsinissap navianaateqarnera sunniuteqarnissaalu sapinngisamik pitsaanerpaaamik killilerneqartussanngorlugu, sumiiffimmi inisisimatinneqassaaq.
2. Katersinermi piiaanermilu piffissap sumiiffiullu toqqarneqarneranni sumiiffiup qanoq issusaa, ilanngullugit naasut uummasullu, maannakkut siunissamilu piiaaneq, kiisalu avatangiisinut isumannaatsumik imikoornerit eqqagassallu iginneqarnissaannut periarfissat kiisalu ajutoornissanik pitsaalieuineq, eqqarsaatigineqassapput.
3. Aatsitassanik katersinermik piiaanermillu suliaqartoq imaluunniit aallartitsiniartoq,

mingutsitsinerup pitsaliornissaanut pakkersimaarnissaanullu iliuusissat pisariaqartut aalajangiutissavai aammalu suliaqarneq sapinngisamik annertunerpaamik mingutsitsisinnaajunnaarlugu ingerlanneqassalluni.

4. Suliaqarnermi sanaartukkanik aaqqissuussinermi aammalu ingerlatsinerup aaqqissuunneqarnerani, ilanngullugu tunisassiornerup ingerlanissaannut, nioqqutissiassanik, akuutissanillu iluaqutaasussanik toqqaanermi, sapinngisamik pitsaanerpaamik isumalluutinik atuinissap, mingutsitsinissaq eqqagassaqalersitsinissallu killilersimaarnissaat qulakkeerneqassaaq.

5. Silaannarmi, imeqartuni, sermeqartuni, qaqqani imaluunniit issuni mingutsisisimasoq imaluunniit taamatut mingutsitsinerup pilersinnaaneranik aarlerinartorsiortitsilfersimasoq, mingutsitsinerup kingunerisassaasa sunniuteqarluartumik pitsaliornissaannut pinngitsoortinnissaannullu iliuusissanik pisariaqartunik iliuuseqassaaq. Tamatuma saniatigut maannamut qanoq issusaa iluarseqqinniarneqassaaq.

Imm. 2-mut

Aalajangersakkami allassimavoq, ingerlatassani siunnersummi kapitali 2-mi pineqartunut ilaasuni, aatsitassanik qinngorernik ulorianartunik akulinnik katersinissamut, piaanissamut imaluunniit suliaqarnissamut pisinnaatitaaneq pineqartunut ilaatinneqanngitsoq. Aatsitassat qinngorernik ulorianartunik akullit paasineqassaaq tassaasut aatsitassat pinngoqqaatinik qinngorernik ulorianartunik akullit. Taakkua assersuutigalugu tassaapput uran, thorium amma plutonium. Allattukkat tamakkiisuunngillat.

§ 7-imut

Imm. 1-imut

Aalajangersakkami innuttaasut aalajangersimasumik najugaqartut immikkut akuersisummiq peqaratik aatsitassanik katersinissamut piaanissamullu immikkut periarfissaqarnerat aalajangersarneqarpoq.

Aalajangersakkami aatsitassanik katersinerpiaq piaanerpiarlu taamaallaat maleruagassiivigineqarput. Assersuutigalugu inatsisit allat malillugit sumiiffimmi angalaarnissamut akuersisummiq peqarnissaq imaluunniit akuersissuteqarfigineqarsimanissaq piumasaqaatigineqarpat, aalajangersakkami aalajangersimasumik najugaqartoq akuersisummiq imaluunniit akuersissuteqarnermik taassuminnga piniarnissamik pisussaaffeerutsinneqanngilaq. Taamaaqataanik aalajangersakkami aalajangersimasumik najugaqartoq aatsitassanik katersinermut piaanermullu atatillugu ingerlatassanik suliaqarnermi inatsisink allanik naammassinninnissamik pisussaaffeerutsinneqanngilaq. Assersuutigalugu inatsimmi allami aalajangersakkanik, sumiiffimmi assartuutinik imaluunniit suliaqarnernik aalajangersimasunik atuinissamik killiliisunik, aalajangersaasoqarsimappat, aalajangersimasumik najugaqartup

assartuutip atorneqarnera imaluunniit suliaqarneq aalajangersagaq malillugu aatsitassanik katersinermut imaluunniit piiaanermut atatillugu ingerlanneqaraluartoq, killiliinerit taakkua isiginiartussaavai. Taamaaqataanik inatsisini allani inerteqquteqarnerit ataaqqineqartussaapput. Inatsisini allani sumiiffimmi angalaarnissaq imaluunniit ingerlatassanik suliaqarnissaq inerteqqutigineqarpat, inuit aalajangersagaq manna innersuussutigalugu sumiiffimmi angalaarsinnaanngillat imaluunniit ingerlatassanik suliaqarsinnaanatik. Inatsit alla taanna oqaasertai malillugit aatsitassarsiorluni suliaqarnernut atuutinngikkaluartoq, tamanna aamma atuutissaaq.

Inatsisini allani aalajangersakkanik, aatsitassanik piiaanissamik, katersinissamik, imaluunniit aserorterinissamik killiliisunik, aalajangersaasoqarsimatillugu, aalajangersakkat taakkua aamma aalajangersagaq manna malillugu aatsitassanik katersinermut piiaanermullu tunngatillugu atuuttussaapput. Assersuutigalugu eqqissisimatitsineq pillugu nalunaarummi aatsitassanik katersineq imaluunniit piiaaneq pillugu ingerlataqarnissamik inerteqquteqarneq aalajangersarneqarsimappat, inerteqquteqarneq suli atuuttussaavoq, aamma nalunaarut siunnersuummi § 10, imm. 1, nr. 3 malillugu sumiiffimmut nunap sannaatigut eqqissisimatitaasumut tunngassuteqanngikkaluartoq.

Aalajangersimasumik najugaqartunut tunngatillugu inuussutissarsiutigalugu aamma inuussutissarsiutiginagu katersisarneq piiaasarnerlu immikkoortinnejqanngillat. Naatsorsuutigineqarpoq aalajangersimasumik najugaqartut annikinnerusumik annertussusilimmik aatsitassarsorfimmik ingerlatsinissamik eqqarsaateqarunik, aalajangersimasumik najugaqartut siunnersuummi kapitali 3 malillugu sumiiffimmi aalajangersimasumi kisermaassisussaatitaalluni akuersisummik qinnuteqarnissamut periarfissaqarnertik atorumanerussagaat.

Aalajangersakkami aalajangersarneqarpoq aalajangersimasumik najugaqartoq aalajangersagaq malillugu katersinissamut piiaanissamullu atortunik tigummiaannartakkanik atuisinnaasoq. Atortut motoorillit aamma motooreqanngitsut atorneqarsinnaapput. Aalajangiisuuvoq sakkut tamarmik piiaanerup nalaani tigummiaannarneqarsinnaasut, tamatumanilu assersuutigalugu qaartiterutissanik aammalu sakkunik avataaniit nukissiamik pilersorneqartunik, assersuutigalugu generatorinik dieselitortunik il.il. atuinissaq mattunneqarpoq. Taamaaqataa aamma aatsitassanik piiaanissamut imaluunniit avissaartiterinissamut akuutissanik uumaatsunik atuilluni periaatsinik atuinissamut atuuppoq. Tamatumunnga tunngavilersuutigineqarpoq, atortunik taamaattunik atuinissaq kissaatigineqarsimappat, ilaatigut nunataanut inuillu isumannaatsuunissaannut tamatuma annertunerusumik sunniuteqarnissaa ilimagineqartariaqartoq. Aalajangersimasumik najugaqartut atortunik annertunerusunik atuinissamik kissaateqartut, siunnersuummi kapitali 3 malillugu sumiiffimmut aalajangersimasumut kisermaassisussaatitaalluni akuersisummik qinnuteqarnissamut periarfissaqarnertik atussagaat, innersuussutigineqarsinnaavoq.

Aalajangersakkami aatsitassanut aalajangersagaq malillugu katersorneqartunut imaluunniit

piarneqartunut nalinginut killiliussamik aalajangersaasoqanngilaq. Taamaalilluni aatsitassanut ikummatissanullu inatsimmi 100.000 koruuninut killissamik taagorneqartoq atorunnaarsinneqarpoq. Tamatumunnga tunngavilersuutigineqarpoq pisuni tamaginni taamaallaat atortut tigummiaannartakkat taamaallaat atorneqarsinnaanerat, taamaattumik annerpamik nunap qaavani killilimmik ingerlataqartoqarnissaa naatsorsuutigineqarsinnaalluni kiisalu aalajangersimasumik najugaqartut annertunerusunik nassaarneranni, siunnersuummi kapitali 3 malillugu sumiiffimmut pineqartumut kisermaassisussaatitaalluni akuersisummik qinnuteqarnissamut periarfissamik atuerusunnerussasut naatsorsuutigineqarluni.

Imm. 2-mut

Aalajangersakkami ingerlatassanut imm. 1 malillugu suliarineqartussanut tunngatillugu killissaliineq aalajangersarneqarpoq.

Aalajangersagaq malillugu aalajangersimasumik najugaqartut, akuersisummik peqaratik piaanermik suliaqartut, sullumut isaarianik imaluunniit itersalianik, nunamut sanilliullugu uuttorgulu 1 meterinit itinerusunik pilersitseqquaanngillat.

Aalajangersagaq nappaarissunut aamma nallaarissunut atuuppoq. Taamaalilluni aatsitassanik 1 meterit sinnerlugit nunap iluaniittunik imaluunniit assersuutigalugu qaqqap innartaaniittunik, piaasoqaqquaanngilaq.

1 meterimik killiliineq nunataaniit uuttorneqassaaq.

Imm. 3-mut

Aalajangersakkami aalajangersarneqarpoq, ingerlatassat najukkaneersunit akuersisummik peqarani suliarineqartut, inuup ingerlatassanik suliaqartup, ingerlatassat taakkua tunngavigalugit, sumiiffimmut ingerlatassat suliarineqarfiannut qanorluunniit pisinnaatitaaffeqalersinnaaneranik, malitseqassanngitsut.

Ingerlatassat sumi suliarineqarnerat apeqqutaatinnagu, sumiiffiit aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersisummi pineqartunut ilaareersut aammalu sumiiffiit aatsitassanut tunngasunik suliaqarnissamut akuersissuteqartoqarfingeqareersimasut imaluunniit akuersisummik tunniussivigineqarsimasut tassani pineqarlutik.

Taamaalilluni sumiiffimmi aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersisummi pineqartunut ilaasumi ingerlatassanik suliaqarnissamut pisinnaatitaaffeqalertoqarsinnaasussaanngilaq, tassami sumiiffik kisermaassisussaatitaalluni aatsitassarsiornissamut akuersisummi pineqartunut ilaatinneqareermat. Aatsitassat aatsitassarsiorluni misissuinissamut imaluunniit piaanissamut pisinnaatitaaffeqalernissamik qinnuteqaatigineqartut, aatsitassanut tunngasunik suliaqarneq

pillugu Inatsisartut inatsisaat malillugu kisermaassisussaatitaalluni aatsitassarsiorluni piiaanissamut akuersisummi pineqartunut ilaatinneqarnersoq apeqqutaatinnagu, aammalu ingerlatassat suliarineqarusuttut ingerlatassat kisermaassisussaatitaalluni aatsitassarsiornissamut akuersissut malillugu suliarineqartut saniatigut ingerlanneqartussatut kissaatigineqarnersut, apeqqutaatinnagu, tamanna atuuppoq.

Sumiiffimmi aatsitassarsiorluni suliaqarnissamut akuersisummi pineqartunut ilaatinneqariinngitsumi imm. 1 malillugu ingerlatassat suliarineqarpata, ingerlatassanik suliaqartoq taanna Inatsisartut inatsisaanni kapitali 3 malillugu najukkami aatsitassanut tunngasunik suliaqarnissamut kisermaassisussaatitaalluni akuersisummi, sumiiffimmut tunngassutilimmik, qinnuteqarsinnaavoq. Taamaattoq inuk sumiiffimmi imm. 1 malillugu ingerlatassanik suliaqarsimasoq, sumiiffimmi najukkami aatsitassanut tunngasunik suliaqarnissamut kisermaassisussaatitaalluni akuersisummut salliusussaatitaalissanngilaq.

Aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissutit malillugit pisinnaatitsisummi pigisaqartut, aamma aalajangersimasumik najugaqartut aalajangersakkami imm. 1 malillugu aatsitassanik katersisut imaluunniit piiasut, akornanni akerleriittoqalinnginnissaa, aalajangersakkami qulakkeerneqarpoq kiisalu kisermaassisussaatitaanerup, aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissutip imarisaata, apeqquserneqarsinnaannginnissaa, qulakkeerneqarluni.

Aammattaaq aalajangersagaq malillugu aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissut malillugu pisinnaatitsisummi pigisaqartoq, sumiiffimmi aatsitassarsiorluni misissuinissamut akuersisummi pineqartunut ilaasumi aatsitassanut tunngasunik suliaqarnissamut salliusussaatitaavoq, tassami taanna, aalajangersimasumik najugaqartup paarlattuanik, pisinnaatitaaffimmik, Naalakkersuisunit akuerineqarsimasumik, piginnittuummat.

Imm. 4-mut

Aalajangersakkami aalajangersarneqarpoq, aalajangersimasumik najugaqartut Kalaallit Nunaannii aatsitassanik annissinissamut immikkut avammut annissinissamut akuersissuteqarfingeqartariaqanngitsut. Aalajangersakkami aalajangersagaq malillugu, assersuutigalugu killeqarfinni nakkutiginninnermut atatillugu, aalajangersimasumik najugaqartuunermut piumasaqaatinik upernarsaasussaanermut aalajangersimasumik najugaqartut pisussaajunnaarsinneqanngillat.

Imm. 5-imut

Inuup Kalaallit Nunaannut atassuteqarnera aallaavigalugu tamanna naapertuuttutut nalilerneqarpat, Naalakkersuisut qinnuteqarnikkut inuup aalajangersimasumik najugaqartuunngitsup imm. 1-4-mi pineqartunut ilaatinneqalersinnaaneranik aalajangiinissaannut inatsimmi tunngavissamik aalajangersagaq imaqarpoq.

Assersuutigalugu inuk ilinniarnermik pissuteqartumik, Kalaallit Nunaata avataani suliartortitaasimalluni imaluunniit napparsimaneq pissutigalugu Kalaallit Nunaata avataaniissimalluni, Kalaallit Nunaata avataaniissimappat, tamatumunngia immikkut ittumik akuersissuteqarneq nalunaarutigineqarsinnaavoq.

Najukkani aatsitassanut tunngasunik suliaqarnissamut akuersissutinut pisinnaatitsisummik pigisaqartunut ukiunut tallimanut piumasaqaat pillugu, tassunga assingusumik Kalaallit Nunaaniinnissaq aamma Kalaallit Nunaannut akileraartussaatitaanissaq pillugu piumasaqaatip saneqqunneqarnissaa pillugu aalajangersagaq § 14, imm. 3-mi takuneqarsinnaavoq.

§ 8-imut

Imm. 1-imut

Aalajangersagaq aalajangersimasumik najugaqartuunngitsut, qaammatini siuliini pingasuni Kalaallit Nunaanniissimasut aatsitassanik katersisinnaanerannut tunngassuteqarpoq. Ilaatigut ukiumut annertussutsinut killiliineq, ilaatigut katersineq inuussutissarsutiqinagu taamaallaat pisinnaasoq, aalajangersakkami erseqqissarneqarpoq.

Aammattaaq katersineq taamaallaat aatsitassanut kaanngarsimallutik maaniinnarmiittunut tunngassuteqartoq, aalajangersakkami aalajangersarneqarpoq. Taamaalilluni sakkunik atortoqarluni piiaanissaq qanoluunniit ittoq mattunneqarpoq.

Inuit qaammatini siuliini pingasuni Kalaallit Nunaanniissimasut kisimik, aalajangersagaq malillugu aatsitassanik katersisinnaapput. Tassa imaappoq assersuutigalugu takornariat piffissami sivikinnerusumi Kalaallit Nunaanniittut, aalajangersagaq malillugu aatsitassanik katersisinnaanngillat.

Imm. 2-mut

Aalajangersakkami aalajangersarneqarpoq, aalajangersimasumik najugaqartuunngitsoq, qaammatini siuliini pingasuni Kalaallit Nunaanniissimasoq, aatsitassanik imm. 1-imi killilersuinernut naapertuuttumik taassuma ketersorsimasaannik, annisisinnaasoq. Tassa imaappoq, aalajangersimasumik najugaqartuunngitsoq taamatut ittumik annissinissamut avammut annissinissamut akuersissuteqarfingeqartariaqanngitsoq.

Aammattaaq aalajangersakkami aalajangersarneqarpoq, aatsitassat annertussusaat imm. 1-imi annertussutsinut killiliussamit annertunerusoq, aalajangersimasumik najugaqartumit pisiarisimallugu aalajangersimasumik najugaqartuunngitsup uppernarsarsinnaappagu, aamma immikkut avammut annissinissamut akuersissuteqarnissaq pisariaqanngitsoq.

Assersuutigalugu uppernarsaat pisinermut allagartamik takutitsinikkut pisinnaavoq.

Inuit qaammatini siuliini pingasuni Kalaallit Nunaanniissimasut kisimik aalajangersagaq

malillugu aatsitassanik annissisinnaapput. Tassa imaappoq, assersuutigalugu takornariat piffissami sivikinnerusumi Kalaallit Nunaanniittut, aalajangersagaq malillugu aatsitassanik annissisinnaanngillat.

§ 9-mut

Imm. 1-imut

Aalajangersakkami aalajangersarneqarpoq, inuit qaammatinit pingasunit sivikinnerusumik Kalaallit Nunaanniissimasut, tamanna siunnersuummi § 11 malillugu ilitsersuisoqarluni angalaarnerup nalaani pisimanngippat, aatsitassanik katerseqqusaanngillat imaluunniit piiqaqqusaanatik.

Imm. 2-mut

Aalajangersakkami aalajangersarneqarpoq, aalajangersimasumik najugaqartuunngitsoq, inuk tamatumunnga avammut annissinissamut akuersisummik tunineqarsimappat, aatsaat aatsitassanik annissisinnaasoq. Tamanna annissinerup inuussutissarsiutigalugu imaluunniit inuussutissarsiutiginagu ingerlanneqarnera apeqquatainnagu atuuppoq, taamaattoq takuuk imm. 3.

Imm. 3-mut

Aalajangersakkami allassimavoq, aatsitassat aalajangersimasumik najugaqartumit pisiarineqarsimappata aammalu pisineq uppermarsarneqarsinnaappat, assersuutigalugu pisinermut allagartamik takutitsinikkut, inuk aalajangersimasumik najugaqartuunngitsoq tamatumunnga avammut annissinissamut akuersisummik peqarani aatsitassanik Kalaallit Nunaanniit inuussutissarsiutiginagu annissisinnaasoq.

Aalajangersimasumik najugaqartumit aatsitassanik pisinermi aammattaaq aatsitassat aalajangersimasumik najugaqartumit aaqqissuunneqartumik ilitsersuisoqarluni angalaarnerup nalaani pisiarineqarsimasut aamma pineqartunut ilaatinneqarput, takuuk siunnersuummi § 11.

Aalajangersagaq malillugu inuk aalajangersimasumik najugaqartuunngitsoq, assersuutigalugu takornariaq, tamatumunnga avammut annissinissamut akuersisummik peqarani aatsitassanik Kalaallit Nunaanniit inuussutissarsiutiginagu annissisinnaavoq, piumasaqaatit makku tamarmik naammassineqarsimappata:

1. Aatsitassat inummit aalajangersimasumik najugalimmit pisiarineqarsimassasut.
2. Pisineq uppermarsarneqarsinnaassasoq, assersuutigalugu pisinermut allagartamik takutitsinikkut.

Aalajangersakkami siunertaavoq, inummut aalajangersimasumik najugaqartuunngitsumut, ilanngullugu assersuutigalugu takornariaq, Kalaallit Nunaanni aatsitassanik pisinissamik taakkulu Kalaallit Nunaanniit anninnissaannik ajornaatsuutitsinissaq. Aalajangersakkamut

aammattaaq siunertaavoq inummut aalajangersimasumik najugalimmut, Kalaallit Nunaanni aatsitassanik tuniniaasartumut, aallannginnermi Naalakkersuisuni avammut annissinissamut akuersissuteqarnissamik qinnuteqaqqarnissaq innersuussutigisariaqarnagu, ajornaatsuutsinissaq. Pissutsit taaneqartut aammattaaq malitsigaannik, aatsitassanik aalajangersimasumik najugalimmit pisiarineqartunik annissinissaq, inuup aalajangersimasumik najugaqartuunngitsup, ilanngullugu assersuutigalugu takornariaq, inummit aalajangersimasumik najugalimmit aatsitassamik pisineri aammalu aatsitassap Kalaallit Nunaanniit anninnissaanik kissaateqarneri tamaasa, avammut annissinissamut akuersissuteqarnerik tunniussinissamut allaffissornikkut aningaasartuuteqarnerik malitseqassanngillat.

Siunnersuummi imm. 3-mi aatsitassanut inunnit aalajangersimasumik najugalinnit pisiarineqartunut killiliinermi, Naalakkersuisut naammattumik annertussusilimmik aatsitassanik tuniniaanermik aammalu aatsitassanik annissinermik, inummit Kalaallit Nunaanni aalajangersimasumik najugaqartuunngitsup, ilanngullugu takornariaq, ingerlataanik, nakkutiginnissinnaanerat misissuisarsinnaanerallu qulakkeerneqarpoq.

Imm. 4-mut

Aalajangersagaq malillugu aalajangersimasumik najugaqartuunngitsut tamatumunnga avammut annissinissamut akuersissummik peqaratik, aatsitassanik ilisimatusarnermik siunertalimmik katarsorneqartunik imaluunniit piiarneqartunik killeqanngitsumik annissisinnaapput.

Aalajangersakkami taamaallaat aatsitassat ilisimatusarluni misissuinernut, aatsitassanut tunngasunik suliaqarneq pillugu Inatsisartut inatsisaanni pineqartunut ilaangitsunut, atillugu katarsorneqartut imaluunniit piiarneqartut, maleruagassiivigineqarput. Aatsitassanik ilisimatusarluni misissuinernut atillugu katarsorneqartunik imaluunniit piiarneqartunik annissinissaq kiisalu tamatumunnga atasumik suliaqarnerit, aatsitassanut tunngasunik suliaqarneq pillugu Inatsisartut inatsisaanni pineqartunut ilaatinneqartussaapput.

§ 10-mut

Imm. 1-imut

Aalajangersakkami ingerlatassanut siunnersuummi §§ 7-imti aamma 8-imti pineqartunut ilaasunut sumiiffinni killilersuinerit aalajangersorneqarput.

Aalajangersagaq malillugu inuit ataasiakkaat siunnersuummi §§ 7 aamma 8 malillugit katersinerat imaluunniit piiaaneri sumiiffinni Inatsisartut inatsisaat malillugu siunnersuummi kapitali 3 malillugu akuersissummik tunniussivigineqarsimasuni imaluunniit siunnersuummi kapitali 5 malillugu atortussanut akuersissuteqarfigineqarsimasuni, ingerlanneqarsinnaanngillat.

Aalajangersagaq malillugu inuit ataasiakkaat siunnersummi §§ 7 aamma 8 malillugit katersinerat imaluunniit piiaanerat, sumiiffinni piiaanissamut akuersissummi aatsitassanut tunngasunik suliaqarneq pillugu Inatsisartut inatsisaat naapertorlugu tunniunneqarsimasumi pineqartunut ilaasuni, imaluunniit sumiiffinni aatsitassanut tunngasunik suliaqarneq pillugu Inatsisartut inatsisaat § 44 malillugu suliakkiussanut najoqqtassami pineqartunut ilaasuni, suliakkiussanut najoqqtassap tamanut ammasumik tusarniaassutigalugu nassiunneqareernerani aamma ingerlanneqarsinnaanngillat. Taanna malillugu paarlattuanik, sumiiffik aatsitassanut tunngasunik suliaqarneq pillugu Inatsisartut inatsisaat § 44 malillugu suliakkiussanut najoqqtassami pineqartunut ilaasimanngippat, aammalu suliakkiussanut najoqqtassaq tamanut ammasumik tusarniaassutigalugu nassiunneqarsimanngippat, inuit ataasiakkaat §§ 7 aamma 8 malillugit katersinerat imaluunniit piiaanerat sumiiffinni, misisueeqqaarnissamut imaluunniit aatsitassarsiorluni misissuinissamut akuersissummi aatsitassanut tunngasunik suliaqarneq pillugu Inatsisartut inatsisaat naapertorlugu, tunniunneqarsimasumi kiisalu ilisimatuussutsikkut misissuinernut akuersissummi inatsit taanna naapertorlugu tunniunneqarsimasumi, pineqartunut ilaasumi, ingerlanneqarsinnaapput.

Naggasiutigalugu aalajangersagaq malillugu inuit ataasiakkaat siunnersummi §§ 7 aamma 8 malillugit katersinerat imaluunniit piiaanerat sumiiffinni nunap sannaanik eqqissismatitsiviusuni, aamma ingerlanneqarsinnaanngillat.

Imm. 2-mut

Aalajangersakkami § 7 malillugit piiaanermi, aatsitassat, aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut kisermaassisussaatitaalluni akuersissummi pineqartunut ilaatinneqartut taamaallaat saniatigut tunisassiassatut ppiarneqaqqusaalerlugin, killiliisoqarpooq.

Maannamut suleriaasisimasoq malillugu, aatsitassarsiorluni misissuinissamut akuersissut aatsitassanut tamaginnut, ikummatissiassat aamma aatsitassat qinngornernik ulorianartunik akullit ilaamatik, kisermaassisussaatitaatitsivoq. Tamanna aatsitassarsiorluni misissuinissamut akuersissutinut atugassarititaasut nalinginnaasut imaraat. Siunissami aatsitassat, nalinginnaasumik aatsitassarsiorluni misissuinissamut akuersissummi pineqartunut ilaasartussat, amerlassusaat killeqalertussaapput, taamaalilluni aatsitassarsiorluni misissuinissamut akuersissummi ujaqqat pinnersaasiassat aamma aatsitassat allat najukkani suliaqartuniit immikkut soqutigineqartut allat, aallaaviatigut ilaatinneqartarunnaassallutik. Tamatuma aalajangersimasumik najugaqartut sumiiffinni, aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissutini pineqartunut ilaasuni, ujaqqanik pinnersaasiassanik il.il. piiaanissamik periarfissaqalersippai.

Ujaqqat pinnersaasiassat aatsitassanut aalajangersimasumik najugaqartut ingerlatassaminni siunnerfigisagaasa akornanniipput, aammalu allanngortitsinermi najukkaneersut aatsitassanik piiaanissamut periarfissaqarnissaat pillugu Inatsisartut inatsisaanni siunertaasoq

mianerineqassaaq.

Aammattaaq aatsitassat najukkaneersunit suliaqartartunit immikkut soqtigineqartut allat ilaatinneqassanngillat. Taakkua assersuutigalugu tassaasinnaapput aatsitassat qaqtigoortut ujaqqanik katersisartunut soqtiginaatillit. Aatsitassat taakkua akornanniittut ilaatinneqannginnissaannut tunngavissaatinneqarpoq, taakkua annertunerusumik niuerutigineqartussatut ppiarneqarsinnaasussaannginnerat, taamaalillunilu aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissutit malillugit pisinnaatitsisummiik pigisaqartunut soqtiginaateqannginnerat.

Aatsitassanut tunngasunik suliaqarneq pillugu Inatsisartut inatsisaata allanngortinnejnarneratigut, aatsitassanut tunngasunik suliaqarneq pillugu Inatsisartut inatsisaat naapertorlugu nalunaarummik atuutilersitsinikkut imaluunniit aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissutinik tunniussinermi suleriaatsip allanngortinnejnarneratigut, allanngortitsineq pissaaq.

Allanngortitsineq sumiiffinnut ulloq 1. oktober 2024 kingorna aatsitassarsiorluni misissuinissamut akuersissutini pineqartunut ilaatinneqartunut taamaallaat atuutissaaq. Tamatumunnga takuuk § 77, imm. 5.

Aatsitassat aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissummi pineqartunut ilaasut taamaallaat siunnersummi § 7 malillugu saniatigut tunisassiassatut piaqqaqusaanerat isumaqarpoq, aalajangersimasumik najugaqartut akuersissummiik peqanngitsut, aatsitassanik akuersissummi pineqartunut ilaasunik piaanissamut sammititamik piaasoqqaqusaanngitsoq, aammalu aatsitassat taakkua, ppiarneqarsimassagunik, nierutigineqarlutik atorneqaqqaqusaanngitsut.

Aalajangersimasumik najugaqartut akuersissummiik peqanngitsut aatsitassanik annertunerusunik annertussusilinnik, niuerutigineqarlutik atorneqaqqaqusaanngitsunik, taamaalillunilu maangaannartinneqarlutik ppiarneqartunik, sumiiffimmit akuersissuteqarfiusumit qimagutsillugit assartuisarnissaat naatsorsuutigineqanngimmat, aatsitassat akuersissummi pineqartunut ilaasut saniatigut tunisassiassatut ppiarneqarsinnaagaluartut, aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissut malillugu pisinnaatitsisummiik pigisaqartup kisermaassisussaatitaanera ajoquserneqarsimanani taamaaginnartussaavoq.

Imm. 3-mut

Aalajangersakkami aalajangersarneqarpoq aalajangersimasumik najugaqartut, sumiiffimmi aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut kisermaassisussaatitaalluni akuersissummi pineqartunut

ilaasumi, katersisut imaluunniit piiasut, aatsitassanut tunngasunik suliaqarnerup ingerlannissaanut aatsitassarsiorluni misissuinissamut akuersissummi pisinnaatitaaffiit malillugit pisinnaatisissummik pigisaqartoq ataqqissavaat.

Tamanna isumaqarpoq, aatsitassarsiorluni misissuinissamut akuersissut malillugu pisinnaatisissummik pigisaqartoq sumiiffimmi akuersissummi pineqartunut ilaasumi aatsitassanut tunngasunik suliaqarnerup ingerlannissaanut salliusussaatitaasoq. Aalajangersimasumik najugaqartoq akuersissummik peqanngitsoq taamaalilluni, aalajangersimasumik najugaqartup, pisinnaatisissummik pigisaqartup ingerlataannut kattunneqarsinnaanngitsumik, ingerlatassanik suliaqarnissaq kissaatigippagu, imaluunniit taakkununnga akornutaappat, illuartariaqassaaq. Ingerlatassat pisinnaatisissummik pigisaqartumit suliarineqartut, Naalakkersuisunit akuerineqarsimanissaat, tassani tunngavissaatinneqarpoq.

Imm. 4-mut

Aalajangersagaq imm. 1-im i laatitsinnginnermut aalajangersagaavoq. Aalajangersagaq malillugu inuup upternarsarsinnaappagu tamanna pillugu sumiiffimmut pisinnaatisissummik pigisaqartoq attuumassuteqartoq isumaqatigiissuteqarfingeqarsimasoq upternarsarsinnaappagu, inuit ataasiakkaat siunnersummi §§ 7 aamma 8 malillugit katersinerat imaluunniit piaanerat sumiiffinni imm. 1, nr. 1-3ii aamma imm. 2-mi taaneqartuni taamaakkaluartoq ingerlanneqarsinnaapput. Taamaalilluni isumaqatigiissuteqarnissamut killilersuisoqannginnissaa aammalu sumiiffinni pisinnaatisissummik pigisaqartup ingerlataasa ingerlatamut aalajangersimasumut, aatsitassamut aalajangersimasumut, ukumi piffissamut aalajangersimasumut assigisaannulluunniit tunngassuteqartitaanni, aammalu siunnersummi §§ 7 aamma 8 malillugit inuit ataasiakkaat katersinerat imaluunniit piaanerat pisinnaatisissummik pigisaqartup soqutigisaannut ataatsimoortinneqarsinnaassappat, allanngorartitsinissamut periarfissaqarnissaq qulakkeerneqarput.

§ 11-mut

Imm. 1-imut

Aalajangersagaq aatsitassanut ikummatissanullu inatsimmut atuuttumut sanilliullugu nutaaliорnuvoq. Aalajangersakkami ujarassiortitsilluni takornariartitsinermik inuussutissarsiuteqartunut ammanerulersitsisoqarpoq, taamaalilluni aalajangersimasumik najugaqartoq ilitsersuisoqarluni aatsitassarsiortitsilluni angalaarnernik aaqqissuussinissamut immikkut akuersissuteqarfingeqartussajunnaarluni. Taamaattoq ujarassiortitsilluni takornariartitsinermik ingerlatsinissamik pisinnaatitaanermut aalajangersimasumik najugaqartut suli salliutinneqarput. Aalajangersakkami aalajangersimasumik najugaqartoq akuersissuteqarnernik imaluunniit akuersissutinik, ujarassiortitsilluni takornariartitsinernik ingerlataqarnissamik pilersaaruteqarneq pillugu inatsisit allat malillugit pisariaqartunik, assersuutigalugu ilaasunik angallassinissamut angallatinut piumasaqaatit, piniarnissamik

pisussaajunnaarsinneqanngilaq.

Imm. 2-mut

Aalajangersagaq malillugu aalajangersimasumik najugaqartuunngitsut imm. 1 malillugu ilitsersuisoqarluni angalaarnerit nalaanni, aalajangersimasumik najugaqartumut angalaarnermik aaqqissuussisumut tunngavissarititaasut assingi atuutsillugit taamaaqataannik ingerlatassanik suliaqarsinnaapput.

Imm. 3-mut

Aalajangersagaq malillugu aatsitassanik annissisarneq pillugu maleruagassat taamaaqatai, aatsitassanut imm. 1 malillugu ilitsersuisoqarluni angalaarnerup nalaani katersorneqarsimasunut imaluunniit ppiarneqarsimasunut, aatsitassanut ataatsimut isigalugu atuuttutut, atuutissapput.

Tassa imaappoq, inuit aalajangersimasumik najugaqartuunngitsut, qaammatini siuliini pingasuni Kalaallit Nunaanniissimasut, qaammatisiutit malillugit ukiumi ataatsimi aatsitassanik 1 kg-nik annissisinnaasut. Inuit aalajangersimasumik najugaqartuunngitsut, qaammatinit pingasunit sivikinnerusumik Kalaallit Nunaanniissimasut, tamatumunnga avammut annissinissamut akuersissuteqarfigineqarsimaganik imaluunniit aatsitassat aalajangersimasumik najugaqartumit pisiarisimallugit, assersuutigalugu ilitsersuisoqarluni angalaarnermik aaqqissuussisumit, uppernarsarsinnaagunikku, aatsaat aatsitassanik annisseequsaapput.

Imm. 4-mut

Aalajangersakkami ingerlatassanut imm. 1-imí pineqartunut ilaasunut sumiiffinnut killilersuinerit aalajangersarneqarput.

Aalajangersagaq malillugu ilitsersuisoqarluni aatsitassarsiortitsilluni angalaarnerit sumiiffinni, siunnersummi kapitali 3 malillugu akuersissummik imaluunniit siunnersummi kapitali 5 malillugu atortusanut akuersissuteqarnermik Inatsisartut inatsisaat malillugu tunniussivigineqarsimasuni, ingerlanneqaqqusaanngillat.

Aalajangersagaq malillugu ilitsersuisoqarluni aatsitassarsiortitsilluni angalaarnerit sumiiffinni, piaanissamut akuersissummi aatsitassanut tunngasunik suliaqarneq pillugu Inatsisartut inatsisaat naapertorlugu tunniunneqarsimasumi pineqartunut ilaasuni, imaluunniit sumiiffinni aatsitassanut tunngasunik suliaqarneq pillugu Inatsisartut inatsisaat § 44 malillugu suliakkiussanut najoqqtassami pineqartunut ilaasuni, suliakkiussanut najoqqtassap tamanut ammasumik tusarniaassutigalugu nassiuunneqareernerani, aamma ingerlanneqarsinnaanngillat. Taanna malillugu paarlattuanik, sumiiffik aatsitassanut tunngasunik suliaqarneq pillugu Inatsisartut inatsisaat § 44 malillugu suliakkiussanut najoqqtassami pineqartunut ilaasimanngippat, aammalu suliakkiussanut najoqqtassaq tamanut ammasumik tusarniaassutigalugu nassiuunneqarsimamanngippat, ilitsersuisoqarluni aatsitassarsiortitsilluni

angalaarnerit sumiiffinni, misissueeqqaarnissamut imaluunniit aatsitassarsiorluni misissuinissamut akuersisummi, aatsitassanut tunngasunik suliaqarneq pillugu Inatsisartut inatsisaat naapertorlugu, tunniunneqarsimasumi kiisalu ilisimatuussutsikkut misissuinernut akuersisummi inatsit taanna naapertorlugu tunniunneqarsimasumi, pineqartunut ilaasuni, ingerlanneqarsinnaapput.

Naggasiutigalugu aalajangersagaq malillugu ilitsersuisoqarluni aatsitassarsiortitsilluni angalaarnerit sumiiffinni nunap sannaanik eqqissimatitsiviusuni, aamma ingerlanneqarsinnaanngillat.

Imm. 5-imut

Aalajangersagaq imm. 2-mi ilaatisinnginnermut aalajangersagaavoq. Aalajangersagaq malillugu aalajangersimasumik najugaqartup ilitsersuisoqarluni aatsitassarsiortitsilluni angalaarnermik aaqqissuussisup tamanna pillugu sumiiffimmut pisinnaatitsisummik pigisaqartoq attuumassuteqartoq isumaqtigiissuteqarfingineqarsimasoq upernarsarsinnaappagu, ilitsersuisoqarluni aatsitassarsiortitsilluni angalaarnerit sumiiffinni imm. 2, nr. 1-imi aamma 2-mi taaneqartuni taamaakkaluartoq ingerlanneqarsinnaapput. Taamaalilluni isumaqtigiissuteqarnissamut killilersuisoqannginnissa aammalu sumiiffinni pisinnaatitsisummik pigisaqartup ingerlataasa ingerlatamat aalajangersimasumut, aatsitassamut aalajangersimasumut, ukiumi piffissamut aalajangersimasumut assigisaannulluunniit tunngassuteqartitaanni, aammalu ilitsersuisoqarluni aatsitassarsiortitsilluni angalaarneq pisinnaatitsisummik pigisaqartup soqtigisaannut ataatsimoortinneqarsinnaassappat, allanngorartitsinissamut periarfissaqarnissaq qulakkeerneqarput.

§ 12-imut

Imm. 1-imut

Aalajangersagaq siunnersummi kapitali 2 malillugu katersisarneq, piiasarneq annissisarnerlu pillugit aalajangersakkani, ilanngullugu atortunik aalajangersimasunik atuinissamut, atortut akuerisaasut arlallit nassuaassutaannik aammalu aatsitassat aalajangersimasut pillugit immikkut maleruagassanik aalajangersaanissamut, Naalakkersuisut aalajangersaanissaannut inatsimmi tunngavissamik nalinginnaasumik imaqarpoq. Assersuutigalugu taakkua tassaasinnaapput aatsitassat nalitut imaluunniit qaqtigoortut, soorlu assersuutigalugu tugtupit-it, diamantit, safirit, rubinit, smaragd-it, chrysoberyl-it aamma opal-it.

Aammattaaq aalajangersagaq malillugu annissisarneq pillugu immikkut aalajangersakkani Naalakkersusiut aalajangersaasinnaassapput, ilanngullugu assersuutigalugu aatsitassat aalajangersimasut, imaluunniit aatsitassat sumiiffinnit aalajangersimasuneersut assigisaalluunniit, immikkut annissinissamut akuersissuteqarneq nalunaarutigineqarsimappat, aatsaat anninnejqarsinnaasut.

Imm. 2-mut

Aatsitassat tuniniaqquaalinnginneranni imaluunniit anniseqquaalinnginneranni aatsitassanut aalajangersimasunut immikkut nalinginik nalilersuisoqartassasoq pillugu aalajangersakkanik, aalajangersagaq malillugu Naalakkersuisut aalajangersaasinnaapput.

Inatsisit attuumassuteqartut, ilanngullugu assersuutigalugu akileraartarnermut inatsisit, saneqqutaarnissaat siunertalarugu aatsitassat akigititanut niuerfimmi akigititat inorlugit annertussusilinnut tunineqarnissaasa pinngitsoortinnissaa, aalajangersakkami siunertaavoq.

§ 13-imut

Imm. 1-imut

Aalajangersagaq malillugu sumiiffimmut erseqqinnerusumik killissalersugaasumut aammalu atugassaritaasut erseqqinnerusumik aalajangersarneqartut malillugit najukkani aatsitassanut tunngasunik suliaqarnissanut kisermaassisussaatitaalluni akuersissummik tunniussisoqarsinnaavoq. Taamaalilluni maannakkut aatsitassanut ikummatissanullu inatsimmi atuuttumi kisermaassisussaatitaanani akuersissutinik tunniussinissamut periarfissaq atorunnaarpoq.

Kisermaassisussaatitaanerup atuunnerani sumiiffimmut ataatsimut akuersissummik unammillertussamik tunniussisoqarsinnaanngilaq.

Akuersissutini aalajangersagaq malillugu tunniunneqarsimasuni ilaatinneqarput aatsitassarsiorluni misissuineq aammaa aatsitassanik piaaneq. Aatsitassat tamarmik pineqartunut ilaatinneqarpoq, aatsitassat qinngorernik ulorianartunik akullit ilaamatik. Aatsitassat qinngorernik ulorianartunik akullit paasineqassaaq tassaasut aatsitassat pinngoqqaatinik qinngorernik ulorianartunik akullit. Taakkua assersuutigalugu tassaapput uran, thorium aamma plutonium. Allattukkat tamakkiisuunngillat.

Imm. 2-mut

Akuersissummut pisinnaatitsisummik pigisaqartoq immikkut avammut annissinissamut akuersissuteqarfigineqarani aatsitassanik akuersissut malillugu piiarneqarsimasunik, ilanngullugit aatsitassat misileraanissamut tiguneqarsimasut, annissinissamut pisinnaatitaavoq.

Aalajangersagaq § 20, imm. 3-mut ataqatigiissillugu atuarneqassaaq, taanna malillugu aatsitassanut aalajangersimasunut tunngatillugu, aatsitassat tuniniarneqeqquaalinnginneranni imaluunnit anninneqquaalinnginneranni immikkut nalingannik nalilersuinermik suliaqartoqartussaasoq pillugu aalajangersakkanik Naalakkersuisut aalajangersaasinnaallutik. Inatsisit attuumassuteqartut, ilanngullugu assersuutigalugu akileraartarnermut inatsisit, saneqqutaarnissaat siunertalarugu aatsitassat akigititanut niuerfimmi akigititat inorlugit

annertussusilinnut tunineqarnissaasa pinngitsoortinnissaa, aalajangersakkami siunertaavoq.

§ 14-imut

Najukkani aatsitassanut tunngasunik suliaqarnissamut akuersissummut pisinnaatitsissummik pigisaqartumut piumasaqaatit aalajangersakkami aalajangersarneqarput. Piumasaqaatit akuersissummut tunniussinerup nalaani aammalu piffissaq akuersissuteqarfiusoq tamakkerlugu atuupput.

Imm. 1-imut

Aalajangersagaq maannakkut aatsitassanut ikummatissanullu inatsimmut atuuttumut sanilliullugu nutaaliорneruvoq. Aalajangersakkami aalajangersarneqarpoq, pisinnaatitsissummik pigisaqartoq (annikitsumik aatsitassarsiornissamut akuersissutit pillugit maannakkut aatsitassanut ikummatissanullu inatsisip atuuttup akerlianik) Kalaallit Nunaanni inuussutissarsiortutut nalunaarsorsimassasoq kiisalu Kalaallit Nunaanni angerlarsimaffeqassasoq. Aammattaaq aalajangersakkami allassimavoq, suliffeqarfiiit qanoq aalajangersimasumik iluseqartillugit pisinnaatitsissummik pigisaqartoq nalunaarsorsimassanersoq.

Imm. 2-mut

Aalajangersakkami ingerlatseqatigiiffimi pisinnaatitsissummik pigisaqartuusumi aalajangiisuusumik sunniuteqarnissamut piumasaqaatit aalajangersarneqarput. Tassani pineqarsinnaapput inuk ataaseq imaluunniit inuit arlallit peqatigiillutik.

Pinngitsoorani piginnittuusoq imaluunniit piginnittuusut, piumasaqaatinik naammassinnittussaapput. Ingerlatseqatigiiffimi pisinnaatitsissummik pigisaqartumi aalajangiisuusumik sunniuteqarneq pisinnaatitaallutillu pisussaatitaasunit ataatsimit arlalinniilluunniit atorneqarpat, pisinnaatitaallutillu pisussaatitaasuni taakkunani aalajangiisuusumik sunniuteqarnermiq atuineq, piumasaqaatip naammassinissaanut aalajangiisuussaaq.

Aalajangersagaq malillugu ingerlatseqatigiiffimi inuit pisinnaatitsissummik pigisaqartumi aalajangiisuusumik sunniuteqartut Kalaallit Nunaanni inuit nalunaarsorsimaffianni nalunaarsorsimasumi najugaqassapput kiisalu Kalaallit Nunaannut tamakkiisumik akileraartussaatitaassallutik – aammalu siuliini ukiuni 5-ini taamaassimassallutik.

Inuk ukiut 5 kingulliit iluanni Kalaallit Nunaata avataani inuit nalunaarsorsimaffianni nalunaarsorsimasumi najugaqarsimappat imaluunniit piffissami tassani Kalaallit Nunaannut tamakkiisumik akileraartussaatitaasimanngippat, ukiut 5-it taakkua kipitinneqarsimasutut isigineqassapput. Qinnuteqartup taamaalilluni, Naalakkersuisut imm. 3 malillugu allamik aalajangersimanngippata, piumasaqaat naammassisimassanngilaa, taamaattumillu akuersissummut tunineqarsinnaasussaanani. Takukkit imm. 3-mut nassuaatit.

Tamatuma saniatigut inuit akuersissutip tunniunneqarnerata nalaani aammalu piffissaq akuersissuteqarfiusoq tamaat namminersorsinnaatitaassapput. Inuit taamaalillutik akuersissut ilaalu ilanngullugit malillugit pisussaaffeqlersinnaassapput.

Piumasaqaatit naammassineqarsimanerat pisinnaatitsissummik pigisaqartoq uppernarsaasinnaanissamut pisussaaffeqarpoq.

Imm. 3-mut

Tamanna inuup Kalaallit Nunaannut atassuteqarnera aallaavigalugu naapertuuttuut nalilerneqarpat, imm. 2, nr. 1-imi aamma 2-mi piffissanut minnerpaamik ukiunik 5-inik sivisussusilinnut piffissatigut piumasaqaatit tamakkiisumik ilaannaasumilluunniit saneqqunneqarnissaannut Naalakkersuisunut inatsimmi tunngavissamik aalajangersagaq imaqarpoq.

Assersuutigalugu inuk ilinniartitaanermik pissuteqartumik Kalaallit Nunaata avataaniissimappat, inuk sulinermi malitsigisaanik Kalaallit Nunaata avataani sulitinneqarsimappat, imaluunniit inuk napparsimanini pissutigalugu Kalaallit Nunaata avataaniissimappat, tamatumunnga immikkut ittumik akuersissuteqarneq pisinnaavoq.

Aalajangersimasumik najugaqartunut ukiunik tallimanik piumasaqaat pillugu immikkut ittumik akuersissuteqarsinnaaneq assingusoq § 7, imm. 5-imi takuneqarsinnaavoq.

Imm. 4-mut

Aalajangersagaq malillugu pisinnaatitsissummik pigisaqartoq taanna qaammatisiutit malillugit ukiumi tessani akuersissutinik 5-init amerlanerusunik tunineqarsinnaanngilaq. Pisinnaatitsissummik pigisaqartoq qaammatisiutit malillugit ukiup taassuma iluani akuersissutit 6-issaannik tunineqarnissamik qinnuteqarpat, akuersissutit tunniunneqareersut arlaat utertinneqariinngippat imaluunniit allamut tunniunneqariinngippat, akuersissutit 6-issaat tunniunneqarsinnaanngilaq.

Aammattaaq pisinnaatitaasut pisussaatitaasullu arlaannaalluunniit ataatsikkut ingerlatseqatigiiffinni 5 pisinnaatitsissummik pigisaqartuni 5-init amerlanerusuni aalajangiisuusumik sunniuteqarsinnaanngillat. Aalajangersakkami siunertaavoq isertortukkut akunnermiliuttut suliffeqarfittut taagorneqartut pitsaaliorneqarnissaat, tessani aalajangersimasumik najugaqartut imm. 2-mi atassuteqarnissamut piumasaqaatinik naammassinnittut "pisuusaartumik" ingerlatseqatigiiffinni piginnittunit ikkunneqarlutik, taamaalillunilu atassuteqarnissamut piumasaqaatit pillugit maleruagassat avaqqutaarneqarsinnaalersillugit.

Imm. 5-imut

Aalajangersagaq malillugu pisinnaatitsissummik pigisaqartoq piffissaq akuersissuteqarfiusoq

tamaat akuersissut malillugu ingerlatassat suliarinissaannut teknikkikkut suliassanullu pisariaqartunik piginnaasaqassaaq (sulianut paasisimasaqarneq) aammalu aningaasaqarnikkut aningaasalersuinikkullu piginnaasaqassalluni (ningaasalersuinermut pisinnaasaqarneq) aammaakuersissut immaqalu akuersissuteqarnerit tassunga atasut il.il. pillugit pisussaaffiminik naammassinnissalluni.

Pisinnaatitsisummik pigisaqartoq taamaalilluni aningaasaqarnikkut pisinnaassuseqassaaq pisariaqartunillu sulianut paasisimasaqassalluni.

Pisortat ingerlatsinerannut inatsisini nalinginnaasuni annertoqqatigiimmik pinninnissamut tunngaviusut nalinginnaasumik malitsigisaannik aningaasaqarneq sulianullu paasisimasaqarneq pillugit piumasaqaatit, suliffeqarfik minnerusoq killilimmik ingerlataqartoq, taamaallaat tigummiaannartakkanik sakkunik biilnik maskiinanillu annikitsunik atuilluni ingerlataqartoq, nalinginnaasumik tassani pineqartussaaneranut sanilliunneqarput.

Sulianut paasisimasaqarluni aningaasaqarnikkullu tunuliaqutaqarnissamut pisuni ataasiakkaani piumasarineqartumut, ingerlatassat annertussusaat, pisariussusaat aarlerinaateqarnerat ilaalu ilanngullugu, apeqqutaassapput. Ingerlatassat annertussusaasa qanoq issusaasalu akornanni naleqquttumik annertoqqatigiissitsinissaq anguniarneqassaaq.

§ 15-imut

Imm. 1-imut

Aalajangersagaq malillugu ukiuni 5-ini piffissamut akuersissuteqarfiusumut akuersissut tunniunneqarsinnaavoq. Piffissaq akuersissuteqarfiusoq aatsitassarsiorluni misissuinissamut akuersissutinut nalinginnaasunut, aatsitassanut tunngasunik suliaqarneq pillugu Inatsisartut inatsisaat malillugu tunniunneqartunut piffissamut akuersissuteqarfiusumut assinguvoq. Akuersissutit assigiinngitsut marluk taakkua assigiinngitsunik atuuffissaqarnissaannut pingaarutilinnik tunngavilersuuteqartoq naliliisoqanngilaq. Siunnersuummi aatsitassanut ikummatissanullu inatsisit akimorlugit akuersissutit aaqqissugaanerat assigiissaartunngortinneqarpoq.

Imm. 2-mut

Aalajangersakkami piffissaq akuersissuteqarfiusup atuutilerfissaanut piffissaq nassuiarneqarpoq. Siunnersuummi allaffissornikkut suleriaaseq atuuttoq inatsimmiitilerneqarpoq.

Imm. 3-mut

Piffissap akuersissuteqarfiusup imm. 1-imi taaneqartup sivitsorneqarnissaanut pissutsit suut naammassineqarsimassanersut, aalajangersakkami maleruagassiivigineqarpoq.

Aalajangersakkami allassimavoq, pisinnaatitsisummik pigisaqartup imm. 1 malillugu

piffissami akuersissuteqaqqaarfiusumi akuersissut aamma akuersissut malillugu ingerlatassat, ilanngullugit taakkua ataanni akuersissuteqarnerit, pillugit pisussaaffit tamaasa naammassisimappagit aammalu aatsitassanik piaaneq imaluunniit niuerutigineqartussanik ingerlataqarnerit pillugit ingerlatassat suliarineqarnerat aallartissimallugu, pisinnaatitsisummik pigisaqartoq piffissap akuersissuteqarfiusup sivitsorneqarnissaanut pisinnaatitaavoq. Niuerutigineqartussanik ingerlataqarnerit allat assersuutigalugu taassaasinnaapput ujarassiortitsilluni takornariartitsineq pillugu ingerlatassat.

Imm. 4-mut

Aalajangersakkami sivitsuinerit sivisussusissai maleruagassiivigineqarput. Aalajangersagaq malillugu piffissaq akuersissuteqarfiusoq siullermeertumik piffissamut ukiunik 5-inik sivisussusilimmut sivitsorneqassaaq. Tamatuma kingorna sivitsuisoqassappat tamanna ukiut pingasukkaarlugit pissaaq. Aaqqissuuussineq taanna aatsitassarsiorluni misissuinissamut akuersissutinit aatsitassanut tunngasunik suliaqarneq pillugu Inatsisartut inatsisaat malillugu tunniunneqartunit ilisimaneqarpoq. Akuersissutit assigiinngitsut marluk taakkua assigiinngitsunik atuuffissaqarnissaannut pingaarutilinnik tunngavilersuutissaqartoq nalilerneqanngilaq. Siunnersuummi aatsitassanut ikummatissanullu inatsisit akimorlugit piffissat akuersissuteqarfiusut assigiissaartunngortinneqarput.

Nutaanik sivitsuinerni imm. 3-mi piumasaqaatit taamaaqataanik siullermik sivitsuinertuulli atuuttut, aalajangersakkami aammattaaq allassimavoq.

Imm. 5-imut

Aalajangersagaq malillugu akuersissutip atorunnaannginnerani piffissaq akuersissuteqarfiusup sivitsorneqarnissaa qinnuteqaatigineqassaaq. Aalajangersagaq malillugu akuersissutip atorunnaannginnerani qinnuteqaat Naalakkersuisuni tiguneqareersimassaaq. Assersuutigalugu qinnuteqaat allakkatigut nassiunneqarpat, akuersissutip atorunnaannginnerani allakkat Naalakkersuisuni tiguneqareersimassapput.

Akuersissut assersuutigalugu ulloq 31. decembari atorunnaarpal, ullup taassuma kingorna sivitsuinissaq qinnuteqaatigineqarsinnaanngilaq.

Imm. 6-imut

Akuersissummut piffissaliussap katillugu ukiunit 10-init sivisunerusumut sivitsorneqarpat, piffissap akuersissuteqarfiusup sivitsorneqarnerini tamaginni akuersissummut atugassaritaasunik allanngortinneqartunik aalajangersaanissaannut inatsimmi tunngavissamik aalajangersagaq imaqarpoq.

Taakkua assersuutigalugu tassaasinnaapput, aatsitassanik piaanermik imaluunniit akuersissut malillugu ingerlatassanik allanik suliaqarnermut atatillugu taanna atorneqanngippat, pisinnaatitsisummik pigisaqartup akuersissut imaluunniit ingerlatassanut pilersaarutit malillugit pisussaaffi pillugit atugassaritaasut allanngortinneqartut.

Imm. 7-imut

Aalajangersakkami allassimavoq, kisremaassisussaatitaalluni najukkani aatsitassanut tunngasunik suliaqarnissamut akuersissummut piffissaq akuersissuteqarfiusoq ukiunit 30-nit sivisunerusinnaanngitsoq.

§ 16-imut

Imm. 1-imut

Aalajangersakkami akuersissutip piffissaq atorunnaarfissa maleruagassiivigineqarpoq. Aalajangersakkap atuunnerani annikitsumik aatsitassarsiornissamut akuersissut, § 15 malillugu piffissamit akuersissummi nalunaarutigineqartumit, siusinnerusukkut atorunnaarsinnaavoq. Tamanna assersuutigalu pissaq Naalakkersuisut tamanna tikinngikkaa pisinnaatitsissummik pigisaqartup akuerissut utertissagaa akuersissuteqarpata imaluunniit Naalakkersuisut akuersissummik utertitseqqusippata.

Imm. 2-mut

Pisinnaatitsissummik pigisaqartup akuersissutip atorunnaannginnerani akuersissut malillugu pisussaaffiit tamaasa naammassisimassagai, aalajangersakkami erseqqissarneqarpoq, ilanngullugit tamanna pillugu maleruagassat malillugit matusinermi ingerlatassat, tamatuma kingorna alapernaarsuineq ilaatinneqarani.

Siunnersummi siunertanut aalajangersakkami allassimasunut mianerisassanut naapertuutsumik matusinermi ingerlatassallu unitsinneqarneranni avatangiisini isumannaallisaanermilu mianerisassat isumagineqarnissaat aamma saliinerup ilaalu ilanngullugit qulakteerneqarnissaa, aalajangersakkami immikkut ukkatarineqarput.

Taamaattoq pisinnaatitsissummik pigisaqartup avatangiisini alapernaarsuinermik allanillu tamatuma kingorna ingerlatassanik iliuusissanillu suliaqarnissamut pisussaaffeqarnera, imm. 1 malillugu akuersissutip atorunnaareernerata kingorna suli atuutiinnartussaavoq.

§ 17-imut

Imm. 1-imut

Aalajangersakkami sumiiffiup akuersissuteqarfiusup nalinginnaasumik angissusissaa maleruagassiivigineqarpoq. Nalinginnaasumik sumiiffiup angissusissaata allanneqarnera qinnuteqartumut aammalu allaffissornermi aqutsisunut naapertuututut nalilerneqarpoq. Sumiiffiup nalinginnaasup angissusaata annikitsunera eqqarsaatigalu, sumiiffimmik akuersissuteqarfiusumik suli minnerusumik pilersitsinissaq pisariaqartinnejanganngitsoq naliliisoqarpoq.

Imm. 2-mut

Aalajangersagaq malillugu najukkani aatsitassanut tunngasunik suliaqarnissamut akuersissut sumiiffinni, siunnersuummi kapitali 3 malillugu akuersissut imaluunniit siunnersuummi kapitali 5 malillugu atortussanut akuersissuteqarneq Inatsisartut inatsisaat malillugu tunniussiviusimasuni, tunniunneqarsinnaanngilaq.

Aalajangersagaq malillugu sumiiffinni aatsitassanut tunngasunik suliaqarneq pillugu Inatsisartut inatsisaat naapertorlugu kisermaassisussaatitaalluni akuersissummi tunniunneqarsimasumi pineqartunut ilaasuni, akuersissut aamma tunniunneqarsinnaanngilaq. Tamanna aatsitassarsiorluni misissuinissamut aamma aatsitassanik piaanissamut akuersissutinut atuuppoq.

Naggasiutigalugu aalajangersagaq malillugu sumiiffinni nunap sannaanik eqassisimataaffiusuni, aamma akuersissut tunniunneqarsinnaanngilaq.

§ 18-imut

Aalajangersakkami aalajangersarneqarpoq, najukkani aatsitassanut tunngasunik suliaqarnissamut akuersissummi pisinnaatitsissummik pigisaqartoq illunut sanaartukkanullu akuersissut malillugu Naalakkersuisunit akuerineqarsimasunut sumiiffimmikakuersissuteqarfiusumi avataanilu nunaminertamik atugassiisarneq pillugu nunaminertanut inatsimmi piumasaqaatinik naammassinnittussaatitaanngitsoq.

Naalakkersuisut tamanna pillugu siunnersuummi maleruagassat malillugit piiaanissamut pilersaarummut akuersissuteqarnerat, ilanngullugu assersuutigalugu piiaanermi suliaqarfissamik, sanaartukkanik allanik imaluunniit illuutinik pilersitsinissamut tunngatillugu, nunaminertanut inatsit malillugu akuerisaasumik, peqatigisaanik nunaminertamik pineqartumik atuinissamut akuerissutaasussaavoq.

§ 19-imut

Aalajangersagaq malillugu pisinnaatitsissummik pigisaqartoq annertunerusumik akuersissuteqarfigineqanngitsumik atortut tigummiaannartakkat atorlugit aatsitassarsiorluni misissuinermik aatsitassanillu piianermik suliaqarsinnaavoq. Atortut motoorillit aamma motooreqanngitsut, taakkua tigummiaannartagaappata, pineqartunut ilaatinneqarput. Aalajangersakkap atuunnerani pisinnaatitsissummik pigisaqartup annertunerusumik akuersissuteqarfigineqarani, siunnersuummi kapitali 2 malillugu tamatumunnga akuersissummik peqarani aalajangersimasumik najugaqartut akuersissuteqarfigineqanngitsumik suliaqarsinnaaneratuut, ingerlatassat taamaattut suliarisinnaavai. Erseqqinnerusumik nassuiaatinut kapitali 2-mi aalajangersakkanut nassuiaatit innersuussutigineqarput.

Peqatigisaanik aalajangersagaq malillugu pisinnaatitsissummik pigisaqartup atortut

tigummiaannartakkat atorlugit ingerlatassat allat suliarinissaat kissaatigippagu, pisinnaatitsisummiik pigisaqartoq siunnersummi kapitali 4 malillugu akuersissuteqarfigineqassaaq, ilanngullugit piaanissamut pilersaarut aamma matusinissamut pilersaarut il.il. suliarissallugit.

§ 20-mut

Imm. 1-imut

Aalajangersagaq najukkani aatsitassanut tunngasunik suliaqarnissamut akuersissutit, sukkulluuniit atuussinnaasut, amerlanerpaaffissai pillugit aalajangersakkanik aalajangersaanissamut inatsimmi tunngavissamik imaqarpoq. Pissutsit siunnersuutip siunertaanut aalajangersakkami taaneqartut eqqarsaatigalugit najukkani aatsitassanut tunngasunik suliaqarnermut Naalakkersuisut maleruagassiinissaat aalajangersakkami ajornarunnaarsinneqarpoq.

Imm. 2-mut

Sumiiffik erseqqinnerusumik killissalersorneqartoq najukkani aatsitassanut tunngasunik suliaqarnissamut inniminnerneqassasoq pillugu aalajangersakkanik aalajangersaanissamut aalajangiinissamullu inatsimmi tunngavissamik aalajangersagaq imaqarpoq.

Sumiiffik aalajangersagaq malillugu inniminnerneqarpat, sumiiffimmi pineqartunut ilaasumi aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut imaluunniit aatsitassanik piaanissamut akuersissutinik nalinginnaasunik tunniussisoqarsinnaanngilaq.

Aalajangersakkamut siunertaavoq, Naalakkersuisut sumiiffiit najukkani aatsitassanut tunngasunik suliaqarnissamut immikkut naleqquuttut inniminnersinnaassagaat, taamaalillutik suliffeqarfiiit najukkani inisisimaffeqartut sumiiffinni pineqartuni ingerlatassanik suliaqarnissamut salliusussaatitaassallutik.

Imm. 3-mut

Aalajangersakkami, aatsitassat erseqqinnerusumik aalajangerneqartut tuniniarneqannginneranni imaluunniit anninneqannginneranni nalilersorneqassanersut pillugu aalajangersakkanik aalajangersaanissamut Naalakkersuisut tunngavissalerneqarput.

§ 20-mut

Najukkani aatsitassanut tunngasunik suliaqarnissamut akuersissummiit aatsitassanut tunngasunik suliaqarneq pillugu Inatsisartut inatsisaat malillugu piaanissamut akuersissummut ikaarsaartarnermut aalajangersagaq tunngassuteqarpoq. Imm. 1-imi aamma 2-mi aalajangersagaq inatsisilerinikkut ataasiakkaatigut naleqqussarlugu aatsitassanut tunngasunik suliaqarneq pillugu Inatsisartut inatsisaanni § 42-miit nuunneqarpoq. Inatsimmi

siuliani taaneqartumi § 42-miit imarisaanni assigiinngissuteqarnissaa eqqarsaatigineqanngilaq.

Imm. 1-imut

Pisinnaatitsisummiq pigisaqartoq aatsitassanik peqarfimmik paasinarsisitsisimappat killissalersuisimallunilu, pisinnaatitsisummiq pigisaqartup piiarniagaannik, aammal najukkani aatsitassanut tunngasunik suliaqarnissamut akuersissut aamma akuersissut malillugu ingerlatassat pillugit pisussaaffiit tamaasa naammassisimallugit, najukkani aatsitassanut tunngasunik suliaqarnissamut akuersissut malillugu pisinnaatitsisummiq pigisaqartup aatsitassanut tunngasunik suliaqarneq pillugu Inatsisartut inatsisaat aamma tamatumunnga aalajangersakkat atugassarititaasullu allat malillugit aatsitassanik piaanissamut akuersisummiq tunineqarnissamut pisinnaatitaaffeqarneranut, aalajangersagaq tunngassuteqarpoq.

Pisinnaatitsisummiq pigisaqartup aatsitassanut tunngasunik suliaqarneq pillugu Inatsisartut inatsisaat malillugu aatsitassanik piaanissamut akuersisummiq qinnuteqarnermut atatillugu, maleruagassat Inatsisartut inatsisaat manna malillugu atuuttut isigniassavai.

Imm. 2-mut

Aalajangersakkami aalajangersarneqarpoq piaanissamut akuersisummiq tunineqarnissamik piumasaqarnissamut tunngavissarititaasut naammassineqarsimanersut Naalakkersuisut naliliisussaasut.

Naalakkersuisut najoqqutassanik nassiunneqartunik nammineerlutik nalilersuinissamut sukkulluunniit pisinnaatitaapput, ilanggullugu aamma suleqatinit avataaneersunit siunnersorneqarlutik ikiorneqarlutillu. Naalakkersuisut tassunga atatillugu pisinnaatitsisummiq pigisaqartup nassiussaanni uppernarsaatini inerniliinernit pisussaaffilerneqanngillat, uppernarsaatit inummit tamatumunnga akuersisummiq allagartaligaasumit suliarineqarsimanersut atsiorneqarsimanersullu apeqquaatinngu.

Imm. 3-mut

Imm. 1 malillugu aatsitassanut tunngasunik suliaqarneq pillugu Inatsisartut inatsisaat malillugu piaanissamut akuersisummiq tunniussinerup malitaasumik sunniutissaannut aalajangersagaq maleruagassiiviuvooq. Aalajangersagaq malillugu aatsitassanut tunngasunik suliaqarneq pillugu Inatsisartut inatsisaat malillugu piaanissamut akuersisummiq tunniussinerup kingunerisaanik, najukkani aatsitassanut tunngasunik suliaqarnissamut akuersissut uterteqquneqassaaq.

Aammattaaq aalajangersagaq malillugu, utertitseqqusineq matusinermik immaqalu avatangiisiniq alapernaarsuinermik aallartitsinermik malitseqassanngitsoq, kisianni tamatumunnga pisussaaffiit tamatumunnga taarsiullugu akuersisummut nutaamut nuutinnejassasut pillugu atugassarititaasunik aalajangersaasoqarsinnaavoq. Utertitsinerup

sunniutai nalinginnaasut matusinertut il.il. ilusillit, sumiiffimmi qanittumi annertunerusunik ingerlatassanik aallartitsinissamik naatsorsuuteqarfingineqartumi aallartinneqannginnissaat, aalajangersakkami pitsaaliorneqassaaq.

§ 22-mut

Imm. 1-imut

Aalajangersagaq pisinnaatitsissummik pigisaqartup oqartussanut nalunaarusiortarneranut tunngassuteqarpoq.

Pisinnaatitsissummik pigisaqartoq aatsitassarsiorluni misissuineq piiaanerlu suliarineqareersut, ujarassiortitsilluni takornariartitsinernik ingerlataqarnerit suliarineqarsimappata aammalu ingerlatassat allat akuersissut malillugu suliarineqareersut taakkualu inernerni pillugit nalunaarusianik Naalakkersuisunut tunniussissasoq pillugu Naalakkersuisut akuersissummut aalajangersakkanik atugassarititaasunillu aalajangersaanissamut inatsimmi tunngavissaannik aalajangersagaq imaqarpoq. Aalajangersagaq malillugu tamatumma saniatigut pisinnaatitsissummik pigisaqartoq nalunaarusianik, naatsorsukkanik, naatsorsuutinik aamma allakkiat allat assilinerinik aammalu piiaaneq taassumalu inernerri pillugit paasissutissanik nalunaarsukkanik immaqalu aatsitassarsiorluni misissuinerup inernerinik paasissutissanillu nalunaarsukkanik taakkunanngalu misissugassanik aamma pisinnaatitsissummik pigisaqartup nassuaanerinik, inerniliussaannik tamatumunngalu inassuteqaataannik, kiisalu misissugassanik aamma qillerummit qaqtanik tunniussissasoq pillugu akuersissummut aalajangersakkanik atugassarititaasunillu Naalakkersuisut aalajangersaasinnaapput.

Aammattaaq nalunaarusianik aamma nalunaarusiat assilinerinik, naatsorsukkanik naatsorsuutinik allanillu allakkianik paasissutissanillu nalunaarsukkanik ilaalu ilanngullugit tunniussisarneq pillugu aalajangersakkanik nalunaarummi imaluunniit akuersissutinut imaluunniit akuersissuteqarnernut atugassarititaasutut imaluunniit atugassarititaasutut nalinginnaasutut aalajangersagaq malillugu aalajangersaasoqarsinnaavoq. Aalajangersakkat imaluunniit atugassarititaasut siunnersummut taassumalu siunertaanut naapertuuttumik aalajangersarneqassapput.

Imm. 2-mut

Aalajangersakkami allassimavoq pisinnaatitsissummik pigisaqartup nalunaarusiai, aatsitassarsiorluni misissuinermi paasisai aamma aatsitassanik piiaanermi paasisai, paasissutissat nalunaarsukkat, misissugassat nassuaanerillu, inerniliussat inassuteqaatillu ilaalu ilanngullugit, Naalakkersuisunut tunniunneqartut, Naalakkersuisunut tunniussinissamut killigititamiit piffissami ukiunik 5-inik sivisussusilimmi isertuussaasut.

Isertuussinissaq pillugu maleruagassanik aalajangersaanissaq pisariaqarpoq, tassami paasissutissat taaneqartut ingerlatsinermi isertuussaasinnaammata imaluunniit

inuussutissarsiornermi isertuussaasinnaallutik, piffissami isertuussiviusussami naleqquuttumi isertuussasut pineqartariaqarlutik pineqartussaallutillu. Naalakkersuisut paasissutissanik taakkuninnga ilaalu ilanngullugit tunniussinissamut pisussaaffeqassappata imaluunniit pisussaaffeqarsinnaappata, ilanngullugu assersuutigalugu allagaatinik takunninnissamik qinnuteqartoqarnerani, tamatumani allat pisussaanatik iluaqtissarsitinneqarsinnaapput.

Aalajangersagaq pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaannut naapertuuppoq. Aalajangersagaq pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaannut naapertuuppoq. Inatsimmi § 3, imm. 1 malillugu, oqartussat, suliassaqarfii imaluunniit allakkiat suussusai erseqqinnerusumik taaneqartut, §§ 7-14-imi aalajangersakkat nalinginnaasumik malillugit pisussat, allagaatinik takunninnissamik piumasaqarneq itigartinneqarsinnaasoq, Inatsisartut inatsisaanni ilaatinneqassangitsut, pillugu maleruagassanik Naalakkersuisut aalajangersaasinnaapput.

Imm. 1 malillugu paasissutissat aallaaviatigut pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni §§ 12-14-imi pineqartunut ilaatinneqassapput. Imm. 2-imi aalajangersagaq taamaalilluni, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni aalajangersakkat taaneqartut taakkua ilanngullugit, paasissutissat Naalakkersuisuni ingerlaartinneqartut aammal Inatsisartuni ataatsimiititaliamut nassiunneqartut, allagaatini takunninnissami ilaatinneqannginnissaannik, qulakteerinnissaaq.

Aalajangersagaq malillugu piffissaq isertuussiviusussaq Naalakkersuisunut tunniussinissamut piffissamut killigititamiit ukiunik 5-inik sivisussuseqarpoq, taamaattoq takuuk imm. 3. Taamaattoq pisuni tamaginni akuersissutip atorunnaarnerani, tunniussinissamut killigititamiit ukiut 5-it ingerlareersimanersut apeqputaanani, isertuussinissaq atorunnaartussaavoq. Akuersissutip atorunnaarnerani isertuussinissaq atorunnaassaaq. Akuersissutip atorunnaarnerata kingorna pisinnaatitsisumvik pigisaqartumut tunngatillugu illersuinissaq mianerineqarunnaartussaavoq, aammal neqeroortitsisoqassappat tamatumunnga atatillugu qinnuteqartusinnaasunik tamaginnik naligiissitsinissaq qulakteerniarlugu, najoqputassat tunniunneqartut tamarmik tamanut saqqummersinneqarsinnaanissaat Naalakkersuisunut pingaaruteqarpoq.

Imm. 3-mut

Aalajangersakkami allassimavoq Naalakkersuisut piffissami isertuussiviusussami paasissutissat isertuussat, nalunaarusiat, paasissutissat nalunaarsukkat, misissugassat, nassuaanerit, inerniliussat inassuteqaatillu ilaalu ilanngullugit pillugit paasissutissat nalinginnaasut tamanut saqqummersissinnaagaat.

Aalajangersagaq malillugu Naalakkersuisut paasissutissanik nalinginnaasunik taamaattunik tamanut saqqummersitsinnginnerminni paasissutissat pisinnaatitsisumvik pigisaqartumut

nassiuutissavaat aammalu pisinnaatitsisummik pigisaqartoq piffissamut killiliussap naleqquttup minnerpaamik qaammatisiutit malillugit ullunik 14-inik sivisussuseqartup iluani tamatumunnga oqaaseqaatinik nassiusisinjaasoq immaqalu paasissutissat tamarmik imaluunniit ilaasa tamanut saqqummersinneqarnissaannut tunngavilersugaasumik akerliliissuteqarsinjaasoq, pisinnaatitsisummik pigisaqartoq paasissutissillugu.

Pisinnaatitsisummik pigisaqartoq piffissamut killiliussap iluani paasissutissanik tamaginnik imaluunniit ilaannik tamanut saqqummersitsinissamut akerliliisummik nassiusippat, pisinnaatitsisummik pigisaqartup isertuussinissamik soqutigisaqarnerata mianerinissa Naalakkersuisut paasissutissanik pineqartunik tamanut saqqummersitsinissamut soqutigisaannit pingaaruteqarnerusorineqarpal, Naalakkersuisut paasissutissat taakkua tamanut saqqummersissanngilaat.

Naalakkersuisut paasissutissanik nalinginnaasutut isikkoqartunik tamanut saqqummersitsinissamut soqutigisaat assersuutigalugu tassaasinnaapput innuttaasut isumannaatsuunissaasa eqqarsaatigineqarnissa, paasissutissanik aalajangersimasunik tamanut saqqummersitsinissamut inatsimmi pisussaaffiliisumik pisussaaffeqarneq imaluunniit Kalaallit Nunaanni nunap sannaanik nittarsaassinissamut atatillugu. Pisinnaatitsisummik pigisaqartoq akerliliissuteqaraluartoq, aalajangersagaq malillugu paasissutissat nalinginnaasut tamanut saqqummersinneqarsinjaanersut aalajangiinermi ilaatigut pisinnaatitsisummik pigisaqartup paasissutissat isertuussaanissaannut niuerikkut soqutigisaqarsinjaanera, paasissutissat tamanut saqqummiunneqarnerat aningaasanut niuerfimmi pisinnaatitsisummik pigisaqartup nalunaarsorsimaffianni maleruagassanut unioqqtitsinerussanersoq aammalu paasissutissat nalinginnaasutut isikkoqaraluartut pisinnaatitsisummik pigisaqartut ataasiakkaat kinaassusersineqarsinjaanerat, mianerineqarsinjaapput.

Imm. 4-mut

Aalajangersakkami allassimavoq, imm. 2 malillugu piffissaq isertuussiviusussaq naappat, pisinnaatitsisummik pigisaqartup aamma Namminersorlutik Oqartussat nalunaarusianik, aatsitassarsiorluni misissuinermi paasisanut, paasissutisanut nalunaarsukkanut, misissugassanut nassuaanernullu, inerniliussanut inassuteqaatinullu ilaalu ilanggullugit tunniunneqartunut piginnittussaatitaasut akeqanngitsumillu atuisussaatitaasut atuisinnaatitaasullu.

Namminersorlutik Oqartussat piginnittussaatitaaneranni najoqqutassat Kalaallit Nunaanni aatsitassarsiorluni ingerlatassanut tunngatinneqarsinjaasut kisimik pineqartunut ilaatinneqarput. Assersuutigalugu softwarenut periaatsinullu najoqqutassat pilersinneqarnerannut atorneqartunut pisinnaatitaanerit Namminersorlutik Oqartussat pisinnaatitaaffigilissanngilaat.

Suliaqarnermi aatsitassanut ikummatissanullu inatsit maannakkut atuuttoq malillugu akuersissut aalajangersakkanik taamaaqataannik amerlanertigut imaqartarpooq. Siunnersuut malillugu akuersissutinut tamanna atuutissasooq naatsorsuutigineqarpoq. Taamaattoq

aalajangersakkap siunnersuummi toqqaannartumik allassimanissaa naapertuunnerusoq naliliisoqarpoq.

Imm. 5-imut

Aalajangersagaq Naalakkersuisut pissutsit imm. 1-4-imi taaneqartut pillugit aalajangersakkanik atugassarititaasunillu erseqqinnerusunik aalajangersaanissaannut inatsimmi tunngavissamik imaqarpoq. Taakkua assersuutigalugu tassaasinnaapput ingerlatassanik aalajangersimasunik suliaqarnermi aammalu pisut imaluunniit pissutsit aalajangersimasut pineranni nalunaarusiat imarisaat, ilusaat akulikissusaallu pillugit aalajangersakkat imaluunniit atugassarititaasut, ilangullugit piffissani aalajangersimasuni tunniussisarneq pillugu.

Aamma assersuutigalugu tassaasinnaapput Naalakkersuisut ingerlatat aalajangersimasut, paasisat, pisut pissutsillu pillugit paasissutissanik nalinginnaasunik tamanut saqqummersitsinissamut periarfissaqarnerat pillugu aalajangersakkat imaluunniit atugassarititaasut.

§ 23-mut

Imm. 1-imut Aalajangersakkap atuunnerani, pisinnaatitsisummiq pigisaqartoq allanik aammalu atortunik tigummiaannartagaannarnit annertunerusunik, atuinissamik kissaateqarpat, pisinnaatitsisummiq pigisaqartoq piaanissamut pilersaarummik (§ 24) aamma matusinissamut pilersaarummik (§ 25) suliaqarnissamut pisussaaffeqarpoq . Tassa imappaq, pisinnaatitsisummiq pigisaqartoq allanik aammalu tamatumunga akuersisummiq peqarani aalajangersimasumik najugaqartup suliarisinnaasaanit annertunerusunik suliaqarniarpat (kapitali 2).

Imm. 2-mut

Aalajangersakkami aalajangersarneqarpoq, ingerlatassat aallartinnginneranni, piaanissamut matusinissamullu pilersaarut akuersissuteqarfigineqareersimassasoq. Aammattaaq aalajangersagaq malillugu, ingerlatassanut piareersaatitut ingerlatassat aallartinnginneranni, pisinnaatitsisummiq pigisaqartoq pilersaarutinut akuersissuteqarfigineqareersimassaaq. Tamanna ilaatigut isumaqarpoq, akuersissuteqarfigineqariinngikkuni pisinnaatitsisummiq pigisaqartoq atortusanik, sakkunik, biilnik il.il. suliaqarfiusussamut assartuisinnaanngitsoq.

Imm. 3-mut

Piaanissamut matusinissamullu pilersaarutip atugassarititaasut erseqqinnerusut tunngavigalugit akuersissuteqarfigineqarnissaanut inatsimmi tunngavissamik aalajangersagaq imaqarpoq. suliaqarnermi taamatut akuersissuteqarneq pingarnerpaatut tamatigut atugassarititaasunik imaqassasoq naatsorsuutigineqarpoq, ilangullugit pingartumik isumannaallisaanikkut, peqqinnissakkut, avatangiisini allanilu attuumassuteqartuni mianerisassaq. Atugassarititaasut piaanermik ingerlatassat sioqquullugit, nalaanni

kingornannilu ingerlatassanut tunngassuteqassasut naatsorsuutigineqarpoq, ilanngullugit piffissami matusereernerup kingorna alapernaarsuinissaq pillugu atugassarititaasut.

Imm. 4-mut

Aalajangersagaq malillugu, piaanermik suliaqarnerup unitsikkallarneqarneranut atatillugu, taassuma aallartinnginnerani, ingerlatassanut il.il. pisinnaatitsisummiq pigisaqartoq akuersissuteqarfigineqareersimassaq. Akuersissuteqarneq ilaatigut kingusinnerusukkut paasineqassagaluarpat ingerlatassat aallarteqqinneqarnianngitsut, piffissami ingerlatassat matoqqatinneqarneranni aammalu matusinissamut pilersaarutip ingerlanneqarnerani isumannaallisaanermut aserfallatsaaluiuermullu tunngasut qulakkeernissaat siunertaralugu pissaaq. Aalajangersagaq aalajangersimasumik sivisussusilimmik unitsitsigallarnermut tunngatinneqarpoq. Ingerlatassat sivikinnerusumik uninngatinneqarnerat, assersuutigalugu silamik pissuteqartumik, aalajangersakkami aallaaviatigut pineqartunut ilaatinneqanngillat.

Imm. 5-imut

Piaanissamut pilersaarut pingarneq (§ 24) ingerlatassanut ataasiakkaanut tamaginnut nassuaatinik imaqanngissinnaaneranut aalajangersagaq takussutissaavoq. Aalajangersagaq malillugu erseqqissarneqarpoq, pisinnaatitsisummiq pigisaqartup ingerlatassanik annertunerusunik aalajangersimasunik aallartitsinissamik kissaateqarpat, soorlu assersuutigalugu qillerinerit, sullumut isaarianik appartitsinerit aamma qaarusuliornerit ilaalu ilanngullugit, tamanna pisuni ataasiakkaani tamaginni sioqqutsisumik akuersissuteqarfigineqassaaq.

Imm. 6-imut

Ingerlatassat aalajangersimasut akuersissuteqarfigineqassanngitsut, aalajangersakkani erseqqinnerusunik aalajangersasoqarsinnaaneranut inatsimmi tunngavissamik aalajangersagaq imaqarpoq, ilanngullugit akuersissuteqarnerni ataasiakkaani il.il. atugassarititaasut. Assersuutigalugu taakkua tassaasinnaapput akuutissanik uumaatsunik aalajangersimasunik, imaluunniit biilink, maskiinanik il.il. aalajangersimasunik, atuinissaq. Aalajangersakkat taamaattut atugassarititaasut erseqqinnerusumik aalajangersarneqartut tunngavigalugit aalajangersarneqarsinnaapput, ilanngullugu ingerlatassaq piffissani aalajangersimasuni ingerlanneqarsinnaanngitsut imaluunniit taamaallaat sillimaniarnermi maleruagassat aalajangersimasut malillugit ingerlanneqarsinnaasut.

§ 24-mut

Imm. 1-imut

Aalajangersagaq pissutsinut pingasunut, tamanna naleqquppat, piaanissamut pilersaarutip ilaatigut imarisassaannut allattuiffimmik imaqarpoq.

Aatsitassanut ikummatisanullu inatsit maannakkut atuuttoq malillugu annikitsumik aatsitassarsiornissamut akuersissutinut piaanissamut pilersaarutit aamma piaanissamut

pilersaarutinut akuersissuteqarnerit atuuttut pissutsinik taakkuninnga aamma pissutsinik allanik naleqquttumik annertussusilinnik imaqarput. Aalajangersagaq malillugu, Naalakkersuisut naliliinerat malillugu tamanna naleqquppat, piaanissamut pilersaarut taamaalilluni pissutsinik allassimasunik taakkuninnga imaqassaaq.

Imm. 2-mut

Piaanissamut pilersaarut naleqqutsillugu nutarterneqartassasoq allanngortinneqartassasorlu aalajangersakkami allassimavoq.

Pisinnaatitsisummik pigisaqartoq allanik pingaaruteqannginngitsunik piaanermik ingerlatassanik, Naalakkersuisut imm. 1 malillugu akuersissuteqarfingeeqqaagaaniit allaanerusunik, suliaqarnissamik kissaateqarpat, piaanissamut pilersaarutip allanngortinneqarnissaa ilaatigut pisussanngorsinnaavoq. Assersuutigaluq tassaasinnaavoq illunik, sanaartukkanik ikkussukkanillu ilaalu ilanngullugit nutaanik imaluunniit amerlanerusunik pilersitsinissaq, piaanissamut pilersaarutaaqqaartumi pineqartunut ilaatinneqanngitsoq.

Piaanissamut pilersaarutip sukkulluunniit piaanermi ingerlatassanut nassuaammik nutartikkamik, tunisassiornerup aaqqissuunneqarneranik, taakkununnga sanaartukkanik il.il. imaqarnissaa aalajangersakkami qulakkeerneqassaaq.

Aalajangersagaq malillugu ataasiakkaatigut ataatsimoortumillu naliliineq malillugu pissutsit allannguiteqarneranni tamanna pisariaqalersimappat, pisinnaatitsisummik pigisaqartoq sapinngisamik piaartumik piaanissamut pilersaarummik nutartikkamik imaluunniit allanngortinneqartumik suliaqassaaq tunniussissallunilu. Pisinnaatitsisummik pigisaqartoq piaanissamut pilersaarummut nutarterneqartumut imaluunniit allanngortinneqartumut Naalakkersuisunit akuersissuteqarfingeqassaaq.

Naalakkersuisut piaanissamut pilersaarummik akuersissuteqarfingeqartussamik suliaqarnissamut aammalu allannguutit pisariaqartut piviusunngortinneqarnissaannut piffissamut killigititamik aalajangersaasinnaapput.

§ 25-mut

Imm. 1-imut

Tamanna naleqqussimappat, pissutsinut 7-nut allattuiffimmik matusinermut pilersaarutip ilaatigut imarisassaannik aalajangersagaq imaqarpoq.

Pisinnaatitsisummik pigisaqartup sanaartukkat illullu ilaalu ilanngullugit pisinnaatitsisummik pigisaqartumit pilersinneqartut imaluunniit atorneqartut, sumiiffik akuersissuteqarfiusoq aammalu sumiiffiit allat kalluarneqartut pillugit qanoq iliornissaanut, aammalu pisinnaatitsisummik pigisaqartup piaanerup, ilanngullugu tamatumunnga

atatillugu suliaqarneq ingerlatassallu, uninnerani matuneqarneranilu, pisinnaatitsisummit pigisaqartup sumiiffik akuersissuteqarfiusoq aamma sumiiffiit allat kalluarneqartut qanoq qimassanersai, matusinissamut pilersaarutip ilaatigut imarissavai.

Pisinnaatitsisummit pigisaqartoq sumiiffimmi akuersissuteqarfiusumi imaluunniit sumiiffinni kalluarneqartuni allani sanaartukkanik imaluunniit illunik ilaalu ilanngullugit qimatsinissamik pilersaaruteqarpal, aammalu sanaartukkat imaluunniit illut ilaalu ilanngullugit peqqinnissamik, isumannaallisaanermik imaluunniit allanik pissuteqartumik matusinerup kingorna aserfallatsaaliorneqartariaqarpata, alapermaarsorneqartariaqarpata imaluunniit allanik ingerlataqarnissaq imaluunniit iliuuseqarnissaq pisariaqarpal, matusinissamut pilersaarut taakkununnga pilersaarutinik imaqassaaq.

Matusinerup kingorna, pisinnaatitsisummit pigisaqartoq sumiiffimmi sanaartukkanik ilaalu ilanngullugit qimatsisimatillugu, piffissami aalajangersimasumi alapermaarsuineq ilaatigut naleqqutissaaq. Taamatut pisoqartillugu Naalakkersuisut assersuutigalugu pisinnaatitsisummit pigisaqartoq matusinerup kingorna piffissami aalajangersimasumi sanaartukkanik qimanneqartunik aserfallatsaaliuissasoq alapermaarsuissasorlu pillugu akuersissuteqarnermut atugassarititaasunik aalajangersaasinnaapput.

Pisinnaatitsisummit pigisaqartoq pisussaaffimminik aammalu matusineq pillugu pisussaaffigisimasinnaasaminik naammassinninnissamut, matusinissamut pilersaarutip tamatumunngalu atatillugu ingerlatassat iliuusissallu ingerlannissaanut qanoq qułarnaveeqqusiiisanersoq, aamma matusinissamut pilersaarummi allassimassaaq.

Matusinissamut pilersaarutit aamma matusinissamut pilersaarutinut akuersissuteqarnerit atutereersut naleqquttumik annertussusilimmik pissutsinik taakkuninnga aammalu pissutsinik allanik imaqarput. Matusinissamut pilersaarutit taakkuninngalu akuersissuteqartarnerit pillugit suleriaaseq atutereersoq siunnersuummi aalajangersakkat malillugit ingerlateqqinnejqarsinnaavoq.

Aalajangersakkami isumannaallisaanermi mianerisassanik aammalu matusinermi aamma piiyanermi ingerlatat unitsinneqarneranni, mianerisassanik siunnersuummi siunertanut aalajangersakkami allassimasunut, naapertuuttumik isumaginninnissaq immikkut ukkatarineqarpoq.

Imm. 1, nr. 7, siunnersuummi § 5-imut ataqtigiissillugu atuarneqassaaq, tassami allap matusinissamut pilersaarummik suliaqarneranut aningaasartuutissat missingersorneqartut aningaasartaat, ingerlatassat siunnersuutip atuuffissaasa iluanniinnersut, naliliinissamut atorneqartussaammata.

Imm. 2-mut

Pisinnaatitsisummit pigisaqartoq Naalakkersuisut akuersissuteqarfifeqqaagaannit

piiaanermik ingerlatassanik pingaaruteqannginngitsunik allanik suliaqarnissamik kissaateqarpat, matusinissamut pilersaarut allannguuteqartinneqartussangorsinnaavoq. Assersuutigalugu taakkua tassaasinnaapput illunik, sanaartukkanik ikkussukkanillu ilaalu ilanngulligit nutaamik imaluunniit amerlanerusunik pilersitsinissaq, matusinissamut pilersaarutaaqqaartumi pineqartunut ilaatinneqanngitsut.

Matusinissamut pilersaarutip sukkulluunniit piiaanermi ingerlatassanut, tunisassiornerup aaqqissugaaneranut taakkununngalu sanaartukkanut ilaalu ilanngullugu nassuiaatinik nutartikkanik imaqarnissaanut aalajangersakkami qulakkeerneqassaaq.

Aalajangersagaq malillugu ataasiakkaatigut ataatsimoortumillu nalilersuineq malillugu pissutsit allanngorneranni tamanna pisariaqalerpat, pisinnaatitsissummik pigisaqartoq sapinngisamik piaartumik matusinissamut pilersaarummik nutartikkamik imaluunniit allanngortinneqartumik suliaqassaaq tunniussissallunilu. Pisinnaatitsissummik pigisaqartoq matusinissamut pilersaarummumut nutarterneqartumut imaluunniit allanngortinneqartumut Naalakersuisunit akuersissuteqarfingineqassaaq.

Matusinissamut pilersaarummik akuersissuteqarfingineqartussamik aammalu allanngortitsinerit pisariaqartut piviusunngortillugit suliaqarnissamut piffissamut killiliussamik Naalakersuisut aalajangersaasinnaapput, ilanngullugu qularnaveeqqusiiinissamut tunngatillugu.

§ 26-mut

Imm. 1-imut

Aalajangersagaq malillugu pisinnaatitsissummik pigisaqartut allallu pisussaaffiinut qularnaveeqqusiiinissaq pillugu aalajangersakkaniq atugassarititaasunillu Naalakersuisut aalajangersaasinnaapput.

Ingerlatassat aalajangersimasut aammalu piffissami akuersissuteqarfiusumi ingerlatassanik ilaalu ilanngulligit suliarinninnermut atatillugu iliuusissat naatsorsuutigineqartut annertussusaat qanoq issusaallu eqqarsaatigalugit, qularnaveeqqusiiinermut atugassarititaasut aalajangersarneqassapput. Qularnaveeqqusiiinerup ilusiligaanera aamma pisinnaatitsissummik pigisaqartoq oqaloqatigalugu pissaaq.

Aalajangersakkamut siunertaavoq pisinnaatitsissummik pigisaqartup pisussaaffiisa naammassineqarnissaannut qulakkeerinneqataanissaq. Qularnaveeqqusiiineq pisinnaatitsissummik pigisaqartup qularnaveeqqusiucaa, pisinnaatitsissummik pigisaqartup siunnersuut, aalajangersakkat aamma atugassarititaasut siunnersuut malillugu aalajangersagaasut, akuersissut, ingerlatassanut pilersaarutit, pilersaarutinut akuersissuteqarnerit kiisalu ingerlatassanut akuersissuteqarnerit allat aamma aalajangiinerit Naalakersuisunit aalajangiiffingineqartut malillugit pisussaaffiinik naammassinninnissaata eqqarsaatigineqarneranik isumaginninnermut takussutissaassaaq.

Imm. 2-mut

Aalajangersagaq malillugu, pissutsit allanngorneranni tamanna pisariaqalerpat, pisinnaatitsissummik pigisaqartoq qularnaveeqqusiiinerup nutarternissaanut allanngortinnissaanullu aammalu tamatumunnga Naalakkersuisut akuersissuteqartinnissaannut, pisussaaffeqarpoq. Pisinnaatitsissummik pigisaqartup tamatuma saniatigut sapinngisamik piaartumik qularnaveeqqusiiissut qularnaveeqqusiiinerlu allanngortissavai aammalu Naalakkersuisut tamatumunnga aalajangiippata, qularnaveeqqusiiissutip qularnaveeqquillu allanngortinneqarnera Naalakkersuisunit akuersissuteqarfigitissallugu.

Akuersissut tunniunneqartoq malillugu pisinnaatitsissummik pigisaqartoq ingerlatassanut pilersaarummut akuersissuteqarfigineqarpat, illunik, sanaartukkanik ikkussukkanillu ilaalu ilanngullugit nutaanik imaluunniit amerlanerusunik pilersitsinissaq pisariaqalersillugu, tamanna assersuutigalugu naleqqutilersinnaavoq. Taamatut pisoqartillugu illut, sanaartukkut ikkussukkallu ilaalu ilanngullugit taaneqartut ilaatilerlugit qularnaveeqqusiiissutip annertusitinnissaa naleqqutilertussaavoq.

Assersuutigalugu pisinnaatitsissummik pigisaqartoq illut sanaartukkallu ilaannik atuiunnaarluni, taakkualu peerlugit aammalu pisinnaatitsissummik pigisaqartup tamanna tunngavigalugu qularnaveeqqusiiissutip maannamut pisunit annikinnerusunik aningaasartaqartilernissaa kissaatigalugu pisoqartillugu, tamanna naleqqutilersinnaavoq.

Pisinnaatitsissummik pigisaqartup qularnaveeqqusiiissutaa sukkulluunniit pisinnaatitsissummik pigisaqartup siunnersuut malillugu pisussaaffiinut, aalajangersakkanut atugassarititaasunullu siunnersuut, akuersissut, ingerlatassanut pilersaarutit pilersaarutinullu akuersissuteqarnerit malillugit aalajangersagaasunut, sanilliullugu nutarterneqarsimanissaata qulakteernissaanut aalajangersagaq iluaqutaassaaq.

Imm. 3-mut

Imm. 1 aamma 2 malillugit qularnaveeqqusiiinissaq qularnaveeqquillu pillugit aalajangersakkanik atugassarititaasunillu erseqinnerusunik aalajangersaanissamut inatsimmi tunngavissamik aalajangersagaq imaqarpoq.

Taakkua siunnersuutip siunnersuutip siunertaanut aalajangersakkamut aamma aalajangersakkanut allanut naapertuussimappata, pissutsit attuumassuteqartut tamaasa pillugit aalajangersakkanik atugassarititaasunillu Naalakkersuisut aalajangersaasinnaapput.

Qularnaveeqquitt qanoq ilusillit atorneqarsinnaanersut, aammalu atugassarititaasut suut qularnaveeqqusiiinermut atuutissanersut pillugu aalajangersakkanik atugassarititaasunillu Naalakkersuisut ilaatigut aalajangersaasinnaapput.

§ 27-mut

Imm. 1-imut

Aalajangersagaq malillugu, Naalakkersuisut allatut akuersissuteqarsimanngippata, akuersissut malillugu pisinnaatitsisummiq pigisaqartup piffissaq akuersissuteqarfiusoq tamaat sanaartukkat illullu, pisinnaatitsisummiq pigisaqartumit pilersinneqartut aammalu pisinnaatitsisummiq pigisaqartumit atorneqanngitsut, peertassavai aammalu tamanna ajornartinnagu, sumiiffinni kalluarneqartuni pinngortitami ilaalu ilanngullugit saliisassalluni aammalu naleqquttumik iluarseeqqittassalluni.

Pisinnaatitsisummiq pigisaqartup piffissaq akuersissuteqarfiusoq tamaat ingerlaavartumik matusisarluni, saliisarluni aammalu pinngortitami iluarseeqqittarluni ilaalu ilanngullugit, matusinissamut pisussaaffimminik naammassinninnissaata qulakkeernissaa, aalajangersakkami siunertaavoq.

Imm. 2-mut

Pisinnaatitsisummiq pigisaqartup imm. 1-imi oqaatigineqartutut peqqusissuteqarneq malinngippagu, aalajangersagaq malillugu Naalakkersuisut imm. 1-imi taaneqartut iliuusissat il.il. pisinnaatitsisummiq pigisaqartup akiligassaanik annaasaqaatigisinnaasaanillu ingerlassinnaavaat.

Imm. 3-mut

Aalajangersagaq malillugu pisinnaatitsisummiq pigisaqartup ingerlatassanik aamma iliuuseqarnernik imm. 1-imi aamma 2-mi taaneqartunik ingerlatsinissaq pillugu Naalakkersuisunit peqqusissuteqarneq malinngippagu, Naalakkersuisut sanaartukkat illullu ilaalu ilanngullugit, (1) suliffeqarfinnit inunnillu pineqartunit pigineqartut, (2) akuersissut imaluunniit akuersissuteqarneq malillugu ingerlatassanik suliaqarnermi atorneqarsimasut aammalu (3) sumiiffinni kalluarneqartuniittut, peerneqarnissaat pillugu suliffeqarfinnut aamma inunnut allanut Naalakkersuisut peqqusissuteqarsinnaapput. Tunngavissarititaasut tamarmik naammassineqarsimassapput.

Aalajangersakkap malitsigisaanik pisinnaatitsisummiq pigisaqartup, assersuutigalugu maskiinat imaluunniit atortut akuersissut malillugu ingerlatassanik suliaqarnermi atorneqarsimasut, sumiiffinnit kalluarneqartunit peernissaannut pisussaaffini naammassisimanngippagit, aammalu maskiinat pineqartut imaluunniit atortut pineqartut pisinnaatitsisummiq pigisaqartumit pigineqaratik allamit pigineqarpata, Naalakkersuisut taamatuttaaq maskiinat pineqartut imaluunniit atortut pineqartut peeqlullugit piginnittumut peqqusissuteqarsinnaapput. Tamanna maskiinat pineqartut imaluunniit atortut pineqartut assersuutigalugu entreprenørimit taassuma ataaniittumit sumiiffimmi akuersissuteqarfiusumi suliassanik suliarinnittumit imaluunniit suliffeqarfimmit attartortitsisartumit imaluunniit atukkiisartumit, taamaallaat maskiinanik imaluunniit atortunik pisinnaatitsisummiq pigisaqartumut attartortitsisimasumit imaluunniit atukkiisimasumit pigineqarnersut

apeqquaatinnagu, tamanna atuutissaaq.

Saliinerup taamaattup kalaallit oqartussasuinit ingerlanneqartariaqarani akilerneqartariaqaranilu, akuersisummi ingerlatassat kingorna sapinngisamik annertunerpaamik saliisoqarnissaata qulakkeernissaa, aalajangersakkami siunertaavoq.

Aalajangersakkami pisinnaatitsisummiq pigisaqartup pisussaaffii killilerneqanngillat. Naalakkersuisut tamanna pitinnagu taakkua peernissaannik piginnittumut peqqusissuteqaqqaaratik, maskiinat aamma atortut allap pigisai pisinnaatitsisummiq pigisaqartup akiligassaanik annaasaqatigisinnaasaanillu peertissinnaavaat.

Assersuutigalugu maskiinanik imaluunniit atortunik piginnittup maskiinat pineqartut imaluunniit atortut pineqartut peernissaannik peqqusissuteqarneq malinngippagu, pisinnaatitsisummiq pigisaqartoq aamma piginnittooq maskiinat pineqartut aamma atortut pineqartut peernissaannut nammaqatigiillutik akiliisussaassapput.

§ 28-mut

Imm. 1-imut

Pisinnaatitsisummiq pigisaqartup pigisap nalillip pineqartup peerneqarneranut aningaasartuutinik akiliinissaata tungaanut, ilanngulligit pigisap nalillip peerneqarneranut atatillugu oqartussat suliarinninnerannut aningaasartuutit, Naalakkersuisut pisinnaatitsisummiq pigisaqartup pigisaasa naleqartut § 27, imm. 2 malillugu peersimasaasa tigumminissaannut Naalakkersuisut ersarissumik inatsimmi tunngavissaqarnissaasa qulakkeernissaa, aalajangersakkami siunertaavoq.

Pisinnaatitsisummiq pigisaqartup akuersissut malillugu ingerlatanik matusinissaanut saliinissaanullu aammalu aningaasartuutinik akiliinissaanut aalajangersagaq qulakkeereqataassaaq.

Imm. 2-mut

Pigisat pineqartut peerneqarnerannut aningaasartuutinik pineqartup akiliinissaata tungaanut, inuup imaluunniit suliffeqarfiup pigisaasa nalillit, aammalu Naalakkersuisut § 27, imm. 3 malillugu peersimasaasa tigumminissaannut Naalakkersuisut ersarissumik inatsimmi tunngaveqarnissaasa qulakkeernissaa, aalajangersakkami siunertaavoq.

Pigisat siunnersuut malillugu ingerlatanut atatillugu atorneqarsimasut, aammalu pisinnaatitsisummiq pigisaqartumit pigineqanngitsut, qimanneqartillugit, saliinermut nunap karsiata aningaasartuutaasa sapinngisamik amerlanerpaat matussuserneqarnissaannut aalajangersagaq qulakkeerinneqataassaaq.

Imm. 3-mut

Naalakkersuisut taakkuninnga akiliusseqqaartariaqaratik, Naalakkersuisut imm. 1 imaluunniit 2 malillugu piumasaqaatiminnik pisussaaffeqartup pigisaanni naammassinnitsiniaanissamut inatsimmi ersarissumik tunngavissaqarnissaat, aalajangersakkami qulakteerneqartussaavoq.

Imm. 4-mut

Kina pigisamik nalilimmik piginnittuunersoq aammalu pigisamut tunngatillugu allat pisinnaatitaaffii imaluunniit pisussaaffii tuniniaanermi kalluarneqassasut naatsorsuutigineqartariaqarnersoq, Naalakkersuisut tamanut ammasumik kaattaassilluni tuniniaalinnginnermi misissussavaat. Assersuutigalugu tassaasinnaavoq qularnaveeqqusiaqarluni taarsigassarsitsisoq pigisami pineqartumi qularnaveeqquummik pissaqartoq. Naalakkersuisut pisortat nalunaarsuiffii attuumassuteqartut misissussavaat aammalu naapertuutsillugu pisinnaatitsisummiq pigisaqartoq imaluunniit pigisamik piginnittooq tamatuminnga aperissallugu.

Pisinnaatitaaffiit imaluunniit pisussaaffiit pigisap tuniniarneqarneranit kalluarneqarsinnaasut tuniniaanissaq pillugu ilisimatinneqartarnissaasa aammalu tuniniaanermut atatillugu soqutigisaminnik isumaginnissinnaanissamut periarfissinneqarnissaasa qulakteernissaa, aalajangersakkami siunertaavoq.

Imm. 5-imut

Aalajangersakkami allassimavoq, imm. 3 malillugu tamanut ammasumik kaattaassilluni tuniniaanermi Naalakkersuisut pigisat nalilit ataasiakkaat taakkua kaattaassilluni tuniniaasut ataatsimoorfianni imaluunniit elektroniskimik kaattaassilluni tuniniaanermi tuniniarneqartussatut neqeroorutigissagaat. Taamaalliluni kaattaassilluni tuniniaariaaseq sorleq pisuni ataasiakkaani pigisamut akigititap qaffasinnerusumik akeqalerneranik malitseqarsinnaasutut ilimagineqartariaqarnersoq, Naalakkersuisut aalajangertussaavaat.

Aammattaaq aalajangersagaq malillugu Naalakkersuisut kaattaassilluni tuniniaanerup ingerlanneqareernerata kingorna naliliippata nutaamik kaattaassilluni tuniniaanermi neqeroorummik qaffasinnerujussuarmik angusaqartoqarsinnaasoq, nutaamik kaattaassilluni tuniniaasoqassasoq Naalakkersuisut aalajangersinnaapput.

Imm. 6-imut

Soqutigisaqartut pigisami pisinnaatitaaffiminnik tamakkiisumik matussusiivigineqanngitsut, qularnaveeqqusillutik nutaamik kaattaassilluni tuniniaanissamik piumasaqarnissamut periarfissaqarnerannut, aalajangersagaq tunngassuteqarpoq.

Assersuutigalugu aningaasanik toqqorsivimmiititsinikkut imaluunniit aningaaserivimmi qularnaveeqqusiiinkkut qularnaveeqqusisoqarsinnaavoq.

Pigisamik piginnittup allallu neqeroorummi pigisamut tunngatillugu pisinnaatitaaffiminnik tamakkiisumik matussusiivigineqanngitsut soqutigisaminnik isumaginnissinnaanissaasa

qulakkeernissaa, aalajangersakkami siunertaavoq. Tamatuma saniatigut pigisat niuerfimmi akigititanut tunineqarnissaannut aalajangersagaq iluaqutaassaaq.

Imm. 7-imut

Aalajangersakkap kingunerisaanik pigisamut tunngatillugu pisinnaatitaaffit allat matussuserneqannginneranni, kaattaassilluni tuniniaanermut aningaasartuutit tunisinermi iluanaarutinit ilanngaatigineqassapput.

Imm. 8-mut

Tuniniaanermi iluanaarutit qanoq atorneqassanersut aalajangersakkami aalajangersarneqarpoq. Tuniniaanermi iluanaarutit tulleriinnilersuinermi taaneqartuni piumasaqaatinut makkununnga matussusiissapput:

- 1) Kaattaassilluni tuniniaanermi aningaasartuutit, takuuk imm. 7.
- 2) Naalakkersuisut piumasaqaataat, takuuk imm. 1 imaluunniit 2.
- 3) Pigisamut tunngatillugu pisinnaatitaaffit allat (assersuutigalugu qularnaveeqqusiusaqarnermi pisinnaatitaaffit).

Sinneqartooruteqarpat, taanna ilisimaneqarpat, taakkua pigisamik piginnittumut tunniunneqassapput. Pigisamik piginnittoq naapertuutumik ilungersuuteqarluni aalajangerneqarsinnaanngippat, sinneqartoorutit nunap karsianut tutsinneqarnissaat aalajangersakkami qulakkeerneqarpoq.

§ 29-mut

Imm. 1-imut

Najukkani aatsitassanut tunngasunik suliaqarnissamut akuersissutinut royaltynik akiliinissaq pillugu aalajangersakkanik atugassarititaasunillu Naalakkersuisut aalajangersasinjaanissaannut aalajangersakkami periarfissiisoqarpoq. Assersuutit taagorneqartut tamakkiisuunngillat. Royalty pisinnaatitsisummik pigisaqartup aatsitassanik piaanissamut pisinnaatitaanerminut akiliutigaa, taamaallilu akileraarutaanani. Akiliutissamik aalajangersaaneq siunissamut taamaallaat pisinnaavoq, tassa imaappoq, nalunaarutitut ilusilimmi akiliuteqarnissamik aalajangersaaneq taamaallaat akuersissutinut nalunaarutip tamanut saqqummiunneqareernerata kingorna tunniunneqartunut atuutissaaq.

Imm. 2-mut

Aalajangersagaq pisinnaatitsisummik pigisaqartumut, suliaqarmeranut pisinnaatitsisummik pigisaqartumut akuersissummi pineqartunut ilaasumut, akileraarusiinnginnissamut Naalakkersuisut periarfissaqarnerannut tunngassuteqarpoq.

Akileraarusiinnginnissamut tunngavissaatinneqarpoq piumasaqaatit marluk naammassineqarsimassasut. Siullertut suliffeqarfik imm. 1 malillugu royaltymik,

minnerpaamik akileraarusiinermituulli nammagassiitigisumik, pisussaaffilerneqarsimassaaq. Aappaattut royalty pisussaaffiliunneqartoq tamakkiisumik Kalaallit Nunaanni Namminersorreq pillugu inatsimmi § 7-imni isertitanut nassuaassummi pineqartunut ilaassaaq.

§ 30-mut

Imm. 1-imut

Aalajangersagaq malillugu sumiiffimmut imaanut nunamullu erseqqinnerusumik killissalersorneqarsimasumut aammalu atugassarititaasut erseqqinnerusumik aalajangersagaasut tunngavigalugit ujaraaqqanik, ujaqqanik, sioqqanik assigisaannillu aatsitassanik piaanissamut atortussanut akuersissuteqartoqarsinnaavoq. Nunami sumiiffiup aammalu imaani sumiiffiup tassunga killittup akornanni killeqarfia, tinittarnerata ulittarneratalu qeqqa malippaat.

Akuersissuteqarneq taamaallaat atortussanut Kalaallit Nunaanni illuliassami imaluunniit attaveqaasersuutinut suliassami kiisalu ingerlatassani taakkununnga atasuni illuliornermut atortussatut imaluunniit sanaartornermut atortussatut atorneqartussanut tunngassuteqarpoq. Aatsitassat taamaalluni nunani allani atorneqartussanngorlugit anninneqarsinnaangillat. Kalaallit Nunaanniit aatsitassat tamarmik imaluunniit ilai anninneqassappata, tamatumani aatsitassanut tunngasunik suliaqarneq pillugu Inatsisartut inatsisaat malillugu piaanissamut akuersissummik peqarnissaq piumasaqataavoq.

Taamaattoq pisinnaatitsisummik pigisaqartup atortussat pitsaassusaannik naleqqussusaannillu erseqqinnerusumik misissuinissaq siunertaralugu, nunani allani misissugassatut tiguneqartut annikinnerusut anninnissaannut Inatsisartut inatsisaanni maleruagassat malillugit avammut annissinissamut akuersissuteqarnissamik qinnuteqarsinnaanera, aalajangersakkami akornuserneqanngilaq.

Atortussanut akuersissuteqarneq malillugu, akuersissuteqarnermi aalajangersagaasunik annertussusilinnik aammalu atugassarititaasut malillugit, tamatumunnga piaanissamut akuersissummik tunniussisoqarani ingerlatassat suliarineqarsinnaapput.

Tunngavissaatinneqarpoq aalajangersagaq malillugu atortussanut akuersissuteqarneq pisuni ataasiakkaani tamaginni ataasiakkaatigut nalilersuineq malillugu tunniunneqartassasoq, aammalu piffissamut killiligaanngitsumik atortussanut akuersissuteqartoqarsinnaanngitsoq.

Imm. 2-mut

Aalajangersagaq siunnersuutigineqartoq suliassaqarfimmi maannamut suleriaatsimut piginnaatitaanerillu agguagaanerannut naapertuuppoq, taanna malillugu taamatut ittumik suliaqarnissamut nunaminertamik atugassiisarneq kommunalbestyrelsimit akuerineqartarluni. Tassani illoqarfinni nunaqarfinnilu illuliortiternermut sanaartornermullu suliassaqarfimmuit

ujartuinerup naaperiaaffigineqarsinnaanissaanut, suliaqarnerup suussusaa nalinginnaasumik illoqarfimmut qanittumi inissimasartoq pineqarpoq, taamaattumillu kommuni illoqarfinni illut akornanni suliffeqarfuit taakkua inissisimaffissaannut sunniuteqarnerminnik atuinissamik immikkut pisariaqartitsipput.

§ 31-mut

Atortusanut akuersissuteqarnermut pisinnaatitsissummik pigisaqartumut piumasaqaatit aalajangersakkami aalajangersarneqarput. Piumasaqaatit akuersissuteqarnerup nalaaniit aammalu piffissami akuersissuteqarfiusumi tamarmi atuupput.

Aalajangersakkami aalajangersarneqarpoq, pisinnaatitsissummik pigisaqartoq (annikitsumik aatsitassarsiornissamut akuersissutit pillugit maannakkut aatsitassanut ikummatissanullu inatsisip paarlattuanik) tassaassasoq pisinnaatitaasoq pisussaatitaasorlu aammalu taanna Kalaallit Nunanni inuussutissarsiummik ingerlataqartutut nalunaarsorsimassasoq. Aammattaaq aalajangersakkami allassimavoq, suliffeqarfuiup ilusai aalajangersimasut sorliit atorlugit pisinnaatitsissummik pigisaqartoq nalunaarsorsimasuussanersoq. Nutaatut suliffeqarfik Kalaallit Nunaanni angerlarsimaffeqarluni nalunaarsorsimasuussasoq pillugu piumasaqaat atuutsinnejalerpoq.

Tamatuma saniatigut pisinnaatitsissummik pigisaqartoq tassaasinnaasoq kommuni, periarfissamik aalajangersagaq imaqarpoq.

§ 32-mut

Imm. 1-imut

Atortusanut akuersissuteqarneq naapertorlugu aatsitassanik piianeq isumannaallisaanermut, peqqinnissamut avatangiisinullu tunngatillugu isumannaatsumik ingerlanneqassasoq pillugu maannakkut aatsitassanut ikummatissanullu inatsimmi aalajangersakkat, aalajangersakkami ingerlateqqinneqarput.

Imm. 2-mut

Atortusanut akuersissuteqarneq tassungalu atasumik ingerlataqarnerit pillugit aalajangersakkanik atugassarititaasunillu erseqqinnerusunik aalajangersaasinnaanissamut inatsimmi tunngavissamik aalajangersagaq imaqarpoq. Suliaqarnermi atortusanut akuersissuteqarneq pingarnerpaatigut tamatigut atugassarititaasunik arlalinnik imaqassasoq naatsorsuutigineqarpoq, ilangullugit siunertamut aalajangersakkami mianerisassat.

Aammattaaq aalajangersakkami aalajangersarneqarpoq, siunnersummi kapitali 4-miakuersissuteqarnerit, ingerlatanik matusineq qularnaveeqquisiinerlu ilaalu ilangullugit pillugu kiisalu kapitali 10-mi inuiaqatigiinni piujuannartisumik ingerlatsinermik naliliineq (VSB) aamma avatangiisinik nalilersuineq (VVM) pillugit aalajangersakkat aamma atortusanut

akuersissuteqarnernut atuutissasut pillugu aalajangersakkanik atugassarititaasunillu aalajangersaasoqarsinnaasoq.

§ 33-mut

Aalajangersagaq malillugu atortussanut akuersissuteqarneq sumiiffinnut Inatsisartut inatsisaat malillugu siunnersuummi kapitali 3 malillugu akuersisummik tunniussivigineqarsimasunut, tunniunneqarsinnaanngilaq.

Aalajangersagaq malillugu sumiiffinnut, kisremaassisussaatitaalluni akuersisummii aatsitassanut tunngasunik suliaqarneq pillugu Inatsisartut inatsisaat naapertorlugu tunniunneqarsimasumi pineqartunut ilaasunut aamma akuersissuteqartoqarsinnaanngilaq. Siunnersuutip saqqummiunneqarnerata nalaani tamatumani aatsitassarsiorluni misissuinissamut aamma aatsitassanik piiaanissamut akuersissuteqarnissaq pisariaqarpoq.

Naggasiutigalugu aalajangersagaq malillugu sumiiffinni nunap sanaani eqqisisimatisiviusuni aamma akuersisummik tunniussisoqarsinnaanngilaq.

§ 34-mut

Imm. 1-imut

Pineqartup pisinnaatitsisummik pigisaqartuunngitsup aatsitassanik Kalaallit Nunaanni inatsisit malillugit piliarneqarsimasunik Kalaallit Nunaanniit annissinissamut periarfissaqarneranut aalajangersagaq tunngassuteqarpoq.

Inunni tassani pineqartuni ilaatigut inuit ingerlatassanik Inatsisartut inatsisaanni pineqartunut ilaasunik suliaqartut, kisianni tunngaviatigut aamma inuit allat, pineqartunut ilaatinneqarput, ilanngullugit assersuutigalugu ilisimatuut, ilisimatuussutsikkut inatsisit malillugit suliaqarnerminnut ilaatillugu misissugassanik katersisartut, ilanngullugit aatsitassat, aammalu taakkuninnga ilisimatusarnissaq siunertaralugu Kalaallit Nunaanniit misissugassanik taakkuninnga annissinissamik kissaateqartut.

Imm. 2-mut

Aalajangersagaq malillugu akuersissuteqarneq atugassarititaasut erseqqinnerusumik aalajangersarneqartut tunngavigalugit tunniunneqarsinnaavoq. Ilaatigut aatsitassat pineqartut siusinnerusukkut inatsisit malillugit Kalaallit Nunaanniit anninneqareersimagaluartut imaluunniit eqqunneqarsimagaluartut, Kalaallit Nunaanniit aatsitassanik annissineq tamatumunnga akuersissuteqarneq malillugu taamaallaat pisinnaasoq pillugu atugassarititaasut aalajangersarneqarsinnaapput. Taamaalilluni aatsitassanik annissinerit tamarmik taamaallaat tamatumunnga akuersissuteqarneq malillugu pisinnaasut pillugu atugassarititaasut aalajangersarneqarsinnaapput. Aatsitassat Kalaallit Nunaata aamma nunap allap imaluunniit nunat allat amerlanerusut akornanni akuttunngitsumik kaavliaartaraluartut,

aamma tamanna atuutissaaq. Aammattaaq nalunaarusiornerit il.il. pillugit atugassarititaasut aalajangersarneqarsinnaapput.

§ 35-mut

Aalajangersakkami aatsitassarsiorluni ingerlatassanut atatillugu avatangiisink allanngutsaaliuineq maleruagassiivigineqarpoq, ilanngullugit silap pissusaanik allanngutsaaliuineq aamma pinngortitamik illersuineq, aammalu annertuumik ataatsimoortillugu allataalluni, taamaalillunilu aatsitassanut ikummatissanullu inatsimmi §§ 51, 55 aamma 59 malillugit avatangiisink allanngutsaaliuineq ingerlateqqinneqarluni.

Imm. 1-imut

Imm. 1-imi allassimavoq, inuit inuuniarnerminni atugaasa aammalu pinngortitap ataqatigiinnerata kaaviiarfisa, piujuartussamik ineriartortitsinermut ilaattillugu nunaminertanik pinngortitamilu pisuussutinik atorluaanissaq pisariaqalersikkaat. Taamaalilluni avatangiisini ajornartorsiutit sumiiffiiniinnaq atuutinngitsut aammalu nassuiarluagaaginnangitsut, kisianni paarlattuanik nunarsuarmi atuuttut, assigiinngisitaartut pisariusuusullu, nassuerutigisarnerata annertusiartornera aalajangersakkami tunngavigineqarpoq. Avatangiisinut politikimi inuit pinngortitamut ataqatigiinnerat tamakkiisuutillugu isiginninneq taamaalilluni aalajangersakkami siunnerfigineqarpoq aatsitassanik piaanermiit, tunisassiornermut atuinermullu, eqqagassanik igitsisarnermut.

Siunnersummi taamaalilluni silap pissusaa pinngortitarlu illersorneqassapput, taamaalilluni inuiaqtigiinni ineriartorneq, silap pissusaanut tunngasut taakkualu inuit inuuniarnermi atugarisaannut aamma uumasut naasullu piujuartinnissaannut pingaaruteqarnerat ataqqillugu, piujuannartitsisumik ingerlatsinermik tunngavilimmik pisinnaassalluni.

Avatangiisit, silap pissusaata pinngortitallu allanngutsaaliorneqarnerat pillugu siunnersummi aalajangersakkat atorneqarneranni, avatangiisinut, silap pissusaanut pinngortitamullu sunniutaasussat tamarmiusut pingartinneqassapput.

Imm. 2-mut

Aalajangersakkami siunnersuutigineqartumi kapitalimi illersuineremi pineqartut allassimapput. Aalajangersakkap oqaasertalersugaanerani annertuumik nunani tamalaani tunngaviusut akuerisaasut, aamma danskit imaani avatangiisinut inatsisaanni siunertamut aalajangersakkamik oqaasertaliinermi takoqqinneqarsinnaasut, aallaavagineqarput.

Siunnersuutigineqarpoq siunnersummi matumanit avatangiisink, silap pissusaanik pinngortitamillu allanngutsaaliuineq pillugit maleruagassat, mingutsitsinermik pitsaaliuinissamik, killilersimaarinissamik akiuiniarnissamillu aammalu allatigut avatangiisit, silap pissusaata pinngortitallu ingerlatanit toqqaannartumik imaluunniit toqqaannanngitsumik inuit peqqissusaannut navianartorsiortitsisinnaasunit, uumasunik imaluunniit naasunik

ajoqusiisinnaasunit, nunamik, imaani, nunap iluanik imaluunniit pinngortitami pisuussutinik pisinnaatitaalluni atuinissamut ajoqutaasinnaasunit, inuit inuuniarnermi atugarisaannik ajornerulersitsisinnaasunit imaluunniit sukisaarsaarnermut pingaaruteqarnera ingerlatanilluunniit ajornerulersitsisinnaasunit, allatut sunnerneqannginnissaat, siunnerfigineqassasoq.

Imm. 3-mut

Imm. 3-mi siunnersuutigineqartumi, mianerisassat inatsisip allaffissornikkut aqunneqarnerani isumagineqartussat, erseqqinnerusumik erseqqissarneqarput.

Nr. 1-imik kapitalimi anguniakkat pingarnerit allassimapput. Taamaalilluni allassimavoq imaani, immap naqqani, nunap iluani, imermi, silaannarmi mingutsitsinissaq aamma silap pissusaanut tunngasunut ajoqusiisumik sunniinissaq kiisalu sajukulaartitsinermi nipiilorernillu ajoqutissartaqalersitsinissaq pitsaaliorneqassasoq, killilersimaarneqassasoq akiorniarneqassasorlu.

Isumalluutinik maangaannartitsinissap, takuuk nr. 2, aammalu mingutsitsinerup allatullu avatangiisirut ajoqusiisumik sunniinissap pitsaaliornissaanut killilersimaarnissaanullu, taamaalillunilu piujuartussamik ineriertortitsinermut pitsaanerusumik tunngavissiinissamut, teknologiimik minguinnerusumik atuilersitsinissaq inatsisip allaffissornikkut aqunneqarnerani imminermini siunertaassasoq, nr. 3-mi siunnersuutigineqarpoq. Teknologii minguinnerusoq nassuarneqarsinnaavoq tassaasoq tunisassiornermi sulianik ingerlatitsisarnerit, nioqqtissiassat, akuutissat iluaqutaasussat aamma tunisassiat isumalluutinik atuinermik annikinnerulersitsisussat aammalu mingutsitsinerup pilernissaanik pinngitsoortitsisussat, tunisassiornerup ingerlaneraniinnaanngitsoq, kisianni aamma kingusinnerusukkut nioqqtissat tunisassiallu ingerlaarfiinut ilaattillugu.

Taamaattumik saliinermi iliuusissat, mingutsitsinermik ajornartorsiuteqarnerit ileqquusumik iliuuseqarfingineqarneranni periaasisiusartut, oqariaatsimi "teknologii minguinnerusoq" pineqartunut ilaatinneqanngillat. Paasinarsisimavoq imermik maangaannartumik silaannarmillu saliineq, sinnikunik inissiinermi ajornartorsiuteqarnernik malitseqartartoq, taamaaliornermi mingutsitsinermik ajornartorsiuteqarneq allamik taarsiinnarneqartarluni. Ingerlaarfinik isiginninnissaq aamma atoqqiisarnerunissaq aammalu eqqakkanik igitsinermut atatillugu ajornartorsiuteqartarnerup (ilanngullugit aamma ajornartorsiutit eqqakkat annertussusaasa kingunerisartagaat) killilersimaarnissa pillugu nr. 4-mi anguniakkamut aamma tunngavigineqarpoq, taamaalillunilu teknologiimik minguinnerusumik atuinerulersitsinissaq pillugu anguniakkamut qanimut atasuulluni.

§ 36-mut

Aalajangersagaq aatsitassanut ikummatissanullu inatsimmi § 52-imik ingerlatitseqqinneruvoq aammalu pissutsinut avatangiisink, silap pissusaanik pinngortitamillu allanngutsaaliuineq

pillugu siunnersuummi aalajangersakkat atorneqarneranni allaffissornikkullu aqunneqarneranni pingaartinneqartussanut maleruagassiilluni.

Imm. 1-imut

Aalajangersakkami aalajangersarneqarpoq, siunnersuummi matumani maleruagassat atorneqarneranni allaffissornikkullu aqunneqarneranni teknikki pissarsiarineqarsinnaasoq pitsaanerpaaq pingaartinneqassasoq.

Teknikki pissarsiarineqarsinnaasoq pitsaanerpaaq paasineqassaaq tassaasoq, ingerlatassanik aamma ingerlatsinermi periaatsinik ineriartortitsinermi alloriarfiiit sunniuteqarluarnerpaat nutaalialanerpaallu aammalu teknikkip taassuma pinngitsoortitsinissamut imaluunniit tamanna ajornartillugu, aniatinsinernik allatullu avatangiisit tamakkiisuutillugit sunniinissap ataatsimut isigalugu killilersimaarnissaanut suliaqarnermi naleqqussusaa, ilanngullugit sumiiffiit piffissallu sunnertiaffiusut.

Tamanna paasineqassaaq:

Teknikki: Teknologii atorneqartoq aammalu suliaqarfiup qanoq ilusilersorneqarnissaa, sananeqarnissaa, aserfallatsaaliorneqarnissaa, ingerlanneqarnissaa matuneqarnissaalu.

Pissarsiarineqarsinnaanera: Teknikkip pineqartup aningaasaqarnikkut teknikkikkullu atugassarititaasinnaasut tunngavigalugit suliffissuaqarnermut suliassaqarfimmi attuumassuteqartumi atorneqarsinnaaneramik malitseqartumik annertussusilimmi ineriartortinnejartoq, pisinnaatitsisummiik pigisaqartoq teknikkimik atugassarititaasut naapertuuttut tunngavigalugit atugassaqarsinnaappat, teknikkip sumi tunisassiarineqarsimanera imaluunniit atorneqareernera apeqqutaatinnagu, aningaasartutissat iluaqtissartaasullu eqqarsaatigineqassallutik.

Pitsaanerpaaq: Avatangiisit tamakkiisuutillugit ataatsimut isigalugu qaffasissumik illersuisinnaanissamut teknikki sunniuteqarluarnerpaq.

Teknologii minguinnerusoq pillugu tunngaviusoq, pitsaaluiusussamik suliniuteqarnikkut pisariaqanngitsumik isumalluutinik atuinerup maangaannartitsinerullu killilersimaarnissaanik siunnerfeqartoq, saliinermik iliuusissat paarlattuanni inissisimanngilaq. Saliinermi aaqqiissutissat avatangiisink allanngutsaaliuinermik suliaqarnermi pingaaruteqartutut ilaapput aammalu annertuumik taamaaginnartussaalluni. Kisianni tunngaviusumi pinngortitap ataqtigiinera aallaavigalugu aamma inuiaqtigiiit aningaasaqarnerat tamakkiisutut isigalugu pingarnersiuinissaq pisariaqartoq, tunngaviusumik oqariartutigineqarpoq.

Suliffeqarfinni ataasiakkaani avatangiisintut piumasaqaatinut tunngatillugu suliffeqarfiup maannakkut inissisimanerata paasisimannissinnaanissaa aalajangiisuulluinnartumik pingaaruteqarpoq, taamatullu suliffeqarfik siunissami piumasaqaatit aamma

ilisimaneqarnissaat sapinggisamik annertunerpaamik qularnaarlugu, aningaasaliinissaminut pilersaarusiorsinnaanissamut periarfissaqassalluni.

Aammattaaq teknologii minginnerusoq pillugu tunngaviusup atorneqarnerani, siunnersuut manna malillugu piumasaqaatinik aalajangersaanermi suliffeqarfiup nunani tamalaani unammillersinnaassuseqarnera ineriartornissamullu periarfissaasa eqqarsaatigineqarnissaat pisariaqarpoq.

Siunnersuutip matuma allaffissornikkut aqunneqarneranut pingarnertigut mianerisassat tunngaviusullu taakkua, siunnersuut manna malillugu aalajangierni ataasiakkaani, ilitsersuutinik najoqquṭassanillu Naalakersuisut suleriaasiannut killissaliussassatut malittarisassatullu aalajangersaanermi aammalu siunnersuut manna malillugu maleruagassanik nalinginnaasunik aalajangersaanermi, atutissapput.

Avatangiisit allanngutsaaliorneqarnera, silap pissusaata allanngutsaaliorneqarnera pinngortitallu illorsorneqarnera pillugit Inatsisartut inatsisaanni aalajangersakkat allaffissornikkut aqunneqarneranni nunani tamalaani isumaqatigiissutit annertuumik aallaavigineqassapput.

Imm. 2-mut

Aalajangersagaq mingutsitsinerup pitsaaliornissaanut pakkersimaarnissaanullu iliuusissat annertussusissaannik suussusissaannillu naliliinermut tunngaviusunut tunngassuteqarpoq.

§ 37-mut

Aalajangersagaq oqaatsitigut aaqqissuussinikkullu allanguuteqartillugu aatsitassanut ikummatissanullu inatsimmi § 53, imm. 1-2-mik ingerlatitseqqiineruvoq aammalu ingerlatassanut siunnersummi pineqartunut ilaasunut atatillugu mingutsitsineq pillugu maleruagassanik aalajangersaviulluni.

Imm. 1-imut

Aalajangersagaq malillugu kinaluunniit ingerlatassanik inatsimmi pineqartunut ilaasumik mingutsisisinnaasumik aallartitsiniartoq, mingutsitsinissap navianaateqarnera sapinggisamik annertunerpaamik killilersimaarneqartussanngorlugu ingerlatassamut piffissamik aamma ingerlatassap sumiiffissaanik toqqaassaaq. Ingerlatassap suliarineqarnissaanut piffissamik sumiiffimmillu toqqaanermi sumiiffimmi pinngortitap aamma sumiiffiup qanoq issusaa, ilanngullugu maannakkut atuinissaq siunissamilu pilersaarutigineqartoq, eqqarsaatigineqassaaq. Aammattaaq imermik maangaannartunik, eqqagassanik allanillu akuutissanik atortussanillu mingutsitsisartunik naapertuuttumik igitsinissamut periarfissat eqqarsaatigineqassapput.

Sumiiffissarsiornissamut tunngaviusup siunnersuutigineqartup atuunnerani, ingerlatassaq mingutsitsisussaq avatangiisini mingutsitsinissamut patajaatsuni aammalu sumiiffiit sunnertiasut sapinngisamik annertunerpaamik mingutsitsinikkut sunnerneqartussajunnaarlugit, inissinneqassaaq.

Imm. 2-mut

Aalajangersagaq malillugu kinaluunniit ingerlatassamik inatsimmi pineqartunut ilaasumik, mingutsitsinermik pilersitsisinnaasunik, aallartitsiniartoq, aallartitsisoq imaluunniit suliaqartoq, iliuusissanik mingutsitsinermut tassunga pitsaaluisinnaasunik pakkersimaarinnissinnaasunillu aalajangersaassaaq aammalu suliffeqarfipilersinnejarnera, aaqqissuunneqarnera ingerlanneqarneralu sapinngisamik mingutsitsineq annikinnerpaamik malitseqartussanngorlugu aaqqissuutissallugu.

Aalajangersakkap siunnersuutigineqartup atuunnerani, suliffeqarfik mingutsitsisussaq iliuusissanik mingutsitsinermik killilersimannittussanik pisariaqartunik aalajangersaassaaq aammalu mingutsitsineq sapinngisamik annertunerpaamik killilersimaarneqartussanngorlugu ingerlatsineq aaqqissuutissallugu. Aalajangersagaq siunnersuummi § 4-mut ataqtigiissillugu isigineqassaaq.

Imm. 3-mut

Aalajangersagaq malillugu kialuunniit ingerlatassamik inatsimmi pineqartunut ilaasumik mingutsitsisinnaasumik aallartitsiniartup, aallartitsisup imaluunniit suliaqartup, atortunik ilaalu ilanngullugit, ilanngullugit maskiinat, atortut immaqalu unnuisarfiit, toqqarneqarneranni, pilersinnejarneraa aaqqissuunneqarnerannilu mingutsitsinerup, aniatitsinerit, eqqagassaqalertarnerit isumalluutinillu atuinerup sapinngisamik pitsaanerpaamik killilersimaarneqarnissaat qulakkiissavaa.

Aalajangersakkami aalajangersarneqarpoq, tamanna aamma ingerlatsinerup aaqqissuunneqarnerani qulakkeerneqassasoq, ilanngullugit aatsitassarsiorluni misissuinerup ingerlanissaannik, piaanerup ingerlanissaanik, suliaqarnerit ingerlanissaannik, nioqquissiassanik, akuutissanik atortussanillu ingerlatsinermut atatillugu atorneqartussanik aammalu upalungaarsimanermut mingutsitsinernillu akiuiniarnernut suleriaasissanik toqqaanermi.

§ 38-mut

Aalajangersakkami siunnersuummi § 36, imm. 1 aamma 2, aammalu siunnersuummi § 37-mi sumiissusersiinermut tunngaviusoq aamma mingutsitsinermik killilersimanninnissamut tunngaviusoq itisilerneqarput, aammalu aatsitassanut ikummatisanullu inatsimmi § 53, imm. 3-5-imik ingerlatitseqqinnerulluni.

Imm. 1-imut

Aalajangersakkami aalajangersarneqarpoq, suliffeqarfifit imaluunniit inuit avatangiisiniq allanngutsaaliuineq imaluunniit mingutsitsinissamik pitsaaliuineq, mingutsitsinermik killilersimaarineq imaluunniit akiuniinarneq pillugit inatsisit malillugit pisussaaffeqartut, tamanna teknikkikkut, suliaqarnikkut aningaasaqarnikkullu pineqartumut periarfissaasimappat, pineqartup pisussaaffit naammassineqarneranni teknikkimik pissarsiarineqarsinnaasumik pitsaanerpaamik aammalu iliuusissanik mingutsitsinermik akiuiniarnissamut sappingisamik pitsaanerpaanik atuinissaq qulakkiissagaat siuarsassallugulu.

Inuit siunnersummi kapitali 2 malillugu ingerlatassanik suliaqartut aamma Inatsisartut inatsisaat malillugu pisussaaffeqartutut isigineqarput.

Siunnersummi §§ 36-mut aamma 37-mut nassuiaatit innersuussutigineqarput.

Imm. 2-mut

Aalajangersagaq malillugu suliffeqarfip imaluunniit inuup inatsit malillugu avatangiisini aarlerinaataasut paasineqarnissaat, nalilorsorneqarnissaat aammalu suliaqarnermi naapertuuttumik ajornartinnagu sappingisamik annertunerpaamik annikillisinneqarnissaat isumagisussaappagu, tamanna teknikkikkut, suliaqarnikkut aningaasaqarnikkullu pineqartumut periarfissaasimappat, aammattaaq avatangiisiniq allanngutsaaliuinissaq eqqarsaatigalugu, teknikkimik pissarsiarineqarsinnaasumik pitsaanerpaamik aammalu iliuusissanik mingutsitsinermik akiuiniarnermut sappingisamik pitsaanerpaanik atuisoqarnera qulakkiissavaa siuarsassallugulu.

Imm. 1-imut aamma siunnersummi §§ 35-mut aamma 36-mut nassuiaatit innersuussutigineqarput.

Imm. 3-mut

Aalajangersakkami aalajangersarneqarpoq, imm. 2 malillugu pisussaaffit aammattaaq pisuni arlalinni atuuttut.

Suleqatigisap allap sulinissaq imaluunniit ingerlatassat allat avatangiisini aarlerinaataasut paasineqartussanngorlugit, nalilorsorneqartussanngorlugit imaluunniit suliaqarnermi naapertuuttumik ajornartinnagu sappingisamik annertunerpaamik annikillineqartussanngorlugit pilersaarusiussagai, suliffeqarfip imaluunniit inuup isumagisussaappagu, nr. 1 malillugu pisussaaffit atuutissapput.

Suleqatigisap allap sulinissaq imaluunniit ingerlatassat allat avatangiisini aarlerinaataasut paasineqartussanngorlugit, nalilorsorneqartussanngorlugit imaluunniit suliaqarnermi naapertuuttumik ajornartinnagu sappingisamik annertunerpaamik annikillineqartussanngorlugit pilersaarusiorsimanerai nakkutigineqarnissaa, suliffeqarfip imaluunniit inuup isumagisussaappagu, nr. 2 malillugu pisussaaffit atuutissapput.

Suliffeqarfik imaluunniit inuk avatangiisini aarlerinaataasut paasineqarnissaannut, nalilersorneqarnissaannut aammalu suliaqarnermi naapertuuttumik sapinngisamik annertunerpaamik annikillisinnissaannut peqataasussaappat, nr. 3 malillugu pisussaaffit atuutissapput.

Avatangiisini aarlerinaataasut paasineqartussanngorlugit, nalilersorneqartussanngorlugit imaluunniit suliaqarnermi naapertuuttumik ajornartinnagu sapinngisamik annertunerpaamik annikillineqartussanngorlugit suliaqarnerup ingerlannissaanut pisariaqartumik inuk sulisorisaq ilinniartinneqassasoq ilitsorsorneqassasorlu sulisitsisup imaluunniit suliffeqarfip allap imaluunniit inuup allap isumagisussaappagu, nr. 4 malillugu pisussaaffit atuutissapput.

Avatangiisini aarlerinaataasut aarlerinaataajunnaarnissaat imaluunniit annikillisinnissaat suliffeqarfip allap imaluunniit inuup isumagisussaappagu, nr. 5 malillugu pisussaaffit atuutissapput.

Naggataatigut sanaartukkat, aaqqissuussinerit, umiarsuit imaluunniit angallatit allat, ilanngullugit pineqartup sannai, aaqqissugaanera atortulersugaanera ilaalu ilanngullugit, avatangiisitigut tamakkiisumik isumannaatsuusut, suliffeqarfip allap imaluunniit inuup qulakkeertussaappagu, nr. 6 malillugu pisussaaffit atuutissapput.

§ 39-mut

Pissutsinut Naalakkersuisut ingerlatassamut imaluunniit sanaartukkamik pilersitsinissamut ingerlatsinissamullu Inatsisartut inatsisaanni pineqartunut ilaasumut akuersissuteqarnissaq pillugu aalajangiinermi pingaartitassaannut, aalajangersagaq tunngassuteqarpoq.

Aalajangersagaq siunnersuutigineqartoq malillugu, ingerlatassamut imaluunniit sanaartukkamik pilersitsinissamut ingerlatsinissamullu siunnersuummi matumani pineqartunut ilaasumut akuersissuteqarnissaq pillugu Naalakkersuisut aalajangiippata, ilaatigut ajornerulersitsinissap pinngitsoortinnissaa imaluunniit silap pissusaanut tunngasunit sunninerlunnissat Naalakkersuisut pingaartissavaat. Tassunga tunngatillugu ilaatigut pinngortitap kiisalu pinngortitap suussusaasaamma nunami namminermi nunanilu tamalaani pinngortitamik allanngutsaaliuiffiusussatut toqqagaasuni uumasut najortagaasa ajorseriartinnginnissaannik aammalu uumasut taakkua sumiiffinni toqqaanermi pineqartut akornusersorneqannginnissaannik mianerinninnissaq Naalakkersuisut pingaartissavaat.

Sumiiffit sorliit nunami namminermi nunanilu tamalaani pinngortitamik allanngutsaaliuiffiuersut, aammalu nunami namminermi nunanilu tamalaani maleruagassat suut sumiiffinnut taamaattunut atuunnersut, nunami namminermi nunanilu tamalaani inatsisit Kalaallit Nunaanni atuuttut malillugit aalajangerneqartarpoq.

§ 40-mut

Ingerlatassaq imaluunniit sanaartugaq Inatsisartut inatsisaanni pineqartunut ilaasoq avatangiisinut, silap pissusaanut pinngortitamullu tunngasunut annertuumik sunniuteqarsinnaassasoq ilimagineqartariaqarpat, tamatuma malitsigisassai aalajangersakkami aalajangersarneqarput.

Imm. 1-imut

Siunnersuutigineqarpoq ingerlatassaq imaluunniit sanaartugaq § 39-mi taaneqartoq, avatangiisinut, avatangiisinut, silap pissusaanut pinngortitamullu tunngasunut annertuumik sunniuteqarsinnaassasoq ilimagineqartariaqarpat, ingerlatassap imaluunniit sanaartukkap avatangiisinut, silap pissusaanut pinngortitamullu tunngasunut sunniutissaannik nalilersuineq tunngavigalugu aatsaat akuersissuteqartoqarsinnaasoq. Tamat aamma oqartussat kattuffiillu kalluarneqartussat tamatumunnga oqaaseqaateqarnissamut periarfissaqareersimanissaat aalajangersagaq siunnersuutigineqartoq malillugu piumasaqataavoq.

Siunnersuutigineqarpoq nalilersuineq avatangiisinut sunniutaasussanik nalilersuinermut (VVM-mut nalilersuineq) maleruagassat malillugit pissasoq, takuuk siunnersummi kapitali 10.

Imm. 2-mut

Imm. 2 malillugu siunnersuutigineqarpoq, ingerlatassaq imaluunniit sanaartugaq siunnersummi § 38-mi taaneqartoq, nunami namminermi imaluunniit nunani tamalaani pinngortitami allangutsaaliuiffiusussatut toqqagaasumut annertuumik sunniuteqarsinnaassasoq ilimagineqartariaqarpat, tassunga piujaannartitsisumik ingerlatsinissamik siunertaqarneq eqqarsaatigalugu sumiiffimmut ingerlatassap imaluunniit sanaartukkap sunniutissaannik nalilersuineq tunngavigalugu aatsaat akuersissuteqartoqarsinnaasoq.

Naalakkersuisut tamanna pisariaqartutut isigippassuk, akuersissuteqannginnermi sumiiffimmi sunniutaasussanik nalilersuineq pillugu tamanut tusarniaasoqassaaq. Tamanna VVM-mut nassuaat pillugu tusarniaanermut atatillugu pisinnaavoq. Sumiiffimmi sunniutaasussanik nalilersuineq tusarniaassutigalugu nassiunneqassanersoq, pisuni ataasiakkaani ataasiakkaatigut nalilersuineq tunngavigineqassaaq. Sunniutaasussat qanoq annertutiginersut, peqatigisaanillu VVM-imik suliaqartoqassanersoq, ilaatigut tamatumunnga tunngavigineqarsinnaavoq.

Pisuni arlalinni ingerlatassamut imaluunniit sanaartukkamut akuersissuteqartoqannginnerani avatangiisinut sunniutaasussanik nalilersuinermik ingerlatsinissaq naleqquuttussaavoq.

Aalajangersagaq siunnersummi kapitali 10-mi VVM pillugu maleruagassanut ataqtigiissillugu isigineqassaaq. Tassunga piujaannartitsisumik ingerlatsinissamut siunertaasut mianeralugit suliassap sumiiffimmut sunniutissaannik nalilersuinerup

ingerlanneqartarnissaa, aalajangersakkami siunnerfigineqarpoq. Taamatut nalilersuineq nalinginnaasumik VVM-mi misissuinermut ilaatillugu pisussaanngilaq.

Siunnersuutigineqarpoq sumiiffiit nunami namminermi aamma nunani tamalaani pinngortitamik illersuiviussanersut, aammalu sumiiffinnut taamaattunut nunami namminermi nunanilu tamalaani maleruagassat suut atutissanersut, nunami namminermi inatsisit aamma nunanilu tamalaani inatsisit Kalaallit Nunaanni atuuttut malillugit aalajangerneqassasoq.

Imm. 3-4-mut

Aalajangersagaq siunnersuutigineqartoq malillugu pisuni imm. 1-im i aamma 2-mi taaneqartuni akuersissuteqartoqarsinnaavoq,

- 1) ingerlatassaq imaluunniit sanaartugaq sumiiffiit nunami namminermi imaluunniit nunani tamalaani pinngortitamik illersuiviusut qanoq issusaannut ajoqsiissanngippat imaluunniit
- 2) inuaqatigiit soqtigisaat annertuut, ilanngullugit inooqatigiinnermut imaluunniit aningaasaqarnermut tunngasut, ingerlatassat suliarineqarnissaat imaluunniit sanaartukkamik pilersitsinissaq ingerlatsinissarlu pisariaqalersippassuk, taamaattoq takuuk imm. 4.

Sunniutaasussanut nalilersuinerup takutippagu suliassaq sumiiffinni nunani tamalaani pinngortitamik illersuiffiusuni ajoqsiissanngitsoq, tamatumunnga piumasaqaatit attuumassuteqartut allatigut naammassineqarsimappata, ingerlaannaq suliassamut akuersissuteqartoqarsinnaavoq.

Kisiannili suliassap piviusunngortinneqarnerani sumiiffik annertuumik sunnernerlunneqartussaasoq naliliisoqarpat, inuaqatigiit soqtigisaat annertuut, ilanngullugit inooqatigiinnermut imaluunniit aningaasaqarnermut tunngasut suliassap ingerlanneqarnissaasaa pisariaqalersippassuk, suliassap nunamut imaluunniit nunap immikkoortuanut aalajangiisuulluinnartumik pingaaruteqarnera pissutigalugu, aammalu suliassamut allatut inissiivissaqanngitsoq isumaqartoqarnera pissutigalugu, aatsaat suliassamut akuersissuteqartoqarsinnaavoq.

Inuaqatigiinnut tunngasunik mianerinninnissap salliutinneqarnissa imm. 3-mi taaneqartoq qanoq pisoqaraluarpualluunniit nunani tamalaani inatsisit, pisussaaffit sumiiffiup nunami namminermi imaluunniit nunani tamalaani pinngortitami illersuiviusutut toqqagaaneranut atatillugu Kalaallit Nunaata pituttorsimaffigisaasa, iluanniitinneqarsinnaassapput.

Akuersissuteqarneq sumiiffimmut illersuiffiusumut inatsisitigut toqqagaasumut tunngassuteqartoq, illersuinermut inatsimmi periarfissiissutigineqartunit annertuneroqqusaanngilaq.

Imm. 5-imut

Siunnersuutigineqarpoq imm. 3 imaluunniit imm. 4 malillugit akuersissuteqartoqarnerani, Naalakkersuisut naleqquttunik taartissatut iliuusissanik aalajangersaassasut, ilanngullugit akuersissuteqarnermut atugassarititaasuni.

Aalajangersagaq siunnersuutigineqartoq malillugu taartissatut iliuusissanut aningaaartuutit akuersissuteqarfigineqarnissamik qinnuteqartumit matussuserneqassapput.

Sumiiffimmik annertuumik sunniinerluttoqartussaasoq paasineqaraluartoq imm. 3 siunnersuutigineqartoq imaluunniit imm. 4 malillugu akuersissuteqartoqassappat, taartissatut iliuusissanik naleqquttunik aalajangersaasoqassaaq. Assersuutigalugu taakkua tassaasinnaapput sumiiffinnik pinngortitamik illersuiffiusussanik allanik toqqaanermi imaluunniit aallaaniarnermut, ingerlatsinermut ilaalu ilanngullugit killilersuinernik atuutsitsilernermi sanaartukkani, ingerlatsinermi aserfallatsaaliuinermilu teknikkimik pissarsiarineqarsinnaasumik pitsaanerpaamik aammalu suleriaatsimik pissarsiarineqarsinnaasumik pitsaanerpaamik atuinertut ittumik, avatangiisinut sunniinerlunnermut taartissanut suliniutissat immikkut ittut pillugit atugassarititaasut. Taartissatut iliuusissanik naleqquttunik aalajangersaanermi pisuni ataasiakkaani ataasiakkaatigut nalilersuineq tunngavigineqassaaq aammalu annertoqatigiissitsinissamut tunngaviusumut killissaliussat iluanni tamanna pissalluni.

§ 41-mut

Siunnersuutigineqarpoq avatangiisinik, silap pissusaanik pinngortitamillu allanngutsaaliuineq pillugu maleruagassanik erseqqinnerusunik aalajangersaanissamut Naalakkersuisut piginnaatinneqassasut, ilanngullugit pingaartumik pissutsit siunnersummi §§ 35-40-mi taaneqartut pillugit, ilanngullugu avatangiisinik, silap pissusaanik pinngortitamillu allanngutsaaliuineq pillugu nunami namminermi imaluunniit nunani tamalaani maleruagassat, isumaqatigiissutit imaluunniit malittarisassat atorneqarnissaat.

Eqqarsaatigineqarpoq, siunnersuutip matuma sunniuteqarluarnissaa qulakkeerniarlugu tamanna naleqquppat aammalu siunnersuutip siunertaanut naapertuuppat, Naalakkersuisut aalajangersagaq siunnersuutigineqartoq tunngavigalugu §§ 35-40-mi maleruagassat ilassusersinnaagaat.

§ 42-mut

Aalajangersagaq avatangiisinut, silap pissusaanut pinngortitamullu tunngasunut tunngatillugu, annertuumik aatsitassanut ikummatisanullu inatsimmi § 84-imik aamma § 85, imm. 2-mik ingerlatitseqqinneruvoq.

Aalajangersakkami siunnersuutigineqarpoq Naalakkersuisut maannamut pisartutut aatsitassarsiorluni ingerlatassanik suliarinninnermi avatangiisinut, silap pissusaanut, pinngortitamut tunngasut pillugit aalajangersakkanik erseqqinnerusunik aamma peqqussutinik sukumiisunik aalajangersaasinaasut nutarterisinnaasullu.

Assersuutigalugu suliarinnittarfik, assartuussivik kiisalu allatigut attaveqarneq, aatsitassarsiorluni misissuinermik imaluunniit aatsitassanik piaanermik suliaqarnermut ilaattilugu pilersinnejartut, sumiiffiup akuersissummi ilaatinnejartup avataani tamakkiisumik ilaannaasumilluunniit inissinneqarsimassapput. Tassunga atatillugu aalajangiisulluinnarpoq piginnaatitaanerit oqartussap suliarinninnerani aallaavaginejartut, aamma suliaqarfissanut ilaalu ilanngullugit taamaattunut atuuttut.

Naalakkersuisut ilaatigut avatangiisink, silap pissusaanik pinngortitamillu allanngutsaaliuineq, tamatumunngalu atatillugu pisussaaffiit, akisussaaffik pissutsillu allat pillugit aalajangersakkanik aalajangersaasinnaapput. Naalakkersuisut aatsitassanut imaluunniit ingerlatassanut siunnersuummi pineqartunut ilaasunut atatillugu, inatsisit avatangiisit, silap pissusaa imaluunniit pinngortitaq pillugit pissutsinut pingaaruteqartut ataqqillugit, aalajangersakkanik taamaattunik aalajangersaasinnaapput, taamaaliornermi piginnaatitaaneq oqartussanut allanut inissinneqarluni.

§ 43-mut

Imm. 1-imut

Siunnersut malillugu avatangiisinit ajoqsiineq qanoq paasineqassanersoq, aalajangersakkani nassuiardeqarpoq.

Ataatsimut isigalugu avatangiisini ajoqsiinermut ilisarnaataavoq, pissusissamisoortumik pinngortitap ataqatigiinnerata oqimaaqtigiiinneranik nikisitsisoqarnera – pingaartumik mingutsitsinertut ittumik. Mingutsitsineq atituumik paasineqassaaq, taamaallillunilu aamma nipiliornerit, sajuppillatsitsinerit, kissarneq, qaamaneq assigisaalluunniit pineqartunut ilaatinnejarlutik.

Imm. 2-mut

Aalajangersagaq siunnersuutigineqartoq malillugu akisussaasuusoq paasineqassaaq tassaasoq ingerlatassamik siunnersuummi matumani pineqartunut ilaasumik suliaqartoq, aqutsisoq imaluunniit suliarineqarneranik nakkutiginnittooq.

§ 44-mut

Imm. 1-imut

Aalajangersagaq siunnersuutigineqartoq malillugu akisussaasuusoq paasineqassaaq tassaasoq ingerlatassamik siunnersuummi matumani pineqartunut ilaasumik suliaqartoq, aqutsisoq imaluunniit suliarineqarneranik nakkutiginnittooq. Pineqartoq ingerlatassamut tunngatillugu akuersissut imaluunniit akuersissuteqarneq malillugu pisinnaatitsissumvik pigisaqartuunani allaappat, pisinnaatitsissumvik pigisaqartoq aamma ingerlatassanut akisussaasuussaaq.

Taamaattoqarnerani taakkua marluk ataatsimoorlutik (nammaqatigiillutik)

pisussaaffeqassapput akisussaasuussallutillu kiisalu kapitalimi matumani maleruagassat malillugit akisussaasuussallutik.

Mingutsitsinermut ingerlatassanit siunnersummi pineqartunut ilaasuneersumut, aammalu avatangiisiniut ajoqusiineq imaluunniit avatangiisiniut ajoqusiinissamik annertuumik navianartorsiortitsineq akisussaasuunermik malitseqartoq, siunnersuut malillugu piumasaqaatitaqanngilaq, aammalu ingerlatassanik taakkuninnga ingerlatsinermut akisussaasuusup pisussaaffigalugu.

Oqaaseq ”akisussaasuusoq” tassaavoq inuk imaluunniit pisinnaatitaallunilu pisussaatitaasoq imaluunniit pisortat ingerlatsineranni inatsisit malillugit inuk inuussutissarsiorluni ingerlatassanik ingerlatsisoq imaluunniit nakkutiginnittoq.

Imm. 2-mut

Siunnersuutigineqarpoq imm. 1 malillugu ingerlatassamut akisussaasuusoq, avatangiisini ajoqusiisimasoq imaluunniit ajoquseeqataasimasoq imaluunniit avatangiisiniut ajoqusiinissamik navianaateqarujussualersitsisoq imaluunniit pisooqataasoq, avatangiisiniut ajoqusiinermut akisussaasuussasoq. Ajoqusiineq imaluunniit ajoqusiinissamik annertuumik navianartorsiorneq pissutsit pisinnaasut malitsigisaannik pilersimagaluarpalluunniit, ajoqusiineq imaluunniit ajoqusiinissamik annertuumik navianartorsiortitsinerup qanoq pilersimanera apeqqutaatinnagu tamanna atuuppoq.

Taamaalilluni aallaaviusoq tassaavoq, ingerlatassamut akisussaasuusoq avatangiisiniut ajoqusiinermut imaluunniit avatangiisiniut ajoqusiinissamik annertuumik navianartorsiortitsinermut akisussaasuusutut isagineqartoq, takuuk imm. 2. Taamaalilluni avatangiisiniut ajoqusiinermut imaluunniit avatangiisiniut ajoqusiinissamik annertuumik navianartorsiortitsinermut, mingutsitsinerni ingerlatassanit siunnersummi pineqartuneersunit pilersinneqartunut piumasaqaatitaqanngitsumik akisussaasuuneq atuuppoq.

§ 45-mut

Aalajangersakkami avatangiisini ajoqusiinermut imaluunniit avatangiisiniut ajoqusiinissamik annertuumik navianartorsiortitsinermut akisussaasuusup pisussaaffii maleruagassiivigneqarput aammalu annertuumik aatsitassanut ikummatissanullu inatsimmi § 64-imik ingerlatitseqqinnerulluni, tassani aatsitassanut ikummatissanullu inatsimmi § 64, imm. 1, imm. 1-imut aamma 2-mut aggulunneqassasoq siunnersuutigineqarluni.

Imm. 1-2-mut

Siunnersuutigineqarpoq avatangiisiniut ajoqusiinissamik annertuumik navianartorsiortitsinermut akisussaasuusoq pitsaliuilluni iliuusissanik pisariaqartunik, avatangiisiniut ajoqusiinissamut annertuumik navianartorsiortitsinermik pinngitsoortitsisinnaasunik, ingerlaannaq aallartitsissasoq, aammalu navianartorsiorneq

iliusissallu pillugit Naalakkersuisut kalerrissallugit. Aalajangersagaq siunnersuutigineqartoq malillugu avatangiisinut ajoqsiinermut akisussaasusoq suliniutinik ajoqsiinerup annertussusaanik killilersimannissinnaasunik aammalu ajoqsiinerup annertunerulernissaanik pinngitsoortitsisinnaasunik suliaqarnikkut ingerlanneqarsinnaasunik ingerlaannaq aallartitsissaaq, aammalu Naalakkersuisut ajoqsiineq suliniutilu pillugit kalerrissallugit.

Taamaalilluni avatangiisinut ajoqsiinermut imaluunniit avatangiisinut ajoqsiinissamik annertuumik navianartorsiortitsinermut akisussaasusoq avatangiisinut ajoqsiinissap annertuumik navianaateqarnerata pinngitsoortinnissaanut iliusissanik pisariaqartunik ingerlaannaq aallaartitsinissamik kiisalu ajoqsiineq pereersimappat, avatangiisinut ajoqsiinerup annertunerulernissaata killilersimaarnissaanut pinngitsoortinnissaanullu suliniutissanik suliaqarnikkut ingerlanneqarsinnaasunik sunilluunniit ingerlaannaq aallartitsinissamik pisussaaffeqartoq, aalajangersarneqarpoq.

Taamaalilluni mingutsitsinerup imaluunniit mingutsitsinerup annertunerulernissaata pinngitsoortinnissa naammanngissinnaavoq, kisiannili aammattaaq mingutsitsinerup pisup sunniuteqarnissaata sukkasumik killilersimaerneqarnissa pisariaqarsinnaalluni, assersuutigalugu mingutsitsinerup siaruarnissaata pinngitsoortinneratigut. Akisussaasusup mingutsitsineq pisooq piaernerpaamik piissagaa, assersuutigalugu assaallugu, iliusisanut pisussaaffit taakkua taamaalilluni kingunerisinhaavaat. Oqaatigineqassaaq, iliuuseqarnissamut pisussaaffit taakkuninngalu atuutsitsinissamut, mingutsitsinerup pisup kingunerisaanik avatangiisini ajoqsiineq pisimasoq, imaluunniit tamatumunnga annertuumik navianaateqalersimasoq, akisussaasusup paasisimassagaa pisariaqarpoq.

Imm. 3-mut

Aalajangersagaq siunnersuutigineqartoq malillugu pisussaaffit naammassineqarnissaannut Naalakkersuisut nakkutilliisuupput, aammalu naammassinninnissaat aamma tamatumunnga atatillugu iliusissanik suliaqarnissaq pillugu Naalakkersuisut peqqusissuteqarsinnaallutik.

§ 46-mut

Naalakkersuisut avatangiisinut ajoqsiinerit pillugit maleruagassanut tunngatillugu peqqusissuteqarsinnaanerannut periarfissaqarnerat aalajangersakkami maleruagassiivigineqarpoq, aammalu oqaatsitigut aalajangersimasunik allannguuteqartillugu aatsitassanut ikummatissanullu inatsimmi § 65-imik ingerlatitseqqinnerulluni.

Imm. 1-imut

Siunnersuutigineqarpoq akisussaasusoq paassisutissanik avatangiisini ajoqsiisoqarsimanersoq imaluunniit avatangiisini ajoqsiinissaq annertuumik navianaateqarnersoq nalilersuinissamut pingaaruteqartunik Naalakkersuisut tunniussequsinnaagaat. Aalajangersagaq siunnersuutigineqartoq malillugu mingutsitsinermut pisumut pissutaasut taakkualu sunniutissaasa paasinarsisinneqarnissaat siunertaralugu,

akisussaasusoq nammineq akilikkaminik misissuinernik, misissueqqissaarnernik, akuutissanik imaluunniit atortussanik uuttortaanernik assigisaannilluunniit suliaqassasoq, peqqusissutigineqarsinnaavoq.

Avatangiisini ajoqsiisoqarsimanersoq imaluunniit tamanna annertuumik navianaateqarnersoq naliliinissamut pisariaqartunik nammineq akilikkaminik paasissutissanik tunniusseqqullugu, misissuinernik suliaqaqqullugu ilaalu ilanngullugit, pillugu akisussaasuusumut Naalakkersuisut peqqusissuteqarsinnaapput.

Imm. 2-mut

Siunnersuutigineqarpoq akisussaasuusup pigisamut aalaakkaasumut imaluunniit sumiiffimmut mingutsinneqarsimasutut paasineqartumut atuisinnaatitaannginnera apeqquaatinngagu peqqusissuteqartoqarsinnaasoq. Aalajangersagaq siunnersuutigineqartoq malillugu pigisap aalaakkaasup mingutsinneqartup imaluunniit sumiiffiup mingutsinneqartup ilaalu ilanngullugit iluarseqqinnejarnissaanut pisussaaffeqarneq peqqusissuteqarnermi aalajangersarneqarsinnaavoq.

Akisussaasuusoq pigisamut aalaakkaasumut mingutsitsinermi kalluarneqartumut aammalu misissuiffigineqartussamut ilaalu ilanngullugit atuisinnaatitaanngikkaluartoq, imm. 2-mi siunnersuut malillugu aamma peqqusissuteqartoqarsinnaavoq. Aalajangersagaq pisariaqarpoq, pissutigalugu ingerlatassamut mingutsitsinermit malitseqartumut akisussaasuusoq aamma pigisamik aalaakkaasumik mingutsinneqartumik tamatigut tassaasanngimmat atuisinnaatitaasoq. Taamatut pisoqarnerani, misissuinerit ilaalu ilanngullugit naammassereerneranni pigisamik aalaakkaasumik iluarseeqqinnissamut pisussaaffeqarneq peqqusissummi aalajangersarneqassaaq.

Imm. 3-mut

Siunnersuutigineqarpoq akisussaasuusoq pigisamut aalaakkaasumut imaluunniit sumiiffimmut atuisinnaatitaanngippat, akisussaasuusup imaluunniit allat misissuinernik imaluunniit iluarseeqqinnernik ilaalu ilanngullugit suliaqarnerat akuereqqullugu Naalakkersuisut pigisamut aalaakkaasumut imaluunniit sumiiffimmut atuisinnaatitaasoq peqqusinnaavaat.

Peqqusissuteqarnerit taarsiissutitalimmik arsaarinnissutaasussaatillugit, peqqusissuteqartoqarsinnaassanngitsoq killilersuisoqartoq, imm. 2-mi aamma 3-mi aalajangersakkat paasineqassapput.

Imm. 4-mut

Siunnersuutigineqarpoq imm. 3 malillugu peqqusissuteqarneq pigisamut aalaakkaasumut imaluunniit sumiiffimmut mingutsinneqarsimasutut paasineqartunut atuisinnaatitaasumut kimulluunniit pisussaaffiliisuussasoq. Imm. 1-3-mut nassuaatit innersuussutigineqarput.

§ 47-mut

Aalajangersakkami avatangiisini ajoqusiineq pillugu maleruagassat malillugu Naalakkersuisut aalajangiinerinut maleruagassiisoqarpoq aammalu annertuumik aatsitassanut ikummatissanullu inatsimmi § 66-imik ingerlatitseqqittoqarluni, tassani aatsitassanut ikummatissanullu inatsimmi § 66, imm. 3, siunnersuut malillugu aalajangersakkatut immikkoortutut ingerlateqqinneqarluni.

Imm. 1-imut

Mingutsitsineq avatangiisinut ajoqusiinermik imaluunniit avatangiisinut ajoqusiinissamik annertuumik navianartorsiortitsinermik malitseqarluni pisoqartillugu iliuusissaasinnaasut ilaalu ilannngullugit pillugit aalajangiinissamut Naalakkersuisut aalajangersakkami piginnaatinneqarput.

Imm. 2-mut

Siunnersuutigineqarpoq Naalakkersuisut akisussaasumut aalajangiinerup nalunaarutiginerata saniatigut, aalajangiineq Naalakkersuisut nittartagaanni imaluunniit allatut naleqquttumik tamanut saqqummiutissagaat. Aalajangersagaq siunnersuutigineqartoq malillugu avatangiisini ajoqusiisoqarsimasoq imaluunniit avatangiisini ajoqusiinissaq annertuumik navianaateqartoq pillugu aalajangiinerup tamanut saqqummiunneqarnera akisussaasuuusup akiligassaanik pissaaq.

§ 48-mut

Siunnersuutigineqarpoq Naalakkersuisut avatangiisinut akisussaasuuneq pillugu aalajangersakkanik erseqqinnerusunik aalajangersaanissamut piginnaatinneqassasut. Tamanna siunnersuutip sunniuteqarluarnissaa qulakkeerniarlugu naapertuuttoq paasinarsippat, tamanna siunnersuutip siunertaanut naapertuussimappat, piginnaatissisummi siunnersuutigineqartumi Naalakkersuisut aalajangersakkanik erseqqinnerusunik aalajangersaasinnaapput.

§ 49-mut

Imm. 1-imut

Naalakkersuisut naliliippata suliassaq avatangiisinut annertuunik sunniuteqarsinnaassasoq, imaluunniit inuaqatigiinnut tunngasunut annertuumik sunniuteqarsinnaassasoq, ilimagineqartariaqartoq, suliassamut nassuaat nassiunneqassasoq Naalakkersuisut aalajangiisinjaapput.

Imm. 2-mut

Suliassamut nassuaat tunngavigalugu, pisinnaatitsissumvik pigisaqartoq avatangiisinut sunniutaasussanik nalilersuinermik (VVM) aamma inuaqatigiinni piujuannartitsisumik ingerlatsinermik naliliinermik (VSB) suliaqarnissamik pisussaaffilerneqassasoq pillugu

Naalakkersuisut aalajangiissapput. Aalajangersagaq malillugu VVM-imut aamma VSB-mut tunngasut, ilanngullugit piareersaataasumik tusarniaaneq aamma tusarniaaneq, pillugit aatsitassanut tunngasunik suliaqarneq pillugu Inatsisartut inatsisaanni aalajangersakkat (aatsitassarsiorfissat angisuut pillugit) toqqaannartumik atuutissapput, taamaattoq ingerlatassat siunnersummi pineqartunut ilaasut nalinginnaasumik ingerlatassanit aatsitassanut tunngasunik suliaqarneq pillugu Inatsisartut inatsisaanni pineqartunut ilaasunit annertuumik annikinnerusussaasut ilimagineqartariaqarnerata malitsigisaanik naleqqussarneqarsinnaallutik.

Aalajangersakkami aatsitassanut tunngasunik suliaqarneq pillugu Inatsisartut inatsisaanni VVM-imut aamma VSB-imut maleruagassanut innersuussineq taamaalilluni ingerlatassat annikinnerusut ingerlatassatut anginerusutut nammagassaqalersinneqartariaqarnerannut takussutissaanngilaq. Tamatumunnga taarsiullugu VVM-imut imaluunniit VSB-imut maleruagassanik immikkullarissunik aalajangersaanissap kissaatigineqannginnera, kisianni maleruagassat assigiit nalinginnaasumik annertoqatigiisitsinissamut tunngaviusoq malillugu naleqqussarlugit atuuttussaasut, eqqarsaatigalugu isigineqassaaq.

Imm. 3-mut

Pissutsit imm. 1-imi aamma 2-mi taaneqartut pillugit aalajangersakkanik erseqqinnerusunik Naalakkersuisut aalajangersaanissaannut inatsimmi tunngavissamik aalajangersagaq imaqarpoq. Suleriaasissanik, ilusiliussassanut piumasaqaatinik, piffissamut killigititanik il.il, aatsitassanut tunngasunik suliaqarneq pillugu Inatsisartut inatsisaanni VVM-imut aamma VSB-imut maleruagassat malillugit pisussaniit, sukanninnginnerusunik aalajangersaanissamut Naalakkersuisut tunngavissaqorsorippagu, aalajangersagaq pingaartumik atorneqassasoq naatsorsuutigineqarpoq.

§ 50-mut

Imm. 1-imut

Aalajangersagaq malillugu, ingerlatassaq annertuunik avatangiisinut sunniuteqartussatut ilimagineqarani, taamaattumillu siunnersummi § 49 malillugu VVM-imik suliaqarnissamik pisussaaffeqartutut isigineqarani pisoqartillugu, Suliniutissanik Pitsaaliuisussanik Nalilersuisoqassasoq (VFT) tamatumunngalu VFT-imut nassuaat suliarineqassasoq, Naalakkersuisut aalajangersinnaavaat.

Aalajangersagaq malillugu, VFT-mut tunngasut pillugit aatsitassanut tunngasunik suliaqarneq pillugu Inatsisartut inatsisaanni aalajangersakkat (aatsitassarsiorfissat angisuut pillugit) toqqaannartumik atorneqassapput, taamaattoq ingerlatassat siunnersummi pineqartunut ilaasut nalinginnaasumik ingerlatassanit aatsitassanut tunngasunik suliaqarneq pillugu Inatsisartut inatsisaanni pineqartunut ilaasunit annertuumik annikinnerusussaasut ilimagineqartariaqarnerata malitsigisaanik naleqqussarneqarsinnaallutik.

Aalajangersakkami aatsitassanut tunngasunik suliaqarneq pillugu Inatsisartut inatsisaanni VFT-inut maleruagassanut innersuussineq taamaalilluni ingerlatassat annikinnerusut ingerlatassanit annertunerusutut nammagassaqlersinnejartariaqarnerannut takussutissaanngilaq. Innersuussineq, VFT-inut maleruagassanik immikkullarissunik aalajangersaanissap kissaatigineqannginnera, kisianni maleruagassat assigit nalinginnaasumik annertoqatigiissitsinissamut tunngaviusoq malillugu naleqqussarlugit atuuttussaasut, eqqarsaatigalugu isagineqassaaq.

Imm. 2-mut

Pissutsit imm. 1-im i aamma 2-mi taaneqartut pillugit aalajangersakkanik erseqqinnerusunik Naalakkersuisut aalajangersaanissaannut inatsimmi tunngavissamik aalajangersagaq imaqarpoq. Suleriaasissanik, ilusiliussassanut piumasaqaatinik, piffissamut killigittanik il.il, aatsitassanut tunngasunik suliaqarneq pillugu Inatsisartut inatsisaanni VFT-inut maleruagassat malillugit pisussaniit, sukanninnginnerusunik aalajangersaanissamut Naalakkersuisut tunngavissaqarsorippagu, aalajangersagaq pingaartumik atorneqassasoq naatsorsuutigineqarpoq.

§ 51-imut

Imm. 1-imut

Atugassarititaasut suut atuutsillugit akuersissut atorunnaassanersoq imaluunniit uterteqquneqarsinnaanersoq, Naalakkersuisut akuersissummi imaluunniit akuersissuteqarnermi aalajangersaasinnaanissaannut inatsimmi tunngavissamik aalajangersagaq imaqarpoq. Ilanngullugu pingaartumik pisinnaatitsissummik pigisaqartup tungaaniit sumiginnaanerit qanoq ilusillit, akuersissutip imaluunniit akuersissuteqarnerup annaanissaanut tunngavilersuutaasinnaanersut, ilaatigut suliffeqarfiup suussusaa annertussusaalu eqqarsaatigalugit. Taamaaqataanik Naalakkersuisut pissutsit matuma siuliani taaneqartut pillugit aalajangiisinnaapput.

Imm. 2-mut

Aalajangersagaq malillugu pisinnaatitsissummik pigisaqartoq, uterteqqusinerup malitsigisaanik, Naalakkersuisunut taarsiivigineqarnissamik piumasaqaateqarsinnaanngilaq.

§ 52-imut

Imm. 1-imut

Allaffisornermut tunngasut arlallit pillugit aalajangersakkanik atugassarititaasunillu erseqqinnerusunik aalajangersaanissamut inatsimmi tunngavissamik aalajangersagaq imaqarpoq, ilanngullugu najoqqtassanik nassuissinermi ilusiliussassanut piumasaqaatit kiisalu tamatumunnga suleriaasissat. Aalajangersagaq pingaartumik, kisianni taakkununngaannaanngitsoq – oqartussat najoqqtassanik qarasaasiatigoortumik aallaaviusut

aqqutigalugit nassiuuttarnissaannik piumasaqarnissamut periarfissaqarnissaannut tunngatinneqarpoq.

Imm. 2-mut

Aalajangersagaq malillugu akuersisummut akuersissuteqarnermullu allakkiat pisinnaatisissummik pigisaqartoq sioqqutsisumik akuersiteeqqaarnagu tamanut saqqummiunneqarsinnaapput. Aalajangersagaq pisinnaatitaaffit akuerineqarsimasut pillugit ammanerulersitseqataassaaq allaffissornikkullu aqtsinermut iluaqutaassalluni. Suliaqarnermi akuersissutinut akuersissuteqarnernullu allakkiat, allakkiat assigiissaakkat tunngavigalugit, suliarineqartarput. Taamaattoq akuersissutit akuersissuteqarnerillu aalajangersimasut atugassarititaasut immikkut ittut tunngavigalugit tunniunneqartarnissaat mattunneqarsinnaanngilaq, tamatumalu ammasuunissap paasiuminartuutitsinissallu qulakteernissaa siunertaralugu allakkiat tamanut saqqummiunneqarsinnaanissaat pisariaqartinneqarnerulersippaa kiisalu siunissami qinnuteqartartussanut ilitsersuutitut atussallutik.

Aalajangersagaq paassisutissat, pisortat ingerlatsineranni paasitinneqarsinnaatitaaneq pillugu Inatsisartut inatsisaat malillugu allagaatinik takunninnissami ilaatinneqanngitsut, tamanut saqqummiunneqarsinnaannut periarfissiinermik malitseqanngilaq. Akuersissutinut imaluunniit akuersissuteqarnermut allakkiat ilanngussanik ilanngussartaqarsimappata imaluunniit oqaasertaanni najoqqtassanut allanut itisiliisumik paassisutissartaqartunut innersuussisoqarsimappat, pisortat ingerlatsineranni paasitinneqarsinnaatitaaneq pillugu Inatsisartut inatsisaat malillugu allagaatinik takunninnissami ilaatinneqartussaanngitsunik, najoqqtassat taakkua tamanut saqqummiussinissaq sioqqullugu immikkoortinneqassasoq tunngavissaatinneqarpoq.

§ 53-*imut*

Imm. 1-imut

Aalajangersagaq malillugu Naalakkersuisut pissutsit arlallit pillugit aalajangersakkanik imaluunniit atugassarititaasunik aalajangersaasinnaapput.

Aalajangersagaq ilaatigut aatsitassanik Kalaallit Nunaanni suliareqqiisarnermut pitsaassusissanut piumasaqaateqarnissamut ilaalu ilanngullugit periarfissiivoq.

Kalaallit Nunaanni suliareqqiineq ilaatigut kalaallinik sullisisartunik, aatsitassanut suliassaqrifiup iluani suliareqqiinermut ikiuuttartunik, pilersitsinissamut taakkuninngalu atuinissamut iluaqutaassaaq tunngavissiissallunilu. Tamanna tamatuma saniatigut Kalaallit Nunaanni aatsitassanik piiaaneq pillugu immikkut paasisimasanik ilisimasanillu inerisaanermut attassiinnarnermullu ilaatigut iluaqutaassaaq. Tamatuma aammattaaq ilaatigut kingunerisaanik Kalaallit Nunaanni aatsitassanik suliareqqiinermi sinneqartoorutit Kalaallit Nunaanni akileraaruserneqartassapput. Naalakkersuisut taamaalillutik ilaatigut

aalajangersakkanik mianerisassat siunertallu matuma siuliani taaneqartut naammassinissaannik isumaginnittussanik qulakkeerinnittussanillu aalajangersaasinnaassapput.

Tamatuma saniatigut aatsitassanik uninngasuuteqarneq inissiivimmiitsisarnerlu aamma assartuineq, niuerutiginninneq, eqqussuineq avammullu annissuineq pillugit aalajangersakkanik imaluunniit atugassarititaasunik aalajangersaanissamut Naalakkersuisut periarfissinneqarput. Assersuutigalugu aatsitassat eqqussorneqartut pillugit nalunaarsuisoqarsinnaanissaa aammalu ilisimasaqarnerulernissaq qulakeerniarlugu, aatsitassanik eqqussineq Naalakkersuisunit akuersissuteqarfingeqassasoq pillugu maleruagassanik aalajangersaasoqarsinnaavoq.

Tamatuma saniatigut Naalakkersuisut aatsitassanik akuersissummik allagartaliisarneq pillugu maleruagassanik aalajangersaanissamut aamma periarfissinneqarput. Assersuutigalugu ujaqqat erlinnartut pillugit nunamit suminngaaneerfianut akuersissummik allagartamik pilersitsisoqassasoq aalajangerneqarsinnaavoq.

Imm. 2-mut

Aatsitassanik aalajangersimasunik suliareqqiinissamut niuerutiginninnissamullu Naalakkersuisunit akuersissuteqarfingeqarnissaq pisariaqartoq pillugu aalajangersakkanik atugassarititaasunillu Naalakkersuisut aalajangersaanissaannut inatsimmi tunngavissamik aalajangersagaq imaqarloq. Naalakkersuisut aalajangersagaq malillugu aalajangersakkanik atugassarititaasunillu annikitsumik aatsitassarsiornissamut akuersissutit malillugit pisinnaatisissummiik pigisaqartunut aammalu inunnut allanut imaluunniit suliffeqarfinnut aatsitassanik aalajangersimasunik suliareqqiisartunut niuerutiginnittartunullu atuuttussanik aalajangersaasinnaapput.

Assersuutigalugu inuit aamma suliffeqarfiiit aatsitassanik suliareqqiinermik niuerutiginninnermillu suliaqartut eqortunik pitsaassuseqartitsinissaannik qulakkeerinninnissamut, aalajangersagaq atorneqarsinnaavoq. Aamma inuaqatigiit kalaallit aatsitassarsiornuni ingerlatassanit sapinngisamik annertunerpaamik pissarsiaqarnissaannik qulakkeerinninnissamut aalajangersagaq atorneqarsinnaavoq.

§ 54-imut

Nunani tamalaani isumaqatigiissutit imaluunniit maleruagassat, Kalaallit Nunaanni pissutsit siunnersuummi pineqartunut ilaasut pillugit Namminersorlutik Oqartussanit imaluunniit Namminersorlutik Oqartussat sinnerlugit Danmarkimit isumaqatigiissutigineqartut, piviusunngortinneqarnissaat imaluunniit atorneqarnissaat siunertaralugu, Naalakkersuisut aalajangersakkanik atugassarititaasunillu aalajangersaanissaannut inatsimmi tunngavissamik aalajangersagaq imaqarloq.

Naalakkersuisut nunani tamalaani isumaqatigiissutit pissutsinut siunnersuummi matumani ilaatinneqartunut tunngassuteqartut naammassineqarnissaat pillugu maleruagassanik aalajangersaanissamut inatsimmi tunngavissaqarnissaannut aalajangersagaq ilaatigut qulakteerinneqataassaaq.

§ 55-imut

Imm. 1-imut

Aalajangersagaq malillugu Naalakkersuisut pisinnaatitsisummi pigisaqartup allallu suliaqarnerinut ingerlataannullu siunnersuummi pineqartunut ilaasunut nakkutilliisuupput, ilanngullugit aalajangersakkat atugassarititaasullu siunnersuut malillugu aalajangersarneqartut.

Nakkutilliineq assersuutigalugu pisinnaatitsisummi pigisaqartoq sioqqutsisumik ilisimateeqqarnagu ingerlanneqartumik misissugassanik tigusilluni misissuinikkut, ingerlanneqarsinnaavoq. Nakkutilliineq aamma tamatumunnga sivikitsumik ilimasaaraluni imaluunniit akuttungitsumik, suleriaaseralugu misissuisarnikkut ingerlanneqarsinnaavoq. Nakkutilliinermut oqartussani sulisut aammalut inuit tamatumunnga immikkut piginnaatinneqartut aamma nakkutilliinermik misissuinernillu matuma siuliani taaneqartunit allaanerusunik ingerlatsisinnaapput.

Imm. 2-mut

Aalajangersagaq malillugu nakkutilliinermut oqartussaq sukkulluunniit pisinnaatitsisummi pigisaqartup aamma allat suliffeqarfiiinut ingerlataannullu siunnersuummi pineqartunut ilaasunut imaluunniit taakkua ilaannut sukkulluunniit isersinnaapput. Aalajangersagaq malillugu nakkutilliinerup ingerlanneqarnissaanut tamanna pisariaqarpat, nakkutilliinermik oqartussani sulisut taamaalillutik eqqartuussivimmi aalajangiinertaqanngitsumik sukumiisumik kinaassutsimut upternarsaammik takutitsillutik tamatumunnga isersinnaapput.

Taamaattoq suliffeqarfimmur ingerlatassanullu siunnersuummi pineqartunut ilaasunut isernissamut, tamanna suliffeqarfiiup ingerlataannik nakkutilliinerup isumaginissaanut pisariaqarluni pisoqarneri kisimik tamatumani pineqarput.

Sulisut ikittuinnaat nakkutilliisuni sulisutut kinaassutsiminnik upternarsaasinnaasut kisimik aalajangersagaq malillugu isernissamik piumasaqarsinnaanerat erseqqissarniarlugu "Naalakkersuisut" atornissaannut taarsiullugu, oqariaaseq "nakkutilliinermut oqartussani sulisut" toqqarneqarpoq. Oqaatsimi "nakkutilliinermut oqartussani sulisut" aamma siunnersortit avataaneersut, siunnersuisartut aamma immikkut ilisimasallit nakkutilliinermut oqartussaq tamatuminnga isumaqatigiissuteqarfigalugu, nakkutilliinermut oqartussaq sinnerlugu imaluunniit peqatigalugu nakkutilliinermik suliaqartut pineqartunut ilaatinneqarput.

§ 56-imut

Imm. 1-imut

Aalajangersakkami allassimavoq Naalakkersuisut siunnersuutip aamma aalajangersakkat aammalu atugassarititaasut siunnersuut malillugu aalajangersagaasut naammassineqarnissaat pillugu peqqusissuteqarnissamut periarfissaqartut. Aamma aalajangersakkami allassimavoq, siunnersuutip aamma aalajangersakkat aammalu akuersisummut atugassarititaasut siunnersuut malillugu aalajangersagaasut malinneqarnissaasa qulakteernissaa siunertaralugu Naalakkersuisut peqqusissuteqarsinnaasut inerteqquteqarsinnaasullu.

Imm. 2-mut

Aalajangersagaq malillugu peqqusissuteqarneq inerteqquteqarnerlu pisinnaatitsisummit pigisaqartumut imaluunniit allanut siunnersuummi pineqartunut ilaasunut nalunaarutigineqarsinnaavoq. Taakkua assersuutigalugu tassaasinnaapput pisinnaatitsisummit pigisaqartup isumaqatigiissuteqarfigisai.

§ 57-imut

Imm. 1-imut

Pisinnaatitsisummit pigisaqartut allallu suleqatigisat siunnersuummi matumani pineqartunut ilaasut paasissutissiussaatitaanermik aalajangersakkami pisussaaffilerneqarput.

Aalajangersakkami pineqarput paasissutissat tamarmik, assersuutigalugu siunnersuut malillugu akuersisummit tunineqarnissamik qinnuteqaatip suliarineqarnissaanut atatillugu oqartussat suliarinninnissaanut pisariaqartut imaluunniit paasissutissat siunnersuut malillugu ingerlatassanik tamakkiisumik nakkutilliinissamut atorneqartussat.

Imm. 2-mut

Aalajangersagaq malillugu inunnut imaluunniit ingerlatseqatigiiffinnut aalajangersakkami pineqartunut ilaasunut, taakkua paasissutissanik Naalakkersuisut suliassamik nalilersuinerannut atugassatut Naalakkersuisut pisariaqartitaannik nassiuississasut, peqqusinissamut Naalakkersuisut periarfissaqarput. Paasissutissanik nassiuissineq aalajangersimasumik iluseqassasoq, ilanngullugu assersuutigalugu USB-mi, elektroniskimik paasissutissanut filimi imaluunniit immiussivimmi allami naleqquuttumi, aalajangernissaanut Naalakkersuisut periarfissaqarput.

§ 58-imut

Imm. 1-imut

Aalajangersagaq akuersissutinik akuersissuteqarnernillu allamut tunniussisarnermut tunngassuteqarpoq.

Akuersissummik imaluunniit akuersissuteqarnermik pisinnaatitsisummik pigisaqartumit suleqatigisamut allamut kimulluunniit toqqaannartumik imaluunniit toqqaannangitsumik tunniussineq imaluunniit nuussineq, piginnittuulersup akuersissut imaluunniit akuersissuteqarneq malillugu ingerlatseqatigiiffimmut pisinnaatitsisummik pigisaqartumut, ilanngullugu ingerlatseqatigiiffik, suliffeqarfik imaluunniit inuk, piumasaqaatit naammassisimanerai naammassisimannginneraluuunniit apeqqutaatinnagu, tunniussinermut imaluunniit nuussinermut pineqartunut ilaatinneqarpoq.

Akuersissut imaluunniit akuersissuteqarneq ingerlatseqatigiiffimmut imaluunniit inummut akuersissut imaluunniit akuersissuteqarneq malillugu pisinnaatitsisummik pigisaqartumut piumasaqaatinik naammassinnissimasumut aammalu siunnersuummi aalajangersakkat malillugit taamaallaat tunniunneqarsinnaavoq imaluunniit nuunneqarsinnaalluni. Tunniussineq taanna Naalakkersuisunit akuersissuteqarfingeqarsimagineq aatsaat pisinnaavoq.

Toqqaannartumik allamut tunniussinermi imaluunniit nuussinermi ilaatinneqarput, pisinnaatitsisummik pigisaqartumit suleqatigisamut allamut kimulluunniit akuersissummik imaluunniit akuersissuteqarnermik tunniussineq imaluunniit nuussineq.

Toqqaannangitsumik allamut tunniussinermi imaluunniit nuussinermi ilaatinneqarput ingerlatseqatigiiffimmi pisinnaatitsisummik pigisaqartumi imaluunniit ingerlatseqatigiiffik pisinnaatitsisummik pigisaqartoq pillugu allanngortitsineq ataaseq arlallilluunniit, tamatumani suleqataasoq imaluunniit suleqataasut ingerlatseqatigiiffimmi aalajangiisuusumik sunniuteqartut, imaluunniit ataasiakkaarlutik imaluunniit ataatsimoorlutik imaluunniit suleqatigiillutik toqqaannartumik imaluunniit toqqaannangitsumik (suleqataasoq alla ataaseq arlallilluunniit aqqutigalugit) ingerlatseqatigiiffiup aningaasaataasa imaluunniit taasisinnaatitaanerisa minnerpaamik affai sinnerlugit piginnittut, nakkutiginnittut imaluunniit atuisinnaatitaasut, allanngortinneqarpara.

Taamaalilluni qularnaveeqquusiussaqarluni taarsigassarsinermut imaluunniit aktiaatinik pisinissaq pillugu toqqaasinnaanermut atatillugu, pissutsit taakkua ingerlatseqatigiiffimmi aalajangiisuusumik sunniuteqartup imaluunniit sunniuteqartut imaluunniit ataasiakkaarlutik imaluunniit ataatsimoorlutik imaluunniit suleqatigiillutik toqqaannartumik imaluunniit toqqaannangitsumik (suleqataasoq alla ataaseq arlallilluunniit aqqutigalugit) ingerlatseqatigiiffiup aningaasaataasa imaluunniit taasisinnaatitaanerisa minnerpaamik affai sinnerlugit piginnittut, nakkutiginnittut imaluunniit atuisinnaatitaasut, allanngortinneqarnerannik malitseqarsimappata, aatsaat toqqaannangitsumik allamut tunniussisoqarsimassaaq.

Aalajangiisuusumik sunniuteqartumut oqaatsip erseqqinnerusumik isumaa, aktiaatileqatigiiffiit, piginneqatigiilluni ingerlatseqatigiiffiit immaqalu aningaasaatinut ingerlatseqatigiiffiit allat pillugit Kalaallit Nunaannut inatsimmi tamanna pillugu aalajangersakkat tunngaviusullu malillugit nalinginnaasumik aalajangerneqartarpooq. Tamanna

maannakkut tassaavoq aktiaatileqatigiiffiit aamma piginneqatigiilluni ingerlatseqatigiiffiit pillugit inatsisip Kalaallit Nunaannut atuutsinneqalerneranut peqqussut (ingerlatseqatigiiffinnut inatsit). Inatsimmi aamma ingerlatseqatigiiffiit aallarnisaasut pineqartunut ilaatinneqarput.

Aktiaatileqatigiiffiit aamma piginneqatigiilluni ingerlatseqatigiiffiit pillugit inatsisip Kalaallit Nunaannut atuutsinneqalerneranut peqqussut (ingerlatseqatigiiffinnut inatsit) § 7-imi aalajangiisuusumik sunniuteqarneq pillugu aalajangersakkanik erseqqinnerusunik imaqarpoq. Imm. 1 malillugu aalajangiisuusumik sunniuteqarneq tassaavoq suliffeqarfiusup immikkoortortaasup aningaasaqarnikkut ingerlatsinikkullu aalajangiinerinik aqutsinissamut piginnaatitaaneq. Imm. 2 malillugu pisuni immikkut ittuni taamatut piginnituuneq aalajangiisuusumik sunniuteqarnerunngitsoq, erseqqissumik uppernarsarneqarsinnaasimanngippat, ingerlatseqatigiiffiup qullersaqarfiusup suliffeqarfik immikkoortortaasoq aqqutigalugu toqqaannartumik imaluunniit toqqaannanngitsumik suliffeqarfiusup taasisinnaatitaanerisa affai sinnerlugit pigisarippagit, ingerlatseqatigiiffiit qullersaqarfiusoq suliffeqarfimmut immikkoortortaasumut tunngatillugu aalajangiisuusumik sunniuteqarpoq. Imm. 3-mi aalajangerneqarpoq, ingerlatseqatigiiffiup qullersaqarfiusup suliffeqarfimmi taasisinnaatitaanerit affai sinnerlugit pigisarinngippagit, ingerlatseqatigiiffiup qullersaqarfiusup (1) aningaasaliisunut allanut isumaqatigiissuteqarnermini taasisinnaatitaanerit affai sinnerlugit atorsinnaappagit, (2) ileqqoreqqusaq imaluunniit isumaqatigiissut naapertorlugu suliffeqarfimmi aningaasaqarnermut ingerlatsinermullu tunngasut aqunnissaannut piginnaatitaappat, (3) pisortaatitat qullersaanni aammalu oqartussami suliffeqarfimmi aalajangiisuusumik sunniuteqarnermik tigumminnittumi ilaasortat amerlanerussuteqartut toqqarnissaannut imaluunniit ilaasortaajunnaarsinnissaannut piginnaatitaappat imaluunniit (4) ataatsimeersuarnermi imaluunniit oqartussami taamaaqataani taasinerit pissusiviusuni amerlanerussuteqartunik atuisinnaatitaappat, taamaalillunilu suliffeqarfimmi pissusiviusuni aalajangiisuusumik sunniuteqarnerit tigummippagit, aalajangiisuusumik sunniuteqarneq atuussimassaaq. Imm. 4-mi aalajangerneqarpoq, taasisinnaatitaasinnaanerit piuneri sunniuteqarnerilu, ilanngullugit aningaasaatini piginneqataassutini atsiorsinnaatitaaneq pisinissamillu toqqaasinnaatitaanerit, maannakkut atorneqarsinnaasut imaluunniit allanngortinnejarsinnaasut, ingerlatseqatigiiffiit aalajangiisuusumik sunniuteqarnersoq pillugu naliliinermi isiginiarneqassasut. Suliffeqarfimmi immikkoortortaasumi taasisinnaatitaanerit naatsorsorneqarneranni, taasisinnaatitaanerit aningaasaatinit piginneqataassutinut suliffeqarfiusup immikkoortortaasup nammineerluni pigisai imaluunniit taassuma immikkoortortaanit suliffeqarfimmit pigneqartut, ilaatinneqassanngillat. Tamanna imm. 5 malillugu pisussaavoq.

Inatsimmi aalajangersakkani tunngaviusut sapinngisamik ingerlatseqatigiiffinnut qullersaqarfiusunut allanut aamma ingerlatseqatigiiffinnut Kalaallit Nunaanni aamma Danmarkimi aningaasaatinut ingerlatseqatigiiffiunngitsunut, ilanngullugit Kalaallit Nunaanni aamma Danmarkimi suliffeqarfifiit allat aamma nunani allani aningaasaatinut ingerlatseqatigiiffiit suliffeqarfifiillu allat, sanilliullugu taamaaqataanik, aammalu inunnut

ingerlatseqatigiiffimmi pisinnaatitsisummit piginnittuusumi aningasaatinit
piginneqataassutinik piginnittunut sanilliullugu, atorneqassapput.

Allamut tunniussinerup imaluunniit nuussinerup akuerineqarnissa, tamatumunnga naapertuutumik pissutissaqanngitsumik akueriumaneqanngissinnaanngilaq. Akuersissuteqarnerup nalunaarutigineqannginnerani ilaatigut, pisussaaffit pisinnaatitsisummit pigisaqartup pisussaaffigisaasa naammassinissaannut tunngaviusut, allamut tunniussinermi imaluunniit nuussinermi ajorseriartinneqannginnissaat imaluunniit tunngavissaarutsinnginnissaat, qulakkeerneqartussaassaaq.

Allamut tunniussinermi imaluunniit nuussinermi akuersissut imaluunniit akuersissuteqarneq malillugu pisussaaffit naammassinissaannut tunngaviusut ajorseriartinneqannginnissaasa qulakkeernissa, allamut tunniussinissaq imaluunniit nuussinissaq sioqqullugu misissornissaanut Naalakkersuisut periarfissaqarnissaat, taamaalilluni aalajangersakkami taamaalilluni ilaatigut siunertaavoq. Aatsitasanut tunngasunik suliaqarnernik pitsaassusilimmik ingerlatsinissamut tunngaviusut, allamut tunniussinermi ajorseriartinneqannginnissaasa qulakkeernissaanut Naalakkersuisut periarfissaqarnissaasa qulakkeernissa, tamatuma saniatigut aalajangersakkami siunertaavoq.

Aalajangersakkami aammattaaq siunertaavoq, Naalakkersuisut ilaatigut aningasaqarnermut, akitsuutinut akileraartarnermullu tunngasut mianerinissaannut, aammalu tamanna Namminersorlutik Oqartussanut inuiaqatigiinnullu akileraarutitigut imaluunniit akitsuutitigut sunniuteqarnerlunnermik malitseqarsinnaappat, Naalakkersuisut allamut tunniussinerit imaluunniit nuussinerit akuersissuteqarfiginissaannut itigartitsisinnaanissaannut periarfissinneqarnissaannik qulakkeerinninnissaq. Tamanna Kalaallit Nunaannit nunanut allanut akileraarutitigut sinneqartoorutit nuutillugit iluanaarniapiluttoqarluni, imaluunniit nunanit allaniit Kalaallit Nunaannut akileraarutitigut amigartoorutit nuutillugit iluanaarniapiluttoqarluni, pisoqartillugu taamaallaat pisassaaq.

Ingerlatseqatigiiffimmi pisinnaatitsisummit pigisaqartumi aalajangiisuusumik sunniuteqarneq pillugu allangortitsisoqarpat, pisinnaatitsisummit pigisaqartup Naalakkersuisut paasissutissagai, Naalakkersuisut ilaatigut siunnersummi §§ 13 aamma 30 malillugit akuersissummi imaluunniit akuersissuteqarnermi atugassarititaasunik allanik aalajangersaasinnaapput.

Imm. 2-mut

Aalajangersagaq malillugu Naalakkersuisut allamut tunniussinermut akuersissuteqarnermut atatillugu atugassarititaasunik aalajangersaasinnaapput.

Pisinnaatitsisummit pigisaqartunngortup piumasaqaatinut tunniussisumut piumasaqaatigineqartunut naammassininnissaanut, aammalu oqartussat soqtigisaminnik isumaginninnissamut periarfissaqarnissaannut, ilanngullugu aningaasaqarnikkut soqtigisat

tunniussinermi ajorseriartinneqannginnissaannut, aalajangersagaq qulakkeerinneqataassaaq.

Imm. 3-mut

Akuersissut imaluunniit akuersissuteqarneq eqqartuussivikkut malersuinermi ilaatinneqanngitsoq, aalajangersakkami allassimavoq. Tassa imaappoq, akuersissummut imaluunniit akuersissuteqarnermut eqqartuussivikkut malersuineq inatsisitigut sunniuteqanngilaq.

Aalajangersagaq imm. 1-imut ataqtigiissillugu isigineqassaaq. Taamaattumik akuersissutip imaluunniit akuersissuteqarnerup assersuutigalugu atuunnerata imaluunniit sunniuteqarnerata misilinneqarnissaanut eqqartuussivikkut suliakkiussinissamik periarfissaqarnissaata isummerfigineqarneranut tunngatillugu, aalajangersagaq takussutissaanngilaq.

Eqqartuussivikkut malersuineq taamaallaat akiligassaqarfinnik malersuinermut taamaallaat eqqarsaatigineqarpoq. Akiligassaqarfingeqartup eqqartuussivik ikorsiullugu akuersissut manna malillugu akuersissut imaluunniit akuersissuteqarneq tigusinnaanngikkaa, taamaalilluni aalajangersakkami aalajangersarneqarpoq.

§ 59-*imut*

Imm. 1-imut

Naalakkersuisut siunnersuut malillugu suliassanik suliarinninnermut imaluunniit allatut oqartussat suliarinninnerannut atatillugu aningaasartuutaannut matussutissatut aningaasartalerlugit akiliisitsinissaq pillugu aalajangersakkani atugassarititaasunillu Naalakkersuisut aalajangersaanissaannut inatsimmi tunngavissamik aalajangersagaq imaqarpoq. Aalajangersakkami ilaatinneqarput assersuutigalugu suliassanik suliarinninnermut, nakkutilliinermut, allatut oqartussat suliarinninnerannut, siunnersortinut avataaneersunut ilaalu ilanngullugit aningaasartuutit.

Imm. 2-mut

Akiliutissaq akiliutitut imaluunniit aningaasartuutinik utertitsinertut akilersinneqarsinnaasoq aalajangersakkami aalajangersarneqarpoq.

Akiliutissaq ataatsimut isigalugu suliassanik suliarinninnermut oqartussallu suliarinninnerannut atatillugu Naalakkersuisut aningaasartuutaannut naapertuuppat, aningaasartuutit suulluunniit akiliutitut imaluunniit aningaasartuutinik utertitsinertut akilersinneqarsinnaapput. Taamaalilluni Naalakkersuisut ataatsimut isigalugu suliassanik suliarinninnermut aamma oqartussat suliarinninnerannut akilersimasaasa imaluunniit atuinissamik naatsorsuutigisaasa, saniatigut akiliutinik imaluunniit aningaasartuutinik utertitsinermik akiliisitsisinnaaneq aalajangersakkami siunertarineqanngilaq.

Oqartussat suliarinninnerannut akiliinissaq akiliutitut akilersinneqarsinnaavoq, imaluunniit

suliassanik suliarinninnermi allatullu oqartussat suliarinninneranni, ilanngullugit
akuersissutinik akuersissuteqarnernillu tunniussineq ilaalu ilanngullugit, piffissamut
atunermut pisumut nalunaaquttap akunneranut akigititaq tunngavigalugu
akilersinneqarsinnaavoq.
Isertitat aalajangersagaq taanna malillugu tiguneqartut imaluunniit isertitarineqartut
namminersorneq pillugu inatsimmi § 7, takuuk namminersorneq pillugu inatsimmi § 7, imm.
2, nr. 1, tamatumunnga maleruagassat malillugu aatsitassarsiornermit isertitaanngillat

Imm. 3-mut

Aalajangersakkami alassimavoq, pisinnaatitsissummik pigisaqartoq imaluunniit alla
suleqatigisaq siunnersummi pineqartunut ilaasoq 100.000 koruuninik
annertunerusunilluunniit aningaasartalinnik siunnersuut malillugu suliassanik
suliariinninnermut allatullu oqartussat suliarinninnerannut atatillugu Naalakkersuisut
atingaasartuutaannut matussutissanut akiligassaminnik akiliisimanngippata, takuuk imm. 1,
pisinnaatitsissummik pigisaqartup imaluunniit allap suleqatigisap Naalakkersuisunut
atingaasat akiligassat suulluunniit akilerneqarnissaasa tungaanut, Naalakkersuisut
pisinnaatitsissummik pigisaqartoq imaluunniit alla suleqatigisaq pillugit suliassap suulluunniit
suliarineqarnera aalajangiiffigineqarnissaalu unitsissavaat. Tamatuma saniatigut
Naalakkersuisut aamma pisuni taamaattuni, pisinnaatitsissummik pigisaqartup imaluunniit
allap suleqatigisap Naalakkersuisunut aningaasat akiligassat suulluunniit akilerneqarnissaasa
tungaanut, pisinnaatitsissummik pigisaqartup imaluunniit allap suleqatigisap akuersissut
imaluunniit siunnersuut malillugu ingerlataani unitsissagai peqqusissuteqarsinnaapput.

Naalakkersuisut peqqusissuteqarlutik pisoqartillugu, Naalakkersuisut pisinnaatitsissummik
pigisaqartoq pillugu suliarinninnerminik unitsinsinnginneranni aammalu suliami sumiluunniit
aalajangiinnginneranni, pisinnaatitsissummik pigisaqartoq Naalakkersuisunut aningaasat
akiitsorineqartut suulluunniit akilernissaannut naleqquttumik piffissalerneqassaaq.

Naalakkersuisut siunnersummut naapertuutumik aningasanut akiitsorineqartunut
akiliutinik tigusaqannginnissaat aarlerinaateqarpat, Naalakkersuisut pisinnaatitsissummik
pigisaqartoq imaluunniit alla pillugu suliami sumiluunniit suliassanik suliarinninnerminnik
allatullu oqartussat suliarinninnerannik unitsisisinnaanerat imaluunniit pisinnaatitsissummik
pigisaqartumut imaluunniit suleqatigisamut allamut ingerlataannik unitsitseqqusisinnaanerat
naapertuttoq naliliisoqarpoq.

Imm. 4-mut

Siunnersuut malillugu suliassanik suliarinninnermut allatullu oqartussat suliarinninnerannut
atatillugu Naalakkersuisut aningaasartuutaannut matussutissatut aningasanik akiliinissaq
pillugu aalajangersakkanik atugassarititaasunillu aalajangersaanissamut inatsimmi
tunngavissami ilaatinneqarput pisinnaatitsissummik pigisaqartunut aamma suleqatigisanut
allanut siunnersummi pineqartunut ilaasunut tunngatillugu aningaasartuutinik utertitsilluni
akiliuit.

§ 60-imut

Imm. 1-imut

Siunnersuut malillugu ingerlatassanik suliaqarsinnaanissaq siunertaralugu pigisamik aalaakkaasumik pigisanik aalaakkaasunik taarsiissutitalimmik arsaarinnissuteqarnerup ingerlanneqarnissaanut periarfissaqarnermut aalajangersagaq tunngassuteqarpoq. Aalajangersagaq taamaallaat inunnut aamma ingerlatseqatigiiffinnut, akuliunnerup nalaani siunnersuut malillugu pisinnaatitsissummik pigisaqartuuusunut iluaqutaasumik atorneqarsinnaavoq.

Suliassaqarfinni Namminersorlutik Oqartussat ataanniittuni pigisanik aalaakkaasunik taarsiissutitalimmik arsaarinnissuteqartarnissamut inatsimmi tunngavissat periaassisallu pillugit maleruagassanik aalajangersaanissamut aalajangiisinnatitaaneq 1992-imi Namminersornerullutik Oqartussat (ullumikkut Namminersorlutik Oqartussat) tiguaat. Tamanna suliassaqarfinni Namminersornerullutik Oqartussat ataaniittuni pigisanik aalaakkaasunik taarsiissutitalimmik arsaarinnissuteqarneq pillugu inatsimmi nr. 1012, 19. december 1992-imeersumi pivoq. Kalaallit Nunaanni pigisanik aalaakkaasunik taarsiissutitalimmik arsaarinnissuteqarneq aalaakkaasunik taarsiissutitalimmik arsaarinnissuteqarneq pillugu Inatsisartut inatsisaanni nr. 25, 30. november 1992-imeersumi maleruagassiivigineqarpoq.

Danskit pigisanik aalaakkaasunik taarsiissutitalimmik arsaarinnissuteqarnernut inatsisaat 1992-imeersoq Inatsisartut inatsisaannut tunngavigineqarpoq, taamaallunilu suleriaatsinuinnaq inatsisaalluni. Tamatuma malitsigisaanik siunnersuut manna Inatsisartut inatsisaanni tamatumunnga maleruagassat malillugit pigisanik aalaakkaasunik taarsiissutitalimmik arsaarinnissuteqarnissamut inatsimmi tunngavissamik taamaallaat imaqarpoq, takuuk aamma imm. 2.

Siunnersuut manna malillugu suliaqarnermik pilersitsinissaq ingerlatsinissarlu aammalu ingerlatassanik suliaqarnissaq siunertaralugu, pigisamik aalaakkaasumik pigisanik aalaakkaasunik taarsiissutitalimmik arsaarinnissuteqarneq aallartinneqassasoq, aalajangersakkap malitsigisaanik Naalakkersuisut pisariaqartillugu aalajangersinnaapput.

Pigisanik aalaakkaasunik taarsiissutitalimmik arsaarinnissuteqarneq pisariaqartuuusoq, aalajangersagaq malillugu piumasaqaataavoq. Pisariaqartoq nalinginnaasumik paasineqassaaq, pigisat aalaakkaasut taarsiissutitalimmik arsaarinnissutiginissaannut naapertuuttunik allanik periarfissaqanngitsoq.

Nunaminertaq taamaatinneqarani, kisianni siunnersuut manna malillugu suliaqarnermik pilersitsineq ingerlatsinerlu aamma ingerlatassanik suliaqarneq annertoorsuarnik

ajoqutissartaqluni imaluunniit pigisamut aalaakkaasumut, suliffeqarfimmut ilaalu ilanngullugit ajoqusiinermik malitseqarluni, akuliunneq aalajangersagaq malillugu pigisanik aalaakkaasunik taarsiissutitalimmik arsaarinnissuteqarnermut taarsiissamut tunngavissaliisinnaatillugu, pigisanik aalaakkaasunik taarsiissutitalimmik arsaarinnissuteqarneq pissasoq aamma Naalakersuisut aalajangiisinnaapput.

Pigisap aalaakkaasup ilaanut pigisanik aalaakkaasunik taarsiissutitalimmik arsaarinnissuteqarnermi pigisap aalaakkaasup ilaata atorneqarsinnaanera annertuumik ajornerulersinneqarluni pisoqartillugu, pigisamik aalaakkaasumik piginnittoq tamatuminnga oqariartuuteqarpat, pisinnaatitsisummik pigisaqartoq imaluunniit akuersissuteqarnermik piginnittoq pigisap aalaakkaasup tamarmiusup pisarinissaanut pisussaaffilerneqarsinnaavoq.

Taarsiissutitalimmik arsaarinnissuteqarnermut aningaasartuutit, taarsiissutitalimmik arsaarinnissuteqartarneq pillugu Inatsisartut inatsisaanni § 9, imm. 3 malillugu pisinnaatitsisummik pigisaqartumut imaluunniit akuersissuteqarnermut piginnittumut akiligassangortinnejassasut naatsorsuutigineqarpoq. Tassa imaappoq pigisanik aalaakkaasunik taarsiissutitalimmik arsaarinnissuteqarnermi aningaasartuutit tamarmiusut, pigisamut aalaakkaasumut taarsiissutitalimmik arsaarinnissutigineqartumut taarsiissutissat ilanngullugit, pisinnaatitsisummik pigisaqartup imaluunniit akuersissuteqarnermik pigisaqartup akilissavai.

Imm. 2-mut

Aalajangersakkami aalajangersarneqarpoq, imm. 1 malillugu pigisanik aalaakkaasunik taarsiissutitalimmik arsaarinnissuteqarneq, pigisanik aalaakkaasunik arsaarinnissuteqartarneq pillugu Inatsisartut inatsisaanni maleruagassat malillugit ingerlanneqassasoq.

Inatsisartut inatsisaat pigisanik aalaakkaasunik taarsiissutitalimmik arsaarinnissuteqarnermut oqartussap aalajangiisinnaatitaanera pillugu aalajangersakkanik sukumiisunik imaqarpoq, ilanngullugu pigisanik aalaakkaasunik taarsiissutitalimmik arsaarinnissuteqarnermi periaasissaq aammalu taarsiissutissat tunniunneqarnerat ilaalu ilanngullugit.

§ 61-imut

Imm. 1-imut

Naalakersuisut aalajangersimasumik annertussusilimmik suliassanik oqartussanut allanut imaluunniit suleqatigisanut namminersortunut suliaqartitsisalersinnaanerat aalajangersakkami maleduagassiivigineqarpoq. Aalajangersagaq taamatut suliakkiinissaq pillugu nalunaarummik saqqummiussinissamut inatsimmi tunngavissatut immikkoortutut atuutissaq. Nalunaarutip taamaattup atuutilerneranik nalunaarutiginninneq atuutilerneralu, innuttaasunut suliffeqarfinnullu ilaalu ilanngullugit tunngatillugu suliakkiussinerup sunniuteqalernissaanut tunngavissaatinneqassaaq.

Aalajangersagaq siunnersuutigineqartoq, assersuutigalugu nakkutilliinermi suliassat suleqatigisanit allanit suliarineqassasut, aalajangernissaanut Naalakkersuisunut periarfissiivoq. Aalajangersakkami siunnerfigineqarpoq nakkutilliinerup piginnaasaqarnernut isumalluutinillu atorluaanermut tunngatillugu naapertuunnerpaamik pitsaanerpaamillu aaqqissuunneqarnissaa. Oqartussat allat nakkutilliinermi suliassamik naapertuunnerpaamik isumaginnissinnaappata, suliassaq taakkunani suliarineqassasoq, aalajangerneqarsinnaassaaq.

Aalajangersagaq malillugu aamma suliffeqarfiiit namminersortut suliassaqarfimmi immikkut piginnaasaqartut nakkutilliinermik ingerlataqarnissaasa aalajangernissa aamma periarfissaavoq. Nakkutilliinermi suliassaq suliffeqarfimmut namminersortumut suliakkiunneqarpat, Naalakkersuisut nakkutilliinermut piginnaatitaaffimminnik atuineranni pisinnaatitaaffit pisussaaffiillu, suliffeqarfimmi atorneqassasut pillugu Naalakkersuisut tamatumunnga atatillugu aalajangersakkanik aalajangersaasinnaapput.

Tamanna pingaartumik nakkutilliinermi suliassaq suliffeqarfinnut namminersortunut suliassanik suliarinninnissamut immikkut imaluunniit pitsasunik piginnaasaqartunut suliakkiunneqarneranni pingaartumik naleqquitissaaq.

Pisortani oqartussat suliassanik aamma inatsisit malillugit piginnaatitaaffinnik suliffeqarfinnut namminersortunut suliakkiussinerannut assersuutitut taaneqarsinnaavoq umiarsuarnik suussusiliisarneq.

Søfartsstyrelsen 2003-mi American Bureau of Shippingimut, Bureau Veritasimut, Det Norske Veritasimut, Germanischer Lloydimut, Lloyd's Registerimut, Nippon Kaiji Kyokaimut aamma RINA S.p.A.-imut Registro Italiano Navale Groupimut isumaqatigiissuteqarpoq. Isumaqatigiissut danskit imarsiornermut oqartussaasui sinnerlugit suliassanik arlalinnik suliaqarnissamut tunngassuteqarpoq. Suliffeqarfiiit isumaqatigiissut malillugu ilaatigut akuersissutinik allagartanik tunniussisinnaapput, iluarsaassinissamik piumasaqarsinnaallutik aammalu takusaanernik suliaqarsinnaallutik. Suliassaqarfimmi tassani ingerlatseqatigiiffiit suussusiliisartut aalajangiinerinik tigusaqartut taamaallaat eqqartuussivinnut aalajangiineq naammagittaalliutigalugu suliakkiisinnaapput. Allaffissornikkut naammagittaalliorfissaqanngilaq.

Siunnersuut malillugu oqartussat suliassai oqartussamit allamit imaluunniit suleqatigisamit namminersortumit suliarineqartassasut Naalakkersuisut aalajangerpata, oqartussap pineqartup imaluunniit suleqatigisap namminersortup oqartussat suliassaannik suliarinninneq pillugu maleduagassanik atuuttunik naammassinninneranut nakkutilliinissaq Naalakkersuisut suliassarilissavaat.

Imm. 2-mut

Aalajangerneqarpat assersuutigalugu nakkutilliinissamut piginnaatitaaffit pisortani oqartussamut imaluunniit suliffeqarfimmut namminersortumut suliakkiunneqassasut,

piginnaatitsissummi allatut aalajangertoqarsimannngippat, suleqatigisaq pineqartoq taassumalu sulisui nakkutilliinermut oqartussatut taassumalu sulisuisut piginnaatitaalissapput. Piginnaatitsissummi atugassarititaasunik taamaattunik aalajangersaasoqanngippat, taamaalilluni suleqatigisaq pineqartoq aalajangersagaq malillugu assersuutigalugu siunnersuutip matuma aamma aalajangersakkat atugassarititaasullu siunnersuut manna malillugu aalajangersagaasut malinnissaat pillugu peqqusissuteqarnissaq periarfissaavoq. Sulisut nakkutilliinermik suliaqartut tamatuma saniatigut, ingerlatassat siunnersuummi matumani pineqartunut ilaasimappata, tamannalu sulisut nakkutilliinermik suliaqarnerannut pisariaqarpat, aatsitassarsiornermut suliffeqarfimmut ilaasunut tamaginnut taassumalu ingerlataannut isersinnaassapput.

§ 62-imut

Imm. 1-imut

Aalajangersagaq siunnersuutigineqartoq ajoquisiinernut sunulluunniit suliffeqarfiup imaluunniit ingerlatat ajoquusersimasinnaasaannut tunngassuteqarpoq. Ilanngullugit malittaasumik ajoquisiinerit, malitsigisaanik ajoquusernit aammalu aningaasaqarnerinnakkut ajoquisiinerit annaasaqarnerillu.

Aalajangersakkap atuunnerani ajoquisiinernut, suliaqarnermit imaluunniit ingerlatassanit akuersissummi pineqartunut ilaasunit ajoquuserneqartunut, kinaassusersiunngitsumik akisussaausuneq atuuppoq.

Inuit aamma suliffeqarfiit ilaalu ilanngullugit, siunnersuut manna malillugu suliaqarnernut imaluunniit ingerlatassanut akisussaausut imaluunniit siunnersuut manna malillugu suliaqartut imaluunniit ingerlatassanik suliarinnittut, aammalu suliaqarnerminni imaluunniit ingerlataqarnerminni nalinginnaasumik aningaasaqarnikkut isertitaqalersut, ajoquisiinernut suliaqarnerminnut imaluunniit ingerlataqarnerminnut ilaatillugu ajoquuserneqartunut taarsiissutissanik akiliissasut pillugu inuiaqatigiinni eqqarsaatigisassanik pingaarnernik aammalu agguaanermut tunngaviusunik aalajangersagaq tunngaveqarpoq.

Tamatuma saniatigut inuit suliffeqarfiillu ilaalu ilanngullugit siunnersuummi pineqartunut ilaasut, ajoquisiinerit taamaalillunilu taarsiinissamut akisussaafeqalernissaq pinngitsoortinniarlugit killilersimaarniarlugillu naleqquutunik iliuusissanik sillimmateqarnissamik kajumissaarlugit, kinaassusersiunngitsumik akisussaafeqarneq pitsaliuinermik sunniuteqarsinnaassasoq pillugu ilimagisaqarneq, aalajangersakkami tunngaviuvoq. Tamatuma saniatigut ajoquuserneqartup ajoquisiisumut taarsiinissamik piumasaqaateqarsinnaanissaa, kinaassusersiunngitsumik akisussaafeqarnermi qulakkeerneqassaaq, ilanngullugu aamma ajoquisiinerni pisinnaasunut tunngasunik pissuteqartuni.

Tamatuma saniatigut kinaassusersiunngitsumik taarsiinissamut akisussaaffebarneq pillugu maleruagassani inatsiseqariaatsini mianerisassat assigiinngitsut isiginiarneqassapput.

Tamatumunnga pissutaavoq, ajoqusiisup kukkusimaneranut imaluunniit sumiginnasimaneranut ajoqusertup uppernarsaanissaata amerlanertigut ajornakusoortussaanera. Pisinnaatitsissummik pigisaqartup kukkusimaneranut imaluunniit sumiginnasimaneranut uppernarsaanissaq siunnersuut malillugu kinaassusersiunngitsumik akisussaaffebarnermut aaqqissuussinerup pisariaarutsittussaavaa. Taamaattumik ajoqusertup pisinnaatitsissummik pigisaqartup taarsiisussaatitanera pillugu eqqartuussivimmi suliassanik ingerlatsinissamik pinngitsuisinnaaneranut, annertunerusumik kinaassusersiunngitsumik akisussaaffebarneq malitseqarsinnaassasoq naatsorsuutigineqarpoq.

Tamatuma saniatigut ajoqusiineq ingerlatassanik akuersisummi pineqartunik ilaasunik suliarinninnermi pisinnaatitsissummik pigisaqartumit allaanerusumit ajoqusiinerugaluartoq, pisinnaatitsissummik pigisaqartup nammineerluni ajoqusiisimaneratuut, pisinnaatitsissummik pigisaqartup ajoqusertumut akisussaasuuneranik aalajangersagaq malitseqassaaq.

Kinaassusersiunngitsumik akisussaaffebarneq, siunnersuut malillugu suliaqarnerup ingerlatassallu Kalaallit Nunaanni pinngortitami sunnertiasumi eqqaaniluunniit, suliaqarnerit imaluunniit ingerlatassat maleruagassanut atuuttunut naapertuuttumik aammalu annertoorujussuarmik mianersorluni peqqissaarussillunilu ingerlanneqanngippata iluarsineqarsinnaanngitsunik ajoqusiisoqarsinnaalluni, pisartussaanerat eqqarsaatigalugu ilaatigut aamma isigineqassaaq.

Imm. 2-mut

Aalajangersakkami ajoquserneqartup nammineq pisuussuteqarnerani taarsiinissap annikillisinneqarnissaa maleruagassiivigineqarpoq.

Ajoqusertup piaaraluni imaluunniit mianersuaalliorujussuarluni iliuuseqarnera imaluunniit iliuuseqannginnera taamaallaat, taarsiinissap atorunnaarneranik imaluunniit annikillisinneqarneranik malitseqarsinnaavoq.

Imm. 3-mut

Nr. 1-imut

Pisinnaatitsissummik pigisaqartup akisussaaffia, ilanngullugu avatangiisini ajoqusiinernut akisussaaffik, sillimmasiisummit matussusiinermi imaluunniit allatut ilusilimmik qularnaveeqqusiinermi ilaatinneqassasoq pillugu aalajangersakkanik atugassarititaasunillu Naalakkersuisut aalajangersaanissaannut inatsimmi tunngavissamik aalajangersagaq imaqarpoq.

Qularnaveeqqusiineq allatut iluseqartoq assersuutigalugu tassaasinnaavoq aningaasartalerlugu kontutut toqqorsiviusussatut ilusiliineq, aningaaserivimmi qularnaveeqqusiineq imaluunniit danskit naalagaaffimmik obligationinik kontumi toqqorsivimmiititsineq. Sillimmasiissut

imaluunniit qularnaveeqqusiissutip ilusiligaanera, suliaqarneq pineqartoq aammalu annertussusaa suussusaalu eqqarsaatigalugit pisariaqarpoq, ilanggullugu taarsiinissamik akisussaaffeqalersinnaaneq pisinnaatitsissummik pigisaqartup piffissami akuersissuteqarfiusumi aammalu akuersissutip atorunnaarnerani suliaqarnermut atatillugu iliuusissat malitsigisaannik pilersinnaasoq.

Aammattaaq aalajangersagaq malillugu pisinnaatitsissummik pigisaqartup ingerlatai pissutsillu tamatumunnga atasut sillimmasiissutini allani attuumassuteqartuni ilaatinneqassasut pillugu aalajangersakkanik atugassarititaasunillu Naalakkersuisut aalajangersaasinnaapput. Taamaalilluni pisinnaatitsissummik pigisaqartup ingerlatai pissutsillu tamatumunnga atasut pisinnaatitsissummik pigisaqartup taarsiinissamik akisussaaffeqarneranut tunngassuteqanngitsut, sillimmasiissummi attuumassuteqartumi ilaatinneqassasut pillugu aalajangersakkanik atugassarititaasunillu Naalakkersuisut aamma aalajangersagaq malillugu aalajangersaasinnaapput. Aalajangersakkat atugassarititaasullu taamaattut assersuutigalugu tassaasinnaapput, pisinnaatitsissummik pigisaqartup sanaartugai illuutaalu ilaalu ilanggullugit sillimmasiissutini attuumassuteqartuni ilaatinneqassasut.

Nr. 2-mut

Isumaqtigiissuteqarfigineqartut sullississutai ingerlataalu akuersissut malillugu ingerlatassanik suliaqarnermi atorneqarsimappata, pisinnaatitsissummik pigisaqartup isumaqtigiissuteqarfigisaasa taarsiinissamut akisussaaffii, ilanggullugu avatangiisinut ajoqsiinernut akisussaaffik, sillimmasiissummi imaluunniit allatut ilusilimmi qularnaveeqqusiissummi ilaatinneqassasut pillugu aalajangersakkanik atugassarititaasunillu Naalakkersuisut aalajangersaanissaannut inatsimmi tunngavissamik aalajangersagaq imaqarpoq.

Qularnaveeqqusiineq allatut iluseqartoq assersuutigalugu tassaasinnaavoq aningaasartalerlugu kontutut toqqorsiviusussatut ilusiliineq, aningaaserivimmii qularnaveeqqusiineq imaluunniit danskit naalagaaffimmii obligationinik kontumi toqqorsivimmiititsineq.

Sillimmasiissut imaluunniit qularnaveeqqusiissutip ilusiligaanera suliaqarneq pineqartoq aammalu annertussusaa suussusaalu aammalu isumaqtigiissuteqarfigineqartut ingerlataat eqqarsaatigalugit ingerlanneqassaaq, ilanggullugu taarsiinissamik akisussaaffeqalersinnaaneq isumaqtigiissuteqarfigineqartup piffissami akuersissuteqarfiusumi aammalu akuersissutip atorunnaarnerani suliaqarneranut atatillugu iliuusissat malitsigisaannik pilersinnaasoq.

§ 63-imut

Aalajangersakkami avatangiisinut ajoqsiinernut taarsiisarneq maleruagassiivigineqarpoq aammalu oqaatsitigut aalajangersimasunik allannguuteqartillugu aatsitassanut ikummatissanullu inatsimmi § 67-imik ingerlatitseqqinnerulluni.

Imm. 1-imut

Siunnersuutigineqarpoq ingerlatassanut siunnersuummi matumani pineqartunut ilaatillugu ajoqsiinernut nunamik, imaani, immap naqqanik, nunap iluanik, imermik imaluunniit silaannarmik mingutsitsinermeersunut, avatangiisinut ajoqsiinernut taarsiisarneq pillugu siunnersuummi matumani maleruagassat atuutissasut. Oqaatsit "nuna, imaq, immap naqqa, nunap ilua, imeq aamma silaannaq" atituumik paasineqassapput. Tamanna tunngavigalugu oqaatsimi "imeq" ilaatigut ilaatinneqarput imeq nunap iluaneersoq, kuuk, tatsit aamma imaq. Oqaaseq "mingutsitsineq" siunnersuummi nassuiarneqanngilaq, kisianni avatangiisinut inatsisini allani Kalaallit Nunaanni atuuttuni nassuiaasarnerup assinganik nassuiarneqassalluni. Imm. 2 malillugu mingutsitsineq imaluunniit sajuppillannerit ilaalu ilanngulligit ingerlatassanut siunnersuummi pineqartunut ilaasunut ilaatillugu pisimassapput. Ingerlatassat siunnersuummi pineqartunut ilaatinneqanngitsut taamaalilluni siunnersuut malillugu taarsiinissamik akisussaaffeqarnermik malitseqarsinnaanngillat.

Imm. 2-mut

Siunnersuutigineqarpoq maleruagassat imm. 1-imu taaneqartut taamaaqataanik mingutsitsinernut allatullu silap pissusaanut tunngasunut imaluunniit pinngortitamut pitsaanngitsumik sunniinernut aamma nipiliornernit, sajuppillatsitsinernit, kissartunit, qaammaqqutinit assigisaanniillu akornusersuinernut atuutissasut.

§ 64-*imut*

Aalajangersakkami avatangiisinut ajoqsiinernut taarsiisarneq pillugu siunnersuummi maleruagassat malillugu ajoqsiinerit taarsiivigineqartussaatitaasut allattorneqarput. Aalajangersagaq oqaatsitigut aaqqissuussinikkullu allannguuteqartillugu aatsitassanut ikummatissanullu inatsimmi § 68-imik ingerlatitseqqinneruvoq.

Aalajangersagaq inatsisitigut inissisimanermut atuuttumut naapertuuttumik ilusiligaavoq aammalu oqariaatsip "ajoqsiineq" siunnersuummi matumani qanoq paasineqarnissaa nassuiarneqarluni. Tamatuma kingorna, tamatumunnga immikkut inatsimmi tunngavissaqanngippat, aningaasaqarnikkuunngitsoq annaasanut taarsiisoqarsinnaanngilaq. Aammattaaq inunnut taarsiisarnermut inatsisitigut illersugaasunut ilaasutut isigineqartariaqartunut, aningaasaniinnaq nalilinnut aatsaat taarsiisoqarsinnaavoq.

Nr. 1-imut

Aalajangersakkami aalajangersarneqarpoq, inummut ajoqsiinermut aamma pilersuisumik annaasaqarnermut, avatangiisini mingutsitsinermit pilersinneqartumut taarsiisoqarsinnaasoq. Oqariaatsimi "inummut ajoqsiineq" aamma tarnikkut anniaatit tupannermik pissuteqartut pineqartunut ilaatinneqarput. Taamaattoq pineqartoq inunnut taarsiivigineqartussaatitaasunut ilaasimappat aatsaat tamatumunnga taarsiivigineqarnissaq piumasaqaatigineqarsinnaavoq, assersuutigalugu pineqartoq nammineerluni navianartorsiorsimalluni imaluunniit toqqaannartumik timikkut ajoquersimalluni pisoqartillugu.

Tunniussinissat aalajangersakkami matumani pineqartunut ilaasut, taarsiinissamut akisussaaffeqarneq pillugu maleruagassani nalinginnaasuni erseqqinnerusumik malederuagassiivigineqarpoq. Tamatuma aalajangersakkap oqaasertaani erseqqissumik allassimannginnera apeqquaatinnagu, taamaalilluni pineqartup pilersuisumik annaasaqarnermut taarsiivigineqarnissamut pisinnaatitaanera apeqquaatinnagu, aamma ilisinermut aningaasartuuteqarsimasumut "ilisinermut aningaasartuutinut naleqquttunut" taarsiisoqarsinnaasoq tunngavissaatinneqarpoq, takuuk Kalaallit Nunaanni taarsiinissamut akisussaaffeqarnermut inatsisip atuutilernera pillugu peqqusummut nalunaarummi ("taarsiinissamut akisussaaffeqarnermut inatsi") § 12.

Nr. 2-mut

Pigisanik ajoqsiinermut avatangiisini mingutsitsinermit pilersinneqartumut taarsiisoqarsinnaasoq, aalajangersakkami aalajangersarneqarpoq. Aalajangersakkami pingaartumik pigisani aalaakkaasuni aamma pigisani nuunneqarsinnaasuni, ilanngullugit atortut puttasut, ajoqsiineq pineqartunut ilaatinneqarpoq. Savaatilik avatangiisini mingutsitsineq pissutigalugu narsaatiminik naatitaminillu aseruiffigineqartoq taamaalilluni aalajangersagaq malillugu tamatumani annaasaminut taarsiivigineqarnissamut periarfissaqarpoq. Aalajangersakkami aammattaaq ilaavoq ingerlatsinermi annaasaqarneq, assersuutigalugu pigisami aalaakkaasumi imaluunniit pigisami nuunneqarsinnaasumi ajoqsiinermut attuumassuteqartoq. Tassani tunngavissaatinneqarpoq ingerlatsinermi annaasaqarneq pigisami aalaakkaasumi imaluunniit pigisami nuunneqarsinnaasumi pigisaanik ajoqusertoqarnerata malitsigisaannut naapertutissasoq. Ingerlatsinermi annaasaqarneq pigisat ajoqusernerannut attuumassuteqanngippat, aalajangersagaq manna malillugu taarsiisoqarsinnaanngilaq, kisianni immaqa nr. 3-mi aalajangersagaq malillugu pisinnaalluni.

Nr. 3-mut

Aalajangersagaq manna malillugu aningaasaqarnerinnakkut annaasaqarnermut taarsiisoqassaaq. Annaasaqarneq sumiiffiup qanoq issusaa malillugu suut naatsorsuutigisariaqarnersut imaluunniit naammagittarfigisariaqarnersut saniatigut, avatangiisini ajorseriartitsinerlik pissuteqassasoq, aalajangersagaq malillugu taarsiivigineqarnissamut tunngavissaatinneqarpoq.

Aalajangersagaq malillugu kina aningaasaqarnikkut (ingerlatsinermt) annaasaqarnermut taarsiinissamik piumasaqarsinnaanersoq pillugu apeqput, nalinginnaasumik taarsiisarnermut inatsisini tunngaviusut tunngavigalugit eqqartuussivimmi suleriaatsimi aalajangerneqartariaqarpoq, ilanngullugit taamaaqataanni pisartut pillugit aammalu taarsiisarnermut inatsisitigut illersorneqartut soqutigisaat aamma inuit taakkunani ilaasut pillugit maleruagassat.

Nr. 4-mut

Aalajangersagaq malillugu ajoqsiinerup pinngitsoortinnissaanut imaluunniit pitsaaliorneqarneranut aningaasartuutinut naleqquttunut taarsiisoqarsinnaavoq. Nr. 1-3 malillugit ajoqsiinerup pereersimasup killilersimaarnissaa siunertaralugu aammalu ajoqsiinerup pilersinnaasup pinngitsoortinnissa siunertaralugu aningaasartuutinut akiliunneqarnissamut aalajangersagaq pisinnaatitsivoq. Taamaalilluni aalajangersagaq ajoquserneqartup taarsiisarnermut inatsisini tunngaviusut nalinginnaasut malillugit annaasaqarnissaminik pinngitsoortitsinissamut imaluunniit killilersimanninnissamut ("annaasaqarnerup killilersimaarnissaanut pisussaaffeqarneq") pisussaaffeqarneranut atalluinnarpoq.

Tamat iluaqtissaannik, soorlu silaannaq aamma imaq ilaalu ilanngullugit, mingutsitsinerup peerneqarnissaa nr. 1-3 malillugit ajoqsiinerup pinngitsoortinnissa imaluunniit killilersimaarnissaa siunertaralugu pisariaqarpat, tamatumunnga atasunut aningaasartuutinut naleqquttunut taarsiisinnaanissamut aalajangersakkami periarfissiisoqarpoq. Assersuutigalugu tassaasinnaapput sumiiffimmik mingutsinneqartumik misissuinermut aammalu akuutissanut uumaatsunut laboratoriani ilaalu ilanngullugit akuutissanik mingutsitsisartunik erseqqinnerusumik misissueqqissaarnissamut aningaasartuutit naleqquttut. Ilaatigut "ningaasartuutit naleqquttuunissaat" pillugu piumasaqaammiippoq, ajoquserneqartup sapinngisamik annertunerpaamik aningaasartuuteqarnissami killilersimaarnissaa isumagissagaa.

Nr. 1-3 malillugit ajoqsiinerup pinngitsoortinnissaanut imaluunniit killilersimaarnissaanut iliuusissanik kina suliaqarsinnaatitaanersoq aammalu akisussaasuusup tamatumunnga taarsiinissaanik piumasaqarsinnaatitaanersoq, siunnersuummi erseqqinnerusumik maleduagassiivigineqanngilaq.

Taamaattumik apeqput taanna inuit taarsiisarnermut inatsisitigut illersugaasut pillugit inatsisini inissisimaneq atuuttoq tunngavigalugu aalajangiiffigineqartariaqarpoq. Tamatuma kingorna aallaaviussaaq, inuk maannakkut pigisamut imaluunniit pigisamut aalaakkaasumut ilaalu ilanngullugit pineqartumut atuisinnaatitaasoq imaluunniit atuisinnaatitaajunnartoq, pinngitsoortitsinissamut iliuuseqarsinnaasoq, tamatumunngalu aningaasartuutit akisussaasuusumit taarserneqarnissaannik piumasaqarsinnaasoq.

Aalajangersagaq malillugu aammattaaq avatangiisini iluarseeqqinnermut aningaasartuutit naleqquttut taarserneqarnissaat piumasarineqarsinnaavoq. Aalajangersakkami siunertaavoq, ajoquserneqartup aningaasartuutit avatangiisintut ajoqsiinnginnermi (mingutsitsineq) pitsaassusaattut ilersinnissaannut pisariaqartut matussusertinnissaannik pisinnaatitaaffeqalersinnissaa. Tamanut iluaquatasussanik mingutsitsinerup pinngitsoortinnissaanut imaluunniit killilersimaarnissaanut iliuusissanik aallartitsisoqarsinnaappat, tamatumunnga aningaasartuutit aalajangersagaq malillugu

taarserneqarsinnaassapput. Taamaattoq aningaasartuutit "naleqquttutut" isigineqartariaqarpata, aatsaat taakkua taarserneqarsinnaapput.

Arlaannaalluunniit taakkununnga immikkut pisinnaatitaanngitsoq, tamanit iluaqutigineqartunut ilisarnaataammat, inuit, ilanggullugit avatangiisinut kattuffiit, avatangiisinik mingutsitsinerup pinngitsoortinnissaanut imaluunniit iluarseeqqinnissamut aningaasartuuteqarsimasut, tamatumunnga immikkut inatsimmi tunngavissaqarpat aatsaat akisussaasuuusumit taarsiivigineqarnissamik piumasaqarsinnaapput. Tamatumunnga pissutaavoq pineqartup atuisinnaatitaanermut tunngavissarititaasumik nalinginnaasumik naammassinnissinnaasussaannginnera, taanna malillugu taarsiivigineqarnissamik piumasaqaateqarsinnaanissamut ajoquserneqartoq maannakkut imaluunniit immaqa iluaqutigineqartunik ajoquserneqarsimasunik atuisinnaatitaasussaammat.

Avatangiisinut oqartussat pinngitsoortitsinissamut iliuusissanik suliaqarnissamik imaluunniit avatangiisinik iluarseeqqinnissamik pisinnaatitaappata imaluunniit pisussaaffeqarpata, tamatumunnga aningaasartuutit aalajangersagaq malillugu taamatuttaaq taarserneqarsinnaasussaapput.

Nr. 1-3 malillugit ajoqusiinernik pinngitsoortitsinermut imaluunniit pitsaliuinermut imaluunniit avatangiisinik iluarseeqqinnermut aningaasartuutit akilerneqareersimanissaat aalajangersakkap malitsigissangilaa. Taamaattoq aningaasartuutit akilerneqareersimanngippata, aningaasartaasa naleqquttumik pinngitsoortitsinissamut iliuusissanik suliaqarnermut imaluunniit avatangiisinik iluarseeqqinnermut atorneqarniartut naammattumik uppermarsaasoqareersimatinnagu taarsiinissamut akisussaasusoq aningaasanik tunniussiumanngissinnaasoq aalajangersakkami tunngavissaatinneqarpoq.

§ 65-imut

Aalajangersagaq oqaatsitigut aalajangersimasunik allannguuteqartillugu aatsitassanut ikummatissanullu inatsimmi § 69-imik ingerlatitseqqinneruvoq.

Imm. 1-imut

Aalajangersagaq siunnersuutigineqartoq malillugu ingerlatassanut siunnersuummi matumani pineqartunut ilaasunut ilaatillugu mingutsitsisimasoq, ajoqusiineq pisinnaagaluarpuallunniit, ajoqusiinermut mingutsitsinerup malitsigisaanut taarsiissaq. Ingerlatassamut siunnersuummi matumani ilaasumut ilaatillugu ajoqusiinermik malitseqartumik mingutsitsisup, imm. 1-imi aalajangersakkami kinaassusersiunngitsumik taarsiinissamut akisussaaffeqarnera (pisuussuseqarani akisussaasusoq) atuutsinneqalerpoq.

Ajoqusiineq ingerlatassanit siunnersuummi matumani ilaasumit, suliffeqarfimmit kinaassusersiunngitsumik akisussaaffeqartuusumit suliarineqartunit, pilersinneqarsimappat, aatsaat aalajangersagaq malillugu taarsiinissamut akisussaasuuneq atuutissaq. Ajoqusiineq

pissutsinik immikkut ingerlatanut taakkununnga attuumassuteqanngitsunik pissuteqarpat, suliffeqarfik taamaalilluni aalajangersagaq malillugu kinaassusersiunngitsumik taarsiinissamut akisussaasuussanngilaq.

Kinaassusersiunngitsumik akisussaasuuneq siunnersuummi § 62-imi aalajangersagaq malillugu akisussaasuusumut atasuuvoq. Inuk suliffeqarfimmi sulisuusoq, aammalu kinaassusersiunngitsumik tunngaveqartumik taarsiinissamut akisussaasuunermik malitseqartumik iliuuseqartoq, taamaalilluni taamaallaat taarsiisarnermut maleruagassat nalinginnaasut malillugit akisussaasuussaaq, takuuk ilaatigut taarsiinissamik akisussaaffeqarnermut inatsimmi §§ 19 aamma 23.

Aalajangersagaq malillugu kinaassusersiunngitsumik akisussaasuunermut, taarsiinissamut akisussaasuusup pissusilfersorsimanera (iliuuseqarluni imaluunniit iliuuseqarani) mingutsitsinermik kinguneqarsimalluni, aammalu mingutsitsineq taanna ajoqsiinermik kinguneqarsimasoq (pisoq pisup tulliani pissutaasoq), ajoqusertup uppernarsaanissa nalinginnaasumik tunngavissaatinneqarpoq. Taamaattoq ajoqusertup uppernarsaanermini uppernarsaanermut inatsisini tunngavissat nalinginnaasut malillugit qasukkaanernik iluaquserneqarsinnaanissa, tunngavissaatinneqarpoq.

Ajoqsiineq unammilleqatigiittunik imaluunniit ataatsimooqatigiinnik pissuteqarluni pisoqartillugu, kinaassusersiunngitsumik akisussaasuunerup atuuffissaannut aalajangersakkami erseqqinnerusumik isummerfigineqanngillat. Taamaattumik apeqqut taanna inatsisini inissismaneq atuuttoq malillugu aalajangiiffigineqartariaqarpoq.

Akisussaasuusoq pinngortitap nukiisa sunneeqataaneranni mingutsisisimappat, taamaalilluni taakkua ajoqsiisuusut takuneqarsinnaalluni, aalajangersagaq malillugu akisussaasutisoqassasoq aallaavagineqarpoq. Taamaattoq tamatumani pinngortitami pisut eqqoriarneqarsinnaasut imaluunniit sioqqutsisumik naatsorsuutigineqarsinnaasut tassani pineqartut, tunngavissaatinneqarpoq. Taamaalilluni pinngortitami pisoqarnera aallartitsisuuppat, akuttunngitsumik pisartuulluni (qerinartoq, anorersuaq, annertoorsuarmik nittaatsoq il.il.) akisussaasuusoq kinaassusersiunngitsumik akisussaaffeqalersinnaassaaq.

Kisiannili pinngortitami ajunaarnersuaqarpat, soorlu nuna sajulluni, kaavittuliortorsuarmik anorersuarluni assigisaanilluunniit eqqoriarneqarsinnaanngitsumik pisoqarluni, pisunut taakkununnga tunngatillugu taassuma erseqqissumik ilaatsinnginnermik imaqannginnera apeqquaatinngagu, aalajangersagaq malillugu akisussaatsisoqassanngilaq. Ajoqsiisup taarsiinissamut akisussaasuunerata qasukkartinnissa pillugu apeqqut, taamatuttaaq inatsisitigut inissismaneq atuuttoq malillugu aalajangerneqartariaqarpoq. Taamaaliornermi akisussaaffik naapertuutinngitsumik nanertuisussaappat imaluunniit allatigut pissutsit immikkut ittut tamanna naleqqutsippassuk, pingartumik ajoqsiisup taarsiinissamut akisussaasuunerata taarsiinissamik akisussaaffeqarnermut inatsimmi § 24, imm. 1-imi

aalajangersagaq naapertorlugu apparinnejarsinnaanera imaluunniit atorunnaarsinnaanera innersuussutigineqarsinnaavoq.

Nammaqatigiillutik akisussaasusut ajoqsiisut arlaqartillugit, taarsiinissamut akisussaaffiup taakkua iluanni agguarneqarnissaa pillugu apeqqut, taamatuttaaq pingartumik taarsiinissamik akisussaaffeqarnermut inatsimmi § 25 naapertorlugu inatsisitigut inissisimaneq atuuttoq tunngavigalugu aalajangiiffiqeqartariaqarpoq, taanna malillugu akisussaasuunerup qanoq issusaa aammalu allatigut pisut eqqarsaatigalugit suut naleqquttutut isigineqartariaqarnersut malillugu agguaaneq pisariaqarluni.

Imm. 2-mut

Siunnersuutigineqarpoq, ajoqsiinermut ingerlatassap aalajangersakkanut saneqqunneqarsinnaanngitsunut, pisortani oqartussamit aalajangersagaasunut naapertuuttumik ingerlanneqarnera pissaappat, imm. 1 malillugu akisussaasuuneq atuutilissanngitsoq.

Imm. 2-mi aalajangersagaq malillugu suliaqarnerup peqqussutinut saneqqunneqarsinnaanngitsunut, pisortani oqartussamit aalajangersagaasunut, naapertuuttumik ingerlanneqarnera ajoqsiinermut pissaappat, kinaassusersiunngitsumik akisussaasuuneq atuutilissanngilaq. Akisussaasuunnginnissamut piumasaqaatit naammassineqartut, akisussaasuusup uppernarsartussaavaa. Taamaalilluni suliffeqarfik akuersissummut imaluunniit akuersissuteqarnermut pisortani oqartussamit tunniunneqartumut naapertuuttumik iliuuseqarsimagaluartoq, akisussaasuusup imm. 1 malillugu avatangiisinut ajoqsiinermut kinaassusersiunngitsumik tunngavilimmik taarsiinissamut akisussaasunngorsinnaanera, aalajangersakkami mattunneqanngilaq.

Aalajangersakkami akisussaasuusoq allanik akisussaatinneqannginnissamut tunngaviusunik ilaalu ilanngullugit patsilernissamut mattunneqanngilaq, soorlu assersuutigalugu tamatumunga nalinginnaasumik pisuussutinut inatsisini maleruagassanut naapertuuttumik ajornartoorneq.

Akisussaasuusoq, kinaassusersiunngitsumik taarsiinissamut akisussaaffeqarnermi pineqartunut ilaatinneqartoq, ajoqsiineq allap piaarluni imaluunniit mianersuaalliorujussuarluni pilersissimagaa innersuussutigalugu akisussaasutinneqassanngitsoq pillugu maleruagassanik erseqqinnerusunik imaqanngilaq. Taamaattumik kinaassusersiunngitsumik taarsiinissamut akisussaasuuneq aamma pisumi tassani atuutissaq. Taamaattoq akisussaasuusoq taarsiinissamik akisussaaffeqarnermut inatsimmi § 25-mi aalajangersagaq malillugu allamut aningaasartuutiminik taarseeqqusisinnassaqq, taamatullu suliffeqarfip ajoquserneqartumut taarsiinissamut akisussaaffeqarnera pisuni immikkut ittuni taarsiinissamik akisussaaffeqarnermut inatsimmi § 24 malillugu qasukkartinneqarsinnaassapput. Taarsiinissamik akisussaaffeqarnermut inatsimmi § 24, imm. 2-mi aalajangersagaq nalinginnaasoq, ajoquserneqartup taarsiivigineqarnissamik piumasaqaataa nammineq pisuunera imaluunniit aarlerinaataasumut

akuersisimanera pissutigalugu apparinnejassanersoq imaluunniit atorunnaassanersoq pillugu apeqqummut aamma atuuppoq.

Imm. 3-mut

Inunnik ajoqusertoqartillugu imaluunniit pilersuisup annaaneqarnerani, ajoqusertup nammineq pisuussuteqarnerani taarsiissutissap apparinnejarnissa aalajangersakkami maleruagassiivigineqarpoq.

Ajoqusertup imaluunniit toqusup piaaraluni imaluunniit mianersuaalliorujussuarluni iliuuseqarnera imaluunniit iliuuseqannginnera kisimi taarsiissutissap atorunnaarneranik imaluunniit apparinnejarneranik malitseqarsinnaavoq.

Imm. 4-mut

Pisuni allani ajoquersup nammineq pisuussuteqarnerani taarsiissutissap apparinnejarnissa aalajangersakkami maleruagassiivigineqarpoq.

Ajoqusertup piaaraluni imaluunniit mianersuaalliorujussuarluni iliuuseqarnera imaluunniit iliuuseqannginnera kisimi taarsiissutissap atorunnaarneranik imaluunniit apparinnejarneranik malitseqarsinnaavoq.

§ 66-imut

Aalajangersakkami avatangiisinut ajoqsiinernut taarsiisarneq pillugu siunnersuummi maleruagassat saneqqunneqarnissaat pillugu isumaqtigiissutinut maleruagassiivuvoq aammalu aatsitassanut ikummatissanullu inatsimmi § 70-imik ingerlatitseqqinnerulluni.

Imm. 1-imut

Siunnersuutigineqarpoq ajoqsiinerup pinissaa sioqqullugu isumaqtigiissuteqartoqarsimappat, aammalu saneqqutsinissaq ajoqusertumut iluaqutaassanngippat, avatangiisinut ajoqsiinermut taarsiisarneq pillugu siunnersuummi matumani maleruagassat saneqqunneqarnissaat pillugu isumaqtigiissut atutissanngitsoq.

Aalajangersakkamut tunngaviuvoq, ajoquserneqartup isumaqtigiissutip ajoqsiinerup pinnginnerani isumaqtigiissutigineqarsimasup sunniutissaannik paasisimanninniarnerminik ajornakusoortitsisussaanera.

Avatangiisini ajoquseereernerup kingorna isumaqtigiissutit isumaqtigiissutigineqartut aalajangersakkami pineqartunut ilaatinneqanngillat, taamaalilluni assersuutigalugu taarsiinissamut akisussaasusoq isumaqtiginninniarnikkut isumaqtigiissuteqarnissamut ilaalu ilanngullugit periarfissaqassalluni.

Aalajangersagaq aammattaaq avatangiisirut ajoqusiineq pillugu sillimmasiissutit pillugit isumaqatigiissutinut tunngassuteqanngilaq, taakkua qanga isumaqatigiissutigineqarsimanersut apeqputaanani, takuuk aammattaaq imm. 2.

Imm. 2-mut

Aalajangersakkami erseqqissarneqarpoq, avatangiisirut akisussaasuusumut avatangiisirut akisussaaffik aamma avatangiisini ajoqusiinernut taarsiisarneq pillugit maleruagassat malillugit piumasaqaateqarfingeqarsinnaanermut akisussasutut sillimmasiinissamik kissaateqartumut imm. 1-imi maleruagassaq akornusiinermik malitseqassanngitsoq. Taarsiisussaatitaasoq tamatuma kingorna nalinginnaasumik pisartutut ajoquserneqartoq sillimmasiisarfimminut innersuussinnaavaa.

§ 67-imut

Aalajangersagaq oqaatsitigut allannguiteqarluni aatsitassanut ikummatissanullu inatsimmi § 71-imik ingerlatitseqqinneruvoq, tamatumalu malitsigisaanik kapitalimi avatangiisirut ajoqusiinernut taarsiisarneq pillugu maleruagassat, ajoqusertup isumaqatigiissutip iluani imaluunniit avataani taarsiisarneq pillugu maleruagassat nalinginnaasut malillugit imaluunniit aalajangersakkat kapitalini allani imaluunniit inatsisini allani maleruagassat naapertorlugit aalajangersagaasut naapertorlugit taarsiivigineqarsinnaaneranut killiliinatik.

Inatsimmi assigiinngitsutigut assersuutigalugu ajoqusiinernut sumiiffimmi pineqartumi pisunut kinaassusersiunngitsumik taarsiinissamut akisussaasuuneq pillugu maleruagassat aalajangersarneqarput. Avatangiisini mingutsitsineq pissutigalugu ajoquserneqartoq, inatsisit allat naapertorlugit maleruagassat, siunnersummi matumani aalajangersakkanit, pitsaanerusumik inatsisitigut inissismalersitsippata, ajoquserneqartoq inatsimmi maleruagassat immikkut ittut taakkua malillugit taarsiivigineqarnissamik piumasaqarsinnaassaaq. Avatangiisini mingutsitsineq pissutigalugu ajoquserneqartoq taamaalilluni siunnersummi aalajangersakkat malillugit imaluunniit inatsimmi aalajangersakkat allat, pineqartumut iluaqutaanerusinnaasut, malillugit taarsiivigineqarnissamik piumasaqarnissaq qinersinnaavaat.

Aalajangersakkami aammattaaq avatangiisini ajoqusiinernut taarsiisarneq pillugu maleruagassat suliassaqarfinni inatsimmi aalajangersagaanngitsuni eqqartuussivimmi suleriaatsimi aalajangersagaasut, aammalu maleruagassat siunnersummi allassimasut, akornanni pissutsinut maleruagassiisoqarpoq. Taamaalilluni aalajangersagaq isumaqatigiissutip iluani imaluunniit avataani ajoquserneqartup maleruagassat nalinginnaasut malillugit taarsiivigineqarnissamik piumasaqarnissamik periarfissaqarneranut killiliinngilaq.

Akisussaasuunermut maleruagassat nalinginnaasut aamma avatangiisini ajoqusiinernut taarsiisarneq pillugu maleruagassat assigiinngissuteqartillugit, avatangiisini ajoqusiinernut

taarsiisarneq pillugu siunnersummi matumani maleruagassat, akisussaasuunermut maleruagassanit nalinginnaasunit, salliuinneqassapput.

§ 68-imut

Siunnersutigineqarpoq avatangiisinut ajoqsiinernut taarsiisarneq aamma pissutsit kapitali 12-imi taaneqartut pillugit aalajangersakkanik erseqqinnerusunik aalajangersaanissamut Naalakkersuisut piginnaatinneqassasut, ilanngullugu avatangiisinut ajoqsiinernut taarsiisarneq pillugu nunami namminermi imaluunniit nunani tamalaani maleruagassat, isumaqatigiissutit imaluunniit malittarisassat atorneqarnissaat pillugu. Eqqarsaataavoq tamanna siunnersuutip matuma sunniuteqarluarnissaata aammalu siunnersuutip siunertaanut naapertuunnissaata qulakteernissaanut naapertuuntillugu, Naalakkersuisut aalajangersakkami siunnersutigineqartumi inatsimmi tunngavissaq atorlugu maleruagassat ilassusersinnaagaat.

§ 69-imut

Imm. 1-imut

Aalajangiinerit siunnersuut naapertorlugu aqtsisoqarfimmit aalajangiiffigineqartut naammagittaalliuutigineqarsinnaanerat aalajangersakkami aalajangersarneqarpoq. Aalajangersagaq taamaalilluni aalajangiinerit Naalakkersuisoqarfimmit /Naalakkersuisunit aalajangiiffigineqartut naammagittaalliuutigineqarsinnaanerannik malitseqanngilaq.

Aalajangersagaq malillugu aalajangiinerup aqtsisoqarfimmit aalajangiiffigineqartup naammagittaalliuutigineqarnera Naalakkersuisunut suliacciissutigineqarsinnaavoq. Suliaqarnermi aqtsisoqarfimmut naalakkersuisoqarfik suliassaqarfimmut akisussaasuusoq naammagittaalliorfissatut oqartussaasussaanera nalinginnaasuussaaq.

Imm. 2-mut

Aalajangiinerup aqtsisoqarfimmit ataaniittumit aalajangiiffigineqarsimasup Naalakkersuisunut naammagittaalliuutigineqarluni tunniunneqarnissaanut naammagittaallornissamut piffissamut killigititaq sapaatit akunnerinik 6-inik sivisussuseqartoq, aalajangersakkami aalajangersarneqarpoq.

Aalajangersagaq naammagittaallornissamut killigititap aallartinnera pillugu maleruagassanik marlunniq imaqrpoq. Aalajangersagaq suliami pineqartumut nalunaarutigineqarsimappat, naammagittaallornissamut killigititaq nalunaarutiginninnerup ulluanit aallartittutut naatsorsorneqassaaq. Aalajangiineq tamanut ammasumik nalunaarutigineqarsimappat, naammagittaallornissamut killigititaq tamanut ammasumik nalunaarutiginninnerup ulluanit naatsorsorneqassaaq. Tamatuma saniatigut naammagittaallornissamut piffissamut killigititaq pillugu maleruagassamik ataatsimik aalajangersagaq imaqrpoq.

Naammagittaalliornissamut killigititaq arfininngornermi imaluunniit ullumi nalliuuttumi naassappat, naammagittaalliornissamut killigititaq ulluinnaap tullianut sivitsorneqassaaq.

Naammagittaalliornissamut killigititap naareernerata kingorna naammagittaalliuut Naalakkersuisunut suliakkiunneqarsinnaanngilaq.

Imm. 3-mut

Aalajangersagaq malillugu naammagittaalliuut allaganngorlugu tunniunneqassaaq, assersuutigalugu elektroniskimik attaveqaqatigiinneq atorlugu, soorlu assersuutigalugu e-mail, aammalu naammagittaalliuut oqartussamut aalajangiisimasumut tunniunneqassalluni.

Imm. 4-mut

Imm. 4-mi siunnersuutigineqarpoq akuersissutip, akuersissuteqarnerup imaluunniit immikkut ittumik akuersissuteqarnerup naammagittaalliuutigineqarnera, Naalakkersuisut allamik aalajangiisimanngippata, kinguartitsinermik sunniuteqassanngitsoq.

Imm. 5-imut

Akuersissutit, akuersissuteqarnerit aamma immikkut ittumik akuersissuteqarnerit aalajangersimasut naammagittaalliornissamut killigititap iluani atorneqaqqusaanngitsut, pillugu aalajangersakkanik Naalakkersuisut aalajangersagaq malillugu aalajangersaasinnaapput.

§ 70-imut

Imm. 1-imut

Aalajangersakkami, aalajangiinermik eqqartuussivinnut suliakkiinissamut ataatsimut isigalugu piffissamut killiliussaq ukiumut ataatsimut, aalajangersarneqarpoq. Ataatsimut isigalugu ukumik ataatsimik piffissamut killiliinerup toqcarneqarnerani, pissutsit taakkua pilligit inatsisitigut inissisimanerup pisariitsuullunilu ersarissuunissaa qulakkeerneqassaaq. Siunnersuummi aatsitassanut ikummatissanullu inatsit malillugu inatsisitigut inissisimaneq ingerlateqqinnejarpoq.

Aalajangersagaq, aalajangiineq pillugu eqqartuussisunut suliassanngortitsinermut, atuutissaq, ilanngullugu assersuutigalugu aalajangiinerup atunnerata imaluunniit sunniuteqarnerata eqqartuussivimmi misilinneqarnera, aammalu aalajangiineq pillugu imaluunniit aalajangiinermut atatillugu taarsiinissamik piumasaqaateqarneq, akiliinissamik piumasaqarnerit allat imaluunniit piumasaqaatit allat.

Aalajangersakkami siunertaavoq, innuttaasut, oqartussat inuussutissarsiorfllu piffissamut killiliussap naapertuuttup iluani inaarutaasumi inatsisitigut inissisimanerminnik paasisaqarnissaannik qulakkeerininnissaq. Pisinnaatitsisummik pigisaqartut allallu siunnersuummi suliassaqarfiup iluani ingerlatassanik suliaqartut, aamma suliassap piffissap

sivisuup qaangiutereernerani eqqartuussivinnut imaluunniit eqqartuussivimmut isumaqatigissitsiniartartumut suliakkiunneqarnissaalornisoorutiginagu aalajangiinerit tatigalugit iliuuseqarsinnaanissaq pisariaqartippaat.

Aalajangersakkat assingusut danskit inatsisaanniippput. Danskit avatangiisinik allanngutsaaliuineq pillugu inatsisaanni pissutsit inatsimmi pineqartunut ilaasut pillugit eqqartuussivinnut suliakkiinissamut aallaaviusumik qaammatini 6-ini piffissamut killiliussaq atuuppoq. Taamaattoq avatangiisinik allanngutsaaliuineq pillugu danskit inatsisaanni pisuni aalajangersimasuni ukiumik ataatsimik piffissamut killiliisoqartarpoq. Pilersaarusrusiorneq pillugu danskit inatsisaanni aamma eqqartuussivinnut aalajangiinerit suliakkiunnissaannut qaammatinik 6-inik piffissamut killiliineq atuuppoq.

Piffissap naleqquttup iluani ersarissumik inaarutaasumillu inatsisitigut inissisimatitsinissamut inuaqatigiinni pisariaqartitsisoqartillugu, ilaatigut inuaqatigiinni soqtigisanik pingaaruteqartunik maleruagassiiineq, avatangiisinik allanngutsaaliuineq pilersaarusrusiornerlu pillugit danskit inatsisaanni assigiissutaavoq. Pisariaqartitsineq taamaattoq aamma siunnersummi suliassaqarfiup iluani atuuppoq.

Imm. 2-mut

Aalajangersagaq piffissamut killiliussap aallartiffissaa pillugu maleruagassanik marlunnik imaqarpoq. Killigititaq suliami pineqartumut aalajangiinerup nalunaarutigineqarnerata ulluanit naatsorsorneqassaaq. Aalajangersagaq suliassami pineqartumut nalunaarutigineqarpat, piffissamut killiliussaq nalunaaruteqarnermut ulloq taanna aallarnerfigalugu naatsorsorneqassaaq. Taamaattoq aalajangersagaq tamanut ammasumik nalunaarutigineqarpat, piffissamut killiliussaq tamatigut tamanut saqqummiussinermut ulloq taanna aallarnerfigalugu naatsorsorneqassaaq. Aalajangersakkami aamma piffissamut killiliussap naanissaa pillugu maleruagassamik aalajangersaasoqarpoq. Piffissamut killiliussaq nalinginnaasoq arfininngornermi imaluunniit nalliuttumi naappat, piffissamut killiliussaq ulluinnarmut tullermut sivitsorneqassaaq. Piffissamut killiliussaq assersuutigalugu sisamanngorneq 1. februar 2024 aallartippat, eqqartuussivinni suliakkiinissamut piffissamut killiliussaq kingulleq tassaassaaq ulloq 1. februar 2025. Ulloq 1. februar 2025 arfininngornerummat, aammalu ulloq 2. februar 2025 sapaataalluni, suliakkiinissamut piffissamut killiliussaq kingulleq taamaalilluni tassaassaaq ataasinngorneq ulloq 3. februar.

Imm. 3-mut

Naalakkersuisut allamik aalajangiisimanngippata, aalajangiinerup eqqartuussivinnut suliakkiunneqarnera kinguartitsinermik sunniuteqassangitsoq, aalajangersakkami aalajangersarneqarpoq.

Aalajangiinerup eqqartuussivinnut suliakkiunneqarnera kinguartitsinermik sunniuteqarpat, suliaq aalajangiineq atorunnaarsinnagu imaluunniit allanngortinnagu aalajangiiffigineqarpat

imaluunniit suliassaq tigujumaneqanngippat, taamaatinneqarpat imaluunniit allatut atorunnaarpat, aatsaat aalajangiineq atuutilissaaq.

Kinguartitsinermik sunniuteqartitsinissaq pillugu apeqqutip nalilorsorneqarnerani ilaatigut aalajangiineq inuiaqatigiinnut imaluunniit pissutsinut pingaarutilinnut allanut annertuunik sunniuteqarnerlussinnaassanersoq eqqarsaatigineqassaaq. Taamaattoq oqaatigineqartutut aallaaviatigut aalajangiinerup eqqartuussivinnut suliakkiunneqarnera kinguartitsinermik sunniuteqartussaanngilaq.

Imm. 4-mut

Aalajangiineq siunnersummi pineqartunut ilaasoq taamaallaat eqqartuussivinnut Kalaallit Nunaanni aalajangiisinnaatitaasunut suliakkiunneqarsinnaasoq, aalajangersakkami aalajangersarneqarpoq.

Akiliisitsinissamut suliassani unnerluussinermut oqartussamit ingerlanneqartuni, eqqartuussiviup sorliup suliassaq sularissaneraa, tamatumunnga eqqartuussisarnermut inatsimmi maleruagassat malillugit aalajangerneqassaaq.

§ 71-imut

Pisinnaatitsisummik pigisaqartup aamma Naalakkersuisut akornanni aaqqiagiinngissuteqarnerit, assersuutigalugu akuersissutip atorunnaareernerata kingorna pilersut, aalajangersagaq malillugu § 70-imi aalajangersakkanut naapertuuttumik suli aalajangiiffigineqartassapput. Aaqqiagiinngissuteqarnerit taamaattut ilaatigut pissutsinut pisussaaffinnullu akuersissutip atorunnaareernerata kingorna atutiinnartunut ilaatigut tunngassuteqarsinnaapput.

§ 72-imut

Imm. 1-imut

Aalajangersakkami allassimavoq Naalakkersuisut kina pinngitsaaliisummik akiliisinneqartussatut pisussaaffilersinnaaneraat.

Aalajangersakkami siunertaavoq, kimigiisersinnaassuseqarsinnaanermik atuutilersitsinissaq, inuit suliffeqarfíillu paassisutissanik taakkua tunniussinissamik pisussaaffeqarfíigisaannik tunniussinissamut, peqqusisseqarnermik inerteqquteqarnermillu malinninnissaannik aammalu pisussaaffimminkut qularnaveeqqusíinissaannut sunniuteqarluartitsilfersinnaasoq.

Pinngitsaaliisummik akiliisitsisarnerit pineqaatissiissutaanngillat, kisianni iliuuseqartussaatitaanerup pinngitsaaliisummik pitinniarneranut sakkussaallutik.

Aalajangersagaq annertuumik unammilleqatigiinneq pillugu Inatsisartut inatsisaanni (unammilleqatigiinnermut inatsit) § 37-mut assinguvoq.

Pisinnaatitsisummiq pigisaqartoq suleqatigisallu allat siunnersummi pineqartunut ilaasut assersuutigalugu siunnersuut malillugu paasissutissanik suliaqarnerannut imaluunniit ingerlatassanut siunnersummi pineqartunut ilaasunut oqartussat suliarinninnerannut pisariaqartunik tamaginnik tunniussissapput.

Matuma siuliani allassimasoq taamaallaat siunnersummi aalajangersakkanut, taanna malillugu inuup imaluunniit suliffeqarfiup Naalakkersuisunut paasissutissanik tunniussisussaaneranut, imaluunniit taanna malillugu Naalakkersuisut inuup imaluunniit suliffeqarfiup paasissutissanik Naalakkersuisunut tunniussinissaanik piumasaqarsinnaanerannut, assersuutissaavoq. Aalajangersakkat taamaattut malillugit paasissutissanik piumasarineqartunik tunniussinngitsoq, aalajangersagaq manna malillugu pinngitsaaliisummiq akiliisineqarnissamik pisussaaffilerneqarsinnaassaaq.

Aalajangersagaq malillugu pinngitsaaliisummiq akiliisitsinerit, paasissutissat attuumassuteqartut tunniunneqarnissaasa, peqqusissuteqarnerup imaluunniit inerteqquteqarnerup naammassineqarnissaata imaluunniit qularnaveeqquisiissutissap piumasarineqartup qularnaveeqquisiissutigineqarnissaata tungaanut ullormut imaluunniit sapaatip akunnikaartumik akiliisitsinertut aalajangersarneqassapput.

Pinngitsaaliisummiq akiliisitsinerit annertussusaat ataasiakkaatigut naliliineq aallaavigalugu aalajangersarneqassapput. Tassunga atatillugu nalinginnaasumik annertoqatigiimmik pinninnissamut tunngaviusoq atuuppoq. Tamanna ilaatigut isumaqarpoq, pinngitsaaliisummiq akiliisitsinerit kukkuluttormerut naleqqutingitsuussanngitsut.

Pinngitsaaliisummiq akiliisitsinerup aalajangersarneqarnerani pinngitsaaliisummiq akiliisineqartussami aningaasaqarnikkut pisinnaassuseqarneq eqqarsaatigineqassaaq, taamaalilluni pinngitsaaliissuteqarneq sunniuteqassalluni. Taamatuttaaq kukkuluttormerup annertussusaa suussusaalu eqqarsaatigineqassapput.

Pinngitsaaliisummiq akiliisitsinerit ullormut minnerpaamik 1.000 koruuniussasoq naatsorsuutigineqarpoq imaluunniit sapaatip akunnikaartumik 5.000 koruuniusariaqarluni, aammalu ullormut ataasiaannarluni imaluunniit sapaatip akunneranut ataasiaannarluni pinngitsaaliisummiq akiliisitsisoqartassasoq naatsorsuutigineqarpoq.

Pinngitsaaliisummiq akiliisitsinerit ulloq pineqartoq aallarnerfigalugu pisussaaffiliunneqassapput. Naalakkersuisut tamanna sioqqullugu pinngitsaaliisummiq akiliisitsinerit ulloq taaneqartoq aallarnerfigalugu peqqussutigineqarnissaat aammalu kukkuluttormerup qanoq malitseqarnissaa pillugit suliffeqarfimmut imaluunniit inummut

nalunaaruteqarsimanissaat, pinngitsaaliisummik akiliisitsinerit peqqussutiginissaannut tunngavissaatinneqarpoq.

Pinngitsaaliisummik akiliisitsinissamik peqqusissuteqarluni piffissap aalajangersimasup kingorna paasissutissat attuumassuteqartut tunniunneqanngiinnarpata, peqqusissuteqarneq imaluunniit inerteqquteqarneq attuumassuteqartoq malinneqanngiinnarpat imaluunniit piumasarineqartumik qularnaveeqqusiiisoqanngiinnarpat, pinngitsaaliisummik akiliisitsinerit qaffanneqarsinnaapput.

Imm. 2-mut

Aalajangersagaq malillugu pinngitsaaliisummik akiliisitsinerit, imm. 1 malillugu pisussaaffiliunneqarsinnaasut, annertussusissaat pillugu aalajangersakkanik Naalakkersuisut aalajangersaassapput.

Taamaalilluni Naalakkersuisut aalajangersagaq malillugu pinngitsaaliisummik akiliisitsinissamik pisussaaffiliisinnaalinnginneranni, nalunaarutinik ataatsimik arlariinnilluunniit, akiliisitsinerit aalajangersagaq naapertorlugu pisussaaffiliunneqarsinnaasut qanoq annertutiginissaannik aalajangersaaviusumik, atuutsitsilertoqartussaassaaq.

§ 73-imut

Imm. 1-imut

Aalajangersakkami aalajangersarneqarpoq, § 6, § 7, imm. 1-imik, § 9, imm. 1-2-mik, § 10, imm. 1-3-mik, § 11, imm. 1-imik, § 29, imm. 1-imik aamma § 30, imm. 1-imik unioqqutitsilluni ingerlatassanik suliaqartoq akiliisinneqarnissamik pineqaatissinneqarsinnaasoq.

Aalajangersagaq, siunnersuutip akuersissutit imaluunniit akuersissuteqarnerit siunnersuut malillugu tunniunneqartut malillugit ingerlatassat suliarineqarnissaat siunnersuummi matumani tamarmiusumi tunngavigineqarneranut, ataqtigiissillugu isigineqassaaq, taamaalilluni ingerlatassat siunnersuutip siunertaanut naapertuuttumik suliarineqarnissaat qulakkeerneqassalluni.

Imm. 2-mut

Nr. 1-3-mi pissutsit arlallit, piaaraluni imaluunniit mianersuaalliorujussuarluni pisoqarsimatillugu akileeqqusinermik malitseqarsinnaasut, aalajangersakkami allassimapput .

Nr. 1-imut

Imm. 2, nr. 1-imi aalajangersakkami aalajangersarneqarpoq, inatsisit allat malillugit qaffasinnerusumik pineqaatissiineq pisussaasimanngippat, piaaraluni imaluunniit mianersuaalliorujussuarluni paasissutissanik eqqunngitsunik imaluunniit paatsuungatitsisunik tunniussisoq imaluunniit paasissutissanik siunnersuut malillugu imaluunniit aalajangersakkat

imaluunniit atugassarititaasut siunnersuut malillugu aalajangersarneqartut malillugit oqartussap piumasarisaannik nipangiussiinnartoq, akiliisitsinermik pineqaatissinneqassasoq.

Oqartussat suliariinnissinnaanissaannut aamma siunnersuut manna malillugu nakkutilliinissamut ilaalu ilanngulligit, paassisutissanik attuumassuteqartunik tamaginnik eqortumik tunniussinissap pisariaqarneranut sanilliullugu aalajangersagaq isigineqassaaq.

Nr. 2-mut

Imm. 2, nr. 2-mi aalajangersakkami aalajangersarneqarpoq, inatsisit allat malillugit qaffasinnerusumik pineqaatissiineq pisussaasimanngippat, aalajangersakkanik imaluunniit akuersissummut atugassarititaasunik imaluunniit akuersissuteqarnernik siunnersuut malillugu imaluunniit aalajangersakkat imaluunniit atugassarititaasut siunnersuut malillugu aalajangersarneqartut malillugit tunniunneqartunik piaaraluni imaluunniit mianersuaalliorujussuarluni unioqqutitsisoq, akiliisitsinermik pineqaatissinneqassasoq.

Ingerlatassat siunnersuutip siunertaanut naapertuuttumik suliarineqarnissaat aalajangersakkami qulakkeerneqassaaq. Unioqqutitsineq annertuujuppat, tamanna pisortat ingerlatsineranni maleruagassanut tunngaviusunullu naapertuuppat, ilanngulligit kinaassusersiunnginnissaq, annertoqatigiimmik pinninnissaq naligiimmillu pinninnissaq, akuersissutip tunuartinneqarnissaa pillugu Naalakkersuisut aamma aalajangiisinnaapput.

Nr. 3-mut

Imm. 2, nr. 3-mi aalajangersakkami aalajangersarneqarpoq, inatsisit allat malillugit qaffasinnerusumik pineqaatissiineq pisussaasimanngippat, peqqusissuteqarnermik imaluunniit inerteqquteqarnermik siunnersummi aalajangersakkat imaluunniit akuersissummut atugassarititaasut imaluunniit siunnersuut malillugu akuersissuteqarneq imaluunniit aalajangersakkat siunnersuut malillugu aalajangersagaasut malillugit Naalakkersuisunit nalunaarutigineqartumik piaaraluni imaluunniit mianersuaalliorujussuarluni malinninnginneq, akiliisitsinermik pineqaatissinneqassasoq.

Peqqusissuteqarnerup inerteqquteqarnerullu nalunaarutigineqareersimasup naammassineqarnissaata qulakkeersinnaanissaata, siunnersuut manna malillugu oqartussat suliassaannik oqartussat isumaginnissinnaanissaannut pisariaqarneranut sanilliullugu aalajangersagaq isigineqassaaq. Taamaalilluni peqqusissuteqarnermik imaluunniit inerteqquteqarnermik sumiginnaasoq akiliisitsinermik pineqaatissinneqarsinnaavoq.

Imm. 3-mut

Aalajangersakkanik siunnersuut malillugu aalajangersagaasunik unioqqutitsineq Kalaallit Nunaannut pinerluttulerinermut inatsit malillugu akiliisitsinermik imaluunniit allanik pineqaatissiinermik pineqaatissinneqarsinnaasoq pillugu aalajangersakkanik Naalakkersuisut aalajangersaanissaannut inatsimmi tunngavissamik aalajangersagaq imaqarpoq. Aalajangersakkap malitsigisaanik Naalakkersuisut allatut aalajangiippata, siunnersuut manna

malillugu pineqaatissiissutissanut maleruagassat, pineqaatissiinernut aalajangersakkanik unioqqutitsinermut pineqaatissiissutaasinnaasunut tamakkiisumik allattorneqanngillat.

Imm. 4-mut

Aalajangersagaq inatsisitigut pisussaatitaasunut pisinnaatitaasunullu, aalajangersakkanik imm. 1-3-mi taaneqartunik unioqqutitsisunut tunngassuteqarpoq. Aalajangersagaq malillugu taakkua aamma tamatuminnga unioqqutitsinermanni pinerlunnernut inatsisitigut akisussaatinneqarlutik pineqaatissinnejarsinnaassapput.

Unioqqutitsisoq tassaappat Namminersorlutik Oqartussat, kommuni imaluunniit kommunit ataatsimoorfiat, kommunini aqutsineq pillugu Inatsisartut inatsisaanni pineqartunut ilaasoq, aalajangersagaq malillugu taamaaqatai atuutissapput.

Imm. 5-imut

Imm. 1-2 imaluunniit aalajangersakkat imaluunniit atugassarititaasut imm. 3 malillugu aalajangersarneqartut malillugit akiliisitsinissamik suliassaq, aalajangersagaq malillugu allaffissornikkut akiliisitsinikkut aalajangiiffingeqarsinnaavoq. Inatsisitigut isumannaatsuutitsinissaq eqqarsaatigalugu, unioqqutitsinerit ersaritsillugit, pisariusuutinnagu aammalu uppernarsaatitigut nalornissuteqartinnagu, allaffissornikkut akiliisitsinerit taamaallaat atorneqarsinnaapput.

Taamatuttaaq akileeqqusisummik tigusaqartup pisuulluni nalunaarutiginninera (akiliisitsinissaq akueralugu) aammalu piffissamut killiliussap erseqqinnerusumik aalajangersagaasup iluani akiliisitsisummik akiliinera, allaffissornikkut akileeqqusilluni suliassap naammassinissaanut tunngavissaatinneqarput.

Unioqqutitsineq ersarinngippat, pisariuppat aammalu uppernarsaatitigut annertuunik nalornissuteqartoqarpat, suliassaq politiinut aamma unnerluussinermut oqartussanut ingerlateqqinnejartussaassaaq, taakkua tamatuma kingorna suliassaq nalilersussallugu suliarissallugulu. Akileeqqusisummik tigusaqartoq pisuulluni nalunaarutiginninngippat (akiliisitsinissaq akuerinagu) aammalu piffissamut killiliussap erseqqinnerusumik aalajangersarneqartup iluani akiliisitsissut akilerneqanngippat, taamaaqatai atuutissapput.

Taamatuttaaq aalajangersagaq malillugu, unnerluussutip imarisassaannut piumasaqaatit pillugit aammalu unnerluutigineqartup oqaaseqarnissamut pisussaaffeqannginnera pillugit eqartuussisaatsimut inatsimmi maleruagassat, siunnersuut malillugu akileeqqusinernut taamaaqataanik atuupput.

Akiliisitsinerup annertussusaa ataasiakkaatigut missiliuilluni naliliineq aallaavigalugu aalajangersarneqassaaq. Tassunga atatillugu nalinginnaasumik annertoqqatigiimmik pinninnissamut tunngaviusoq atuutissaaq. Tamatuma ilaatigut kingunerisaanik akiliisitsineq kukkuluttornermut naapertuutinngitsumik annertussuseqassanngilaq.

Akiliisitsinissaq unioqqutitsinerup sakkortussusaa eqqarsaatigalugu aalajangersarneqassaaq, ilanngullugu isumannaallisaanikkut aarlerinaataasinnaasut allat unioqqutitsinerup malitsigisassai, aammalu unioqqutitsinerup annertussusaa kiisalu tamatumani iluanaarutigineqartoq imaluunniit iluanaarutigisassatut siunertarineqartoq.

Aalajangersagaq assersuutigalugu isumannaallisaanermut peqqussutit ersarissumik unioqqutinneqartut paasineqarluni pisoqartillugu imaluunniit aatsitassat annikinnerusut imaluunniit aatsitassat nalitunnginnerusut Naalakkersuisut akuersissuteqartinnagit Kalaallit Nunaanniit anninniarsarineqarlutik, Naalakkersuisut nakkutilliinerannut atatillugu atorneqarsinnaassaaq.

Imm. 6-imut

Aalajangersakkami aalajangersarneqarpoq akiliisitsinerit siunnersuut imaluunniit siunnersuut malillugu aalajangersakkat malillugit pineqaatissiissutigineqartut, nunap karsianut tutsinneqassasut.

§ 74-imut

Imm. 1-imut

Aatsitassat pisussaanani imaluunniit aalajangersakkanik imaluunniit atugassarititaasunik aalajangersarneqartunik unioqqutitsilluni katersorneqartut, piiarneqartut imaluunniit atorneqartut arsaarinnissutigineqarsinnaanerat, aalajangersakkami inatsimmi tunngavissalerneqarpoq.

Imm. 2-mut

Aatsitassat pisussaanani imaluunniit aalajangersakkanik imaluunniit atugassarititaasunik aalajangersarneqartunik unioqqutitsilluni Kalaallit Nunaanniit anninniarsarineqartut imaluunniit anninneqartut arsaarinnissutigineqarsinnaasut, aalajangersakkami inatsimmi tunngavissalerneqarpoq.

Imm. 3-mut

Aatsitassanik pissarsinerup nalaani pissarsisup akuersisummik peqarani aatsitassanik katersisoqartoq, piaasoqartoq imaluunniit atuisoqartoq ilisimallugu imaluunniit ilisimasariaqaraluarlugu, aatsitassat akuersisummik peqarani katersorneqartut, piiarneqartut imaluunniit atorneqartut, imaluunniit taakkua nalingisa arsaarinnissutigineqarnissaannut aalajangersakkami periarfissiisoqarpoq.

Tamanna ilaatigut imm. 1-imi aalajangersakkap avaqqutaarneqarnissaata pakkersimaarneqarnissaanut, taamaalillunilu Namminersorlutik Oqartussat nunatsinni aatsitassarsiornermik suliaqarnermit isertitaqarnissaata qulakkeernissaanut, iluaqutaassaaq.

Imm. 4-mut

Aalajangersagaq malillugu aamma iluanaarutinik imaluunniit aningaasanik taakkununnga naapertuuttunik, aatsitassat pisussaanani imaluunniit aalajangersakkanik imaluunniit atugassarititaasunik aalajangersarneqartunik unioqqutitsilluni katersorneqarnerannut, piiarneqarnerannut imaluunniit imm. 2 malillugu atorneqarnerannut atatillugu pissarsiarineqartunik imaluunniit pisussaanani imaluunniit aalajangersakkanut imaluunniit atugassarititaasunut aalajangersarneqartunik unioqqutitsilluni imm. 2 malillugu Kalaallit Nunaannit anninneqartunik imaluunniit anniseriarluuarneqartunik Naalakkersuisut arsaarinnissinnaapput.

Aningaasartaasa annertussusissaasa aalajangersarnissaanut naammattunik tunngavissaqarsimangippat, aningaasat ataasiakkaatigut naliliineq malillugu iluanaarutigineqartunut naapertuuttut nalilerneqartut, Naalakkersuisut arsaarinnissutigissavaat.

Imm. 5-imut

Aalajangersakkami allassimavoq, Kalaallit Nunaannut pinerluttulerinermut inatsimmi pinerluttuliornermi arsaarinnissuteqartarneq imaluunniit tamatumunnga naapertuutt aningaasartat pillugit maleruagassat, imm. 1-4 malillugit Naalakkersuisut arsaarinnissuteqarnerannut atuuttut.

Pinerluttuliornermi imaluunniit aningaasani tamatumunnga naapertuuttuni iluanaarutinik arsaarinnittarneq pillugu aalajangersakkat taaneqartut taakkua Kalaallit Nunaannut pinerluttulerinermut inatsit kingusinnerusukkut allannguiteqartoq pillugu inatsimmuit nalunaarummi nr. 1045, 7. september 2017-imeersumi atuuttumi §§ 166-170-imi aalajangersagaapput.

Kalaallit Nunaannut pinerluttulerinermut inatsimmi §§ 166-170-imi arsaarinnittarneq pillugu aalajangersakkat taamaalillutik, iluanaarutinik imaluunniit aningaasanik taakkununnga naapertuuttunik, aatsitassanik pisussaanani imaluunniit imm. 1 malillugu aalajangersakkat imaluunniit atugassarititaasut unioqqutillugit katersorneqarnerannut, piiarneqarnerannut imaluunniit atorneqarnerannut atatillugu pissarsiarineqartunik, imaluunniit imm. 2 malillugu pisussaanani imaluunniit aalajangersakkat imaluunniit atugassarititaasut aalajangersagaasut unioqqutillugit Kalaallit Nunaannit anninneqartunik imaluunniit anninniarsarineqartunik Naalakkersuisut arsaarinninnerannut, taamaaqataannik atuupput.

Imm. 6-imut

Aalajangersakkami allassimavoq Naalakkersuisut imm. 1, 2 aamma 3 malillugit nammineerlutik arsaarinnissinnaasut.

Kalaallit Nunaannut pinerluttulerinermut inatsit malillugu oqartussaq attuumassuteqartoq, pissutsit politiinut nalunaarutigineqarsimappata, pinerluttulerinermut inatsimmi

tamatumunnga maleruagassat malillugit tassaavoq arsaarinnissinnaasoq.

Imm. 7-imut

Siunnersuut malillugu sapinngisamik aatsitassat arsaarinnissutigineqartut nunap karsianut iluaqutaasussamik tuniniarneqassapput. Taamatut tuniniaaneq siunnersuutip siunertaa tunngavigalugit tamatumunngalu naapertuuttumik pissaaq, ilanggullugu aatsitassarsiorluni ingerlatassanit isertitat inuiaqatigiinnut tutsinneqassallutik.

Naalakkersuisut aatsitassat naleqarpiannngitsut naliliisoqarpat, aatsitassat arsaarinnissutigineqartut tuniniarneranniit allaanerusumik iliorlutik igissinnaavaat.

§ 75-imut

Aalajangersagaq siunnersuutip piffissamut atuutilernissaanut tunngassuteqarpoq.

Siunnersuutigineqarpoq siunnersuut ulloq 1. juli 2024.

§ 76-imut

Imm. 1-imut

Pisoq inatsisini marluusuni pineqartunut ilaasimatillugu, siunnersuutip aamma aatsitassanut ikummatissanullu inatsisip maannakkut atuuttup imminnut atassuteqarnerat aalajangersakkami aalajangersaavagineqarpoq. Aalajangersagaq malillugu allamik erseqqissumik aalajangiisoqarsimatinngagu, siunnersuut atorneqassaaq (tassa imappaq: aatsitassanut ikummatissanullu inatsit atorneqassanani).

Imm. 2-mut

Pisoq inatsisini marluusuni pineqartunut ilaasimatillugu, siunnersuutip aamma aatsitassanut tunngasunik suliaqarneq pillugu Inatsisartut inatsisaata imminnut atassuteqarnerat aalajangersakkami aalajangersaavagineqarpoq. Aalajangersagaq malillugu allanik erseqqissumik aalajangiisoqarsimatinngagu, siunnersuut atorneqassanngilaq.

§ 77-imut

Imm. 1-imut

Aalajangersagaq malillugu aatsitassat pillugit ingerlatassat, ilanggullugit katersineq, piaaneq atuinerlu, siunnersuummi aammalu aatsitassanut ikummatissanullu maannakkut atuuttumi pineqartunut ilaasut, aammalu siunnersuutip atuutilernissaa sioqqullugu suliarineqarsimasut, siunnersuummi pineqartunut ilaatinneqarput.

Aalajangersagaq malillugu aammattaaq aatsitassarpianut, ingerlatassani matuma siuliani

taaneqartuni katersorneqartunut, piiarneqartunut imaluunniit atorneqartunut siunnersuut atuuppoq.

Imm. 2-mut

Kalaallit Nunaanni illuliassami imaluunniit attaveqaasersuutinut suliassami illuliornermut atortussatut imaluunniit sanaartornermut atortussatut atugassanik ujaraaqqanik, ujaqqanik assigisaannillu aatsitassanik katersinissamut piiaanissamullu akuersissuteqarnerit, siunnersuutip atuutilernerani akuerineqareersimasut, atuuttussaaginnarnissaat aalajangersakkami qulakkeerneqassaaq. Siunnersuut aamma Inatsisartut inatsisaata atuutilernerani atortussanut akuersissuteqarnernut taamaattunut, akuersissuteqarnerit taamaattut malillugu pisinnaatitaasunut aamma ingerlatassanut akuersissuteqarnerit taamaattut malillugit suliarineqartunut atuutissaq.

Imm. 3-mut

Aammattaaq aalajangersakkami aalajangersarneqarpoq, siunnersuut ingerlatassat pissutsillu aatsitassanut tunngasut, aatsitassanut ikummatissanullu inatsimmi pineqartunut ilaasut, pillugit aalajangiinernut, aammalu siunnersuutip atuutilernissaa sioqqullugu aalajangiiffiqeqarsimasunut, atuuttoq.

Imm. 4-mut

Aalajangersakkami aalajangersarneqarpoq, aatsitassanut Inatsisartut inatsisaata atuutilinnginnerani arsaarinnissutigineqartunut, Inatsisartut inatsisaat atuuttoq.

Imm. 5-imut

Aalajangersakkami aalajangersarneqarpoq, Inatsisartut inatsisaanni kapitali 2 sumiiffinni aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissummi, ulloq 1. oktober 2024 tikitsinnagu tunniunneqarsimasumi, pineqartunut ilaasuni atuutissanngitsoq. Sumiiffiit taakku suli aatsitassanut ikummatissanullu inatsimmi pineqartunut ilaassapput.

Aalajangersakkamut siunertaavoq, sumiiffinnut allanik tunngaveqartumik akuersissummik tunniussivigineqarsimasunut tunngatillugu Inatsisartut inatsisaata kingumoortumik atuutilersumik atuutilersinneqannginnissaa.

Taamaattoq sumiiffinni aatsitassarsiorluni misissuinissamut pineqartunut ilaasuni najukkameersut katersisarnerat pillugu aatsitassanut ikummatissanullu inatsimmi aalajangersakkat annikinnerusumik allanngortinneqarput. Inatsisartut inatsisaanni "aalajangersimasumik najugaqartumut" nassuaassut aatsitassanut ikummatissanullu inatsimmut nuutinneqarpoq, aammalu akuersissummik peqarani katersisarnermut 100.000 koruuninik killiliineq peerneqarpoq. Tamanna allaffissornermik pissuteqartumik pivoq aammalu sumiiffiit pineqartut iluanni ingerlatassat annertussusaannut sunniuteqassasoq naatsorsuutigineqarani. Taamatullu akuersissutit pineqartut kisarmaassisussaatitaalluni

akuersissutitut inisisimancerannut tamanna sunniuteqassanngilaq.

Aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissut, ulloq 1. oktober 2024 tikitsinnagu tunniunneqarsimasoq, malillugu pisinnaatitsissummik pigisaqartup sumiiffik akuersisummik pigisaminiittoq, akuersisummut atugassarititaasut allanngortinnerisigut aatsitassanut ikummatissanullu inatsimmut taarsiullugu Inatsisartut inatsisaanni aalajangersakkani pineqartunut ilaatalissallugu toqqarsinnaavaa.

Imm. 6-imut

Aalajangersakkami alassimavoq, aatsitassat pillugit aalajangersakkat, akuersissutinut akuersissuteqarnernullu atugassarititaasut nalinginnaasut aamma atugassarititaasut, siunnersuutip atuutilernerata nalaani atuuttut, aalajangersakkat ilaalu ilanngullugit atorunnaarsinneqarnissaasa imaluunniit aalajangersakkanik nutaanik siunnersuut malillugu aalajangersarneqartunik taarserneqarnissaasa tungaanut, atuutiinnassasut.

Tusarniaanermut allakkiaq

Oqartussanut kattuffinnullu tusarniaaneq

Inatsisissatut siunnersummut missingiut piffissami 2023-mi ulloq 12. oktobari aallartittumik ullup 17. novembarip tungaanut Naalakkersuisut tusarniaanermut nittartagaanni www.naalakkersuisut.gl-imil tamanut saqqumitinneqarpoq.

Siunnersuut piffissami tassani oqartussani, kattuffinni ilaalu ilanngullugit, makkunani tusarniaassutigineqarpoq:

Asiaq, Avannaata Kommunia, DCE, GEUS, Nunatta Eqqartuussivia, Sulisitsisut, Pinngortitaleriffik, Kalaallit Nunaanni Politiit, ICC, Kommune Kujalleq, Kommune Qeqertalik, Kommuneqarfik Sermersooq, Nunatta Nakorsaaneqarfia, Nunatta Katersugaasivia Allagaateqarfialu, Nuna Advokaatit, Nunagreen, NUSUKA, Qeqqata Kommunia, SIK, Tusass, Ilanngaaserisoqarfik, Transparency International Greenland, WWF, Urani naamik, Mingutsitsinngitsumut Allanngoriartortitsinermut Siunnersuisooqatigiit, Ataavartumik Nukissiorneq, Nuup Kangerluata Ikinngutai, Visit Greenland, pisinnaatitsisummiq pigisaqartut aatsitassat ikummatisallu pillugit Inatsisartut inatsisaat malillugu piiaanissamut akuersisummiq peqartut tamarmik aamma annikitsumik aatsitassarsiornissamut akuersissut malillugu pisinnaatitsisummiq pigisaqartut tamarmik.

Makkua tusarniaanermut akissuteqaammik nassiussipput:

Amaroq Minerals Ltd, Anglo American, BDO, Bluejay Mining Plc, Bo Eder-Jensen, Energy Transition Minerals Limited, Greenfields Exploration Limited, Greg Barnes, Sulisitsisut, Grønlandsbanken, Hudson Resources Inc., Kaali Fencker, Kommune Kujalleq, Kommuneqarfik Sermersooq, Lumina Sustainable Materials A/S, Aqqartartut suliffeqarfiat MASIK, Nalik Ventures, Nuna Advokaatit, Palle Møller, Qeqqata Kommunia, Resource 500 aamma Resource 500 Fevti, SIK, Transparency International Greenland. Naalakkersuisut tamatuma saniatigut kinaassutsiminiq isertuussisunit tusarniaanermut akissuteqaatit pingasut tiguaat.

Oqaaseqaatit tiguneqartut matuma kinguliani naalisarlugit nalinginnaasumik allannilerlugit issuarneqarput, Naalakkersuisut oqaaseqaatai uingasumik allassimallutik.

Makku oqaaseqaatissaqarsimannigillat: Qeqqata Kommunia.

Amaroq Minerals Ltd

Amaroq Minerals Ltd-ip najukkameersut aatsitassanik piiaasinnaanissaannik oqilisaassinissaq pillugu siunnersuutip siunertaa tapersorsorpaa, aammalu aatsitassarsiorfiutileqatigiiffit

aamma najukkaneersut assigiinngitsunik aatsitassanik siunnerfeqartut, ataatsimoorlutik piusinnaasariaqaraluartut kissaatigineqarnera paasisinnaallugu.

Amaroq Minerals Ltd-ip aatsitassarsiorluni misissuinissamut akuersissutip pigisamik kisermaassisussaatitaalluni pisinnaatitaaffittut inisisimanera isumanerluutigaa.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguiteqartitsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissangillat. Sumiiffinni taakkunani maannamut pisartutut kisermaassisussaatitaaneq aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinnejqarpoq, taamaalilluni najukkaneersut aatsitassanik, aatsitassarsiorluni misissuinissamut akuersissummi pineqartunut ilaasunik, saniatigut tunisassiassatut taamaallaat piiqaqusaallutik, tamannalu siunissami pisinnaatitsissumvik pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerinnissaaq, takuuk siunnersuummi § 10, imm. 2.

Suleriaaseq atuuttoq malillugu aatsitassarsiorluni misissuinissamut akuersissummi aatsitassat tamarmik ilaatinnejqarput, aatsitassat qinngornernik ulorianartunik akullit ikummatisiassallu (uulia gassilu) ilaamatik. Siunissami Naalakkersuisut suleriaaseq allanngortinniarpaat, taamaalilluni aallaaviatigut aatsitassarsiorluni misissuinissamut akuersissutini taamaallaat aatsitassat suliffissaqarnermi atorneqartartut ilaatinnejqartalissallutik, tassa imaappoq aatsitassat tamarmik, ilaatinnejqaratik aatsitassat qinngornernik ulorianartunik akullit, ikummatisiassat, ujaqqat pinnersaasiassat aammalu aatsitassat katersugaatigineqartartut erseqqinnerusumik aalajangerneqartut ilai.

Amaroq Minerals Ltd-ip aammattaaq allat ingerlataannik, aningaasaliisartunit taarsigassarsitisartuniillu piumasaqaatigineqartunut naapertuitinngitsunik, nalunaarusiornissamik pinngitsaalineqarsinnaaneq isumanerluutigalugu oqaatigaa.

Piumasaqaatinut aningaasaliisartunit taarsigassarsitisartuniillu piumasaqaatigineqartartunut Naalakkersuisut sunniisinnaanngillat. Aningaasaliisartut taarsigassarsitisartullu sumiiffinni allap ingerlatai pillugit nalunaarusianik piumasaqassappata, ingerlatat siunnersuut malillugu suliarineqartut pillugit nalunaarusiat, ingerlatat allat sumiiffimmi suliarineqartut, assersuutigalugu assaalluni suliaqarneq annertunerusumik ingerlannejqarluni, pillugit nalunaarusianit, annertunerusumik allaanerunavianngillat, ilanngullugit inuussutissarsiorluni ingerlatat.

Amaroq Minerals Ltd-ip aamma sumiiffimmi akuersissuteqarfimmintti najukkaneersut

ingerlataqarnerannut atatillugu ajutoortoqarluni pisoqassappat, tusaamasaanermik ajoquserneqarsinnaanera aarleqqutigalugu aamma oqaatigaa.

Ajutoorneq sumiiffimi akuersissuteqarfiusumi aatsitassarsiorluni ingerlatassanik suliaqarnerup nalaani pisoq, ajutoornerup allanik ingerlatassanik suliaqarnerup nalaani pisimaneraniit, pisinnaatitsisummiik pigisaqartup tusaamaneqarneranik ajoqusiinerusinnaammatt, Naalakkersuisut paasilluarsinnaavaat. Taamaattoq ajoqusiineq pisimasoq pisinnaatitsisummiik pigisaqartup ingerlatassanik suliaqarneranut atassuteqarani pisimappat, ajutoorneq annertuumik pakkersimaarniarneqarsinnaassaaq. Pisinnaatitsisummiik pigisaqartup upernarsarneqarsinnaasunik annaasaqarsinnaanerata pingaaruteqanngitsumik aarlerinaateqarnera, najukkameersut sumiiffimi ingerlatassanik suliaqarnissaannik akuersiumannginnermut tunngavilersuutigineqarsinnaanngilaq.

Kiisalu Amaroq Minerals Ltd-ip sumiiffimi akuersissuteqarfiusumi najukkameersut ingerlataqarnerisa, peqarfimmik paasinarsisinneqartumik tusaamanerlutsilsilernerna aarleqqutigaa.

Najukkaneersut akuersisummiik peqaratik ingerlataqarnerisa annertussusissaat isumanerluutigalugu tusarniaanermut akissuteqaatini arlalinni oqaatigineqarmat, ingerlatassanut taakkununnga killiliineq ilanngunneqarpoq, taamaalillutik najukkameersut akuersisummiik peqaratik ingerlatassanik suliaqartut sullup isaariaanik itersalianillununamut sanilliullugu uittorlugu 1 meterimit itinerusunik pilersitseqqusaanatik, takuuk siunnersuummi § 7, imm. 2. Najukkaneersut akuersisummiik peqaratik ingerlataat taamaalillutik taamaallaat peqarfinnik nunap qaavata ateralaannguaniittunik annertuumik annertussusilimmik sunniisinnaassapput.

Anglo American

Anglo Americanip najukkaneersut aatsitassanik piianissamut periarfissarissaarnerulerneisa tungaanut ineriertortitsineq taperserpaa, kisianni taamaattoq oqaatigalugu, inatsit siunnersuutigineqartoq nunani tamalaani suleriaatsinut pitsaanerpaanut naapertuunnersoq, misilitakkatik misissueqqissaarnerillu tunngavigalugit, aarleqqutigalugu. Anglo American pingaaartumik isumaqarpoq, najukkameersut akuersisummiik peqaratik ingerlassaat erseqqinnerusumik maleruagassiivigineqannginnerisa isumanerluutiginissaanut tamanna pissutissaqalersitsisoq, ilangullugu akisussaaffimmik inissiinissaq ajornakusoorsinnaasoq, tassami nalunaarsuisoqartussaanngimmat.

Naalakkersuisut tassunga atatillugu oqaatigissavaat, ammanerulersitsinissaq aammalu sumiiffimi maleruagassiinnginnerunissaq, siunnersuummi siunertaasut pingarnerit ilagigaat. Najukkaneersut akuersisummiik peqaratik ingerlatassanik suliaqartut inatsisit nalinginnaasut malittussaagaat, takuuk § 7, imm. 1 "inatsisit allat ataqqillugit".

Peqqinnissamut isumannaallisaanermullu piumasaqaateqannginneq pissutigalugu

najukkaneersut suliaqartuusut peqqissusaat isumannaassusaallu isumanerluutigalugu Anglo Americanip oqaatigaa.

Najukkaneersut siunnersuut malillugu akuersissummik peqaratik ingerlatassanik suliaqartut, isumannaallisaanermut peqqinnissamullu piumasaqaatit, allanut tamaginnut assingusunik ingerlatassanik suliaqartunut piumasaqaatigineqartartut, assingi malittussaavaat. Assersuutigalugu sakkunik tigummiaannartakkanik atuinermi, allanut atasumik sakkumik atuisussangoraanni isumannaallisaanermut atortoq immikkullarissoq pisariaqarpat, siunnersuut malillugu ingerlatassanut sakkumik atuigaanni, isumannaallisaanermut atortoq taanna aamma pisariaqartussaavoq.

Anglo Americanip saliinissamut piumasaqaateqannginneq alapernaarsuisussaannginnerlu piisutigalugit, avatangiisini naasoqartunilu ajoqsiinissaq isumanerluutigalugu oqaatigaa.

Tusarniaaffigineqartut arlallit avatangiisinut pinngortitamullu ajoqsiinissat isumanerluutigalugit oqaatigaat, taamaattumik avatangiisinik innarlitsaaliuinissamut maleruagassat nalinginnaasut malinneqarnissaat pillugu piumasaqaat erseqqissarneqarpoq, takuuk siunnersuummi § 6, imm. 1.

Anglo Americanip aammattaaq kuuit allallu sumiiffiit imeqartut, nunami suliaqarnerup malitsigisaanik nerorneqalernissaat ajoquserneqarnissaallu isumanerluutigalugu oqaatigaa.

Akuersissummik peqarani ingerlatassat tassani pineqarmata, suliaqartussaq taamaalilluni sumiiffiit ingerlatassat suliarineqarfissaannut pisinnaatitaaffeqarani, naatsorsuutigineqarpoq ingerlatassat annertussusaat killeqartumik annertussuseqartussaasut. Najukkameersoq ingerlatassanik annertunerusunik suliaqarnissamik kissaateqarpat, aningaasaliinissaq pisariaqarluni, pineqartup najukkani aatsitassanut tunngasunik suliaqarnissamut kisremaassisussaatitaalluni akuersissummik qinnuteqarluni sumiiffimmut pisinnaatitaaffiminik qulakkeerinninnissaa ilimagineqarpoq, taanna malillugu ingerlatassat ataasiakkaat Naalakkersuisunit akuersissuteqarfigineqarnissaat piumasaqaataassalluni aammalu atugassarititaasut attuumassuteqartut malinneqartussaassallutik.

Sulisusanik atuisinnaaneq, inooqatigiinnerup ingerlasarnerini allanngoriartornerit, sumiiffiit akornanni pisoqarneri aammalu avataaneersut sunniinissaat, tamatuma saniatigut Anglo Americanip eqqaavai.

Taamatut isumanerluuteqarneq Kalaallit Nunaannit isigalugu attuumassuteqartoq takuneqarsinnaanngilaq.

Anglo Americanip aammattaaq najukkaneersut akornanni peqarfiiit nalitunerusut akerleriissutigineqalersinnaanerat mianersoqqussutigaa.

Siunnersuut akerleriissuteqalernissamut pissutissaqalersitsissasoq naatsorsuutigineqanngilaq. Ajornartorsiut siunnersuummi imaluunniit inatsisini atuuttuni sammineqanngilaq, taamaalillunilu akerleriittoqalersinnaanera allannguuteqanngilaq. Aamma ajornartorsiutip maleruagassiiviginissaa tunngavissaqarsorineqanngilaq, tassami maannamut taaneqartutut ittunik akerleriittoqarnerinik nalunaarsuisoqarsimannngimmat.

Kiisalu nalunaarsuisannginneq pissutigalugu najukkaneersut akisussaassusilimmik piiaanerat tapersorsorniapiroornarsinnaasoq, aammalu najukkaneersut akuersissummik peqaratik akileraarusersniapiroornarsinnaasut, Anglo Americanip tikkuarpaa.

Ammannerulersitsinermi maleruagassiiinnginnerulernermilu siunnersuutigineqartutut ittuni, innuttaasut ingerlatassanik pineqartunik suliaqartut inatsisit malillugit akisussaassusilimmillu iliuuseqartut oqartussat tatigisariaqarpaat, ilanggullugu akileraartarnermut oqartussat maleruagassat atuuttut malillugit isertitassai taamaatinneqartut.

BDO

Najukkani aatsitassanut tunngasunik suliaqarnerup sappingisamik orniginartunngortinnissaa naleqquttoq, BDO-p pingaarnertigut isumaqatigaa.

Taamaattoq najukkaneersut sumiiffinni aatsitassarsiorluni misissuinissamut akuersissutini pineqartunut ilaasuni ingerlatassanik suliaqarnissamut annertusisamik periarfissaqalerteranni, aatsitassarsiorfissat aningaasalersornissaat ajornakusuulersinnaasoq, BDO-p isumanerluutigaa.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguuteqartitsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissangillat. Sumiiffinni taakkunani maannamut pisartutut kisermaassisussaatitaaneq aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinnejqarpoq, taamaalilluni najukkaneersut aatsitassanik aatsitassarsiorluni misissuinissamut akuersissummi pineqartunut ilaatinneqartunik taamaallaat saniatigut tunisassiassatut piiqaqusaallutik, tamannalu siunissami pisinnaatitsissummik pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerinissaaq, takuuk siunnersuummi § 10, imm. 2.

Suleriaaseq atuuttoq malillugu aatsitassarsiorluni misissuinissamut akuersissummi aatsitassat tamarmik ilaatinnejqarput, aatsitassat qinngorernik ulorianartunik akullit

ikummatissiassallu (uulia gassilu) ilaanatik. Siunissami Naalakkersuisut suleriaaseq allanngortinniarpaat, taamaalilluni aallaaviatigut aatsitassarsiorluni misissuinissamut akuersissutini taamaallaat aatsitassat suliffissuaqarnermi atorneqartartut ilaatinneqartalissallutik, tassa imaappoq aatsitassat tamarmik, ilaatinneqaratik aatsitassat qinngorernik ulorianartunik akullit, ikummatissiassat, ujaqqat pinnersaasiassat aammalu aatsitassat katersugaatigineqartartut erseqqinnerusumik aalajangerneqartut ilai.

Bluejay Mining Plc

Bluejay Mining Plc-ip ilimagaa aatsitassanut ikummatissanullu inatsit malillugu aatsitassarsiorluni misissuinermi ingerlatat Kalaallit Nunaanni naammattumik aningaasarsiortitsisut Naalakkersuisut isumaqannginnerat, Naalakkersuisut aatsitassanut suliassaqarfimmi inatsisinik iluarsaassinerannut tunngavilersuutigineqartoq.

Taamaattoqanngilaq.

Bluejay Mining Plc aammattaaq isumaqarpoq, inatsisiilornerup ingerlanerani naammattumik akuutinneqarsimanatik, taamaattumillu Bluejay Mining Plc-imut naleqqunnerusumik aaqqiissutissarsisinaanissamut, siunnersuut tunuartinneqartariaqaraluartoq.

Siunnersuut inatsisit malittarisassallu, Inatsisartut inatsisaannut siunnersuutinik suliaqarnermut saqqummiussinermullu atuuttut, malillugit suliarineqarpoq. Naalakkersuisut akuttunngitsumik suliffissuit oqaloqatigisarpaat, aammalu piffissap tusarniaaffiusup ingerlanerani ilaatigut Bluejay Mining Plc-ip peqataaffigisaanik ataatsimiititsisoqarpoq, aammalu tusarniaanermut akissuteqaammik, allakkiami matumani sammineqartussamik, aammalu siunnersuummi allanngortitsinermik kinguneqarsinnaasumik, nassiussinissamut periarfissaqarluni. Siunnersuummut Bluejay Mining Plc-imut naleqqussagaasumut nutaamut tunngatillugu, Inatsisartut inatsisaat tamanut atuuttussaavoq aammalu inatsimmik sapinngisamik annertunerpaamik soqutigisaqartut tamaasa eqqarsaatigalugit suliaqarnissaq Naalakkersuisut siunertaraat.

Bluejay Mining Plc-ip aatsitassarsiorluni misissuinissamut akuersissutip pigisami kisermaassisussaatitaalluni pisinnaatitaaffittut inisisimanera isumanerluutigalugu oqaatigaa, ilanngullugu tamatuma aningaasalersuinissaq ajornakusoortilersinnaagaa.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguuteqaritsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissangillat. Sumiiffinni taakkunani maannamut pisartutut kisermaassisussaatitaaneq aalajangiusimaannarneqarpoq, takuuq siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinneqarpoq,

*taamaalilluni najukkaneersut aatsitassanik aatsitassarsiorluni misissuinissamut
akuersissummi pineqartunut ilaatinneqartunik taamaallaat saniatigut tunisassiassatut
piiaaqusaallutik, tamannalu siunissami pisinnaatitsissummik pigisaqartut aatsitassanut
akuersissummi pineqartunut ilaasunut kisermaassisussaatitaallutik pisinnaatitaaffeqarnerinik
qulakkeerinnissaaq, takuuk siunnersummi § 10, imm. 2.*

*Suleriaaseq atuuttoq malillugu aatsitassarsiorluni misissuinissamut akuersissummi
aatsitassat tamarmik ilaatinneqarput, aatsitassat qinngorernik ulorianartunik akullit
ikummatissiassallu (uulia gassilu) ilaanatik. Siunissami Naalakkersuisut suleriaaseq
allangngortinniarpaat, taamaalilluni aallaaviatigut aatsitassarsiorluni misissuinissamut
akuersissutini taamaallaat aatsitassat suliffissuaqarnermi atorneqartartut
ilaatinneqartalissallutik, tassa imaappoq aatsitassat tamarmik, ilaatinneqaratik aatsitassat
qinngorernik ulorianartunik akullit, ikummatissiassat, ujaqqat pinnersaasiassat aammalu
aatsitassat katersugaatigineqartartut erseqqinnerusumik aalajangerneqartut ilai.*

Bluejay Mining Plc isumaqarpoq, najukkanik aatsitassanut tunngasunik suliaqarnerup
suuneranik Naalakkersuisut paasinninnerat equmiitsuusoq, tassami naak sulisut arlallit
Kalaallit Nunaanni najugaqaraluartut, Bluejay Mining Plc-ip ingerlatai najukkameersutut
isigineqannigmata.

*Taaguummi "najukkami aatsitassanut tunngasunik suliaqarneq", ingerlatassat pineqartut
suliarinissaannut najukkamut atassuteqartuunissaq, imaluunniit aatsitassat piiarneqartussat
najukkami atorneqartussaasut, innersuussutigineqarpoq. Aatsitassarsiorluni misissuinissamut
akuersissutinut tunngatillugu assingusunik piumasaqaateqanngilaq.*

Siunnersut malillugu najukkaneersut aatsitassanik annissiniarneranni, avammut
annissinissamut akuersissuteqartoqarnissaata piumasaqaatigineqannginnerata kingunerisaanik,
inuiaqatigiit kalaallit akileraarutinit isertitassat annaasussaagaat, aammattaaq
isumanerluutigalugu Bluejay Mining Plc-ip oqaatigaa.

*Najukkaneersut inuussutissarsiutigalugu aatsitassanik annisisussat, inuussutissarsiortutut
allatuulli akileraarutitigut nakkutigineqartussaapput. Inuussutissarsiummut tassungarpiaq
immikkut nakkutiginninnermi iliuusissanik atuutsitsinissaq tunngavissaqartoq
takuneqarsinnaanngilaq.*

aatsitassanut tunngasunik suliaqarneq pillugu Inatsisartut inatsisaat malillugu
aatsitassarsiorluni misissuinissamut akuersissutinik tunniussinermi taamatut
piumasaqaateqartoqarmat, akuersissutip tunniunneqannginnerani najukkani aatsitassanut
tunngasunik suliaqarnissamut kisermaassisussaatitaalluni akuersissutinik qinnuteqaatit
tamanut ammasumik tusarniaassutigineqartussaannginnerat, Bluejay Mining Plc-ip
equmiigaa. Bluejay Mining Plc isumaqarpoq, najukkami aatsitassanut tunngasunik
suliaqarnissamut kisermaassisussaatitaalluni akuersissut malillugu ingerlatassat,

aatsitassarsiorluni misissuinissamut akuersissut malillugu ingerlatassaniit, annertunerusumik avatangiisirut arlerinartorsiortitsisussaasut.

Aatsitassanut tunngasunik suliaqarnissamut kisermaassisussaatitaalluni akuersissutit sumiiffimmut 1 kvadratkilometerimut tunniunneqartarput, tassalu sumiiffimmut annikitsuaqqamut. Akuersissut malillugu ingerlatassat tamarmik Naalakkersuisunit akuersissuteqarfingeqartussaapput, aammalu ingerlatassat avatangiisirut annertuumik sunniuteqarsinnaasut suliarineqarnissaat kissaatigineqarpat, avatangiisirnik nalilersuisoqarnissaa piumasaqaatigineqarsinnaavoq. Aatsitassarsiorluni misissuinissamut akuersissutinik tunniussinissamut tamanut ammasumik tusarniaanissap piumasaqaatigineqarneranut tunngavilersuutaasunut tunngatillugu takukkit aatsitassanut tunngasunik suliaqarneq pillugu Inatsisartut inatsisaannut nassuaatit.

Bluejay Mining Plc aamma isumaqarpoq, siunnersuut isumannaallisaanermut avatangiisillu illersorneqarnissaannut malitassanik appasinnerusunik kinguneqarsinnaasoq, aammalu assersuutigalugu kina akuutissanik uumaatsunik kuutsitsisoornermut akisussaasuunersoq paasiniapiloonrarsinnaasoq.

Tusarniaanermut akissuteqaatip tassunga tunngasortaa paatsoornermik tunngaveqarpasippoq, tassami siunnersuummi najukkameersut akuersissummik peqanngitsut, akuutissanik uumaatsunik atuinissamut pisinnaatitaaffilerneqanngillat. Isumannaallisaanermut avatangiisillu tunngatillugu, najukkameersut akuersissummik peqanngitsut allat tamaasa assigalugit malitassat assigiit isigniartussaavaat. Avatangiisirut tunngasunut tunngatillugu tamanna erseqqissarniarlugu siunnersuummi aalajangersagaq, tamatuminnga erseqqissaasoq, ilangunneqarpoq, takuuk siunnersuummi § 6, imm. 1.

Kiisalu Bluejay Mining Plc-ip tikkuarpa, najukkaneersut aamma aatsitassarsiorluni misissuinermut ingerlatseqatigiiffiit akornanni suleqatigiinnissamik tunngavissiisunik siunnersuummi kajumissaaruteqanngitsoqat, aammalu aaqqissuussineq siunnersuutigalugu, taanna malillugu suleqatigiinnissamut isumaqatigiissuteqarnissaq siunertaralugu najukkameersut pisinnaatitsissummik pigisaqtunut saaffiginnissinnaallutik.

Kalaallit Nunaanni isumaqatigiissuteqarnissamut kiffaanngissuseqarneq atiuuppoq, aammalu najukkaneersut pisinnaatitsissummillu pigisaqartut akornanni isumaqatigiissuteqarsinnaanerup akuliuffiginissa Naalakkersuisut suliassarinngilaat. Najukkameersut suleqatigiinnissamut isumaqatigiissuteqarnissaq siunertaralugu aatsitassarsiorluni misissuinermut ingerlatseqatigiiffinnut saaffiginninnissamut periarfissaqareerput.

Bo Eder-Jensen

Bo Eder-Jensenip siunnersuutip tamanut ammasumik tusarniaassutigalugu

nassiunneqarsimasup allannguuteqartinnginnissaa taperserpaa, tassami tamanna tamaginnut suliassamik oqilisaasussaammat.

Energy Transition Minerals Limited

Energy Transition Minerals Limitedip tamakkiisunut Sulisitsisunit tusarniaanermut akissuteqaat taperserpaa, takukkit matuma kingulianiittut.

Energy Transition Minerals Limitedip nunani tamalaani misilitakkat aallaavigalugit inassutigaa, najukkaneersut akuersissummik peqaratik aatsitassanut tunngasunik ingerlatassanik suliaqarnissamut annertusisamik pisinnaatitaaffeqalersinneqassangitsut. Ilaatigut aaqqissuussaasumik pinerluttuliortarneq nakuusernertalimmillu isumaqatigiinngittarnerit eqqaaneqarput.

Taamatut isumanerluuteqarneq Kalaallit Nunaannit isigalugu attuumassuteqartoq takuneqarsinnaanngilaq.

Energy Transition Minerals Limitedip aatsitassarsiorluni misissuinissamut akuersissutip pigisami kisermaassisussaatitaalluni pisinnaatitaaffittut inisisimanera isumanerluutigalugu oqaatigaa, isumaqarlunilu akuersissutinut atuutereersunut tunngatillugu taarsiissutitalimmik piginnikkunnaarsitsinermut akuluttoqartoq tassani pineqarsinnaasoq.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguuteqaritsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissanngillat. Sumiiffinni taakkunani maannamut pisartutut kisermaassisussaatitaaneq aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinneqarpoq, taamaalilluni najukkaneersut aatsitassanik aatsitassarsiorluni misissuinissamut akuersissummi pineqartunut ilaatinneqartunik taamaallaat saniatigut tunisassiassatut piiiaaqquaallutik, tamannalu siunissami pisinnaatitsissummik pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerinissaaq, takuuk siunnersuummi § 10, imm. 2.

Suleriaaseq atuuttoq malillugu aatsitassarsiorluni misissuinissamut akuersissummi aatsitassat tamarmik ilaatinneqarput, aatsitassat qinngornernik ulorianartunik akullit ikummatissiassallu (uulia gassilu) ilaanatik. Siunissami Naalakkersuisut suleriaaseq allanngortinniarpaat, taamaalilluni aallaaviatigut aatsitassarsiorluni misissuinissamut akuersissutini taamaallaat aatsitassat suliffissaqarnermi atorneqartartut ilaatinneqartalissallutik, tassa imaappoq aatsitassat tamarmik, ilaatinneqaristik aatsitassat qinngornernik ulorianartunik akullit, ikummatissiassat, ujaqqat pinnersaasiassat aammalu

aatsitassat katersugaatigineqartartut erseqqinnerusumik aalajangerneqartut ilai.

Greenfields Exploration Limited

Najukkaneersut sumiiffinni aatsitassarsiorluni misissuinissamut akuersissutini pineqartunut ilaasuni siunnersuut malillugu ingerlatassaminik suliaqarnissamik kissaateqartut, sumiiffimmut ingerlaalinnginnerminni aatsitassarsiorluni misissuinissamut akuersissut malillugu pisinnaatisssummik pigisaqartoq ilisimatittassagaat, Greenfields Exploration Limitedip siunnersuutigaa.

Greenfields Exploration Limitedip siullermik pingaarnertullu taamatut siunnersuuteqarneq, isumannaallisaanermut tunngatillugu ajornartorsiulersinnaanermik, tunngavilersorpaa, tassami aatsitassarsiorluni misissuinermi ingerlatassat najukkani suliaqartuusunut navianarsinnaammata.

Sumiiffimi ingerlatanik sunik suliaqarneq apeqqutaatinnagu, sumiiffinni aatsitassarsiorluni misissuinissamut akuersissummi pineqartunut ilaasuni angalaarnissaq imaluunniit uningaarnissaq inerteqqutaanngilaq. Aatsitassarsiorluni misissuineq pillugu ingerlatassat kisimik pisinnaatisssummik pigisaqartunut inniminnigaapput. Assersuutigalugu sumiiffimi aatsitassarsiorluni misissuiffigineqartumi aatsitassanik maaniinnarmiittunik katersinissaq, inatsisini atuuttuni akuerisaavoq, taamatullu sumiiffimi aatsitassarsiorluni misissuiffigineqartumi aallaaniarnissaq imaluunniit pisunnissaq akuerisaavoq. Aatsitassarsiorluni misissuinissamut akuersissummi pisinnaatisssummik pigisaqartoq, sumiiffimmukarnissamut sumiiffimmilu ingerlataqarnissamut maleruagassiinissamut, immikkut piginnaatinneqanngilaq. Inuk siunnersuut malillugu ingerlatassanik suliaqartoq, inunnut allanut, sumiiffimi angalaartunut sanilliullugu annertunerusumik navianartorsiortussaanngilaq.

Najukkaneersut aatsitassarsiorluni misissuinissamut akuersissut malillugu ingerlatassanut akornusersueqqusaanngitsut, najukkaneersut pisinnaatisssummik pigisaqartup isumannaallisaanermut ilitsersuutai malittussaagaat aammalu pisinnaatisssummik pigisaqartoq taarsiinissamik akisussaatinneqalersinnaanngitsoq, siunnersuummi maleruagassiivigineqarnersoq, Greenfields Exploration Limitedip apeqqutigaa.

Siunnersuummi § 10, imm. 3-mi aalajangersagaq, najukkaneersut sumiiffimi aatsitassarsiorluni misissuinissamut akuersissummi pineqartunut ilaasumi akuersissummi peqaratik ingerlatassanik suliaqartut, pisinnaatisssummik pigisaqartup ingerlatai ataqqissagaat, erseqqissaaviusoq, ilangunneqarpoq.

Isumannaallisaanermi ilitsersuinerit malinneqarnissaat pillugu apeqqummut tunngatillugu, tamanna najukkaneersunut, siunnersuut malillugu ingerlatassanik suliaqartunut, allanut sumiiffimi angalaartunut atuuttut assingi, atuuttussaapput.

Taarsiinissamut akisussaasuunermut tunngatillugu, tamanna taarsiinissamut akisussaasuuneq pillugu maleruagassat nalinginnaasut, aammalu maleruagassat aatsitassanut tunngasunik suliaqarneq pillugu Inatsisartut inatsisaat malillugu atuuttut, malillugit maleruagassiivigineqarpoq.

Greenfields Exploration Limitedip siunnersuutigaa, najukkaneersunut aatsitassanut tunngasunik suliaqarnermik ingerlatsisunut akuersissutit piumasarineqassasut aammalu nalunaarusiornissamut piumasaqaatinik aalajangersaasoqassasoq. Ilaatigut allassimavoq nalunaarusiornissaq piumasaqaatigineqanngippat, saliinissamut 250.000 koruunit killiliunneqartut nakkutigineqarsinnaanngitsut.

Najukkaneersut aatsitassanik piiaasinnaanerisa oqilisaavigineqarnissaa, siunnersummi siunertaasut pingaarcerit ilagaat. Ingerlatassat siunnersuut malillugu akuersissummik peqarani suliarineqarsinnaasut annikitsuaraapput,, akuersissutinik, akuersissuteqarnernik nalunaarusiortarnissamillu piumasaqaateqarnissaq naapertuutinngitsumik nammagassiivallaartussaalluni.

Naalakkersuisut 250.000 koruuninik killiliinerup malinneqarnerata nakkutiginissaanut periarfissaqarnerannut tunngatillugu, Greenfields Exploration Limitedip siunnersuutip imarisai paatsoorsimavai. 250.000 koruuninik killiliineq, najukkani aatsitassanut tunngasunik suliaqarnissamut kisermaassisussaatitaalluni akuersissutinut, ingerlatassanik akuersissuteqarnissaq pillugu piumasaqaatinik nalunaarusiornermullu piumasaqaatinik malinnittussaatitaasunut, atuuppoq.

Greenfields Exploration Limitedip siunnersuutigaa, najukkaneersut sumiiffimmi aatsitassarsiorluni misissuinissamut akuersissummi pineqartunut ilaasumi ingerlatassanik suliaqartut nipangiuassisimasussaatitaaneq malittussaassagaat.

Najukkaneersut siunnersuut malillugu ingerlatassanik suliaqartut, pisinnaatitsissummik pigisaqartoq imaluunniit taassuma ingerlatai pillugit ilisimasaqalernissamut periarfissaqarnerat, allaniit sumiiffimmi angalaartuniit, pitsaanerunngilaq.

Greenfields Exploration Limitedip siunnersuutigaa, pisinnaatitsissummik pigisaqartoq najukkameersumut siunnersuut malillugu ingerlatassanik suliaqartumut ajornartoornermi ikiuttoq, suliniuteqarnerminut taarsiivigineqartassasoq pillugu maleruagassanik aalajangersaasoqassasoq.

Pisinnaatitsissummik pigisaqartoq najukkameersumut siunnersuut malillugu ingerlatassanik suliaqartumut, taamatullu sumiiffimmi angalaartunut allanut, ikiuunnissamik assigiimmik pisussaaffeqarpoq.

Greenfields Exploration Limitedip siunnersuutigaa, najukkaneersut qassit, sumiiffimmi

aalajangersimasumi piffissap aalajangersimasup iluani, siunnersut malillugu ingerlatassanik suliaqaqqusaanersut, killissanik aalajangersaasoqassasoq.

Tamatut naalakkersuinermi nalunaarsuinissaq pisariaqartussaavoq, aammalu oqartussani inunnili siunnersut malillugu ingerlatassanik suliaqarusuttuni allaffissornikkut isumalluutinik annertuunik atuinissaq pisariaqartussaalluni. Siunnersut malinneqanngilaq.

Greenfields Exploration Limitedip aatsitassarsiorluni misissuinissamut akuersissutit kisermaassisussaatitaalluni pisinnaatitaaffittut inisisimanerat isumanerluutigalugu oqaatigaa, ilanngullugu tamatuma aningaasalersuinissaq ajornakusoortilersinnaagaa.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguiteqartitsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissanngillat. Sumiiffinni taakkunani maannamut pisartutut kisermaassisussaatitaaneq aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersut allanngortinnejqarpoq, taamaalilluni najukkaneersut aatsitassanik aatsitassarsiorluni misissuinissamut akuersissummi pineqartunut ilaatinnejqartunik taamaallaat saniatigut tunisassiassatut piiqaqqaallutik, tamannalu siunissami pisinnaatitsissumik pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerininnissaq, takuuk siunnersuummi § 10, imm. 2.

Suleriaaseq atuuttoq malillugu aatsitassarsiorluni misissuinissamut akuersissummi aatsitassat tamarmik ilaatinnejqarput, aatsitassat qinngorernik ulorianartunik akullit ikummatisiassallu (uulia gassilu) ilaamatik. Siunissami Naalakkersuisut suleriaaseq allanngortinniarpaat, taamaalilluni aallaaviatigut aatsitassarsiorluni misissuinissamut akuersissutini taamaallaat aatsitassat suliffissuaqarnermi atorneqartartut ilaatinnejqartalissallutik, tassa imaappoq aatsitassat tamarmik, ilaatinnejqaratik aatsitassat qinngorernik ulorianartunik akullit, ikummatisiassat, ujaqqat pinnersaasiassat aammalu aatsitassat katersugaatigineqartartut erseqqinnerusumik aalajangerneqartut ilai.

Greenfields Exploration Limited allappoq, najukkaneersut sumiiffinni aatsitassarsiorluni misissuinissamut akuersissutini pineqartunut ilaasuni ingerlatassanik suliaqarnissamut periarfissaqarneranni, Kalaallit Nunaat nunatut aatsitassarsiorfissatut orniginannnginnerulersinnejqarsinnaasoq.

Naalakkersuisut najukkaneersut sumiiffinni aatsitassarsiorluni misissuinissamut akuersissutini pineqartunut ilaasuni ingerlatassanik suliaqarnissamut periarfissinnissaat pillugu Naalakkersuisut siunnersuutaat pingaartinneqarpoq, taanna malillugu

aatsitassarsiorfiutileqatigiiffiit aammalu najukkaneersut aatsitassanik piiaanissamik kissaateqartut, iluaquuserniarneqartussaallutik.

Greg Barnes

Greg Barnes isumaqarpoq, aatsitassat qinngornernik ulorianartunik akullit pillugit inatsit innersuussutigalugu, maleruagassat assigiiq najukkaneersunut aammalu suliffissuarnut atuuttariaqaraluartut.

Najukkaneersut aatsitassanik qinngornernik ulorianartunik akulinnik piiaaqusaanngillat, takukkit siunnersuummi §§ 6, imm. 2 aamma 13, imm. 1.

Greg Barnes isumaqarpoq najukkaneersut, Naalakkersuisunut aamma pisinnaatitsisummit pigisaqartunut aatsitassarsiorluni misissuinissamut akuersissutinik peqartunut, ingerlatatik pillugit nalunaarusiortussaasariaqaraluartut.

Taamatut naalakkersuinermi nalunaarsuinissaq pisariaqartussaavoq, aammalu oqartussani inunnili siunnersuut malillugu ingerlatassanik suliaqarusruttuni allaffissornikkut isumalluutinik annertuunik atuinissaq pisariaqartussaalluni.

Najukkaneersut aamma pisinnaatitsisummit pigisaqartut isumannaallisaaneq eqqarsaatigalugu, aappaata ingerlatassat qaqgu suiliariniarnerai, ilisimasariaqaraluaraat, Greg Barnesip tikkuarpaa, najukkaneersut qaartiterutissanik atuisarnerit assersuutitut taavaa.

Najukkaneersut akuersisummit peqaratik atortut tigummiaannartakkat kisiisa atoqqusaavaat, taamaalillutillu qaartitereqqusaanngillat. Najukkaneersut siunnersuut malillugu ingerlatassanik suliaqartut, allanit sumiiffimmi angalaartunit, annertunerusumik aarlerinaateqartussaanngillat.

Greg Barnes-ip aatsitassarsiorluni misissuinissamut akuersissutit kisremaassisussaatitaalluni pisinnaatitaaffittut inisisimanerat isumanerluutigalugu oqaatigaa, ilanngullugu tamatuma aningaasalersuinissaq ajornakusoortilersinnaagaa.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguuteqaritsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissanngillat. Sumiiffinni taakkunani maannamut pisartutut kisremaassisussaatitaaneq aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinneqarpoq, taamaalilluni najukkaneersut aatsitassanik aatsitassarsiorluni misissuinissamut akuersissummi pineqartunut ilaatinneqartunik taamaallaat saniatigut tunisassiassatut

piiaaqqaallutik, tamannalu siunissami pisinnaatitsisummiq pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerinnissaaq, takuuk siunnersuummi § 10, imm. 2.

Sulisitsisut

Sulisitsisut aatsitassarsiorluni misissuinissamut akuersissutit kisermaassisussaatitaalluni pisinnaatitaaffittut inissisimanerat isumanerluutigalugu oqaatigaat, ilanngullugu tamatuma aningaasalersuinissaq ajornakusoortilersinnaagaa.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguuteqartitsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissangillat. Sumiiffinni taakkunani maannamut pisartutut kisermaassisussaatitaaneq aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinneqarpoq, taamaalilluni najukkaneersut aatsitassanik aatsitassarsiorluni misissuinissamut akuersissummi pineqartunut ilaatinneqartunik taamaallaat saniatigut tunisassiassatut piiaaqqaallutik, tamannalu siunissami pisinnaatitsisummiq pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerinnissaaq, takuuk siunnersuummi § 10, imm. 2.

Sulisitsisut IFC-imi malitassat unioqqutinneqarnissaat aammalu ESG-imi malitassat appasinnerunissaat isumanerluutigalugit oqaatigaat, aammalu siunnersuutigalugu, ajornartorsiutit taakkua pakkersimaarniarlugit, sumiiffimmi piiaanermik suliassamut suliakkiusanut najoqqutassap tusarniaassutigalugu nassiunneqarneraniit ingerlatassanik suliaqartoqaaqqaallutik ilanngussisoqassasoq.

Tusarniaanermut akissuteqaat siunnersuummi allanngortitsinermik kinguneqarpoq, aammalu siunnersuummi aalajangersimasumik najugaqartut akuersissummiq peqaratik aammalu aalajangersimasumik najugaqartuunngitsut, sumiiffinni suliakkiissutinut najoqqutassap tamanut ammasumik tusarniaassutigalugu nassiunneqareernerani, aatsitassanut tunngasunik suliaqarneq pillugu Inatsisartut inatsisaanni § 44 malillugu suliakkiissutinut najoqqutassami pineqartunut ilaasuni ingerlatassanik suliaqaaqqaallutik ilanngunneqarlutik.

Sulisitsisut tikkuarpaat, ajutoornernut akisussaaffiup inissinneqarnissa, siunnersuummi maleruagassiiivigineqanngitsoq.

Taarsiinissamut akisussaaffik taarsiinissamut akisussaaffeqarneq pillugu maleruagassat nalinginnaasut, aammalu maleruagassat aatsitassanut tunngasunik suliaqarneq pillugu

Inatsisartut inatsisaat malillugu atuuttut, malillugit maleruagassiivigineqarpoq.

Sulisitsisut allapput, najukkani sulisussat sulilersinnissaat kajungernanninneruleriaannaasoq, tassami najukkani sulisut atorfinitssinneqarnertik unammillertussanik ingerlatassanik suliaqarnissamut atornerlussinnaammassuk.

Najukkaneersut aatsitassasanik aatsitassarsiorluni misissuinissamut akuersissummi pineqartunut ilaasunik saniatigut tunisassiassatut taamaallaat piiaaqqaasut, siunnersummi § 10, imm. 2-mi aalajangersakkami ilanngunneqarpoq, tamannalu siunissami pisinnaatitsissummik pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerannik qulakkeerinnissaaq. Sulisut najukkaneersut taamaalillutik siunnersuut innersuussutigalugu ingerlatassanik unammillerfiusussanik suliaqarsinnaanngillat.

Sulisitsisut allapput, aatsitassarsiorfissanut aningaasaliinissaq siunnersummi kajungernanninnerulersinneqartoq, taamaalillunilu piiaanissamut akuersissummik pissarsinissaq ajornakusoornerulersoq, kiisalu anniksumik aatsitassarsiorluni ingerlatassat suliffeqarfittut annertunerusutut unammilleqatigiinnermullu tunngatillugu attuumassuteqartutut ineriartortinnejannginnissaat, pingaarteqarluinnartuusoq, tassami tamanni tunngaviatigut aatsitassarsiorluni misissuinissamut aamma piiaanissamut piumasaqaatinut unioqqutitsinerusussaamat.

Siunnersummi sumiiffinni piiaanissamut akuersissummi pineqartunut ilaatinneqartuni ingerlatassanik suliaqarnissaq periarfissinneqanngilaq, taamaattumillu piiaanissamut suliassamut aningaasalersuinissamut periarfissat sunnersinnaasariaqarnagit.

Najukkaneersut pisinnaatitsissummik pigisaqartut suliassaminnik ineriartortitsinissaasa akornusernissaannit tunngavilersuutissaqartoq takuneqarsinnaanngilaq. Paarlattuanik siunnersummi siunertaasut pingaernerit ilagaat najukkaneersut pisinnaatitsissummik pigisaqartut aatsitassarsiorfissanik annertunerusunik ineriartortitsinissamut pitsaanerusunik periarfissaqalersinnissaat. Najukkaneersut ineriartornerat aatsitassarsiorfissaallu tunngaviatigut aatsitassarsiorluni misissuinissamut aamma piiaanissamut piumasaqaatinut unioqqutitsinerusussaasut, paatsoornermik tunngaveqarsimassaaq.

Sulisitsisut isumaqanngillat najukkaneersut aamma pisinnaatitsissummik pigisaqartut akornanni oqaloqatigiinnissaq siunnersummi siuarsarneqartoq aammalu arlalinnik siunnersuuteqarluni.

Sulisitsisut taamaalillutik siunnersuutigaat, anniksumik aatsitassarsiornissamut pisinnaatitsissummik pigisaqartut akuersissutip tusarniaassutigineqarluni takkunnerani, sumiiffimmut soqtiginnertik oqaatigisinnaagaat.

Siunnersuut malillugu pisinnaatitsissumik pigisaqartut, allatuulli, aatsitassanut tunngasunik suliaqarneq pillugu Inatsisartut inatsisaat malillugu akuersissutinik tunniussinermut atatillugu tamanut ammasumik tusarniaanerup nalaani, tusarniaanermut akissuteqaammik nassiussisisinnaapput.

Sulisitsisut aammattaaq aaqqiissutissamik siunnersuuteqarput, tassani illuatungeriit akornanni isumaqatigiissuteqartoqarsinnaanani pisoqartillugu, najukkaneersut pisinnaatitsissumik pigisaqartut sumiiffinnut aatsitassarsiorluni misissuinissamut akuersissummi pineqartunut ilaasunut periarfissinneqarnissaat pillugu Naalakkersuisut aalajangiisinjaassallutik.

Naalakkersuisut pisinnaatitsissumik pigisaqartut allat sumiiffimmi kisermaassisussaatitaalluni akuersissummi pineqartunut ilaasumi ingerlatassanik suliaqarnissamut akuersissumik tunineqarnissaat pillugu aalajangiisinjaassappata, tamanna ajoquseerujussuartussaavoq. Siunnersuut malinnejangilaq.

Sulisitsisut siunnersuutigaat, sumiiffinni misissueqqaarnissamut akuersissutini pineqartunut ilaasuni annikitsumik aatsitassarsiorluni ingerlatassanut periarfissiisoqartassasoq.

Misissueqqaarnissamut akuersissutit kisermaassisussaatitaaffeqanngitsumik tunniunneqartarput, aammalu aalajangersimasumik najugaqartut aamma aalajangersimasumik najugaqartuunngitsut, qaamatini siuliini pingasuni nunatsinniissimasut, siunnersuut malillugu sumiiffinni taakkunani ingerlatassanik suliaqarsinnaapput. Aammattaaq aalajangersimasumik najugaqartut siunnersuummi § 14-imipiumasaqaatinik naammassinnittut, najukkami aatsitassanut tunngasunik suliaqarnissamut kisermaassisussaatitaalluni akuersissumik qinnuteqarsinnaapput.

Sulisitsisut allapput, "social contract"-imik isumaqatigiissuteqarnikkut, ingerlatseqatigiiffik sumiiffimmi akuersissumik peqartoq suleqatigalugu, najukkani sumiiffimmut iluaqutaasumik aatsitassarsiorluni ingerlatassat ineriartortinnejqarsinnaasut.

"Social contract" qanoq isumaqartinneqarnersoq paasinanngilaq, kisianni isumaqatigiissut qanoq taagorneqarnersoq apeqqutaatinnagu pisinnaatitsissumik pigisaqartoq inatsimmik unioqqutitsinngitsumik isumaqatigiissuteqarnissamik killilersugaanngilaq.

Sulisitsisut isumaqarput, siunnersuummi Kalaallit Nunaanni suliffeqarfiiit nalunaarsorneqartarnerat pillugu § 31-mi aalajangersagaq sukanneruler sinneqartariaqaraluartoq, taamaalilluni aamma najukkani/nunap immikkoortuani sulisussanik sulisoqarnissaq piumasaqaatigineqartassalluni.

§ 30 malillugu akuersissuteqarnermut atugassarititaasunik aalajangersaanissamut, ilanngullugu najukkameersunik/nunap immikkoortuaneeersunik sulisoqarnissaq pillugu, Naalakkersuisut siunnersuummi § 32, imm. 2 malillugu periarfissaqarput.

Sulisitsisut siunnersuutigaat matusinissamut aningaasartutissanut, najukkani aatsitassanut tunngasunik suliaqarnissamut kisermaassisussaatitaalluni akuersissutinut 250.000 koruuninik aningaasartalerlugu killiliussaq, qaffanneqartariaqaraluartoq imaluunniit allanngorarsinnaalersinneqartariaqaraluartoq, tassami sumiiffiit ilaanni ingerlatassat annikikkaluartut saliinermut atatillugu assartuussinermut aningaasartuutit annertoorujussuusinnaammata.

Aatsitassanut tunngasunik suliaqarneq pillugu Inatsisartut inatsisaat malillugu akuersissummik piumasaqaateqalinnginnermi, najukkani aatsitassanut tunngasunik suliaqarnissamut kisermaassisussaatitaalluni akuersissutip ataani ingerlatassat qanoq annertutigisinnaanersut, kinaassusersiunngitsumik tunngavissarititaasumik atuutsitsinissamut, aningaasanut killiliussaq aalajangersarneqarpoq. Sumiiffiup tikikkuminaannerunerani, assartuussinermut aningaasartuutit saliinermut aningaasartuutini sanilliussilluni annertunerpaasussaapput. Tunngavissarititaasup taassuma toqqarneqarneranut pissutaasut ilagaat, saliisoqarani pisoqartillugu nunap karsiata aningaasartuutinik matussusiisussangortarnera. Assartuussinermut aningaasartuutit qanoq annertutiginerat apeqqutaanani, Nunap karsiata aningaasartuutai taamaaginnartussaapput.

Oqaatigineqassaaq, najukkani aatsitassanut tunngasunik suliaqarnissamut kisermaassisussaatitaalluni akuersissummiit piiaanissamut akuersissummut ikaarsaarnissaq, aatsitassanut tunngasunik suliaqarneq pillugu Inatsisartut inatsisaata akuerineqarnerani oqinnerujussuanngortussaasoq.

Sulisitsisut allapput, sanaartugassanut akigititassanut isumaqtigissutissat, Inatsisartut inatsisaanni pineqartunut ilaalertussatut naatsorsuutigineqartut, annertussusissaat eqqarsaatigalugit, §§ 23-mi aamma 24-mi uppernarsaanissamut piumasaqaatit annertoorujussoorpasittut.

Pilersaarutit §§ 23 aamma 24 malillugit suliariineqartussat, suliassap annertussusaanut annertoqatigiissinneqartussaapput. pilersaarutinut piumasaqaatit suliassani annikinnerusuni killeqartussaapput.

Siunnersuummi §§ 36 ff-imi avatangiisinut piumasaqaatit annertoorujussoorpasittut, tamatumunngalu aningaasartutissat suliassani Inatsisartut inatsisaanni pineqartunut ilaasuni akimmisaartitsisutut malunnarsinnaasut, Sulisitsisut tikkuparpaa.

Ingerlatassanut allanut sanilliullugu ingerlatassanut siunnersuummi pineqartunut ilaasunut avatangiisinut piumasaqaatit qasukkartinnissaat Naalakkersuisut tungaannit kissaatigineqarsimannngilaq.

Sulisitsisut oqaatigaat inuinnaat sumiiffinni akuersissuteqarfiusumi angalaarnissaat

navianaateqannginngitsoq.

Sumiiffimmi ingerlatanik sunik suliaqarneq apeqqutaatinnagu, sumiiffinni aatsitassarsiorluni misissuinissamut akuersissummi pineqartunut ilaasuni angalaarnissaq imaluunniit uningaarnissaq inerteqqutaanngilaq. Aatsitassarsiorluni misissuineq pillugu ingerlatassat kisimik pisinnaatitsissummik pigisaqartunut inniminngaapput. Assersuutigalugu sumiiffimmi aatsitassarsiorluni misissuiffigineqartumi aatsitassanik maaniinnarmiittunik katersinissaq, inatsisini atuuttuni akuerisaavoq, taamatullu sumiiffimmi aatsitassarsiorluni misissuiffigineqartumi aallaaniarnissaq imaluunniit pisunnissaq akuerisaavoq. Aatsitassarsiorluni misissuinissamut akuersissummi pisinnaatitsissummik pigisaqartoq, sumiiffimmukarnissamut sumiiffimmilu ingerlataqarnissamut maleruagassiinissamut, immikkut piginnaatinneqannngilaq. Inuk siunnersuut malillugu ingerlatassanik suliaqartoq, inunnut allanut, sumiiffimmi angalaartunut sanilliullugu annertunerusumik navianartorsiortussaanngilaq.

Siunnersuut aningaasanik pinerlunnikkut pissarsiarineqartunik malunnaarsaariniissamut atorneqarsinnaanerat aarlerinaateqarnersoq, Naalakkersuisoqarfuiup isumaliutersuutigisimaneraa, aammalu aarlerinaataasut taamaattut qanoq sillimaffigineqarnissaat eqqarsaatigineqarsimanersoq, Sulisitsisut apeqqutigaat.

Inuussutissarsiutini allani pisartunit aningaasanik pinerlunnikkut pisarsiarineqartunik malunnaarsaariniissamut periarfissaqarnerunera takuneqarsinnaanngilaq.

Sulisitsisut isumaqarput, allannguutit akuersissutinut atuutereersunut sunniisussaanngitsut aammalu kingumoortumik atuutilertussatut atuutsinneqalertussaanngitsut, siunnersummi ersarissumik allassimasariaqarluartoq.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersummi allannguuteqarititsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissanngillat. Sumiiffinni taakkunani maannamut pisartutut kisermaassisusaaitaaneq aalajangiusimaannarneqarpoq, takuuk siunnersummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinneqarpoq, taamaalilluni najukkaneersut aatsitassanik aatsitassarsiorluni misissuinissamut akuersissummi pineqartunut ilaatinneqartunik taamaallaat saniatigut tunisassiassatut piiqaqusaallutik, tamannalu siunissami pisinnaatitsissummik pigisaqartut aatsitassanut akuersissummi pineqartunut ilaasunut kisermaassisusaaitaallutik pisinnaatitaaffeqarnerinik quvakkeerinnissaaq, takuuk siunnersummi § 10, imm. 2.

Suleriaaseq atuuttoq malillugu aatsitassarsiorluni misissuinissamut akuersissummi

aatsitassat tamarmik ilaatinneqarput, aatsitassat qinngornernik ulorianartunik akullit ikummatissiassallu (uulia gassilu) ilaamatik. Siunissami Naalakkersuisut suleriaaseq allanngortinniarpaat, taamaalluni aatsitassarsiorluni misissuinnissamut akuersissutini taamaallaat aatsitassat suliffissaqarnermi atorneqartartut ilaatinneqartalissallutik, tassa imaappoq aatsitassat tamarmik, ilaatinneqaratik aatsitassat qinngornernik ulorianartunik akullit, ikummatissiassat, ujaqqat pinnersaasiassat aammalu aatsitassat katersugaatigineqartartut erseqqinnerusumik aalajangerneqartut ilai.

Sulisitsisut isumaqarput, annikitsumik aatsitassarsiornermut suliffeqarfiiit pisinnaatitsissummik pigisaqartup sumiiffianut annerunerusumut atasumik inissinneqarnissaannik kissaatigineqartut, pisinnaatitsissummik pigisaqartup aamma annikitsumik aatsitassarsiornermik suliaqartup akornanni isumaqatigiissuteqarneq aallaavigalugu taamaallaat pisariaqaraluartoq, siunnersummi ersarissumik allassimasariaqaraluartoq.

Pisinnaatitsissummik pigisaqartoq, taassuma angissusaa apeqqutaatinnagu, taamaallaat sumiiffimiakuersissummi pineqartunut ilaatinneqartumi pisinnaatitaaffeqarpoq. Naalakkersuisut taamaallaat aatsitassanut tunngasunik suliaqarnissamut akuersissummik tunniussinissamik piginnaatitaanerat aalajangiusimaannarneqartariaqarpoq.

Sulisitsisut isumaqarput, kalaallit sulisussat ineriertinnissaannut/ilinniartinnissaannut sulisorinissaannullu kajumissuseqalersitsinissaq killilerneqanngitsoq, siunnersummi allassimasariaqaraluartoq.

Siunnersuut kalaallit sulisussat ineriertinnissaannut/ilinniartinnissaannut kajumissuseqalersitsinissamut sunniuteqartoq takuneqarsinnaanngilaq.

Sulisitsisut isumaqarput, pisinnaatitsissummik pigisaqartut IFC-imi malitassanut imaluunniit ESG-p siunertaqarfigineqarneranut assigissaarinissamut periarfissaqarnerat nalorninartoqalersinneqanngitsoq, siunnersummi ersarissumik allassimasariaqaraluartoq.

Allanngortinneqartuni siunnersuutip IFC-imi malitassanut aamma ESG-imut tunngatillugu pisinnaatitsissummik pigisaqartunut sunniuteqarnera takuneqarsinnaanngilaq.

Sulisitsisut isumaqarput, piumasaqaatit aatsitassarsiorluni misissuinermut piumasaqaatigineqartut "nunani tamalaani malitassanit" aamma "best pracsis"-init erseqqinnerusumik, aammalu aatsitassarsiorluni misissuinerup annertussusaa eqqarsaatigineqarluni, nassuiarneqarnerat, siunnersummi ersarissumik allassimasariaqaraluartoq.

"nunani tamalaani malitassat" aamma "best available pracsis" oqaatsitut allanngorartuartutut atorneqarput, piiffissap ingerlanerani allanngoriartortarlutik.

Taamaattumik erseqqinnerusumik maleruagassiinissaq nalunaarutitut ilusilimmi isumagineqarpat pitsaanerpaaussaavoq.

Sumiiffinni akuersissuteqarfiusuni kisermaassisussaatitaanermut tunngatillugu nalorninartoqartinneqalernerata annertunerunerani, aningaasaliisartut annaasaqarsinnaanerat annerunerulertartoq, Sulisitsisut tikkuarpaat.

Kisermaassisussaatitaanermut tunngatillugu nalorninartortaqarnera peerneqarpoq, takukkit matuma siulianiittut.

Sulisitsisut isumaqarput, annikitsumik aatsitassarsiornissamut suliassat atituumik isigalugit, aningaasanik pinerlunnikkut pissarsiarineqartunik malunnaarsaarinermi aqqutigineqarnissaat ajornaatsuusussaasoq.

Matuma siuliani oqaatigineqareersutut, Naalakkersuisut isumaqanngillat sumiiffiup taassuma iluani pinerlunnikkut aningaasarsianik malunnaarsaarinermi, inuussutissarsiutinit allanit aarlerinaateqarnerusoq.

Grønlandsbanken

Grønlandsbanken aallaaviatigut siunnersuutip pingaarnertigut siunertaanut akuersaartumik isumaqarpoq, tamanna ilaatigut najukkani suliaqartuuusut aatsitassanik nalituunik nassaarniarnissamut, aningaasarsiorfiginissaannullu periarfissatut soqutiginaateqarnerusutut isigalugu. Tamanna aningaaseriviup neriuulluarnartutut isigaa. Ilaatigut nunamut ataatsimoorussamut kikkut tamarmik pisinnaatitaaffeqarnerannut tamanna pissusissamisoortumik nangissutaavoq, ilaatigullu tamanna Kalaallit Nunaanni nunap sannaa pillugu najukkani ilisimasat pissusissamisoortumik najukkaniitinnissaannik siuarsaasinnaalluni.

Taamaattoq Grønlandsbankenip ingerlatseqatigiiffiit aatsitassarsiortuni misissuinermik suliaqartut kisermaassisussaatitaallutik pisinnaatitaaffiinut siunnersuutip sunniuteqarnissaa, kiisalu siunnersuutip taarsiissutitalimmik piginnikkunnaarsitsilluni akuliuffiulersinnaanerata aarlerinaateqarnera, isumanerluutigaa.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allanguuteqartitsinermik kinguneqarput. Ilaatigut sumiiffinni aatsitassarsiortuni misissuinissamut akuersissutini pineqartunut ilaasuni najukkaneersut ingerlatassat pilligit siunnersuummi aalajangersakkat, sumiiffinni siunnersuutip atuutilinnginnerani aatsitassarsiortuni misissuinissamut akuersissummi pineqartunut ilaasuni, atuutissanngillat. Sumiiffinni taakkunani maannamut pisartutut kisermaassisussaatitaaneq aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allangortinneqarpoq, taamaalilluni najukkaneersut aatsitassanik aatsitassarsiortuni misissuinissamut

akuersissummi pineqartunut ilaatinneqartunik taamaallaat saniatigut tunisassiassatut piiaaqqaallutik, tamannalu siunissami pisinnaatitsissummik pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerimissaaq, takuuq siunnersuummi § 10, imm. 2.

Suleriaaseq atuuttoq malillugu aatsitassarsiorluni misissuinissamut akuersissummi aatsitassat tamarmik ilaatinneqarput, aatsitassat qinngorernik ulorianartunik akullit ikummatisiassallu (uulia gassilu) ilaanatik. Siunissami Naalakkersuisut suleriaaseq allanngortinniarpaat, taamaalilluni aallaaviatigut aatsitassarsiorluni misissuinissamut akuersissutini taamaallaat aatsitassat suliffissuaqarnermi atorneqartartut ilaatinneqartalissallutik, tassa imaappoq aatsitassat tamarmik, ilaatinneqaratik aatsitassat qinngorernik ulorianartunik akullit, ikummatisiassat, ujaqqat pinnersaasiassat aammalu aatsitassat katersugaatigineqartartut erseqqinnerusumik aalajangerneqartut ilai.

Ingerlatseqatigiiffiup assersuutigalugu diamantinik ujaasinissamut aatsitassarsiorluni misissuinissamut akuersissummik peqartup, akuersissut atoqqusaanngikkaa, allallu tamarmik sumiiffimmut aatsitassarsiorluni misissuiffiusumukaqqusaallutik aammalu diamantinik atortussiissanik tiguseqqusaallutik, ersarilluinnartumik kukkunertut Grønlandsbankenip isigaa.

Grønlandsbankenip isummersorneri Naalakkersuisut paasilluarsinnaavaat, aammalu sumiiffimi aatsitassarsiorluni misissuinissamut akuersissummi pineqartunut ilaasumi, najukkameersut akuersissummik peqanngitsut aatsitassanik akuersissummi pineqartunut ilaatinneqartunik piiaanissamut pisinnaatitaannginneranni, ajornartorsiut iluarsineqarsimassaaq.

Grønlandsbanken aammattaaq isumaqarpoq, siunnersuut tuaviuussatut oqimaaqatigiinngitsutullu isikkoqartoq aammalu "taakkua akerleraatigut" eqqarsartaaseqarnermut takussutissaasoq.

Naalakkersuisut isumaqarput, najukkaneersut sumiiffinni aatsitassarsiorluni misissuinissamut akuersissutini pineqartunut ilaatinneqartuni piiaanissamut pisinnaatitaanerisa killilersorneqarnissaannut siunnersuutigineqartuni, inatsisissatut siunnersuutip oqimaaqatigiinnerunissaanguneqarsimasoq.

Naalakkersuisut isumaqanngillat, siunnersuut "taakkua akerleraatigut" eqqarsartaaseqarnermut takussutissaanngitsoq. Naalakkersuisut pisinnaatitsissummik pigisaqartut najukkaneersullu akornanni suleqatigiinnissaq kaammattuutigiuannarsimavaat.

Hudson Resources Inc.

Hudson Resources Inc.-ip erseqqissarpaa, akisussaassusilimmik maleruagassiiviusumillu ingerlasoqarluni najukkaneersut suliaqartuusut suleqatiginissaat akuersaartumik

isumaqarfialugu. Taamaattoq siunnersuummut Naalakkersuisut tusarniaassutigalu nassiuissimasaannut, arlalinnik isornartoqartitsippu.

Hudson Resources Inc.-ip aatsitassarsiorluni misissuinissamut akuersissutit kisermaassisussaatitaalluni pisinnaatitaaffittut inisisimanerat isumanerluutigalu oqaatigaa, ilanngullugu tamatuma aningaasalersuinissaq ajornakusoortilersinnaagaa.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allanguuteqartitsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissanngillat. Sumiiffinni taakkunani maannamut pisartutut kisermaassisussaatitaaneq aalajangiusimaanmarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinneqarpoq, taamaalilluni najukkaneersut aatsitassanik aatsitassarsiorluni misissuinissamut akuersissummi pineqartunut ilaatinneqartunik taamaallaat saniatigut tunisassiassatut piiaaqquaallutik, tamannalu siunissami pisinnaatitsissummik pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerinissaaq, takuuk siunnersuummi § 10, imm. 2.

Suleriaaseq atuuttoq malillugu aatsitassarsiorluni misissuinissamut akuersissummi aatsitassat tamarmik ilaatinneqarput, aatsitassat qinngornernik ulorianartunik akullit ikummatisiassallu (uulia gassilu) ilaanatik. Siunissami Naalakkersuisut suleriaaseq allanngortinniarpaat, taamaalilluni aallaaviatigut aatsitassarsiorluni misissuinissamut akuersissutini taamaallaat aatsitassat suliffissuaqarnermi atorneqartartut ilaatinneqartalissallutik, tassa imaappoq aatsitassat tamarmik, ilaatinneqaratik aatsitassat qinngornernik ulorianartunik akullit, ikummatisiassat, ujaqqat pinnersaasiassat aammalu aatsitassat katersugaatigineqartartut erseqqinnerusumik aalajangerneqartut ilai.

Hudson Resources Inc. allappoq, Naalakkersuisut ingerlatassat aalajangersimasumik najugaqartut suliarisaat, taakkualu avatangiisirut qanoq ajoqusiihinnaanerat, nakkutigisinnaanngikkaat, kiisalu aatsitassat qanoq annertutigisut piliarneqarsimanersut tunineqarsimanersullu akileraartarnermut oqartussat ilisimasinnaanngikkaat, aammalu nunani allani najukkaneersut aatsitassanik nalitoorujussuarnik piiasinnaanerannut taakkualu niuerfinni nakkutigineqanngitsuni tunisisinnaanerannut assersuutissaqartoq, tikkuarlugu.

Siunnersuummi siunertaasut pingaarnerit ilaat tassaavoq, inuit ataasiakkaat aatsitassanik katersinissamut piiaanissamullu periarfissaqarnerisa ammanerulersinnejarnissaa pisariinnerulersinnejarnissaalu, tamatumalu ilaatigut kingunerisaanik suliassaqarfik nakkutigineqannginnerusussaavoq. Taamaalilluni najukkaneersut akuersissummiq peqaratik aatsitassanik katersinerannut piiaanerannullu atatillugu akuersissuteqarnissaq

nalunaarusiortarnissarlu piumasaqaatigineqanngillat. Atortut tigummiaannartakkat kisimik atoqquusaammata, akuersisummiq peqarani ingerlatassanik suliaqarnissaq killilimmik annertussuseqassasoq naatsorsuutigineqarpoq. Taamaattoq tusarniaaffigineqartut arlallit assingusunik isumanerluuteqarput, aammalu tusarniaanermut akissuteqaatit siunnersuummi allangortitsinernik kinguneqarput. Taamaalilluni siunnersuummi § 7, imm. 2-mi aalajangersagaq ilangunneqarpoq, taanna malillugu akuersisummiq peqarani piiaanermi sullup isaariaannik imaluunniit itersanik, nappaarissunik nallaarissunillu, nunamut sanilliullugu uittorlugu 1 meterinit itinerusunik, pilersitsisoqaqqusaanani. Siunnersuummi § 6, imm. 1-imi erseqqissarneqarpoq, ingerlatassani aalajangersimasumik najugaqartunit aamma aalajangersimasumik najugaqartuuunngitsunit akuersisummiq peqarani suliarineqartuni, avatangiisinik allangutsaaliuinermut maleruagassat atuuttut nalinginnaasut malinneqartussaasut.

Akileraartarnermut oqartussat nakkutiginninnerannut tunngatillugu, siunnersuutigineqartutut ammanerulersitsinissami maleruagassiinnginnerulernissamilu, innuttaasut ingerlatassanik pineqartunik suliaqartut, inatsisit malillugit akisussassusilimmillu iliuuseqarnerat, oqartussat tatigisariaqarpaat, ilangullugu akileraartarnermut oqartussat maleruagassat atuuttut malillugit isertitassai taamaatinneqartut.

Hudson Resources Inc. isumaqarpoq, aatsitassarsiorluni misissuinissamut akuersissutit malillugit pisinnaatitsissummiq pigisaqartunut najukkamilu suliaqartuuusunut avatangiisinik mianerinninnissamik isumannaallisaanermillu assigiinngitsunik piumasaqaateqartoqarnera ajornartorsiutitaqartoq, aammalu taamatut assigiinngisitsineq najukkani suliaqartuuusussat, aatsitassarsiorluni misissuinissamut akuersissutit malillugit pisinnaatitsissummiq pigisaqartunut piumasaqaatit assinginik, naammassinninnissamut aningaasaqarnikkut pisinnaasaqannginnerat tunngavilersuutigineqartoq ilimagalugu.

Tusarniaanermut akissuteqaatip tassunga tunngasortaa paatsoornermit tunngaveqarpasippoq. Isumannaallisaanermut avatangiisinullu piumasaqaatit piumasaqaatigineqartut, ingerlatassanut suliarineqartussanut tunngassuteqarput, aammalu ingerlatassat najukkani suliaqartuuusunit imaluunniit aatsitassarsiorluni misissuinissamut akuersissutit malillugit pisinnaatitsissummiq pigisaqartunit suliarineqarnersut apeqqutaanani.

Isumannaallisaaneq, peqqinnissaq avatangiisillu pillugit maleruagassat assigiit najukkani suliaqartuuusunut, taamatullu aatsitassarsiorluni misissuinissamut akuersissutit malillugit pisinnaatitsissummiq pigisaqartunut atuunmissaat siunnersuummi qulakkeerneqassasoq, Hudson Resources Inc.-ip siunnersuutigaa.

Matuma siuliani taaneqartutut, aatsitassarsiorluni misissuinissamut akuersissutit malillugit pisinnaatitsissummiq pigisaqartunut aamma najukkaneersunut suliaqartuuusunut isumannaallisaanermut, peqqinnissamut avatangiisinullu tunngasut pillugit maleruagassat

asigiinngitsut atuutsinneqanngillat.

Hudson Resources Inc.-ip siunnersuutigaa, aatsitassanut tunngasunik suliaqarneq pillugu Inatsisartut inatsisaat malillugu pisinnaatitsissummik pigisaqartunut nalunaarusiornissamut piumasaqaatit assingi najukkaneersunit suliaqartuusussanit malinneqartussanngortinnejqassasut, aammalu nalunaarusiornissaq aningaasaqarnikkut nanertuutaanngitsoq tunngavilersuutigalugu.

Najukkaneersunut suliaqartuusussanut akuersissut imaluunniit akuersissuteqarneq malillugu ingerlatassanik suliaqartussanut tunngatillugu, aallaaviatigut aatsitassanut tunngasunik suliaqarneq pillugu Inatsisartut inatsisaat malillugu pisinnaatitsissummik pigisaqartunut nalunaarusiornissamut piumasaqaataasartut assingi, atuuttussaapput.

Aalajangersimasumik najugaqartunut, akuersissummik peqaratik ingerlatassanik suliaqartussanut tunngatillugu, inuit ataasiakkaat aatsitassanik katersinissamut piiaanissamullu periarfissaqarnerannik ammanerulersitsinissaq pisariinnerulersitsinissarlu pilligit siunnersuutip siunertaanut naapertuutumik, nalunaarusiortarnissaq pillugu piumasaqaateqartoqarnianngilaq. Nalunaarusiornissaq aningaasaqarnikkut nanertuutaanngitsoq, Naalakkersuisut isumaqatiginngilaat. Siunnersuut malinneqanngilaq.

Hudson Resources Inc.-ip siunnersuutigaa, inatsimmi atuutsitsileroqassasoq, taanna malillugu aatsitassarsiorluni misissuinissamut akuersissutit malillugit pisinnaatitsissummik pigisaqartut allat sumiiffimmi akuersissuteqarfiusumi aatsitassanut tunngasunik suliaqarnernik ingerlataqarnissaasa akueriumannginnissaanik pisinnaatitaassallutik. Pisinnaatitsissummik pigisaqartut najukkaneersunut suliaqartussanut sumiiffimmukarsinnaatitsinissaq pillugu isumaqatigiissuteqarsinnaassasut.

Siunnersuut allanngortinneqarpoq, taamaalillutik aatsitassarsiorluni misissuinissamut akuersissutit malillugit pisinnaatitsissummik pigisaqartut aamma aalajangersimasumik najugaqartuusut, sumiiffimmi ataatsimi aatsitassanik assigiinnik piiasinnanatik. Taamaalilluni illuatungeriit akornanni unammilleqatigiinneq pisinnaajunnaarmat, Naalakkersuisut inatsisinik taamaattunik atuutsitsilernissaq pissutissaqarsorinngilaat. Pisinnaatitsissummik pigisaqartoq aatsitassanut akuersissummi pineqartunut ilaasunut tunngatillugu, najukkameersunut isumaqatigiissuteqarnissamut kiffaanngissuseqarpoq. Siunnersuut malinneqanngilaq.

Kaali Fencker

Sumiiffiit amerliartuinnartut kisermaassisussaatitaalluni akuersissutini pineqartunut ilangutsinneqartarneranni, aatsitassarsiortitsillutik takornariartitsinermik suliaqartut Kaali Fenckerip eqqarsaatigeequai.

Sumiiffinnut piiaanissamut akuersissummi pineqartunut ilaasunut tunngatillugu, piiaanermiit

allaanerusumik aatsitassanut tunngasunik allanik suliaqartoqarsinnaanngilaq, ilanngullugu aamma aatsitassarsioritsilluni takornariartitsineq.

Sumiiffinnut aatsitassarsiorluni misissuinissamut akuersissutini atuutereersuni pineqartunut ilaasunut tunngatillugu, pisinnaatitsissummik pigisaqartup sumiiffimmi aatsitassarsioritsilluni takornariartitsinermik ingerlataqarnissanik suliaqarnissaq pillugu isumaqatigiissuteqarfingeqarnissaa suli pisariaqartussaavoq.

Sumiiffinnut aatsitassarsiorluni misissuinissamut akuersissutini nutaani pineqartunut ilaatinneqartunut tunngatillugu, aatsitassanut aatsitassarsiorluni misissuinissamut akuersisummi pineqartunut ilaatinneqanngitsunut tunngasunut, inatsit malillugu aatsitassarsioritsilluni takornariartitsineq ingerlanneqarsinnaassaaq.

Kaali Fenckerip siunnersuutigaa, sumiiffik aatsitassarsiorluni misissuiffingeqartoq ujaqqanik pinnersasiassanik peqarfeqarluni ilisimaneqartoq, utertinneqarpat, taanna kisermaassisussaatitaalluni akuersisummi ilaatinneqarunnaassasoq, imaluunniit taamaanngippat sumiiffik makitsinikkut pisinnaatitsissummik pigisaqartunut nutaanut tunniunneqartassasoq, tassami innuttaasut tamarmik naligiimmik pisinnaatitaaffeqartariaqaraluarmata.

Aatsitassanik piiaanissamut periarfissat sumiiffimmiit sumiiffimmut allanngorartorujussuuusussaapput. Taamaattumik sumiiffik aalajangersimasoq qanoq neqeroortitsivigineqassanersoq nammineq aalajangiisarnissaq Naalakkersuisut kissaatigaat. Siunnersuut malinnejqanngilaq.

Kommune Kujalleq

Inuit ataasiakkaat najukkami aatsitassanut tunngasunik suliaqarnissamut kisermaassisussaatitaalluni akuersisummi peqartut, sumiiffimmut inunnit arlalinnit immikkut soqtigineqartunut inississinnaanerat isumanerluutigalugu Kommune Kujalliup oqaatigaa.

Suliassaq ineriartortinnejqassappat sumiiffimmut kisermaassisussaatitaalernissamut periarfissaqarnissaq pingaaruteqarpoq. Assersuutigalugu sumiiffimmi kisermaassisussaatitaanngikkaanni aningaasalersuisussarsarinissaq ajornakusoortorujussuuusussaavoq. Taamaattumik kisermaassisussaatitaalluni akuersisummi tunineqarnissamut periarfissaq aalajangiusimaannarneqarpoq.

Siunnersummi § 5, imm. 2-imi 250.000 koruuninik killiliineq eqaatsunngortinnejqassasoq, Kommune Kujalliup siunnersuutigaa, taamaallilluni najukkani aatsitassarsiorfissanut niuerutiginninnissaq sioqqutsisumik killilerneqariinnginniassammatt.

Aatsitassanut tunngasunik suliaqarneq pillugu Inatsisartut inatsisaat malillugu

akuersissummik piumasaqaateqalinnginnermi, najukkani aatsitassanut tunngasunik suliaqarnissamut kisermaassisussaatitaalluni akuersissutip ataani ingerlatassat qanoq annertutigisinnaanersut, kinaassusersiungitsumik tunngavissarititaasumik atuutsitsinissamut, aningaasanut killiliussaq aalajangersarneqarpoq.

Oqaatigineqassaaq, najukkani aatsitassanut tunngasunik suliaqarnissamut kisermaassisussaatitaalluni akuersissummiit piiaanissamut akuersissummut ikaarsaarnissaq, aatsitassanut tunngasunik suliaqarneq pillugu Inatsisartut inatsisaata akuerineqarnerani oqinnerujussuanngortussaasoq.

Kommune Kujalleq allappoq, killiliinerit, soorlu "taamaallaat atortunik motoorilinnik tigummiaannartakkanik atuinissaq", aatsitassarsiorfissat "rubininik nuniannermit" allaanerusumik annikinninngorlugit atorneqassappata, sukannerpallaartut aammalu siunnersuutigalugu entreprenørmaskiinat aalajangersimasut ukiup qanoq ilinerini aalajangersimasunik atorneqartassasut.

Taamaallaat aalajangersimasumik najugaqartut akuersissummik peqaratik ingerlataat atortunik tigummiaannartakkanik atuinissamik killilerneqarput. Ingerlatassat ataasiakkaat qanorluunniit akuersissuteqarfingeqartinnagit entreprenørmaskiinanik atuinissap akuerinissaa Naalakkersuisut avatangiisinut isumannaatsuuusorinngilaat.

Kommuneqarfik Sermersooq

Kommuneqarfik Sermersuup suliassaqarfimmi inatsisinut atuuttunut sanilliullugu allanngutissatut siunnersuut qujaruppa.

Lumina Sustainable Materials A/S

Lumina Sustainable Materials A/S-ip siunnersuutigaa, "najukkami aatsitassanut tunngasunik suliaqarneq" allanngortinneqassasoq uunga "annikitsumik aatsitassarsiorluni ingerlatassat" imaluunniit oqaasertai allatut nunani tamalaani ilisarnarnerusunngorlugit, tassami aatsitassarsiorfiutleqatigiiffiup aamma siunnersuut malillugu pisinnaatitsissummik pigisaqartup akornanni isumaqatigiinngitsoqalissappat, tamat akornanni ingerlatseqatigiiffiup nunanit allanit pigineqartup aamma najukkani inuiaqatigiiit akornanni suliassatut isikkoqalersinnaammatt.

Siunnersuutip qulequtaa eqqaassanngikkaanni, oqaaseq "najukkami aatsitassanut tunngasunik suliaqarneq" taamaallaat "najukkami aatsitassanut tunngasunik suliaqarnissamut kisermaassisussaatitaalluni akuersissutinut" atorneqarpoq, tassalu inatsisit atuuttut malillugit kisermaassisussaatitaalluni annikitsumik aatsitassarsiornissamut akuersissummut naapertuutumik. Akuersissut taamaattoq taamaallaat sumiiffimmut akuersissummi pineqartumut tunngassuteqarmat, aammalu sumiiffinni aatsitassarsiornissamut akuersissummi pineqartunut ilaareersuni akuersissutinik taamaattunik qinnuteqartoqarsinnaanani, aatsitassarsiorfiutleqatigiiffit aamma

akuersissutit taamaattut malillugit pisinnaatitsisummit pigisaqartut akornanni isumaqatigiinngitsoqalertarnissaq qaqutigoortorujussusussaavoq.

Akuersissut taamaattoq malillugu suliassat annikitsumik annertussusilimmik killiffeqarneq qaangerlugu ineriartortinneqarsinnaanngitsutut isigineqalernissaa pinngitsoortinniarlugu, Naalakkersuisut siunnersuummi taaguutip "kisermaassisussaatitaalluni annikitsumik aatsitassarsiornissamut akuersissummiit" "najukkami aatsitassanut tunngasunik suliaqarnissamut kisermaassisussaatitaalluni akuersissutinngorlugu" allanngortinnissaa toqqarpaat. Taaguutip Naalakkersuisunit siunnersuutigineqartup aammalu taaguutip Lumina Sustainable Materials A/S-ip siunnersuutigisaata akornanni toqqaanissamut taamaalilluni, najukkani aatsitassanut tunngasunik suliaqarnissamut kisermaassisussaatitaalluni akuersissutini aningaasaliisartuuusinnaasut taaguummik paasinnissinnaanerannik mianerinninnissap aammalu pisinnaatitsisummit pigisaqartut assigiinngitsut akornanni isumaqatigiinngitsoqarneranut atatillugu tamat taaguut qanoq paasisinnaassaneraat, oqimaaqatigiissaarinissaq apeqqutaavoq. Naalakkersuisut isumaqanngillat isumaqatigiinngitsoqarneranik tamat paasinninnissaannik mianerinninnissaq, allanngortitsinermut tunngavilersuutigineqarsinnaanngitsoq- Siunnersuut malinnejqanngilaq.

Lumina Sustainable Materials A/S allappoq, najukkaneersut qassit sumiiffimmi ataatsimi ingerlatassanik suliaqarsinnaanerannut amerlanerpaaffiliilluni siunnersuummi aalajangersaasoqanngitsoq, tamannalu peqqinnissamut, isumannaallisaanermut, avatangiisini sunniinernut, nunap sannaata innarligassaannginneranut il.il. tunngatillugu suliffeqarfimmut annertuumik aarlerinaateqartussaasoq.

Siullertut taamatut killiliisoqassappat akuersissutinut aalajangersaariaaseqarnissaq pisariaqartussaavoq, tassami taamaassappat kikkut sumiiffinnukarsinnaassanersut aalajangiisoqartariaqalissammat. Aammattaaq tamanna allaffissornikkut oqimaatsuuusussaavoq, tassami nunarput tamakkerlugu sumiiffit ilaannut annikinnerusunut aggulunneqartussanngussammat. Pissutsit marluusut taakkua tamarmik siunnersuutip siunertaanut akerliupput.

Peqqinnissamut, isumannaallisaanermut avatangiisinullu tunngatillugu, inuit qassit sumiiffimmi suliffeqarfiup soqutigisaqarfigisaani angalaaqqusaanersut killeqanngilaq. Najukkameersut siunnersuut malillugu ingerlatassanik suliaqartut, allanit sumiiffimmi angalaartunit, annertunerusumik aarlerinaateqartussaanngillat.

Avatangiisinut sunniinernut nunallu sannaata innarligassaannginneranut tunngatillugu, avatangiisit allanngutsaaliornissaannut maleruagassat nalinginnaasut isiginiarneqassasut siunnersuummi § 10, imm. 1-imi erseqqissarneqarpoq. Akuersisummit peqarani ingerlatassanut suliarineqartussanut tunngatillugu killiliineq siunnersuummi § 6, imm. 2-mi ilanngunneqarpoq, taanna malillugu sullut isaariaannik imaluunniit itersalianik, nappaarissunik imaluunniit nallaarissunik, nunamut sanilliullugu uittorlugu 1 meterinit

itinerusunik pilersitsisoqaqqusaanani.

Lumina Sustainable Materials A/S allappoq, aalajangersimasumik najugaqartut ingerlataanni ingerlatseqatigiiffiit ingerlataat akornusersorneqannginnersut qanoq nalilersorneqartassanersoq, siunnersuummi ersarissumik allassimanngitsoq.

Tusarniaanermut akissuteqaat siunnersuutip allanngortinneqarneranik kinguneqarpoq. Siunnersuummi § 10, imm. 3-mi aalajangersagaq ilanngunneqarpoq, taanna malillugu aalajangersimasumik najugaqartut aamma aalajangersimasumik najugaqartuunngitsut, siunnersuut malillugu ingerlatassanik suliaqartut, ingerlatat aatsitassarsiorluni misissuinissamut akuersissut malillugu ingerlanneqartut, ataqqisussaallugit. Aammattaaq ingerlatassat ataqqineqartussat tassaasut ingerlatassat Naalakkersuisunit akuerineqarsimasut, aalajangersakkamut nassuaatini erseqqissarneqarpoq.

Najukkameersut ingerlatseqatigiiffiup isumannaallisaanermut malittareqquaannik Naalakkersuisut qanoq qulakkeerinnissinnaanersut, Lumina Sustainable Materials A/S-ip apeqqutigaa.

Aalajangersimasumik najugaqartut aamma aalajangersimasumik najugaqartuunngitsut siunnersuut malillugu ingerlatassanik suliaqartut, aammalu sumiiffinni aatsitassarsiorluni ingerlatassanik suliaqarfiusuni angalaartut, ingerlatseqatigiiffiup isumannaallisaanermut malittareqquaasa malinnissaannik, inuit sumiiffimmi angalaartut allat assigalugit, pisussaaffeqarput.

Lumina Sustainable Materials A/S allappoq, aatsitassarsiorfimmi tunisassiorneq ingerlasoq suliaralugu, aammalu najukkaneersut takornariarlu amerlanerusut sumiiffimmut akuersissuteqarfigisaminnut angalaartalissappata, isumannaallisaanermi aarlerinartorsiornulerunissaq takusinnaallugu.

Aalajangersimasumik najugaqartut aamma aalajangersimasumik najugaqartuunngitsut sumiiffinni piiaanissamut akuersissummi pineqartunut ilaatinneqartuni siunnersuut malillugu ingerlatassanik suliaqaqqusaanngillat, takuuk siunnersuummi §§ 10, imm. 1, nr. 2 aamma 11, imm. 4, nr. 2.

Lumina Sustainable Materials A/S allappoq, siunnersuut naammattumik ersarissuusoq isumaqarnatik, aammalu tamatuma malitsigisaanik Naalakkersuisut nammineq isumartik malillugu aalajangiisinnaasut.

Naalakkersuisut taamatut isumaqarneq isumaqatiginngilaat.

Lumina Sustainable Materials A/S allappoq, siunnersuutip malitsigisaanik taarsiissutitalimmik piginnikkunnaarsitsinissaq apeqqutaalersinnaasoq.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguiteqaritsinermik kinguneqarput.

Aalajangersimasumik najugaqartut aamma aalajangersimasumik najugaqartuunngitsut sumiiffinni aatsitassarsiorluni misissuinissamut akuersissummi pineqartunut ilaasuni ingerlatassai pillugit siunnersuummi aalajangersakkat, sumiiffinni aatsitassarsiorluni misissuinissamut akuersissummi siunnersuutip atuutilernissaa sioqqullugu tunniunneqarsimasumi atuutissanngillat. Sumiiffinni taakkunani kisermaassisussaatitaaneq taamaalilluni maannamut pisartutut aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq.

Lumina Sustainable Materials A/S-ip siunnersuutigaa, "Small-scaler"-ip aamma ingerlatseqatigiiffiup akornanni "social contract" isumaqatigiissutigineqarsinnaalluni ilusiliamik suliaqartoqassasoq. Taamatut isumaqatigiissuteqartoqarsinnaanani pisoqarnissaannut naammagittaalliortarfiliortoqassasoq.

"Social contract" qanoq isumaqartinneqarnersoq aammalu "small-scaler" sunut tunngassuteqarnersoq paasinanngilaq, kisianni isumaqatigiissutip qanoq taagorneqarnera apeqquaatinngagu, pisinnaatitsissummik pigisaqartoq isumaqatigiissutinik, inatsisinik unioqqutitsinngitsunik, isumaqatigiissuteqarnissamut kiffaanngissuseqarpoq.

Naammagittaalliortarfik pillugu apeqqummut tunngatillugu, naammagittaalliortarfik sumiiffimmi kisermaassisussaatitaalluni akuersissummi pineqartunut ilaasumi ingerlatassanik suliaqarnissamut akuersissummik pisinnaatitsissummik pigisaqartunut allanut tunniussinissaq pillugu aalajangiisinnaassappat, tamanna ajoquisiisorujussuusinnaavoq. Siunnersuut malinneqanngilaq.

Lumina Sustainable Materials A/S-ip siunnersuutigaa, akuersissut tusarniaassutigineqalerpat annikitsumik aatsitassarsiornissamut pisinnaatitsissummik pigisaqartut sumiiffimmut soqtiginninnertik paasitissinnaassagaat.

Siunnersuut malillugu pisinnaatitsissummik pigisaqartut, allatuulli, aatsitassanut tunngasunik suliaqarneq pillugu Inatsisartut inatsisaat malillugu akuersissutinik tunniussinermut atatillugu tamanut ammasumik tusarniaanerup nalaani, tusarniaanermut akissuteqaammik nassiussisinnaapput.

Aqqartartut suliffeqarfiat MASIK

Aqqartartut suliffeqarfiata MASIK isertortukkut akunnermiliuttutut suliaqarnissaq isumanerluutigalugu oqaatigaa, aammalu suliaqarneq siunnersuummi pineqartunut ilaasoq tamarmi inunnit Kalaallit Nunaanni aalajangersimasumik najugaqartunit aammalu tamakkiisumik akileraartussaatitaasunit, ingerlanneqartussanngorlugu siunnersuutip

ilusilersorneqarnissaa siunnersuutigalugu.

Suliaqarneq siunnersuummi pineqartunut ilaasoq tamarmik inunnit Kalaallit Nunaanni aalajangersimasumik najugaqartunit tamakkiisumillu akileraartussaatitaasunit ingerlanneqassasoq pillugu eqartumik piumasaqaateqarnermi, aatsitassarsiorfissanik ineriartortitsinissamut kigaalaquusersuinertut isikkoqarsinnaavoq. Ilaatigut Kalaallit Nunaanni sulisussaaleqisoqarsinnaavoq, ilaatigullu pisariaqartunik paasisimasalinnik Kalaallit Nunaanniittoqanngissinnaavoq, assersuutigalugu aatsitassat misissugassat akuttungitsumik nunani allani misissoqqissaarneqartussanngorlugit nassiunneqartarput. Siunnersuut malinneqanngilaq.

Oqaatigineqassaaq Naalakkersuisut siunnersuut malillugu akuersissutinut akuersissuteqarnernullu atugassarititaasunik aalajangersaasinnaammata, ilangullugu najukkaneersunik/nunap immikkoortuineersunik sulisoqarnissaq pillugu.

Aqqartartut suliffeqarfiat MASIK isumaqarpoq siunnersuummi § 5, imm. 2-mi 250.000 koruuninik aningaasartaliilluni killiliineq appasippallaartoq.

Aatsitassanut tunngasunik suliaqarneq pillugu Inatsisartut inatsisaat malillugu akuersissummik piumasaqaateqalinnginnermi, najukkani aatsitassanut tunngasunik suliaqarnissamut kisermaassisussaatitaalluni akuersissutip ataani ingerlatassat qanoq annertutigisinnaanersut, kinaassusersiunngitsumik tunngavissarititaasumik atuutsitsinissamut, aningaasanut killiliussaq aalajangersarneqarpoq. Tunngavissarititaasup taassuma toqqarneqarneranut pissutaasut ilagaat, saliisoqarani pisoqartillugu nunap karsiata aningaasartuutinik matussusiisussanngortarnera.

Oqaatigineqassaaq, najukkani aatsitassanut tunngasunik suliaqarnissamut kisermaassisussaatitaalluni akuersissummiit piiaanissamut akuersissummut ikaarsaarnissaq, aatsitassanut tunngasunik suliaqarneq pillugu Inatsisartut inatsisaata akuerineqarnerani oqinnerujussuanngortussaasoq.

Aqqartartut suliffeqarfiat MASIK allappoq, ingerlatassat siunnersuummi § 5-imi aningaasartaliilluni killilikkanitut suliarineqarsinnaasut eqqarsaatigalugit, §§ 23-mi aamma 24-mi uppernarsaasiinissamut piumasaqaatit annertoorujussuusut.

Pilersaarutit §§ 23 aamma 24 malillugit suliarineqartussat, suliassap annertussusaanut annertoqatigiissinneqartussaapput. pilersaarutinut piumasaqaatit suliassani annikinnerusuni killeqartussaapput.

Siunnersuummi §§ 36 ff-imi avatangiisirut piumasaqaatit, inatsisinut atuuttunut sanilliullugu, annertoorujussuarmik sukannernerulersinerusut, Aqqartartut suliffeqarfiate MASIK-ip tikkuarpaa.

Siunnersuut malillugu avatangiisirut piumasaqaatit annertunerpaatigut maannakkut piumasaqaatinut naapertuupput.

Nalik Ventures

Nalik Venturesip tamanna inuiaqatigiinnut pingaarnertigut iluaqutaasinnaappat, najukkami aatsitassanut tunngasunik suliaqarneq ineriertortinnejarsinnaalerlugu suliniutinik ingerlatsisoqarnera aallaaviatigut qujaruppa. Taamaattoq Nalik Ventures isumaqarpoq aatsitassanut ikummatissanullu inatsisip allanngortinneqarnissaa tunuarsimaarfingineqassasoq, tassami tamanna nalorninartorsiortitsilertarmat.

Naalakkersuisut ajornartorsiu ilisimaaraat. Inatsisip allanngortinneqarnera tamatigut nalorninartorsiortitsilertarpoq. Taamaattoq pisumi matumani inatsisip allanngortinnissaa naapertuuttutut isigineqarpoq, tassami aatsitassanut suliassaqarfiup iluani najukkani suliaqartuusut sapinngisamik pitsaanerpaanik atugassaqartinneqarnissaat kissaatigineqarmat.

Aatsitassarsiorluni misissuinissamut akuersissutit tunniunneqareersimasut siunnersuummi maleruagassani nutaani ilaatinneqassanngitsut, Nalik Venturesip inassutigaa.

Tusarniaaffigineqartut arlallit assingusunik siunnersuuteqarput, aammalu tusarniaanermut akissuteqaatit siunnersuummi allanngortitsinernik kinguneqarput. Aalajangersimasumik najugaqartut aamma aalajangersimasumik najugaqartuunngitsut sumiiffinni aatsitassarsiorluni misissuinissamut akuersissummi pineqartunut ilaasuni ingerlatassai pillugit siunnersuummi aalajangersakkat, sumiiffinni aatsitassarsiorluni misissuinissamut akuersissummi siunnersuutip atuutilernissaa sioqqullugu tunniunneqarsimasumi atuutissanngillat. Sumiiffinni taakkunani kisremaassisussaatitaaneq taamaalilluni maannamut pisartutut aalajangiusimaannarneqarpoq, takuuk siunnersuummi § 77, imm. 5-im ikaarsaariarnermi aalajangersagaq.

Nuna Advokaatit

Aatsitassanut Ikummatissanullu Aqutsisoqarfik pillugu aalajangersakkanik siunnersuut imaqanngitsoq, Nuna Advokaatit oqaatigaat, aammalu oqartussat suliarinninnerat Aatsitassanut Ikummatissanullu Aqutsisoqarfimmi imaluunniit tassunga atasumi inissinneqarnissaa kaammattuutigalugu.

Siunnersuut Aatsitassanut Ikummatissanullu Aqutsisoqarfik pillugu aalajangersakkanik imaqanngilaq, tassami Inatsisartut Naalakkersuisullu pillugit Inatsisartut inatsisaanni § 23, imm. 1 naapertorlugu Naalakkersuisut Siulittaasuata susassaqarfiit Naalakkersuisunut ilaasortat akornanni agguaattarmagit.

Aallaaviatigut Aatsitassanut Ikummatissanullu Aqutsisoqarfik aamma Aatsitassanut

Suliassaqarfinnut Avatangiisiniut Aqutsisoqarfik siunnersuut malillugu oqartussat suliarinninnerannik isumaginnittuusussaapput.

Nuna Advokaatit oqaatigaat "najukkami aatsitassanut tunngasunik suliaqarnerup" nassuaassutaa taamaallaat akuersissutit naapertorlugit najukkami aatsitassanut tunngasunik suliaqarnermut tunngatinneqartoq takuneqarsinnaasoq, taamaallunilu siunnersuummi § 6 malillugu akuersissummik peqaratik ingerlatassanik suliaqarneq pineqartunut ilaatinneqarani.

Tamanna ilumoorpooq.

Siunnersuutip aatsitassarsiorluni misissuinissamut akuersissutit malillugit pisinnaatitsisummik pigisaqartut kisermaassisussaatitaanerannut innarliinerusinnaanera, immaqalu aamma taarsiissutitalimmik piginnikkunnaarsitsinertut akuliunnerusinnaanera, isumanerluutigalugu Nuna Advokaatit oqaatigaat. Nuna Advokaatit siunnersuutigaat ikaarsaarnissamut aalajangersakkamik ilanngussisoqassasoq, taanna malillugu sumiiffit aatsitassarsiorluni misissuinissamut akuersissutini atuuttuni pineqartunut ilaasut aatsitassanut ikummatissanullu inatsimmi aalajangersakkanit suli maleruagassiivigneqassallutik.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguuteqartitsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissangillat. Sumiiffinni taakkunani maannamut pisartutut kisermaassisussaatitaaneq aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinneqarpoq, taamaallunni najukkaneersut aatsitassanik aatsitassarsiorluni misissuinissamut akuersissummi pineqartunut ilaatinneqartunik taamaallaat saniatigut tunisassiassatut piiqaqquaallutik, tamannalu siunissami pisinnaatitsisummik pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerinissaaq, takuuk siunnersuummi § 10, imm. 2.

Suleriaaseq atuuttoq malillugu aatsitassarsiorluni misissuinissamut akuersissummi aatsitassat tamarmik ilaatinneqarput, aatsitassat qinngorernik ulorianartunik akullit ikummatissiassallu (uulia gassilu) ilaamatik. Siunissami Naalakkersuisut suleriaaseq allanngortinniarpaat, taamaallunni aallaaviatigut aatsitassarsiorluni misissuinissamut akuersissutini taamaallaat aatsitassat suliffissaqarnermi atorneqartartut ilaatinneqartalissallutik, tassa imaappoq aatsitassat tamarmik, ilaatinneqarrik aatsitassat qinngorernik ulorianartunik akullit, ikummatissiassat, ujaqqat pinnersaasiassat aammalu aatsitassat katersugaatigineqartartut erseqqinnerusumik aalajangerneqartut ilai.

Suliami pineqartut arlallit sumiiffiup akuersissuteqarfiusup ataatsip iluani ingerlatassanik

suliaqartussaatillugit, pisinnaatitaaffiit unammilleqatigiittut pillugit aaqqiagiinngittooqalersinnaanera isumanerluutigalugu, Nuna Advokaatit oqaatigaat.

Tusarniaanermut akissuteqaat siunnersuutip allanngortinneqarneranik kinguneqarpoq. Siunnersuummi § 7, imm. 3-mi aalajangersagaq ilanngunneqarpoq, aalajangersimasumik najugaqartut § 7, imm. 1 malillugu ingerlatassanik suliaqartut, taamaaliornerminni sumiiffimmi ingerlatassat suliarineqarfianni pisinnaatitaaffeqalersinnaanngitsut, tassani erseqqissarneqarluni.

Inunnut isumannaallisaanermut avatangiisinilu ajoqsiinernut tunngatillugu akisussaaffiit ajornartorsiutaalernissaannut, tamatumalu malitsigisaanik taarsiinissamut akisussaaffeqarneq pillugu aaqqiagiinngissuteqalernissamut tunngatillugu isumanerluuteqarluni Nuna Advokaatit oqaatigaat, aammalu aatsitassarsiorfiutileqatigiiffiit aamma najukkaneersut aatsitassanut tunngasunik suliaqarnerisa akornanni isumannaallisaanermi ungasissusissat, najukkaneersut ingerlataminnut atatillugu aatsitassarsiorfiutileqatigiiffiit isumannaallisaanermut malittarisassiaasa malinnissaannik pisussaaffeqarnerat, saliinissamut pisussaaffeqarneq il.il. pillugit maleruagassanik ersarissunik aalajangersaasoqassasoq, siunnersuutigalugu.

Inuit siunnersuut malillugu ingerlatassaminnik suliaqartut, aatsitassarsiorfiutileqatigiiffiup isumannaallisaanermut malittarisassiaannik malinninnissamut, sumiiffimmi angalaartut allat assigalugit, pisussaaffeqarput. Akisussaaffeqarneq pillugu suliassaasinnaasut taarsiinissamut akisussaaffeqarneq pillugu maleruagassat nalinginnaasut malillugit aalajangiiffigineqartussaapput. Siunnersuut malinnejqanngilaq.

Nuna Advokaatit siunnersuutigaat, isumaqatigiissummut ilusiliamic suliaqartoqassasoq, imaluunniit taamaanngippat inunnut sumiiffimmi akuersissuteqarfiusumi ingerlatassanik suliaqartunut nalunaarsuinissamik pisussaaffeqarneq/nalunaarutiginninnissamut pisussaaffeqarneq, atuutilersinneqalissasoq.

Kalaallit Nunaanni isumaqatigiissuteqarnissamut kiffaanngissuseqarneq atuuppoq, aammalu najukkaneersut pisinnaatitsissummillu pigisaqartut akornanni isumaqatigiissuteqarsinnaanerup akuliuffiginissaa Naalakkersuisut suliassarinngilaat.

Nalunaarsuinissamik pisussaaffeqarnermut/nalunaarutiginninnissamut pisussaaffeqarnermut tunngatillugu, suliassaqarfimmi ammanerulersinissaq maleruagassiinnginnerulernissarlu, siunnersuummi siunertaasut pingarnerit ilagigaat, Naalakkersuisut oqaatigaat. Kiisalu sumiiffimmi allat angalaarnerinik nalunaarsuisoqarnissaa piumasaqaatigineqanngitsoq. Siunnersuut malinnejqanngilaq.

Siunnersuummi § 14, imm. 4 malillugu pisinnaatitsissumvik pigisaqartoq qaammatisiutit malillugit ukiut tamaasa akuersissutinik 5-inik tunineqarsinnaasoq pillugu Nuna Advokaatit erseqqissaaqqusippit.

Inatsimmi § 14, imm. 4 innersuussutigineqarpoq, "Pisinnaatitsisumik pigisaqartoq piffissami akuersissuteqarfiusumi tamarmi qaammatisiutit malillugit ukiumi ataatsimi akuersissutit 5-it angullugit tunineqarsinnaavoq. Kinaluunniit ataatsikkut ingerlatseqatigiiffinni pisinnaatitsisumik pigisaqartuusuni 5-init amerlanerusuni aalajangiisuumik sunniuteqarsinnaanngilaq." Allassimavoq "tunineqarsimasinnaavoq" imaanngitsoq "tunineqarsinnaavoq". Taamaalilluni pisinnaatitsisumik pigisaqartoq ataatsikkut akuersissutini 5-init amerlanerusuni pisinnaatitsisumik pigisaqartuusinnaanngilaq.

Pisinnaatitsisumik pigisaqartup piffissami akuersissuteqarfingeqaqqaartumi akuersissut aammalu akuersissut malillugu ingerlatassat pillugit pisussaaffit tamaasa naammassisimappatigit aammalu aatsitassanik piaanissaq imaluunniit niuerutigalugit ingerlatassat allat pillugit ingerlatassat suliaralugit "aallartissimappat", pisinnaatitsisumik pigisaqartoq siunnersuummi § 15, imm. 3 malillugu piffissap akuersissuteqarfiusup sivitsorneqarnissaanut pisinnaatitaasoq, Nuna Advokaatit tikkuarpaat. Niuerutigalugit ingerlatassat allat assersuutigalugu tassaasinnaapput aatsitassarsiortitsilluni takornariartitsineq pillugu ingerlatassat. Ingerlatassap aallartissimanissa pillugu piumasaqaat aalajangersakkami ersarluttorujussuarmik nassuiarneqarpoq, ilangullugu aalajangersakkap naammassineqarnissaanut suut piumasaqaataanersut appasinnerpaaffissaa, taamaalillunilu "nunaminertamik inniminniinissap" aarlerinaateqarnera annertuujuvoq, tassani allat sumiiffimmi aatsitassarsiortutik ingerlataqarnissaat (amma najukkaneersut allat) mattunneqassalluni.

Najukkami aatsitassanut tunngasunik suliaqarnissamut kisermaassisussaatitaalluni akuersissutip sivitsorneqarnerani ingerlatassanut piumasarineqartunut piumasaqaatit, aatsitassanut ikummatisanullu inatsit malillugu kisermaassisussaatitaalluni annikitsumik aatsitassarsiornissamut akuersissutit sivitsorneqarneranni suleriaaseq atuuttoq malillugu pisartut assigisussaavaat.

Pisinnaatitsisumik pigisaqartup saliinissamut iluarseqqinnissamullu pisussaaffeqarnera pillugu siunnersuummi § 27, imm. 1 aammalu avatangiisini ajoqsiinernut akisussaaffeqarneq pillugu siunnersuummi § 65, imm. 1-imu aalajangersagaq, aalajangersimasumik najugaqartunut akuersissumik peqaratik ingerlatassanik suliaqartunut atuutinngitsoq, Nuna Advokaatit tikkuarpaat, aammalu isumaqarluni taakkua assingusunik pisussaaffilerneqartariaqaraluartut.

Tusarniaaffigineqartut arlallit avatangiisinit pinngortitamullu ajoqsiinissat isumanerluutigalugit oqaatigaat, taamaattumik avatangiisinit innarlitsaaliuinissamut maleruagassat nalinginnaasut malinneqarnissaat pillugu piumasaqaat erseqqissarneqarpoq, takuuk siunnersuummi § 6, imm. 1.

Nuna Advokaatit siunnersuutigaat, aatsitassanik suliaqarnermut inatsimmut aamma aatsitassanut ikummatissanullu inatsimmut naapertuuttumik akuersissutit aamma akuersissuteqarnerit allamut tunniunneqartarnerat pillugu siunnersummi § 58, imm. 1, toqqaannartumik aamma toqqaannanngitsumik allanut tunniussinernut atuutissasoq.

Tusarniaanermut akissuteqaat siunnersuutip allannortinneqarneranik kinguneqarpoq. Siunnersummi § 58, imm. 1, aatsitassanut tunngasunik suliaqarneq pillugu Inatsisartut inatsisaanni § 69-imut naapertuuttunngortinneqarpoq.

Nuna Advokaatit taarsiissutitalimmik piginnikkunnaarsitsisarneq pillugu siunnersummi § 60, imm. 1 erseqqissaappaat.

Tusarniaanermut akissuteqaat aalajangersakkamut nassuaatini allannortitsinermik kinguneqarpoq. Oqaaseq "pigisaq" annertunerusumik erseqqissarneqanngilaq, tassami oqaaseq taanna atituumik paasillugu paasineqartussaamat, tunngaviusumik inatsimmut aamma taarsiissutitalimmik piginnikkunnaarsitsisarneq pillugu Inatsisartut inatsisaannut naapertuuttumik. Taamaattoq erseqqissarneqarpoq, taarsiissutitalimmik piginnikkunnaarsitsineq siunnersuut malillugu pisinnaatitsisumik pigisaqartunut iluaqutaasumik, taamaallaat siunnersuut malillugu ingerlanneqarsinnaasoq.

Nuna Advokaatit allapput, taarsiinissamut akisussaaffeqarneq aamma sillimmasiisussaatitaaneq/qularnaveeqqusiiisarneq pillugit § 62, imm. 1-imi aamma 3-mi siunnersummi aalajangersakkat, aamma aalajangersimasumik najugaqartunut siunnersummi § 7 malillugu akuersissummik peqaratik ingerlatassanik suliaqartunut atuuttariaqaraluartut.

Aalajangersimasumik najugaqartut allallu siunnersuut malillugu akuersissummik peqaratik ingerlatassanik suliaqartut, tamatumunnga maleruagassat nalinginnaasut malillugit taarsiinissamut akisussaaffeqartussaapput sillimmasiisussaatitaasussaallutillu. § 7 malillugu ingerlatassanik suliaqarnissamut akuersissummik imaluunniit akuersissuteqarnissamik piumasaqaateqartoqanngimmatt, ingerlatassat taakkua suliarineqarnerannut atatillugu qularnaveeqqusiiissaq piumasaqaatigineqarsinnaasussaanngilaq.

Palle Møller

Palle Møllerip annikitsumik aatsitassarsiornissamut pisinnaatitsisumik pigisaqartut aatsitassanut ikummatissanullu inatsimmi suliassaqarfimmi maleruagassanik isornartorsiuinerat tusaaniarneqarsimamat aallaaviatigut qujamasuutigaa, kisianni taamaattoq siunnersummi § 20, imm. 3, aatsitassanik aalajangersimasunik tuniniaaneq imaluunniit annissineq, aatsitassat nalilerneqariinngippata ingerlanneqaqqaanngitsut, pillugu aalajangersakkanik erseqqinnerusunik aalajangersaanissamut Naalakkersuisunut inatsimmi tunngavissiisoq, apeqquserlugu.

Naalakkersuisut tuniniaalinnginnermi aatsitassanik nalilersuinissaq nalinginnaasumik piumasaqaatiginianngikkaat, siunnersummi nutaaliornerit ilagilluinnarpaat. Assersuutigalugu diamantinik nalunaarsuinissaq pillugu nunani tamalaani isumaqatigiissutit malillugit piumasaqaatit naammassineqarsinnaanissaat qulakteerniarlugu aalajangersagaq ilanngunneqarpoq.

Resource 500 aamma Resource 500 Fevti

Resource 500 aamma Resource 500 Fevti najukkani aatsitassanik soqtigisaqarnerup tapersorsorneqarnissaa pillugu siunnersummi siunertaq aallaaviatigut tapersorsorpaa, kisianni siunnersuut saqqummiunneqartoq akerleralugu. Ingerlatseqatigiiffit isumaqarput, ingerlatseqatigiiffit nunani tamalaani misilittagaat aallaavigalugit, siunnersuut ajornartorsiutinik arlalippassuarnik pilersitsisinnaavoq aammalu isumaqatigiinnginnernik arlalinnik malitseqarsinnaasoq.

Ingerlatseqatigiiffit oqaatigisai arlallit tunngavilersorneqanngillat, aammalu nunani nalinginnaasumik sanilliuttakkatsinni ajornartorsiutit ernumagineqartut ajornartorsiutaanerat ilisimasaqarfiginagu.

Resource 500 aamma Resource 500 Fevti isumaqanngillat aalajangersimasumik najugaqartunut ukiuni 2-ni atassuteqarsimanissamut piumasaqaat naammattoq. Isumaqarput inuit sumiiffimmi akuersissuteqarfiusumi imaluunniit eqqaani, ingerlatassanik suliaqarnissamik kissaateqarfigisaminni, najugaqarnissaat piumasaqaatigineqassasoq.

Innuttaasut tamarmik aatsitassanik piiaanissamut naligiimmik periarfissaqarnissaat Naalakkersuisut kissaatigaat. Siunnersuut malinneqanngilaq. Taamaattoq ukiunik marlunnik atassuteqarsimanissamut piumasaqaat ukiunut 5-inut qaffanneqarpoq, takuuk siunnersummi § 5, imm. 3.

Resource 500 aamma Resource 500 Fevti siunnersuutigaat siunnersuut malillugu ingerlatassat tamarmik akuersissut tunngavigalugu suliarineqassasut, inuit siunnersuut malillugu ingerlatassanik suliaqarnissamik kissaateqartut misilitsittarnissaat atuutilersinneqalissasoq kiisalu inunnit siunnersuut malillugu ingerlatassanik suliaqartunit annertuunik nalunaarusiortarnissat piumasaqaatigineqassasoq.

Siunnersummi siunertaasut pingarnerit ilaat tassaavoq, inuit ataasiakkaat aatsitassanik katersinissamut piiaanissamullu periarfissaqarnerisa ammanerulersinneqarnissaa pisariinnerulersinneqarnissaalu. Siunnersuut malinneqanngilaq.

Resource 500 aamma Resource 500 Fevti aatsitassat suut aalajangersimasumik najugaqartut piiarsinnaaneraat erseqqissaanissaq ujartorpaat.

Aalajangersimasumik najugaqartut aatsitassanik piiaanissamut periarfissaqarneranni

aallaaviatigut aatsitassat tamarmik pineqartunut ilaatinneqarput, aatsitassat qinngorernik ulorianartunik akullit ilaamatik, takuuk siunnersummi § 6, imm. 2. Aammattaaq aatsitassarsiorluni misissuinissamut akuersissutit malillugit pisinnaatitsissummik pigisaqartut kisermassisusaaitaanerisa qulakeernissaa siunertaralugu siunnersummi § 10, imm. 2-mi aalajangersagaq ilangunneqarpoq, taanna malillugu aalajangersimasumik najugaqartut taamaallaat aatsitassanik aatsitassarsiorluni misissuinissamut akuersissutini pineqartunut ilaasunik saniatigut tunisassiassatut piiqaqqusaallutik.

Resource 500 aamma Resource 500 Fevti sakkut tigummiaannartakkat suut atoqquaanersut erseqqissaanissaq ujartorpaat.

Aalajangersimasumik najugaqartut tamatumunnga akuersissummik piumasaqaateqartoqarani, sakkunik siunnersummi § 7, imm. 1-imut nassuaatini nassuiarneqartunik, atueqquaapput. Oqaatigineqassaaq Naalakkersuisut siunnersummi § 12, imm. 2 naapertorlugu sakkut suut atoqquaanersut pillugu aalajangersakkanik erseqqinnerusunik aalajangersaasinnaammata.

Aatsitassanik piianermut itinerpaaffissamik annertunerpaaffissamillu, putuliat matoornissaannik nunallu sannaanut paasissutissanik nalunaarsuinissamut pisussaaffeqarnermik Resource 500 aamma Resource 500 Fevti ujartuippuit.

Itinerpaaffissaq annertunerpaaffissarlu pillugit apeqqummut tunngatillugu, tusarniaaffigineqartut arlallit akuersissummik peqarani ingerlatassat annertussusaat pillugu isumanerluuteqarlutik oqaatigaat, aammalu tusarniaanermut akissuteqaatit siunnersummi allanngortisinermik kinguneqarput. Taamaalilluni siunnersummi § 7, imm. 2-mi aalajangersagaq ilangunneqarpoq, taanna malillugu najukkaneersut akuersissummik peqaratik ingerlatassanik suliaqartut, nunamut sanilliullugu uittorlugu 1 meterinit itinerusunik sullut isaariaannik itersalianillu pilersitseqquaanatik.

Putuliat matoornissaannut pisussaaffeqarnissamut tunngatillugu, tusarniaaffigineqartut arlallit avatangiisini pinngortitamilu ajoqsiinissaq isumanerluutigalugu oqaatigaat. Taamaattumik avatangiisink allanngutsaaliuinermut maleruagassat nalinginnaasut malinneqarnissaat pillugu piumasaqaat erseqqissarneqarpoq, takuuk siunnersummi § 6, imm. 1.

Nunap sannaanut paasissutissanik nalunaarsuisarnissamut tunngatillugu, siunnersummi siunertaasut pingaarcerit ilaat tassaavoq, inuit ataasiakkaat aatsitassanik katersinissamut piianissamullu periarfissaqarnerisa ammanerulersinneqarnissaa pisariinnerulersinneqarnissaalu. Siunnersuut malinneqanngilaq.

Aalajangersimasumik najugaqartut, sumiiffimmi aalajangersimasumi ingerlatassanik suliaqarsinnaasut, amerlassusaannik killiliinissaq Resource 500 aamma Resource 500 Fevti

ujartorpaat.

Siullertut taamatut killiliisoqassappat akuersissutinut aalajangersaariaaseqarnissaq pisariaqartussaavoq, tassami taamaassappat kikkut sumiiffinnukarsinnaassanersut aalajangiisoqartariaqalissammat. Aammattaaq tamanna allaffissornikkut oqimaatsusussaavoq, tassami nunarput tamakkerlugu sumiiffiit ilaannut annikinnerusunut agkulunneqartussanngussammat. Pissutsit marluusut taakkua tamarmik siunnersuutip siunertaanut akerliupput.

Resource 500 aamma Resource 500 Fevti isumaqarput siunnersuummi § 8, imm. 2, nr. 1 naapertorlugu aalajangersimasumik najugaqartuunngitsut akuersissuteqarfingineqaratik anniseqqusaasaannut 1 kg-nik killiliineq ersarinngitsoq, tassami aatsitassat assigiinngitsut assigiinngissuteqarmata.

Aalajangersimasumik najugaqartuunngitsut annissinissaannut tunngavissalimmik killiliiniarluni 1 kg-nik killiliineq toqqarneqarpoq.

SIK

Qinnuteqartunik sioqqanik milluaanissamut angallatinik nunani allani nalunaarsorsimasunik atuiniartunik, atortussiassanut akuersissutinik qinnuteqartut akornannitoqassasoq SIK-ip ilimagaa, tamannalu unammilleqatiginnermik equtitsisussaavoq.

Siunnersuummi umiarsuarnik nalunaarsuisarneq isummerfigineqanngilaq. Apeqquut taanna inatsisini allani maleruagassiivigineqartussaavoq.

Transparency International Greenland

Transparency International Greenland siunnersuummi peqquserluttarneq pillugu aalajangersakkanik maqaasisaqarpoq.

Peqquserluttarneq pillugu aalajangersakkat nalinginnaasumik atuuttariaqaraluuarput, taamaattumillu inatsimmi allami ataatsimut isigalugu oqartussat suliarinninnerannut tamarmut tunngassuteqartumiittariaqaraluarluni.

Transparency International Greenlandip oqaatigaa, siunnersuummi § 1, imm. 3 naapertorlugu oqartussat suliarinninnerat 'ataatsimoortuulluni akuutitsiviusariaqartoq'. Taamaattoq allagaatinik takunninnissamik qinnuteqarnerit oqartussat akuusut ilaannut ingerlatinneqarsinnaassasut Transparency International Greenlandip naatsorsuutigaa.

Allagaatinik takunninnissaq pillugu qinnuteqarnerit oqartussat akuusut arlaannut suli ingerlatinneqarsinnaasussaapput.

Transparency International Greenland isumaqarpoq nunani tamalaani tunngaviusut

akuerisaasut, siunnersuummi § 35, imm. 2-mi innersuussutigineqartut, iluaqutaasumik eqqaaneqarsinnaasut.

Nunani tamalaani tunngaviusut akuerisaasut oqaasiuvoq ineriaartortuartoq, piffissap ingerlanerani allanngoriartortartoq. Taamaattumik erseqqinnerusumik maleruagassiineq nalunaarutitut ilusilimmi isumagineqassappat pitsaanerusussaavoq.

Nalunaarusiat siunnersuummi § 50, imm. 1 malillugu suliarineqartut, (VFT-imut nassuaatit, avatangiisirut tunngasut pillugit nassuaatit annikinnerusut), tamanut ammasumik saqqummiunneqartassanersut aammalu nalunaarusiat taakkua ingerlaavartumik nutarterneqartassanersut, Transparency International Greenlandip apeqqutigaa.

Nassuaat pillugu tamanut ammasumik tusarniaaneq pillugu aalajangersakkanik aalajangersaasoqarsimappat, VFT-imut nassuaatit tamanut ammasumik saqqummiunneqartussaapput. VFT-imut nassuaatit, ingerlatassanut qinnuteqaatiniaataasiakkaani tamaginni akuerineqartartussaapput.

Kinaassutsiminnik isertuussillutik tusarniaanermi peqataasut

Aalajangersimasumik najugaqartut nalitoorujussuit sumiiffimmit aatsitassarsiorluni misissuinissamut akuersissummi pineqartunut ilaasumit peersinnaagaat, tusarniaanermi peqataasup kinaassutsiminik isertuussisup tikkarpaa.

Najukkaneersut akuersissummik peqaratik ingerlatassanik suliaqarnerannut killiliinerit siunnersuummi § 7, imm. 2-mi ilanngunneqarput. Siunnersuut allanngortinneqarpoq, taamaalillutik najukkaneersut taamaallaat aatsitassanik aatsitassarsiorluni misissuinissamut akuersissutini pineqartunut ilaasunik saniatigut tunisassiassatut piiaaqquaallutik, takuuk siunnersuummi § 10, imm. 2.

Atortut tigummiaannartakkat suut atoqqusaanersut erseqqissarneqarnissaa, tusarniaanermi peqataasup kinaassutsiminik isertuussisup ujartorpaa.

Aalajangersimasumik najugaqartut tamatumunnga akuersissummik piumasaqaateqartoqarani, assersuutigalugu sakkunik siunnersuummi § 7, imm. 1-imut nassuaatini nassuiarneqartunik, atueqqusaapput. Oqaatigineqassaaq Naalakkersuisut siunnersuummi § 12, imm. 2 naapertorlugu sakkut suut atoqqusaanersut pillugu aalajangersakkanik erseqqinnerusunik aalajangersaasinnaammata.

Avatangiisini nunamilu ajoquisiinernut akisussaaffik pisinnaatitsisummiq pigisaqartup aammalu inuit akuersissummik peqaratik ingerlatassanik suliaqartut akornanni qanoq agguarneqarnersoq, tusarniaanermi peqataasut kinaassutsiminnik isertuussisut marluk apeqqutigaat.

Nunami ajoqusiinernut akisussaaffik tamanna pillugu maleruagassat nalinginnaasut malillugit aalajangerneqassaaq.

Tusarniaanermi peqataasut kinaassutsiminik isertuussisut marluk aatsitassarsiorluni misissuinissamut akuersissutit kisermaassisussaatitaanertut inisisimanerat isumanerluutigalugu oqaatigaat, aammalu taarsiissutitalimmik piginnikkunnaarsitsineq tassani pineqarsinnaasoq tikkuarlugu.

Tusarniaaffigineqartut arlallit assingusumik isumanerluuteqarput, aammalu tusarniaanermut akissuteqaatit siunnersuummi allannguiteqaritsinermik kinguneqarput. Ilaatigut sumiiffinni aatsitassarsiorluni misissuinissamut akuersissutini pineqartunut ilaasuni najukkaneersut ingerlatassat pillugit siunnersuummi aalajangersakkat, sumiiffinni siunnersuutip atuutilinnginnerani aatsitassarsiorluni misissuinissamut akuersissummi pineqartunut ilaasuni, atuutissangillat. Sumiiffinni taakkunani maannamut pisartutut kisermaassisussaatitaaneq aalajangiusimaannarneqarpoq, takuuk siunnersuummi § 77, imm. 5-imi ikaarsaariarnermi aalajangersagaq. Ilaatigut siunnersuut allanngortinneqarpoq, taamaalilluni najukkaneersut aatsitassanik aatsitassarsiorluni misissuinissamut akuersissummi pineqartunut ilaatinneqartunik taamaallaat saniatigut tunisassiassatut piiqaqusaallutik, tamannalu siunissami pisinnaatitsisummik pigisaqartut aatsitassanut akuersissummi pineqartunut ilaasunut kisermaassisussaatitaallutik pisinnaatitaaffeqarnerinik qulakkeerinissaaq, takuuk siunnersuummi § 10, imm. 2.

Suleriaaseq atuuttoq malillugu aatsitassarsiorluni misissuinissamut akuersissummi aatsitassat tamarmik ilaatinneqarput, aatsitassat qinngornernik ulorianartunik akullit ikummatissiassallu (uulia gassilu) ilaanatik. Siunissami Naalakkersuisut suleriaaseq allanngortinniarpaat, taamaalilluni aallaaviatigut aatsitassarsiorluni misissuinissamut akuersissutini taamaallaat aatsitassat suliffissaqarnermi atorneqartartut ilaatinneqartalissallutik, tassa imaappoq aatsitassat tamarmik, ilaatinneqaratik aatsitassat qinngornernik ulorianartunik akullit, ikummatissiassat, ujaqqat pinnersaasiassat aammalu aatsitassat katersugaatigineqartartut erseqqinnerusumik aalajangerneqartut ilai.

Pisinnaatitsisummik pigisaqartut aamma aalajangersimasumik najugaqartut ingerlataat kattunneqarsinnaanngippata, qanoq inisisimasoqassanersoq, tusarniaanermi peqataasut kinaassutsiminnik isertuussisut marluk apeqqutigaat.

Tusarniaaffigineqartut arlallit taamatut pisoqarnissaa pillugu isumanerluuteqarlutik oqaatigaat, aammalu tusarniaanermut akissuteqaatit siunnersuummi allanngortsinermik kinguneqarput. Taamaalilluni siunnersuummi § 10, imm. 3-mi aalajangersagaq ilanngunneqarpoq, taanna malillugu sumiiffinni aatsitassanut tunngasunik suliaqarneq pillugu Inatsisartut inatsisaat malillugu aatsitassarsiorluni misissuinissamut akuersissummi pineqartunut ilaasuni §§ 7 aamma 8 malillugit katersineq piiaanerlu, ingerlatat aatsitassarsiorluni misissuinissamut akuersissut malillugu suliarineqartut ataqqillugit,

suliarineqartussaallutik.

Aalajangersimasumik najugaqartut sumiiffinni akuersissuteqarfiusuni ingerlatassanik suliaqartut, pisinnaatitsisummik pigisaqartumit akuersissuteqarfingineqassasut pillugu siunnersummik tusarniaanermi peqataasoq kinaassutsiminik isertuussisoq saqqummiussivoq.

Ilaatigut aalajangersimasumik najugaqartut akuersissummik peqaratik ingerlataat annikitsuinnasussaapput, ilaatigullu taakkua pisinnaatitsisummik pigisaqartup ingerlatai ataqqisussaavaat. Tamatuma saniatigut innuttaasut tamarmik naligiimmik periarfissaqarnissaat Naalakkersuisut pingaartittorujussuuat. Siunnersuut malinneqanngilaq.

Aalajangersimasumik najugaqartut, sumiiffimmi aalajangersimasumi ingerlatassanik suliaqarsinnaasut amerlassusissaannut tunngatillugu isumanerluuteqarluni tusarniaanermi peqataasup kinaassutsiminik isertuussisup oqaatigaa.

Inuit sumiiffimmi aalajangersimasumi ingerlatassanik suliaqaqquaasut amerlassusissaannik killiliisoqassappat nalunaarsuisarnissaq pisariaqartussaavoq, aammalu oqartussat inuillu siunnersuut malillugu ingerlatassanik suliaqarnissamik kissaateqartut allaffissornikkut isumalluutinik annertuunik atuisariaqartussaallutik. Siunnersuut malinneqanngilaq.

Tusarniaanermi peqataasoq kinaassutsiminik isertuussisoq allappoq, siunnersuut akuutissanik uumaatsunik atuineq pillugu aalajangersakkanik imaqartariaqaraluartoq, aammalu najukkaneersut sumiiffinnut aatsitassarsiorfiusunukarsinnaannginnissaat akuerineqassasoq.

Aalajangersimasumik najugaqartut akuersissummik peqaratik ingerlatassaat taamaallaat atortut tigummiaannartakkat atorlugit suliareqqusaapput. Taamaalilluni akuersissummik peqarani akuutissat uumaatsut atornissaat inerteqquataavoq. Siunnersuummi § 10, imm. 2-mi allassimavoq, sumiiffinni aatsitassanut tunngasunik suliaqarneq pillugu Inatsisartut inatsisaat malillugu piiaanissamut akuersissutini pineqartunut ilaasuni siunnersuut malillugu ingerlatassanik suliaqartoqaqquaanngitsoq.

Aalajangersimasumik najugaqartut siunnersuut malillugu atortussiassanik maaniinnarmiittunik, aammalu qaarsumi manngertumiinngitsoq, taamaallaat ingerlatassanik suliaqartoqaqquaasoq, tusarniaanermi peqataasup kinaassutsiminik isertuussisup naatsorsuutigaa.

Tamanna kukkulluni naatsorsuutiginninneruvoq. Aalajangersimasumik najugaqartut ingerlatassaat atortussiassanut maaniinnarmiittunut killeqartinnejanngillat.

Siunnersuummi IFC-imi aamma ESG-imi malitassanut tunngatillugu nalornilersitsisoqarnissaa isumanerluutigalugu tusarniaanermi peqataasup kinaassutsiminik

isertuussisup oqaatigaa.

Siunnersuut, allannguutit allanngortinneqartut atuutsillugit, pisinnaatitsissummit pigisaqartuni IFC-imi aamma ESG-imi malitassanut tunngasuni sunniisoqarnissaa, takuneqarsinnaanngilaq.

Sumiiffimmi, piaanissamut suliassami suliakkiussanut najoqqutassap akuerineqarneraniit, ingerlatassanik suliaqartoqaqqusaannngitsoq pillugu aalajangersakkamik ilangussisoqassasoq, tusarniaanermi peqataasup siunnersuutigaa.

Tusarniaanermut akissuteqaat siunnersuummi allanngortitsinermik kinguneqarpoq, aammalu siunnersuummi aalajangersimasumik najugaqartut akuersissummik peqaratik aammalu aalajangersimasumik najugaqartuunngitsut, sumiiffinni suliakkiissutinut najoqqutassap tamanut ammasumik tusarniaassutigalugu nassiunneqareernerani, aatsitassanut tunngasunik suliaqarneq pillugu Inatsisartut inatsisaanni § 44 malillugu suliakkiissutinut najoqqutassami pineqartunut ilaasuni ingerlatassanik suliaqaqqusaannngitsut pillugu siunnersuummi §§ 10, imm. 1, nr. 3-mi aamma 11, imm. 4, nr. 3-mi aalajangersakkat ilanngunneqarlutik.

Allannguutit matuma siuliani taaneqartut saniatigut tamanut ammasumik tusarniaareernerup kingorna, nunatsinni aatsitassanit isumalluutit innuttaasunut iluaqutaanissaat qulakteerniarlugu, inuit qaammatinik pingasunit sivikinnerusumik nunatsinniissimasut, tamanna aalajangersimasumik najugalimmit aaqqissuunneqartumik ilitsersuisoqarluni angalaarnermi peqataanerup nalaani pisimanngippat, aatsitassanik katersinissaasa piaanissaasalu inerteqqutigineqarnera, kiisalu inuit taakkua aatsitassanik annissinissamik kissaateqarpata, avammut annissinissamut akuersissummik peqarnissaq imaluunniit aatsitassat aalajangersimasumik najugalimmit pisiarineqarsimasut upternarsaateqarnissaq, pillugu piumasaqaat ilanngunneqarpoq. Tamatumunnga takuuk siunnersuummi § 9, imm. 1-3.

Aammattaaq aatsitassat ilisimatusarnermik siunertalimmik katersorneqarsimasut, avammut annissinissamut akuersissuteqarfingineqarani anninneqarsinnaasut, pillugu aalajangersagaq ilanngunneqarpoq. Tamatumunnga takuuk siunnersuummi § 9, imm. 4.